

M. Tullii Ciceronis

ORATIONUM

SELECTARUM

L I B E R.

Editus in usum Scholarum
Hollandiæ & West-Frisiæ.

EX DECRETO

Illustriss, D.D. Ordinum ejusdem Provinciæ.



A7 a

L O N D I N I :

Typis *T. Hodgkin*, pro *R. Scot*, *T. Bassett*,
R. Chiswel, *M. Wotton*, & *G. Conyers*. 1686.

REVOLUTION

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

THE REVOLUTION OF 1789

871
C7i.X
1686

~~od esse supponitur quod beneq. audire~~
~~ut obit: qd. ad~~
A D

LECTOREM.

IN hac novâ orationum Cice-
ronis selectione, quæ Man-
dato illustriss. D. D. Ordini
facta est, idem præstitimus,
Benevole Lector, quod in Epi-
stolis; nempe, ut, perlustratis
diligenter omnibus, eas excerpe-
remus, quarum lectio juventuti
plurimum esset profutura, sive ob
formularum elegantiam, sive ob
rerum sententiarumque momenta,
sive denique ob oratorii artificii
applicationem. Quum verò eos,
qui in epistolis supradictis initiati
sunt,

A 2

999312

Jones 1 My 39

Engle H. E. Baldwin / Feb 38 / Horwau = 1686 ad.

*sunt, in eloquentia patris Orati-
onibus planè perpetuòque esse ho-
spites, inconueniens sit : ideo ha-
rum usus ut cum illarum conjun-
geretur in ditionis hujus scholis,
meritò fuit consultum.*

ORATIO

ORATIO I.

Quæ est pro

Anlo Licinio Archia Poeta.

Argumentum.

Syllanus & Carbo legem tulerant, ut ii Cives Romani haberentur, qui adscripti essent fœderatis civitatibus, & domicilium in Italia tum, cum lex ferebatur, habuissent, ac intra 60 dies apud Prætorem professi essent. Hac lege adductus Gracchus quidam, Archiam Poetam in judicio accusavit, quod in urbe se pro Cive gereret, cum non esset Civis. Negavit enim Archiam adscriptum esse fœderatis civitatibus, & tempore legis latae à Syllano & Carbone in Italia domicilium habuisse, ac apud Prætorem professum esse. Cicero cum unicè diligeret Poetam, hac Oratione ipsum in magna frequentia & concursu hominum literatorum, defendit. Ac primum comprobat Archiam legitimum civem esse, cum Heraeleæ & aliis civitatibus adscriptus sit, & tum, cum lex ferebatur, domicilium in Italia habuerit, ac denique apud Prætorem professus sit. Deinde, cum causa per se tenuis sit, digreditur in locum communem de studiis literarum, ac in laudationem Archiæ: quibus persuadet judicibus, Archiam, etiamsi non esset civis, cum sit, tamen propter eruditionem & merita erga populum Romanum, in urbem adsciscendum esse. Et quia in publico judicio novum & ineptum vide-

batur laudare studia literarum, ac personam, excusat se Cicerō in exordio, quod novum dicendi genus in forum adferat, alienum à consuetudine iudiciorum. Genus orationis iudiciale est: Status verò conjecturalis, an Archias sit civis. Hoc confirmat à testibus, & objecta dissolvit.

Siquid est in me ingenii, iudices, quod sentio quàm sit exiguum; aut si qua exercitatio dicendi, in qua me non inficior mediocriter esse versatum; aut si huiusce rei ratio aliqua ab optimarum artium studiis & disciplina profecta, à qua ego nullum confiteor pretis meae tempus abhorruisse: earum rerum omnium vel imprimis hic A. Licinius fructum à me repetere prope suo iure debet. Nam quoad longissimè potest mens mea respicere spaciū praeiteriti temporis, & pueritiae memoriam recordari ultimam, inde usque repetens, hunc video mihi principem & ad suscipiendam & ad ingrediendam rationem horum studiorum extitisse. Quod si haec vox, huius hortati praeceptisque conformata, nonnullis aliquando saluti fuit, à quo id accepimus quo ceteris opitulari & alios servare possemus, huic profectò ipsi, quantum est situm in nobis, & opem & salutem ferre debemus. Ac nè quis à nobis hoc ita dici forte mireretur, quod alia quaedam in hoc facultas sit ingenii, neque haec dicendi ratio aut disciplina: nè nos quidem huic cuncti studio penitus unquam dediti fuimus. Etenim omnes artes, quae ad humanitatem pertinent, habent quoddam commune vinculum; & quasi cognatione quadam inter se continentur. Sed nè cui vestrum mirum esse videatur, me in quaestione legitima, & in judi-

judicio publico, cùm res agatur apud prætorem
populi Romani lectissimum virum, & apud seve-
rissimos judices, tanto conventu hominum, ac
frequentia, hoc uti genere dicendi, quod non
5 modo à consuetudine judiciorum, verùm etiam à
forensi sermone abhorreat: quæso à vobis, ut in
hac causa mihi detis hanc veniam, accommoda-
tam huic reo, vobis, quemadmodum spero, non
molestam, ut me pro summo poeta, atque eru-
10 ditissimo homine dicentem, hoc concursu ho-
minum literatissimorum, hac vestra humanitate,
hoc denique Prætoris exercentis judicium, pa-
tiamini de studiis humanitatis ac literarum paulò
loqui liberius: & in ejusmodi persona, quæ
15 propter otium ac studium minimè in judiciis pe-
riculisque tractata est, uti propè novo quodam
& inusitato genere dicendi. Quod si mihi à vo-
bis tribui concedique sentiam, perficiam profectò,
ut hunc A. Licinium non modò non segregan-
20 dum, cùm sit civis, à numero civium; verùm
etiam, si non esset, putetis asciscendum fuisse.
Nam ut primùm ex pueris excessit Archias, at-
que ab iis artibus, quibus ætas puerilis ad huma-
nitatem informari solet, se ad scribendi studium
25 contulit. Primùm Antiochiæ (nam ibi natus est,
loco nobili & celebri quondam urbe, & copiosa,
atque eruditissimis hominibus, liberalissimisque
studiis affluenti) celeriter antecellere omnibus
ingenii gloriâ contigit. Post in cæteris Asiæ par-
30 tibus, cunctaque Græciâ; sic ejus adventus cele-
brabatur, ut famam ingenii expectatio hominis;
expectationem, ipsius adventus, admiratiôque,
superarer. Erat Italia tunc plena Græcarum
artium, ac disciplinarum; studiâque hæc & in
35 Latio vehementius tum colebantur, quàm nunc
iisdem in oppidis; & hic Romæ propter ran-
quillitatem

quillitatem reipubl. non negligebantur. Itaque
 hunc, & Tarentini, & Rhegini, & Neapolitani
 civitate cæterisque præmiis donarunt, & omnes,
 qui aliquid de ingeniis poterant judicare, cogni-
 tione atque hospitio dignum existimârunt. Hac
 tantâ celebritate famæ, cùm esset jam absentibus
 notus, Romam venit, Mario consule & Catulo.
 Nactus est primùm consules eos, quorum alter
 ad scribendum maximas, alter cùm res gestas,
 tum etiam studium atque aures adhibere posset. 10
 Statim Luculli, cùm pretextatus etiam tum Ar-
 chias esset, eum domum suam receperunt. Sed
 enim hoc non solum ingenii, ac literarum, verùm
 etiam naturæ, atque virtutis fuit, ut domus, quæ
 hujus adolescentiæ prima fuerit, eadem esset fa- 15
 miliarissima senectuti. Erat temporibus illis ju-
 candus Q. Metello illi Numidico & ejus Pio filio:
 audiebatur à M. Aemilio; vivebat cum Q. Ca-
 tulo, & patre, & filio: à L. Crasso colebatur:
 Lucullos verò, & Drusum & Octavios, & Cato- 20
 nem, & totam Hortensiorum domum devinctam
 consuetudine cùm teneret, afficiebatur summo
 honore, quòd eum non solum colebant, qui ali-
 quid percipere aut audire studebant, verùm e-
 tiam, siqui fortè simulabant. Interim satis longo 25
 intervallo, cùm esset cum L. Lucullo in Ciliciam
 profectus, & cùm ex ea Provincia cum eodem
 Lucullo decederet, venit Heracleam. Quæ cùm
 esset civitas æquissimo jure, ac fœdere, ascribi se
 in eam civitatem voluit: idque cùm ipse per se 30
 dignus putaretur; tum auctoritate & gratiâ Lu-
 culli ab Heracliensibus impetravit. Data est ci-
 vitas Syllani lege & Carbonis, Si qui fœderatis ci-
 vitatibus adscripti fuissent, si tum, cùm lex fere-
 batur, in Italia domicilium habuissent, & si sex- 35
 aginta diebus apud Prætorem essent professi. Cùm
 hic

hic domicilium Romæ multos jam annos haberet ;
 professus est apud Prætorem Q. Metellum familia-
 rissimum futurum. Si nihil aliud, nisi de civitate ac
 lege, dicimus, nihil dico amplius : cassa dicta
 5 est. Quid enim horum infirmari, Gracche, po-
 test ? Heracleæne esse eum ascriptum negabis ?
 adest vir summa auctoritate, & religione, & fide,
 L. Lucullus, qui se non opinari, sed scire, non
 audisse, sed vidisse, non interfuisse, sed egisse
 10 dicit. Adsunt Heraclienses legati, nobilissimi
 homines, qui hujus judicii causâ, cum mandatis,
 & cum publico testimonio venerunt ; qui hunc
 ascriptum Heracliensem dicunt. Hic tu tabulas
 desideras Heracliensium publicas, quas Italico
 15 bello, incenso tabulario, interiisse scimus omnes.
 Et ridiculum, ad ea quæ habemus, nihil dicere.
 quærere quæ habere non possumus, & de ho-
 minum memoria tacere, literarum memoriam
 flagitare : & cum habeas amplissimi viri religio-
 20 nem, integerrimi municipii jusjurandum, fidem-
 que, ea, quæ depravari nullo modo possunt, re-
 pudiare ; tabulas, quas idem dicis solere cor-
 rumpi, desiderare. An domicilium Romæ non
 habuit, is, qui, tot annis ante civitatem datam,
 25 sedem omnium rerum ac fortunarum suarum
 Romæ collocavit ? At non est professus ? immo
 verò iis tabulis professus, quæ solæ ex illa pro-
 fessione, collegioque Prætorum, obtinent pub-
 licarum tabularum auctoritatem. Nam eum
 30 Appii tabulæ negligentius asservatæ dicerentur,
 Gabinii, quamdiu incolumis fuit, levitas, post
 damnationem calamitas, omnem tabularum fidem
 resignasset, Metellus, homo sanctissimus, mo-
 destissimusque omnium, tantâ diligentia fuit, ut
 35 ad L. Lentulum Prætorem, & ad judices venerit,
 & unius nominis liturâ se commotum esse dixerit.

His igitur tabulis nullam lituram in nomen A. Licinii videtis. Quæ cum ita sint, quid est, quod de ejus civitate dubitetis? præsertim cum aliis quæque in civitatibus fuerit ascriptus. Etenim cum mediocribus multis, & aut nullâ, aut humili aliquâ arte præditis gratuito civitatem in Græcia homines impertiebantur; Rheginos, credo, aut Locrenses, aut Neapolitanos, aut Tarentinos, quod scenicis artificibus largiri solebant, id huic summâ ingenii prædito gloriâ noluisse? quid? cum cæteri non modo post civitatem datam, sed etiam post legem. Papiam, aliquo modo in eorum municipiorum tabulas irrepserunt: hic, qui nec utitur quidem illis, in quibus est scriptus, quod semper se Heracliensem esse voluit, rejicietur? Census nostros requiris scilicet. Est enim obscurum proximis censoribus, hunc cum clarissimo imperatore L. Lucullo apud exercitum fuisse superioribus, cum eodem quæstore fuisse in Asia: primis Julio & Crasso; nullam populi partem esse censam. Sed quoniam census non jus civitatis confirmat, ac tantummodo indicat, eum, qui sit census, ita se jam tum gessisse pro cive, iis temporibus, quæ tu criminariis nè ipsius quidem judicium in civium Rom. jure esse versatum: & testamentum sæpe fecit nostris legibus, & adiit hæreditates civium Rom. & in beneficiis ad ærarium delatus est à L. Lucullo Prætor & Consule. Quære argumenta si qua potes: nunquam enim hic neque suo, neque amicorum judicio revincetur. Quæres à nobis Gracche, cur tantopere hoc homine delectemur; quia suppeditat nobis, ubi & animus ex hoc forensi strepitu reficiatur, & aures convitio defesse conquiescant. An tu existimas, aut suppetere nobis posse, quod quotidie dicamus in tanta
varis-

varietate rerum, nisi animos nostros doctrinâ excolamus, aut ferre animos tantam posse contentionem, nisi eos doctrinâ eandem relaxemus? Ego verò fateor, me his studiis esse deditum: cæteros pudeat, si qui ita se literis abdiderunt, ut nihil possint ex his neque ad communem asferre fundum, neque in aspectum lucemque proferre. Me autem quid pudeat? qui tot annos ita vivo, iudices, ut ab illis nullo me unquam tempore, aut
10 commodum, aut otium meum obstruxerit, aut voluptas avocârit, aut denique somnus retardârit. Quare quis tandem me reprehendat, aut quis mihi jure succenseat, si, quantum cæteris ad suas res obeundas, quantum ad festos dies ludorum celebrandos, quantum ad alias voluptates, & ad
15 ipsam requiem animi & corporis conceditur temporis, quantum alii tribuunt intempestivis conviviis, quantum denique alex, quantum pilæ, tantum mihi egomet ad hæc studia recolenda
20 sumpsero? Atque hoc adeò mihi concedendum est magis, quod ex his studiis hæc quoque crescit oratio & facultas: quæ quantacunque in me est, nunquam amicorum periculis defuit. Quæ si cui levior videtur; illa quidem certè, quæ summa
25 sunt, ex quo fonte hauriam, sentio. Nam nisi multorum præceptis multisque literis mihi ab adolescentia suavissem, nihil esse in vita magnopere expetendum, nisi laudem, atque honestatem; in ea autem prosequenda omnes cruciatus
30 corporis, omnia pericula mortis atque exilii, parvi esse ducenda, nunquam me pro salute vestra in tot & tantas dimicationes, atque in hos profligatorum hominum quotidianos impetus objecissem. Sed pleni omnes sunt libri, plenæ sapi-
35 entium voces, plena exemplorum vetustas; quæ jacerent in tenebris omnia, nisi literarum
lumen

lumen accederet. Quàm multas nobis imagines,
 non solum ad intuendum, verum etiam ad imi-
 randum, fortissimorum virorum expressas, scrip-
 tores, & Græci, & Latini reliquerunt? quas
 ego mihi semper in administranda repub. propo-
 nens, animum & mentem meam ipsâ cogitatione
 hominum excellentium conformabam. Quæret
 quispiam: Quid? illi ipsi summi viri,
 quorum virtutes literis proditæ sunt, istâne
 doctrinâ, quam tu laudibus effers, eruditi fue-
 runt? Difficile est hoc de omnibus confirmare;
 sed tamen est certum, quid respondeam. Ego
 multos homines excellenti animo ac virtute fuisse,
 & sine doctrina, naturæ ipsius habitu prope di-
 vino, per seipsos, & moderatos, & graves extitisse
 fateor: etiam illud adjungo, sæpius ad laudem
 atque virtutem, naturam sine doctrina, quàm sine
 natura valuisse doctrinam. Atque idem ego con-
 tendo, cum ad naturam eximiam atque illu-
 stre accesserit ratio quædam confirmatioque
 doctrinæ; tum illud nescio quid præclarum ac
 singulare solere existere: ex hoc esse hunc nu-
 mero, quem patres nostri viderunt, divinum ho-
 minem Africanum; ex hoc C. Lælium, L. Furi-
 um, modestissimos homines, & continentissimos;
 ex hoc fortissimum virum, & illis temporibus do-
 ctissimum, M. Catonem illum senem: qui profe-
 ctò, si nihil ad percipiendam colendamque vir-
 tutem literis adjuvarentur, nunquam se ad earum
 studium contulissent. Quòd si non hic tantus
 fructus ostenderetur, & si ex his studiis dele-
 ctatio sola peteretur: tamen, ut opinor, hanc
 animi remissionem humanissimam ac liberalissi-
 mam judicaretis. Nam cæteræ neque tempo-
 rum sunt, neque ætatum omnium, neque loco-
 rum. *Hæc studia adolescentiam alunt, senectutem
 oblectant,*

PRO ARCHIA POETA.

5 *delectant, secundas res ornant, adversis perfugium
 ac solatium præbent; delectant domi, non impedi-
 unt foris: pernoctant nobiscum, peregrinantur, ru-
 stificantur. Quod si ipsi hæc neque attingere, ne-
 que sensu nostro gustare possemus; tamen ea mi-
 rari deberemus, etiam cum in aliis videremus.*
 Quis nostrum tam animo agresti ac duro fuit, ut
 Roscii morte nuper non commoveretur? qui cum
 esset senex mortuus; tamen propter excellentem
 10 *artem, ac venustatem, videbatur omnino mori
 non debuisse. Ergo ille corporis motu tantum
 amorem sibi conciliarat à nobis omnibus: nos
 animorum incredibiles motus celeritatemque in-
 geniorum negligemus? Quoties ego hunc Ar-
 15 *chiam vidi, iudices (utar enim vestra benigni-
 tate: quoniam me in hoc novo genere dicendi
 tam diligenter attenditis) quoties ego hunc vidi,
 cum litteram scripsisset nullam, magnum numerum
 optimorum versuum de his ipsis rebus, quæ tum
 20 *agerentur, dicere ex tempore! quoties revoca-
 tum eandem rem dicere commutatis verbis atque
 sententiis! quæ verò accuratè cogitatæque scrip-
 sisset, ea sic vidi probari, ut ad veterum scrip-
 torum laudem pervenirent. Hunc ego non dili-
 25 *gam? non admirer? non omni oratione defen-
 dendum putem? Atqui sic à summis hominibus
 eruditissimisque accepimus, cæterarum rerum
 studia, & doctrinâ, & præceptis, & arte consta-
 re; poetam natura ipsa valere, & mentis viribus
 30 *excitari, & quasi divino quodam spiritu afflari.*
 Quare suo jure noster ille Ennius sanctos appel-
 lat poetas, quod quasi deorum aliquo dono at-
 que munere commendati nobis esse videantur.
 Sit igitur, iudices, sanctum apud vos humanis-
 35 *simos homines hoc poetæ nomen, quod nulla un-
 quam barbaria violavit. Saxa & solitudines voce
 respon-*****

respondent, bestiaæ saepe immanes cantu fleſcun-
tur atque conſiſtunt: nos inſtituti rebus optimis
non poetarum voce moveamur? Homerum Colo-
phonii civem eſſe dicunt ſuum, Chii ſuum ven-
dicant, Salamini repetunt, Smyrnæi verò ſuum
eſſe confirmant: itaque etiam delubrum ejus in
oppido dedicaverunt: perimulti alii præterea
pugnant inter ſe, atque contendunt. Ergò illi
alienum, qui poeta fuit, poſt mortem etiam ex-
petunt: nos hunc vivum, qui & voluntate & le- 10
gibus noſter eſt, repudiabimus? præſertim, cùm
omne olim ſtudium, atque omne ingenium, con-
tulerit Archiaſad pop. Rom. gloriam laudẽque
celebrandam. Nam & Cimbricas res adoleſcens
attigit, & ipſi illi C. Mario, qui durior ad hæc 15
ſtudia videbatur, jucundus fuit. *Neque enim quiſ-*
quam eſt tam averſus à muſis, qui non mandari ver-
ſibus æternum ſuorum laborum faciẽ præconium pa-
tatur. Themistoclem illum, ſummum Athenis
virum, dixiſſe aiunt, cùm ex eo quæreretur, quod 20
acroama, aut cujus vocem lubentiſſimè audiret?
Ejus, à quo ſua virtus optimè prædicaretur. Ita-
que ille Marius item eximie L. Plotium dilexit;
cujus ingenio putabat ea, quæ geſſerat, poſſe ce-
lebrari. Mitridaticum verò bellum magnum, atque 25
difficile, & in multa varietate terrarum marique ver-
ſatum, totum ab hoc expreſſum eſt, qui libri non
modo L. Lucullum, fortiſſimum & clariſſimum
virum, verum etiam populi Rom. nomen illu-
ſtrant. Populus enim Rom. aperuit, Lucullo im- 30
perante, Pontum & regiis quondam opibus, &
ipſa naturâ regionis vallatum: populi Rom. ex-
ercitus, eodem duce, non maximâ manu innu-
merabiles Armeniorum copias fudit: populi Ro-
mani laus eſt, urbem amiciffimam Cyzicenorum, 35
ejuſdem conſilio, ex omni impetu regio, ac toti-

- us belli ore ac faucibus ereptam esse, atque conservatam nostra semper feretur, & prædicabitur. L. Lucullo dimicante cum interfectis duobus de pressa hostium castris, & incredibilis apud Tenedum pugna illa navalis: nostra sunt trophæa, nostra monumenta, nostri triumphus. Quare, quorum ingenis hæc feruntur, ab iis populi Romani fama celebratur. Charus fuit Africano superiori noster Ennius. Itaque etiam in sepulchro Scipionum putatur is esse constitutus e marmore. At iis laudibus certe non solum ipsi, qui laudantur, sed etiam populi Rom. nomen ornatur. Cœlum huius proavus Caro tollitur: magnus honos populi Rom. rebus adiangitur: omnes denique illi Maximi, Marcelli, Fulvii, non sine communi omnium nostrum laude decorantur. Ergo illum, qui hæc fecerat, rudium hominem majores nostri in civitatem receperunt: nos hunc Heracliensem, multis civitatibus expetitur, in hac autem legibus constitutum de nostra civitate ejiciemus? Nam si quis minorem gloriæ fructum putat ex Græcis versibus percipi, quam ex Latinis, vehementer errat: propterea quod Græca leguntur in omnibus fere gentibus; Latina suis finibus, exiguis sanè continentur. Quare, si res hæc, quas gessimus, orbis terræ regionibus definiuntur; cupere debemus, quod minus manuum nostrarum tela pervenerint, eodem gloriam famamque penetrare: quod cum ipsis populis, de quorum rebus scribitur, hæc ampla sunt: tum iis certè, qui de vita, gloriæ causâ dimicant, hoc maximum, & periculorum incitamentum est, & laborum. Quam multos scriptores rerum suarum magnus ille Alexander secum habuisse dicitur? Atque is tamen, cum in Sigæo ad Achillis tumulum adstitisset, O fortunate, inquit, adolescens, qui

qui

qui tuæ virtutis Homerum præconem inveneris ?
 & vere. Nam nisi Ilias extitisset illa; idem tu-
 mulus, qui corpus eius contexerat, nomen etiam
 obruisset. Quid noster hic magnus, qui cum vir-
 tute fortunam adæquavit ? nonne Theophanem
 Mytilenæum scriptorem rerum suarum, in con-
 cione militum, civitate donavit, & nostri illi for-
 tes viri, sed rustici, ac milites, dulcedine qua-
 dam gloriæ commoti, quasi participes ejusdem
 laudis, magno illud clamore approbaverunt ? ira-
 que, credo, si civis Romanus Archias legibus non
 esset ; ut ab aliquo imperatore civitate donare-
 tur, perficere non potuit. Sylla cum Hispanos
 & Gallos donaret, credo, hunc petentem repu-
 diasset. Quem nos in concione vidimus, cum
 ei libellum malus poeta de populo subjecisset,
 quod epigramma in eum fecisset tantummodo
 alternis versibus longiusculis, statim ex iis rebus,
 quas tunc vendebat, jubere ei præmium tribui,
 sub ea conditione nè quid postea scriberet. Qui
 sedulitatem mali poetæ duxerit aliquo tamen
 præmio dignam, hujus ingenium, & virtutem in
 scribendo, & copiam non expetisset ? Quid ? à
 Metello Pio, familiarissimo suo, qui civitate mul-
 tos donavit, neque per se, neque per Lucullos
 impetravisset ? quæ præsertim usque eo de suis
 rebus scribi cuperet, ut etiam Cordubæ natis
 poetis pingue quiddam sonantibus, atque pere-
 grinum, tamen aures suas dederet. Neque est
 hoc dissimulandum, quod obscurari non potest,
 sed præ nobis ferendum : *trahimur omnes laudis*
studio & optimus quisque maxime gloriâ ducitur.
 Ipsi illi Philosophi, etiam in illis libellis, quos
 de contemnenda gloria scribunt, nomen suum in-
 scribunt : in eo ipso, in quo prædicationem no-
 bilitatémque cespiciunt, prædicari se ac nomi-
 nari

- nari volunt. Decimus quidem Burcus, summus ille vir, & imperator, Attii amicissimi sui carminibus templorum ac monumentorum aditus exornavit suorum. Jam vero ille, qui cum Ætolis Ennio comite, bellavit Fulvius, non dubitavit Martis manubias musis consecrare. Quare, in qua urbe imperatores prope armati poetarum nomen & musarum delubra coluerunt, in ea non debent rogati iudices à musarum honore & à poetarum salute abhorrere. Atque ut id libentius faciatis, jam me vobis, iudices, indicabo, & de meo quodam amore gloriæ, nimis acri fortasse, veruntamen honesto, vobis confitebor. Nam quas res nos in consulatu nostro vobiscum simul pro salute hujus urbis atque imperii, & pro vita civium, pròque universa rep. gessimus, attigit hic versibus, atque inchoavit. Quibus auditis, quod mihi magna res & jucunda visa est, hunc ad perficiendum hortatus sum. Nullam enim virtus aliam mercedem laborum periculorumque desiderat, præter hanc laudis & gloriæ: quâ quidem detractâ, iudices, quid est quod in hoc tam exiguo vitæ curriculo, & tam brevi, tantis nos in laboribus exerceamus? certè si nihil animus præsentiret in posterum & si quibus regionibus vitæ spacium circumscriptum est, eisdem omnes cogitationes terminaret suas, nec tantis se laboribus frangeret, neque tot curis, vigiliisque angeretur, nec toties de vita ipsa dimicaret. Nunc infidet quædam in optimo quoque virtus, quæ noctes & dies animum gloriæ stimulis concitat, atque admonet, non cum vitæ tempore esse dimittendam commemorationem nominis nostri; sed cum omni posteritate adequandam.
- 35 An verò tam parvi animi videamur esse omnes, qui in repub. atque in his vitæ periculis laboribusque

busque versamur, ut cum usque ad extremum
 spacium, nullum tranquillum atque otiosum spi-
 ritum duxerimus, vobiscum simul moritura om-
 nia arbitremur? An cum statuas & imagines
 non animorum simulacra, sed corporum, studio
 se multi summi homines reliquerunt: consili-
 orum relinquere, ac virtutumstrarum effigi-
 em nome multo malle debemus, summis ingeniis
 expressam, & politam? Ego vero omnia, quæ
 gerebam, jam tum in gerendo spargere me ac
 disseminare arbitrabar in orbis terræ memoriam
 sempiternam. Hæc vero sive à meo sensu post
 mortem absutura sunt; sive ut sapientissimi ho-
 mines putaverunt, ad aliquam animi mei par-
 tem pertinebunt, nunc quidem certè cogitati-
 one quadam spèque delector. Quare conserva-
 te, iudices, hominem pudore eo, quem amico-
 rum studiis videtis comprobari, tum dignitate,
 tum etiam venustate; ingenio autem tanto, quan-
 tum id convenit existimari, quod summorum
 hominum ingeniis expetiturum esse videatis; cau-
 sa vero ejusmodi, quæ beneficio legis, auctori-
 tate municipii, testimonio Luculli, tabulis Me-
 telli comprobetur. Quæ cum ita sint, petimus
 à vobis, iudices, si qua non modo humana, ve-
 rum etiam divina in tantis negotiis commenda-
 tio debet esse; ut eum, qui vos, qui vestros
 imperatores, qui populi Romani res gestas sem-
 per ornavit, qui etiam his recentibus nostris
 vestrisque domesticis periculis æternum se testi-
 monium laudum daturum esse profiteretur, quique
 est eo numero, qui semper apud omnes sancti
 sunt haberi atque dicti, sic in vestram accipiatis
 fidem, ut humanitate vestra levatus potius, quam
 acerbitate violatus esse videatur: Qua de causa,
 pro mea consuetudine, breviter simpliciterque
 dixi,

dixi, iudices, ea confido probata esse omnibus :
quæ non fori, neque judiciali consuetudine,
& de hominis ingenio, & communiter de ip-
sius studio locurus sum, ea, iudices, à vobis
spero esse in bonam partem accepta : ab eo,
qui iudicium exercet, certò scio.

ORATIO II.

Qua est pro

M. MARCELLO.

Ant. Luschii Argumentum.

M. Marcellus civis Romanus, amplissimus atque
clarissimus in dissensione civili fuit cum Pom-
peio, quemadmodum & Cicero cum multis aliis
Senatoribus, civibusque Rom. Confecto autem bel-
lo, Cæsar victor multos ex inimicis suis, fau-
toribusque Pompeii, in patriam restituit, & ad
pristinam dignitatem, inter quos Ciceronem,
& postmodum deprecante senatu, populoque Rom.
restituit, & Marcellum, & ad patriam & ad
pristinam dignitatem, non obstante quòd Mar-
cellus Cæsarem offendisset, & quòd Cæsar ad-
huc suspicari se diceret de voluntate Marcelli,
tamen illa sua notissima benignitate suæ pri-
vatae voluntati, publicam anteposuit voluntatem,
unde hanc Cicero orationem agit ad Cæsarem,
quæ ipsam de sua illa humanitate divino prope-
re commendat : ostendens eum esse per suam ele-
mentiam

mentiam in restitutione Marcelli summam, atque
 immortalē gloriam consecutum. Deinde
 ostendit multis rationibus non debere Cæsarem
 de aliquo suspicari, & tamen eum rogat, ut
 pro salute publica vitam suam custodiat, sine
 qua nec possit dignitas reipub. nec restitui, nec
 servari.

Duturni silentii, P. C. quo eram his tem-
 poribus usus, non timore aliquo, sed par- 10
 tim dolore, partim verecundiâ, finem
 hodiernus dies attulit, idēque initium, quæ
 vellem, quæque sentirem, meo pristino more di-
 cendi. Tantam enim mansuetudinem, tam in-
 usitatam inaudiamque clementiam, tantum in 15
 summa potestate rerum omnium modum, tam
 denique incredibilem sapientiam, ac penè divi-
 nam, tacitus nullo modo præterire possum. M.
 enim Marcello vobis P. C. reique pub. red-
 dito non solum illius, sed meam etiam vocem, 20
 & auctoritatem, & vobis, & reipub. conservatam
 ac restitutam puto. Dolebam enim, P. C. ac
 vehementer angebar, cum viderem virum talem,
 qui in eadem causa, in qua ego, fuisset, non in
 eadem esse fortunâ: nec mihi persuadere pote- 25
 ram, nec fas esse ducebam, versari me in vestro
 veteri curriculo, illo æmulo atque imitatore stu-
 diorum ac laborum theorum, quasi quodam socio
 à me & comite distracto. Ergo & mihi meæ
 pristinæ vitæ consuetudinem, C. Cæsar, inter- 30
 clusam aperuisti; & his omnibus, ad bene de
 omni repub. sperandum, quasi signum aliquod
 sustulisti. Intellectum est enim mihi quidem in
 multis, & maxime in me ipso, sed paulò antè
 omnibus, cum M. Marcellum Senatui populoque 35
 Rom. & reipub. concessisti, commemoratis præ-
 fertim

fertim offensionibus, te auctoritatem hujus or-
 dinis, dignitatēque reipub. tuis vel doloribus
 vel suspicionibus anteferre. Ille quidem fructum
 omnibus antea vitæ hodierno die maximum
 cepit, cum summo consensu Senatus, tum præ-
 terea judicio tuo gravissimo & maximo. Ex
 quo profecto intelligis, quanta in dato beneficio
 sit laus, cum in accepto tanta sit gloria. Est
 verè fortunatus ille, cujus ex salute non minor
 penè ad omnes, quàm ad illum ventura sit, lætitia
 pervenerit. Quod ei quidem meritò, atque op-
 timo jure contigit. Quis enim est illo aut nobi-
 litate, aut probitate, aut optimarum artium
 studio, innocentia, aut ullo genere laudis præ-
 stantior? Nullius tantum est flumen ingenii,
 nulla dicendi, aut scribendi, tanta vis, tantæque
 copia, quæ non dicam exornare, sed enarrare,
 C. Cæsar, res tuas gestas possit: tamen hoc
 affirmo, & hoc pace dicam tuâ; nullam in his
 esse laudem ampliorem, quàm eam, quam ho-
 dierno die consecutus es. Soleo sæpe ante o-
 culos ponere, idque libenter crebris usurpare
 sermonibus, omnes nostrorum imperatorum,
 omnes exterarum gentium, potentissimorumque
 populorum, omnes clarissimorum regum res
 gestas, cum tuis nec contentionum magnitudine,
 nec numero præliorum, nec varietate regionum,
 nec celeritate conficiendi, nec dissimilitudine
 bellorum posse conferri: nec verò disjunctissi-
 mas terras citius cujusquam passibus potuisse pe-
 ragrari, quàm tuis non dicam cursibus, sed
 victoriis illustratæ sunt. Quæ quidem ego nisi
 ita magna esse fatear, ut ea vix cujusquam mens
 aut cogitatio capere possit, amens sim: sed ta-
 men sunt alia majora. Nam bellicas laudes
 solent quidam extenuare verbis, easque detrahere-
 ducibus,

-ducibus, communicare cum militibus, ne propriæ
 sibi impetatorum, & certè in armis, militum vir-
 tutes, locorum opportunitas, auxilia sociorum, classes,
 commentus, mulotum iuvant; maximam verò
 -partem quasi suo jure Fortuna sibi vindicat, &
 quidquid est prospere gestum, id penè omne
 adducit suum. At verò hujus gloriæ, C. Cæsar,
 quam es paulò ante adeptus, socium habes ne-
 minem: totum hoc, quantumcumque est, quod
 certè maximum est, totum est, inquam, tuum. Nihil
 tibi ex istâ laude centurio, nihil præfectus, nihil
 cohors, nihil turma decerpit. Quin etiam illa
 ipsa rerum humanarum domina fortuna in istius
 se societatem gloriæ non offert, tibi cedit, tuam
 esse totam & propriam fatetur. Nunquam enim
 temeritas cum sapientia commiscetur, nec ad
 consilium casus admittitur. Domuisti gentes
 immanitate barbaras, multitudine innumerabiles,
 locis infinitas; omni copiarum genere abundan-
 tes: sed tamen ea viciisti, quæ & naturam, &
 conditionem, ut vinci possent, habeant. Nulla
 est enim tanta vis, tanta copia, quæ non ferro ac
 viribus debilitari frangique possit. Verùm ani-
 mum vincere, iracundiam cohibere, victoriam
 temperare, adversarium nobilitate, ingenio, vir-
 tute præstantem non modò extollere jacentem,
 sed etiam amplificare ejus pristinam dignitatem;
 hæc qui faciat, non ego cum summis viris
 comparo, sed simillimum deo judico. Itaque, C.
 Cæsar, bellicæ tuæ laudès celebrabuntur illæ
 quidem non solum nostris, sed penè omnium
 gentium literis atque linguis, neque ulla unquam
 ætas de tuis laudibus conticescet. Sed tamen e-
 jusmodi res, nescio quomodo, etiam, dum au-
 diuntur, aut dum leguntur, obstrepi clamore
 militum videntur, & tubarum sono. At verò,
 cum

cum aliquid clementer, mansuete, iuste, mode-
 ratè, sapienter factum, in iracundia præsertim,
 quæ est inimica consilio, & in victoria, quæ
 naturâ insolens & superba est, aut audimus, aut le-
 5 gimus: quo studio incendimur, non modo in ge-
 stis rebus, sed etiam in fictis; ut eos sæpe, quos
 nunquam vidimus, diligamus. Te verò, quem præ-
 sentem intuemur, cujus mentem, sensusque, & os
 cernimus, ut, quidquid belli fortuna reliquum
 10 reip. fecerit, id esse saluum velis, quibus laudi-
 bus efferemus? quibus studiis prosequemur?
 quâ benevolentia complectemur? parietes, me-
 dius fidius C. Cæsar, ut mihi videtur, huius curæ
 tibi gratias agere gestiunt, quod brevi tempore
 15 futura sit illa auctoritas in his majorum suorum,
 & suis sedibus. Ecquidem, cum C. Marcelli, viri
 optimi, & commemorabili pietate ac virtute præ-
 diti, lachrymas modo vobiscum viderem, omnium
 Marcellorum meum pectus memoria effodit:
 20 quibus tu etiam mortuis, M. Marcello conser-
 vato, dignitatem suam reddidisti, nobilissimam-
 que familiam, jam ad paucos redactam, penè ab
 interitu vindicasti. Hunc tu igitur diem tuis
 maximis & innumerabilibus gratulationibus iure
 25 antepones. Hæc enim res unius est propria Cæ-
 saris: cæteræ, duce te, gesta, magnæ illæ quidem,
 sed tamen multo magnoque comitatu. Huius
 autem rei tu idem es & dux, & comes, quæ
 quidem tanta est, ut trophæis monumentisque tuis
 30 non ulla unquam allatura sit finem ætas. Nihil
 enim est opere aut manu factum, quod aliquan-
 do non conficiat & consumat vetustas. At verò
 hæc tua iustitia & lenitas animi florescet quotidie
 magis, ita, ut quantum operibus tuis diuturnitas
 35 detrahet, tantum asserat laudibus. Et cæteros
 quidem omnes victores bellorum civilium jam
 antè

antè æquitate & misericordiâ viceras, hodierno
verò die teipsum vicisti. Vereor, ut hoc, quod
dicam, non perinde intelligi auditu possit, atque
ego ipse cogitans sentio. Ipsam victoriam vi-
cisse videris, cùm ea ipsa, quæ illa erat adepta, 5
victis remisisti. Nam cùm ipsius victoriæ condi-
tione jure omnes victi occidissemus, clementiæ
tuæ judicio conservati sumus. Rectè igitur unus
in victus es, à quo etiam ipse victoriæ conditio
visque devicta est. Atque hoc C. Cæsaris judi- 10
cium, P. C. quàm latè pateat, attendite. Omnes
enim, qui ad illa arma fato sumus nescio quo
reipub. misero funestoque compulsi, etsi aliqua
culpa tenemur erroris humani, à scelere certè
liberati sumus. Nam, cùm M. Marcellum, de- 15
precantibus vobis, reipub. conservavit; memet
mihi, & item reip. nullo deprecante, reliquos
amplissimos viros, & sibi ipsis, & patriæ reddi-
dit: quorum & frequentiam & dignitatem hoc
ipso in confesso videtis; Non ille hostes induxit 20
in curiam, sed judicavit, à plerisque ignoratione
potius, & falso atque inani metu, quàm cupidita-
te, aut crudelitate civile bellum esse susceptum.
Quo quidem in bello semper de pace agendum
audiendumque esse putavi; semperque dolui, 25
non modò pacem, sed orationem etiam civium
pacem afflagitantium repudiari. Neque enim
ego illa, nec ulla unquam secutus sum arma ci-
vilia, semperque mea consilia pacis, & rogæ socia,
non belli atque armorum fuerunt. Hominem sum 30
secutus privato officio, non publico: tantumque
apud me grati animi fidelis memoria valuit, ut
nullo modo cupiditate, sed nè spe quidem,
prudens, & sciens tanquam ad interitum ruerem
voluntarium. Quod quidem meum consilium 35
minimè obscurum fuit. Nam & hoc ordine, in-
tegrâ

regre, multa de pace dixi, & in ipso bello eadem etiam cum capitis mei periculo sensi. Ex quo nemo erit tam injustus reum aestimator, qui dubites, quæ Cæsaris voluntas de bello fuerit, cum pacis auctores conservandos statim censuerit; cæteris fuerit iratior. Atque id minus mirum videretur fortasse tum, cum esset incertus exitus, & anceps fortuna belli: qui verò victor, pacis auctores diligit, is profecto declarat maluisse se non dimicare quàm vincere. Atque huius quidem rei M. Marcello sum testis. Nostri enim sensus, ut in pace semper, sic tum etiam in bello congrueant. Quoties ego cum, & quando cum dolore vidi, cum insolentiam certorum hominum, tum etiam ipsius victoriæ ferocitatem eximescentem? Quò gravior tua liberalitas, C. Cæsar, nobis, qui illa vidimus, debet esse. Non enim jam causæ sunt inter se, sed victoriæ comparanda. Vidimus tuam victoriam prætorum exitu terminatam: gladium vaginâ vacuum in urbe non vidimus. Quos amisimus cives, eos Martis vis perculit, non ira victoriæ: ut dubitare debeat nemo, quin multos, si fieri posset, C. Cæsar ab inferis excitaret, quoniam, ex eadem acie conservat, quos potest. Alterius verò partis, nihil amplius dicam quàm id, quod omnes verebamus, nimis iracundam futuram fuisse victoriam. Quidam enim non modò armatis, sed interdum etiam otiosis minabantur: nec, quid quisque sensisset, sed, ubi fuisset, cogitandum esse dicebant: ut mihi quidem videantur dii immortales, etiam si poenas à populo Romano ob aliquod delictum perperiverint, qui civile bellum tantum & tam ductuosum excitaverant; vel placati jam, vel etiam satii, aliquando omnem spem salutis ad clementiam victoris & sapientiam contulisse.

contulisse. Quare gaude tuo isto tam excellenti bono, & fruiere cum fortuna & gloria, tum etiam naturâ & moribus tuis: ex quo quidem maximus est fructus iucunditasque sapienti. Cætera cum tua recordaberis, etsi persæpe virtuti, tamen ple-
rumque felicitati tuæ congratulabere: de nobis quos in republ. tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis: quæ non modo
summa bona, sed nimirum audebo vel sola dicere. Tantus est enim splendor in laude verâ, tanta in magnitudine animi & consilii dignitas, ut hæc à virtute donata, cætera à fortuna commodata esse videantur. Noli igitur in confer-
vandis bonis viris defatigari, non cupiditate præsertim aut pravitate aliquâ lapsis, sed opinione officii, stultâ fortasse, certè non improbi, & specie quadam reipub. Non enim tua ulla culpa est, si te aliqui timuerunt: contraque summa
laus, quòd plerique minimè timendum fuisse senserunt.

Nunc verò venio ad gravissimam querelam & atrocissimam suspicionem tuam: quæ non tibi ipsi magis, quàm tum omnibus civibus, tum
maximè nobis, qui à te conservati sumus, providenda est. Quam, etsi spero esse falsam, nunquam tamen verbis extenuabo. Tua enim cautio, nostra cautio est: ut si in alterutro peccandum sit, malim videri nimis timidus quàm pa-
rum prudens. Sed quisnam est iste tam demens, qui scilicet tibi insidiaretur? de tuisne? tametsi, qui magis sunt tui, quàm quibus tu salutem insperantibus reddidisti? an ex eo numero, qui unâ tecum fuerunt? non est credibilis tantus
in ullo furor, ut, quo duce, omnia summa sit
adeptus,

adeptus, hujus vitam non anteponat suæ. At, si
tui nihil cogitant sceleris, cavendum est, nè quid
inimici. Qui? omnes enim, qui fuerunt, aut suâ
pertinaciâ vitam amiserunt, aut tuâ misericordiâ
5 retinuerunt: ut aut nulli supersint de inimicis,
aut qui superfuerant, amicissimi sint. Sed tamen,
cùm in animis hominum tantæ latebræ sint, &
tanti recessus, augeamus sanè suspicionem tuam:
simul enim augebimus & diligentiam. Nam quis
10 est oinum tam ignarus rerum, tam rudis
repub. tam nihil unquam nec de suâ, nec de
communi salute cogitans, qui non intelligat tuâ
salute contineri suam, & ex unius tui, vitam pen-
dere omnium? Ecquidem de te dies, noctesque,
15 ut debeo, cogitans; casus duntaxat humanos &
incertos eventus valetudinis, & naturæ commu-
nis fragilitatem extimesco: doleoque, cùm res-
pub. immortalis esse debeat, eam in unius mor-
talis animo consistere. Si vero ad humanos ca-
20 sus, incertosque eventus valetudinis, sceleris et-
iam accedat insidiarumque consensio? quem
deum, etiamsi cupiit, opulari posse respub.
credamus? Omnia sunt excitanda tibi, C. Cæsar,
uni quæ jacere sentis belli ipsius impetu, quod
25 necesse fuit, perculsa, atque prostrata: consti-
tuenda judicia, revocanda fides, comprimendæ
libidines, propaganda soboles: omnia, quæ di-
lapsa jam fluxerunt, severis legibus vincienda
sunt. Non fuit recusandum in tanto civili bello,
30 tantoque animorum ardore, & armorum, quin
quassata resp. quicunque belli eventus fuisset,
multa perderet & ornamenta dignitatis, & præsi-
dia stabilitatis suæ: multaque uterque Dux ar-
matus faceret, quæ idem rogatus fieri prohibu-
35 isset. Quæ quidem nunc tibi omnia belli vul-
nera curanda sunt: quibus præter te mederi

nemo potest. Itaque illam tuam præclarissimam
& sapientissimam vocem invitatus audiui, satis te
diu vel *naturæ* vixisse, vel *gloriæ*; satis, si ita
vis: *naturæ* fortasse: addo etiam, si placet, glo-
riæ: at, quod maximum est, patriæ certè parum, 3
Quare omitte, quaeso, istam doctorum hominum
in contemnenda morte prudentiam. Noli nostro
periculo sapiens esse. Sæpè enim venit ad aures
meas, te idem istud nimis crebrò dicere, satis te
tibi vixisse: credo; sed tum id audirem, si tibi 10
soli viveres, aut si tibi etiam soli natus esses:
nunc, cum omnium salutem civium, cunctamque
remp. res tuæ gesta complexæ finit, tantum abes
à perfectione maximorum operum, ut fundamenta,
que cogitas, nondum jeceris. Hic tu modum tuæ 15
vitæ non salute reipub. sed æquitate animi defi-
nies? quid, si istud nè gloriæ quidem tuæ satis
est? cujus te esse avidissimum, quamvis sis sa-
piens, non negabis. Parumne igitur inquires,
gloriam magnam relinquemus? immo verò aliis, 20
quamvis multis, satis; tibi uni parum. Quid-
quid enim est, quamvis amplum sit, id certè par-
tum est tum, cum est aliquid amplius. Quod si
rerum tuarum immortalium, C. Cæsar, hic ex-
itus futurus fuit, ut, devictis adversariis, rem- 25
pub. in eo statu relinqueres, in quo nunc est: vi-
de quaeso, nè tua divina virtus admirationis plus
sit habitura, quam gloriæ. Si quidem gloria est
illustris ac pervagata multorum & magnorum vel
in suos cives, vel in patriam, vel in omne genus 30
hominum fama meritorum. Hæc igitur tibi re-
liqua pars est: hic restat actus: in hoc elabo-
randum est, ut rep. constituas, eaque tu in
primis composita, summâ tranquillitate & otio
perfruare. Tum te si voles, cum & Patriæ, quod 35
debes, solveris, & naturam ipsam expleveris sa-
tietate

tietate vivendi, satis diu vixisse dicito. Quid est enim omnino hoc ipsum diu, in quo est aliquid extremum? quod cum venerit, omnis voluptas præterita pro nihilo est, quia postea nulla futura sit. Quamquam iste tuus animus nunquam his angustiiis, quas natura nobis ad vivendum dedit, contentus fuit, semperque immortalitatis amore flagravit. Nec verò hæc tua vita dicenda est, quæ corpore & spiritu continetur. Illa, inquam, illa vita est tua, Cæsar, quæ vigebit memoriâ seculorum omnium, quam posteritas alet, quam ipsa æternitas semper intuebitur. Huic tu inservias, huic te ostentes oportet: quæ quidem, quæ miretur, jam pridem multa habet nunc etiam quæ laudet, exspectat. Obstupescant posteri certè imperia, provincias Rhenum, Oceanum, Nilum, pugnas innumerabiles, incredibiles victorias, monumenta, munera, triumphos audientes & legentes tuos. Sed, nisi hæc urbs stabilita tuis consiliis & institutis erit; vagabitur modò nomen tuum longè atque latè, sedem quidem stabilem & domicilium certum non habebit. Erit inter eos etiam qui nascentur, sicut inter nos fuit, magna dissensio; cum alii laudibus ad cælum res tuas gestas efferrent, alii fortasse aliquid requirent, idque vel maximum, nisi belli civilis incendium salute patriæ restrinxeris: ut illud fari fuisse videatur, hoc consilii. Servi igitur iis etiam iudicibus, qui multis post seculis de te iudicabunt, & quidem haud scio, an incorruptius quàm nos. Nam & sine amore & sine cupiditate, & rursus sine odio, & sine invidia iudicabunt. Id autem, etiamsi tunc ad te, ut quidam falsò putant, non pertinebit; nunc certè pertinet, te esse talem, ut tuas laudes obscuratura nulla unquam sit oblivio. Diversæ volun-

res civium fuerunt, distractæque sententiæ. Non
 enim consiliis solum, & studiis, sed armis etiam,
 & castris dissidebamus. Erat autem obscuritas
 quædam, erat certamen inter clarissimos duces:
 multi dubitabant, quid optimum esset: multi,
 quid sibi expediret: multi, quid deceret: non- 5
 nulli etiam, quid liceret. Perfuncta resp. est
 hoc misero fatalique bello: vicit, is qui non for-
 tunâ inflammaret odium suum, sed bonitate le-
 niret; neque omnes, quibus iratus esset, eosdem 10
 etiam exilio aut morte dignos judicaret. Arma
 ab aliis posita, ab aliis erepta sunt: ingratus
 est, injustusque civis, qui armorum periculo li-
 beratus animum tamen retinet armatum: ut e-
 tiam ille sit melior, qui in acie cecidit, quàm 15
 qui in causa animam profudit. Quæ enim perti-
 nacia est quibusdam, eadem aliis constantia vide-
 ri potest. Sed quia jam omnis fracta dissensio
 est armis & extincta æquitate victoris: restat,
 ut omnes unum velint, qui modò habent aliquid 20
 non solum sapientiæ, sed etiam sanitatis: quia,
 nescite, C. Cæsar, salvo, & in ista sententia, qua
 eum antea, tum hodiè vel maximè usus es, ma-
 nente, salvi esse non possumus. Quare omnes
 te, qui hæc salva esse volumus & hortamur, & 25
 obsecramus, ut vitæ, ut salutis tuæ consulas: om-
 nesque tibi, (ut pro aliis etiam loquar, quod de
 me ipso sentio) quoniam subesse aliquid putas,
 quod cavendum sit, non modò excubias, & cu-
 stodias, sed etiam laterum nostrorum oppositus, 30
 & corporum pollicemur. Sed, ut unde est orsa,
 in eodem terminetur oratio mea, maximas tibi
 omnes gratias agimus, C. Cæsar, majores etiam
 habemus. Nam omnes idem sentiunt, quod ex
 omnium precibus & lachrymis sentire potuisti. 35
 Sed, quia non est astantibus omnibus necesse di-
 cere,

cere, à me certè dici volunt, cui necesse est quodammodo, & quod volunt, & quod M. Marcello, à te huic ordini populoq; Rom. & reip. redditto, præcipue id à me fieri debere intelligo. Nam
 5 letari omnes non ut de unius solum sed ut de communi omnium salute, sentio. Quod autem summæ benevolentiae est, quæ mea erga illum omnibus semper nota fuit, ut vix C. Marcello, optimo & amantissimo fratri, præter eum quidem cederem nemini: cum id sollicitudine, curâ,
 10 labore tandiu præstiterim, quamdiu est de illius salute dubitatum: certè hoc tempore magnis curis, molestiis, doloribus liberatus præstare debeo. Itaque, C. Cæsar, sic tibi gratias ago,
 15 ut omnibus me rebus à te non conservato solum, sed etiam ornato, tamen ad tua innumerabilia in me unum merita, quod fieri jam posse non arbitrabar, maximus hoc tuo facto, cumulus accesserit.

20

ORATIO III.

25

Quæ est pro

Q. LIGARIO.

30

Argumentum.

Quintus Ligarius civis Romanus, cum C. Confidio consule profectus est legatus in Africam, ante belli civilis principium. Deinde provinciâ decedente C. Confidio, Ligarius, præfectus provinciæ, mansit in Africa: postea cum bellum exarsisset

arsisset inter Cæsarem & Pompeium, Ligarius, nullo negotio se implicari passus est, ut dicit Cicero; nam P. Accius Varus, qui Prætor Africanam obtinuerat, Uticam venit & arripuit imperium ad clamorem multitudinis impetrata, ad eum facto concursu: & Ligarius, adventu suo quievit, sed necessitate mansit in Africa, quæ provincia contra Cæsarem tenebatur: ad quam provinciam, bello ardente, L. Tubero, cum iusto imperio sibi à senatu & sorte, ut moreretur, dato, venisset, eam intrare non potuit, prohibente Ligario, ut esset ibi ipse Tubero; unde ad Pompeium itit in Macedoniam, & apud eum de injuria questus est, ut dicit Cicero, & cum eo fuit in bello civili: quo bello finito, Cæsar victor Tuberoni & matris alii; patriam restituit: sed Ligarius exalabat, domi manentibus duobus fratribus Ligariis, qui cum Cæsare semper fuerant; & cum Q. Tubero filius L. Tuberonis Ligarium apud Cæsarem accusavisset, quod contra Cæsarem fuisset in Africa, quodque ipsum cum patre suo provinciâ prohibuisset, Ligarium Cicero hac insigni oratione defendit, & pro ipso gratiam Cæsaris nititur impetrare.

NOVUM crimen, C. Cæsar, & ante hunc diem inaudiam propinquus meus ad te Q. Tubero detulit, Q. Ligarium in Africa fuisse: idque C. Pansa præstanti vir ingenio, fretus fortasse eâ familiaritate, quæ ei tecum, ausus est confiteri. Itaque, quod me vertam, nescio; paratus enim veneram, cum tu id neque per te scires, neque audire aliunde potuisses, ut ignoratione tuâ ad hominis miseri salutem abuterer. Sed quoniam diligentia inimici investigatum est, quod latebat, confitendum est, ut opinor;

opinor : præsertim cum meus necessarius C. Pansa
 fecerit ut id jam integrum non esset : omni-
 controversiâ omnis oratio ad misericordiam tuam
 conferenda est, quâ plurimî sunt conservati, cum
 5 à te non solum liberationem culpæ, sed errati
 veniam impetravissent. Habes igitur, Tubero,
 quod est accusatori maximè optandum, consi-
 tentem reum : sed tamen ita consistentem, se in
 ea parte fuisse, quâ te Tubero, quâ virum omni
 10 laude dignum, patrem tuum. Itaque prius de
 vestro delicto confiteamini necesse est, quàm Li-
 garii ullam culpam reprehendatis. Q. igitur Li-
 garius, cum esset adhuc nulla belli suspicio,
 legatus in Africam cum proconsule C. Consi-
 15 dio profectus est, quâ in legatione & civibus, &
 sociis ita se probavit, ut decedens Considius
 provinciâ, satisfacere hominibus non posset si
 quenquam alium provinciæ præfecisset. Itaque
 Q. Ligarius, cum diu recusans nihil profecisset
 20 provinciam accepit invitus : cui sic præfuit in pa-
 ce, ut & civibus & sociis gratissima esset ejus
 integritas, & fides. Bellum subito exarsit : quod
 qui erant in Africa, ante audierunt geri quàm
 parari : quo audito, partim cupiditate inconsi-
 25 deratâ, partim cæco quodam timore, primò
 salutis causâ, post etiam studii sui, quærebant a-
 liquem ducem. Tum Ligarius domum spectans,
 & ad suos redire cupiens, nullo se implicari ne-
 gotio passus est. Interim, P. Accius Varus, quî
 30 prætor, Africam obtinuerat, Uticam venit. Ad
 eum statim concursus est, atque ille non me-
 diocri cupiditate arripuit imperium, si illud im-
 perium esse potuit, quod ad privatum, clamore
 multitudinis imperitæ, nullo publico consi-
 35 lio deferabatur. Itaque Ligarius, qui omne tale
 negotium cuperet effugere, paulum adventu

Vari conquievit. Adhuc, C. Cæsar, Q. Ligarius omni culpâ vacat. Domo est egressus non modò nullum ad bellum, sed nè ad minimam quidem suspicionem belli : legatus in pace profectus, in provincia pacatissima ità se gessit, ut ei pacem esse expediret. Profectio certè animum tuum non debet offendere : Num igitur remansio ? multo mindus. Nam profectio voluntatem habuit non turpem ; remansio etiam necessitatem honestam : ergò hæc duo tempora carent crimine : unum, cùm est legatus profectus ; alterum, cùm efflagiratus à provincia, præpositus Africæ est. Tertium est tempus, quo post adventum Vari in Africa restitit. Quod si est criminofum, necessitatis crimen est, non voluntatis. An ille, si potuisset illinc ullo modo evadere, Uticæ potiùs quàm Romæ, cùm P. Accio, quàm cum concordissimis fratribus ; cum alienis esse, quàm cum suis maluisset ? cùm ipsa legatio plena desiderii ac sollicitudinis fuisset propter incredibilem quendam fratrum amorem, hic æquo animo esse potuit, belli dissidio distractus à fratribus ? Nullum igitur habes, Cæsar, adhuc in Q. L. signum alienæ à te voluntatis ; cuius ego causam, animadverte, quæso, quâ fide defendam, cùm prodo meam. O clementiam admirabilem, atque omni laude, prædicatione, literis, monumentisque decorandam ! M. Cicero apud te defendit, alium in ea voluntate non fuisse, in qua seipsum confiteretur fuisse ; nec tuas tacitas cogitationes extimescit ; nec quid tibi de alio audienti de seipso occurrat, reformidat. Vide, quàm non reformidem : vide quanta lux liberalitatis & sapientiæ tuæ mihi apud te dicenti oboriatur : quantum potero voce contendam, ut hoc populus Rom. exaudiat. Suscepto bello Cæsar, gesto
etiam

etiam ex magna parte; nullâ vi coactus, iudicio
meo ac voluntate ad ea arma profectus sum, quæ
erant sumpta contra te. Apud quem igitur hoc
dico? nempe apud eum, qui, cum hoc sciret,
5 tamen me, antequam vidit, reipublicæ reddidit;
qui ad me, ex Ægypto literas misit, ut essem
idem, qui fuisset: qui cum ipse Imperator in
toto imperio populi Romani unus esset, esse me
alterum passus est: à quo, hoc ipso C. Pansa mihi
10 nuntium perferente concessos fasces laureatos re-
nui, quoad tenendos putavi: qui mihi tum de-
nique se salutem putavit reddere, si eam nullis
spoliata ornamentis redderet.

Vide quæso, Tubero, ut qui de meo facto non
15 dubitem dicere, de Ligarii non audeam confi-
teri. Atque hæc propterea de me dixi, ut
mihi Tubero, cum de se eadem dicerem, ig-
nosceret. Cuius ego industria gloriæque faveo,
vel propter propinquam cognationem, vel quod
20 ejus ingenio studiisque delector, vel quod lau-
dem adolescentis propinqui existimo etiam ad
meum aliquem fructum redundare. Sed hoc
quæro: quis putet fuisse crimen, esse in Africa
Ligarium? nempe is, qui & ipse in eadem A-
25 frica esse voluit, & prohibitum se à Ligario que-
ritur, & certè contra ipsum Cæsarem est con-
gressus armatus. Quid enim, Tubero, tuus ille
districtus in acie Pharsalica gladius agebat? cu-
jus latus ille mucro petebat? qui sensus erat ar-
30 morum tuorum? quæ tua mens? oculi? ma-
nus? ardor animi? quid cupiebas? quid opta-
bas? Nimis urgeo: commoveri videtur adole-
scens: ad me revertar, iisdem in armis fui.
Quid autem aliud egimus, Tubero, nisi ut, quod
35 hic potest, nos possemus? Quorum igitur im-
punitas, Cæsar, tuæ clementiæ laus est, eorum
ipforum.

ipsorum ad crudelitatem te acuet oratio? At-
 que in hac causa nonnihil ecquidem, Tubero,
 etiam tuam, sed multò magis patris tui pruden-
 tiam desidero: quòd homo cùm ingenio, tum
 etiamsi doctrinâ excellens, genus hoc causæ, quod
 esset, non viderit. Nam si vidisset, quovis pro-
 fectò, quam isto modo à te agi maluisset. Argu-
 is fatentem, non est satis: accusas eum, qui cau-
 sam habet, aut, ut ego dico, meliorem quàm tu,
 aut, ut tu vis, parem. Hæc non modò mirabi-
 lia sunt, sed prodigiis similia, quæ dicam. Nosti
 habet eam vim ista accusatio, ut Q. Ligarius con-
 demnetur, sed ut necetur. Hoc egit civis Ro-
 manus ante te nemo. Externi isti mores us-
 que ad sanguinem incitare solent odium aut le-
 vium Græcorum, aut immanium barbarorum.
 Nam quid aliud agis? ut Romæ ne sit? ut do-
 mo careat? ne cum optimis fratribus, ne cum
 hoc T. Brocho avunculo suo, ne cum ejus filio
 consorbrino suo, ne nobiscum vivat? ne sit in
 patria? num est? num potest magis carere his
 omnibus, quàm caret? Italiâ prohibetur, exu-
 lat. Non tu ergò hunc patriâ privare, quæ ca-
 ret, sed vitâ vis. At istud ne apud eum qui-
 dem dictatorem, qui omnes, quos oderat, mor-
 te multabat, quisquam egit isto modo. Ipse ju-
 bebat occidi nullo postulante: præmiis etiam
 invirabat. Quæ tamen crudelitas ab hoc eodem
 aliquot annis post, quem tu nunc crudelem esse,
 vis vindicare est. Ego verò istud non postu-
 lo, inquires. Ità mehercule existimo, Tubero.
 Novi enim te, novi patrem tuum, novi domum,
 noménque vestrum: studia denique generis ac
 familiæ vestræ, virtutis, humanitatis, doctrinæ,
 plurimarum artium atque optimarum, nota sunt
 mihi omnia. Itaque certò scio, vos non petere
 sanguinem:

sanguinem: sed parum attenditis. Res enim
 eo spectat, ut ea poenâ, in qua adhuc Q. Ligari-
 us sit, non videamini esse contenti. Quæ est
 igitur alia, præter mortem? si enim in exilio
 5 est, sicuti est, quid amplius postulatis? an-
 ne ignoscatur? hoc verò multò acerbius, multò-
 que est gravius. Quod nos domi perimus pre-
 cibus, & lachrymis prostrati ad pedes, non tam
 nostræ causæ fidentes, quàm hujus humanitati:
 10 id ne impetremus, pugnabis? & in nostrum fle-
 tum irrumpes? & nos jacentes ad pedes suppli-
 cum voce prohibebis? Si, cum hoc domi face-
 remus, quod & fecimus, & ut spero, non fru-
 strâ fecimus, tu derepente irrupisses, & clama-
 15 re coepisses, C. Cæsar, cave credas, cave ignos-
 cas, cave te fratrum, pro fratris salute obse-
 crantium, miserear: nonne omnem humanita-
 tem exuisses, quanto hoc durius, quod nos do-
 mi petimus, id à te in foro oppugnari? & in
 20 tali miseria multorum perfugium misericordiæ
 tollere? Dicam planè, C. Cæsar, quod sentio,
 si in hac tanta tua, fortuna lenitas tanta non
 esset, quantam tu per te, per te, inquam, ob-
 tines (intelligo quid loquar) acerbissimo luctu
 25 redundaret ista victoria: quam multi enim es-
 sent de victoribus, qui te crudelem esse vellent,
 cùm etiam de victis reperiantur quàm multi,
 qui, cùm à te nemini ignosci vellent, impe-
 30 direm clementiam tuam, cùm etiam ii, quibus
 ipse ignovisti, nolint te in alios esse misericor-
 dem? Quòd si probare Cæsari possemus, in A-
 frica Ligarium omnino non fuisse: si honesto,
 & misericordi mendacio, salutis civis calamitosi
 consultum esse vellemus? tamen hominis non es-
 35 set, in tanto discrimine & periculo civis refel-
 lere & coarguere nostrum mendacium: & si es-
 set

set alicujus, ejus certe non esset, qui in eadem
 causa & fortuna fuisset. Sed tamen aliud est,
 errare Cæsarem nolle, aliud nolle misereri. Tum
 dicerēs, Cave Cæsar credas: fuit in Africa Li-
 garius: tulit arma contra te. Nunc quid dicis? 5
 Cave ignoscas. Hæc nec hominis, nec ad ho-
 minem vox est: quâ qui apud te, C. Cæsar, u-
 tetur, suam citius abijciet humanitatem, quam
 extorquebit tuam. Ac primus aditus, & postu-
 latio Tiberonis hæc, ut opinor, fuit, velle se 10
 de Q. Ligarii scelere dicere. Non dubito, quin
 admiratus sis, vel quod de nullo alio quisquam,
 vel quod is, qui in eadem causa fuisset, vel
 quidnam novi facinoris afferat. Scelus tu il-
 lud vocas, Tiberō? cur isto enim nomine illa 15
 adhuc causa caruit: alii errorem appellant, alii
 timorem: qui durus, spes, cupiditatem, odi-
 um, pertinaciam: qui gravissimè, temeritatem:
 scelus, præter te, adhuc nemo. Ac mihi qui-
 dem, si proprium & verum nomen nostri ma- 20
 li quærat, fatalis quædam calamitas incidisse
 videtur, & improvidas hominum mentes occu-
 pavisse: ut nemo mirari debeat humana consi-
 lia divinâ necessitate esse superata. Liceat esse
 miseros, quanquam, hoc victore, esse non pos- 25
 sumus. Sed non loquor de nobis: de illis lo-
 quor, qui occiderunt: fuerint cupidi, fuerint
 irati, fuerint pertinaces: sceleris verò crimine,
 furoris, parricidii, liceat Cn. Pompeio mortuo,
 liceat multis aliis carere. Quando hoc quis- 30
 quam ex te, Cæsar, audivit? aut tua quid ali-
 ud arma voluerunt, nisi à te contumeliam pro-
 pulsare? quid egit tuus ille invictus exercitus,
 nisi ut suum jus tueretur & dignitatem tuam?
 quid? tu, cum pacem esse cupiebas, idne age- 35
 bas, ut tibi cum sceleratis, an ut cum bonis ci-
 vibus.

vibus conveniret? Mihi verò, Cæsar, tua in me maxima merita, tanta certe non viderentur, si me ut sceleratum à te conservatum putarem. Quomodo autem tu de rep. bene meritus esses, si tot sceleratos incolumi dignitate esse voluisses? Successionem tu illam existimavisti, Cæsar, initio, non bellum, non hostile odium, sed civile dissidium utrisque cupientibus tempubl. salvam, sed partim consiliis, partim studiis à comuni utilitate aberrantibus. Principum dignitas erat penè par, non par fortasse eorum, qui sequebantur: causa tum dubia, quod erat aliquid in utraque parte, quod probari posset: nunc melior certè ea judicanda est, quam etiam dii adjuverint. Cognitâ verò clementiâ tuâ, quis non eam victoriâ probet, in qua occiderit nemo nisi armatus? Sed, ut omitтам communem causam, veniamus ad nostram. Utrùm tandem existimas facilius fuisse, Tubero, Ligarium ex Africa exire, an vos in Africâ non venire? poteramûsne, inquires, cum senatus censuisset? Si me consulis, nullo modo. Sed tamen Ligarium senatus idem legaverat: atque ille eo tempore paruit, cùm parere senatui necesse erat: vos tunc parvистis, cùm paruit nemo, qui noluit, reprehendo igitur? minimè verò, neque enim licuit aliter vestro generi, nomini, familiæ, disciplinæ. Sed hoc non concedo, ut, quibus rebus gloriemini in vobis, easdem in aliis reprehendatis. Tuberonis sors conjecta est ex S. C. cùm ipse non adesset, morbo etiam impediretur: statuerat se excusare. Hæc ego novi propter communes necessitudines, quæ mihi sunt cum L. Tubero: domi unâ eruditi, militiæ contubernales, post affines, in omni denique vita familiares; magnum etiam vinculum, quod iidem

dem semper studiis usi sumus. Scio igitur Tuberonem domi manere voluisse. Sed ita quidam agebant, ita reip. sanctissimum nomen opponerebant, ut, etiamsi aliter sentiret, verborum tamen ipsorum pondus sustinere non posset. Cessit auctoritati amplissimi viri, vel potius paruit: una est profectus cum iis, quorum erat una causa: tardius iter fecit: Itaque in Africam venit jam occupatam. Hinc in Ligarium crimen oritur, vel ira potius; nam, si crimen est prohibere illud voluisse, non minus magnum est, vos Africam, omnium provinciarum arcem, natam ad bellum contra hanc urbem gerendum, obtinere voluisse, quam aliquem se imperatorem esse maluisse. Atque is tamen aliquis Ligarius, non fuit. Varus imperium se habere dicebat: fasces certe habebat. Sed quoque modo sese illud habet, hac querela vestra, Tubero, quid valet? recepti in provinciam non sumus. Quid si essetis? Caesarine eam tradituri fuissetis, an contra eam retenturi? Vide quid licentiae, Caesar, nobis tua liberalitas det, vel potius audaciae. Si responderit Tubero, Africam, quod senatus eum forsque miserat, tibi patrem suum traditurum fuisse: non dubitabo apud ipsam te, cujus id eum facere interfuit, gravissimis verbis ejus consilium reprehendere. Non enim, si tibi ea res grata fuisset, esset etiam probata. Sed jam hoc totum omitto, non tam ut ne offendam tuas patientissimas aures, quam ne Tubero, quod nunquam cogitavit, facturus fuisse videatur. Veniebatis igitur in Africam Provinciam, unam ex omnibus huic victoriae maximè infestam, in qua erat rex potentissimus, inimicus huic causae, aliena voluntas, conventus firmi atque magni. Quæro, quid facturi fuissetis?

fetis? quanquam quid facturi fueritis, non du-
 bitem, cum videam, quid feceritis. Prohibiti
 estis in provincia vestra pedem ponere: & pro-
 hibiti, ut perhibetis, summa cum injuria. Quo-
 modo id tulistis? acceptæ injuriæ querelam ad
 quem detulistis? nempe ad eum, cujus auctori-
 tatem secuti in societatem belli veneratis? quod
 si Cæsaris causâ in provinciam veniebatis, ad e-
 um profecto exclusi: provinciam venissetis. Ve-
 nistis ad Pompeium: Quæ est ergo apud Cæsa-
 rem querela, cum eum accusetis, à quo quera-
 mini vos prohibitos contra Cæsarem bellum ge-
 rere? Atque in hoc quidem vel cum mendacio,
 si vultis, gloriari per me licet, vos provinciam
 fuisse Cæsari tradituros, etiam si à Varo & qui-
 busdam aliis prohibiti essetis. Ego autem con-
 fitebor culpam esse Ligarii, qui vos tantæ laudis
 occasione privaverit. Sed vide quæso, C. Cæ-
 sar, constantiam ornatissimi viri L. Tuberonis:
 quam ego, quamvis ipse probarem, ut probo,
 tamen non commemorarem, nisi à te cognov-
 vissem in primis eam virtutem soleri laudari.
 Quæ fuit igitur unquam in ullo homine tanta
 constantia? constantiam dico? nescio an melius
 patientiam possem dicere. Quotus enim istud
 quisque fecisset, ut à quibus partibus in dissen-
 sione civili non esset receptus, essetque etiam
 cum crudelitate ejectus, ad eas ipsas rediret?
 magni cujusdam animi, atque ejus viri est, quem
 de suscepta causa, propositaque sententia, nul-
 la contumelia, nulla vis, nullum periculum pos-
 set depellere. Ut enim cætera paria Tuberoni
 cum Varo fuissent, honos, nobilitas, splendor,
 ingenium, quæ nequaquam fuerunt: hoc certè
 præcipuum Tuberonis fuit, quod, iusto cum im-
 perio ex S. C. in provinciam suam venerat. Hinc pro-

prohibitus non ad Cæsarem; ne iratus; non domum, ne iners; non aliquam in regionem, ne condemnare causam: illam, quam secutus esset, videretur: in Macedoniam, in Cn. Pompeii castra venit, in eam ipsam causam, à qua erat rejectus, cum injuria. Quid? cum ista res nihil commovisset ejus animum, ad quem veneratis, languidiore, credo, studio in causa fuistis. Tantummodo in præidiis eratis; animi vero à causa abhorrebant: an, ut sit in civilibus bellis, nec in vobis magis, quam in reliquis, omnes vincendi studio tenebamur; pacis ecquidem semper auctor fui, sed tum serò: erat enim amentis, cum aciem videres, pacem cogitare. Omnes, inquam, vincere volebamus, tu certè præcipuè, qui in eum locum venisses, ubi tibi esset pereundum, nisi vicisses: quanquam, ut nunc se res habet, non dubito, quin hanc salutem anteponas illi victoriæ. Hæc ergo non dicerem, Tubero, si aut vos constantiæ vestræ, aut Cæsarem beneficii sui poeniteret. Nunc quaero, utrùm vestras injurias, an reip. persequamini? si reipub. quid de vestra in ea causa perseverantia respondebitis? si vestras, videte nè erreris, qui Cæsarem vestris inimicis iratum fore putetis, cùm ignoverit suis. Itaque num tibi videor, Cæsar, in causa Ligarii occupatus esse? num de ejus facto dicere? quicquid dixi, ad unam summam referri volo, vel humanitatis, vel clementiæ, vel misericordiæ tuæ. Causas, Cæsar, egi multas, & quidem tecum, dum te in foro tenuit ratio honorum tuorum: certè unquam hoc modo, Ignoscite, judices, erravit, lapsus est, non putavit, si unquam posthac, ad parentem sic agi solet. Ad judices, Non fecit, non cogitavit, falsi testes, fictum crimen. Dic te, Cæsar, de facto Ligarii judicem esse: quibus

in

in praesidiis fuerit, quære. Taceo, nè hæc quidem colligo, quæ fortasse valerent etiam apud judicem : legatus ante bellum profectus, relictus in pace, bello oppressus, in eo non acerbus. Tum
5 etiam fuit totus animo & studio tuus. Ad judicem sic agi solet : sed ego ad parentem loquor. Erravi, temerè feci, poenitet. Ad clementiam tuam confugio, delicti veniam peto, ut ignoscas oro, si nemo imperavit, arroganter : si plurimi, tu idem
10 fer opem, qui spem dedisti. An sperandi Ligario causa non sit, cum mihi apud te sit locus etiam pro altero deprecandi ? Quamquam neque in hac oratione spes est posita causæ, nec in eorum studiis, qui à te pro Ligario petunt, tui necessarii. Vidi enim, & cognovi, quid maximè spectares, cum pro alicujus salute multi laborarent : causas apud te rogantium gratiores esse, quam preces : neque spectare, quam tuus esset necessarius is, qui te oraret ; sed quam illius, pro quo
20 laboraret : Itaque tribuis tu quidem tuis ita multa, ut mihi beatiore illi esse videantur interdum, qui tuâ liberalitate fruuntur, quam tu ipse, qui illis tam multa concedis. Sed video tamen apud te causas, ut dixi rogantium valere plus, quam
25 preces : ab iisque te moveri, maximè, quorum justissimum dolorem videas in petendo. In Q. Ligario conservando, multis tu quidem gratum facies necessariis tuis : sed hoc quæso considera, quod soles : possum fortissimos viros Sabinos,
30 tibi probatissimos, totumque agrum Sabinum florem Italiæ, robur reipubl. proponere ; nosti optimè homines. Animadvertite horum omnium moestitiam & dolorem, hujus T. Brochi, de quo non dubito quid existimes, lachrymas squaloremque
35 ipsius & filii vides. Quid de fratribus dicam ? noli, Cæsar, putare de unius capite nos agere.
Aut

Aut tres Ligarii in civitate retinendi sunt, aut
 tres ex civitate exterminandi. Quodvis exilium
 his est optatius, quàm patria, quàm domus;
 quàm dii penates, uno illo exulante. Si fraternè,
 si piè, si cum dolore faciunt, moveant te horum
 lachrymæ, moveat pietas, moveat germanitas:
 valeat tua vox illa, quæ vicit: te enim dicere
 audiebamus, nos omnes adversarios putare, nisi
 qui nobiscum essent: te, omnes, qui contra te
 non essent, tuos. Vidésne igitur hunc splendo- 10
 rem, omnem hanc Brochorum domum, hunc L.
 Marcium, C. Cæsetium, L. Cornificum, hosce
 omnes equites Rom. qui adsunt veste mutatâ, non
 solum notos tibi, verum etiam probatos viros,
 qui tecum fuerunt? Atque his maximè irasce- 15
 bamur, & hos requirebamus, & his nonnulli
 etiam minabatur. Conserva igitur tuis suos, ut
 quemadmodum cætera, quæ dicta sunt à te, sic
 hoc verissimum reperiat. Quod si penitus per-
 spicere posses concordiam Ligariorum, omnes 20
 fratres tecum iudicares fuisse. An potest quis-
 quam dubitare, quin, si Q. Ligarius in Italia esse
 potuisset, in eadem sententia futurus fuerit, in
 qua fratres fuerunt? quis est, qui horum con-
 sensum conspirantem; & penè constat, in hac 25
 prope æqualitate fraterna non noverit? qui hoc
 non sentiat, quidvis prius futurum fuisse, quàm
 ut hi fratres diversas sententias fortunâque se-
 querentur? Voluntate igitur omnes tecum fue-
 runt: tempestate abreptus est unus: qui, si con- 30
 filio id fecisset, esset eorum similis, quos tu tamen
 salvos esse voluisti. Sed ierit ad bellum: dissen-
 serit non à te solum verum etiam à fratribus: hi
 te orant tui. Ecquidem, cum tuis omnibus nego-
 tiis interesset, memoriâ teneo qualis tum T. Li- 35
 garius quæstor urbanus fuerit erga te & dignitatem
 tuam:

tuam : sed parum est, me hoc meminisse : spero etiam te, qui oblivisci nihil soles, nisi injurias, quoniam hoc est animi, quoniam etiam ingenii tui, te aliquid de hujus quæstoris officio cogitantem, etiam de aliis quibusdam quæstoribus reminiscentem recordari. Hic igitur T. Ligarius, qui tum nihil egit aliud (neque enim hæc divinabat) nisi, ut tu cum tui studiosum & bonum virum judicares, nunc à te supplex fratris salutem petit : quam hujus admonitus officio cum utrisque his dederis, tres fratres optimos, & integerrimos, non solum sibi ipsos, neque his tot ac talibus viris, neque nobis necessariis suis, sed etiam reipublicæ condonavéris. Fac igitur, quod de homine nobilissimo & clarissimo M. Marcello restituto fecisti nuper in curia, nunc quidem in foro de optimis & hunc omni frequentie probatissimis fratribus ; ut concessisti illum senatui, sic da hunc populo, ejus voluntatem carissimam semper habuisti. Et si ille dies tibi gloriosissimus, populo Romano gratissimus fuit ; noli obsecro, dubitare, C. Cæsar, similem illi gloriæ laudem quam sæpissimè quærere. Nihil est enim tam popolare, quam bonitas : nulla de virtutibus tuis plurimis nec gratior, nec admirabilior misericordia est. Homines enim ad deos nullâ re propius accedunt, quam salutem hominibus dando. Nihil habet nec fortuna tua majus, quam ut possis ; nec natura tua melius, quam ut velis conservare quamplurimos. Longiorem orationem causa forsitan postulat, tua certè natura brevior. Quare, cum utilius esse arbitrer te ipsum, quam me aut quemquam loqui tecum, finem jam faciam : autem te ipsum admonebo, si illi absenti salutem dederis, præsentibus his omnibus te daturum.

ORATIO

ORATIO IV.

Quæ est pro

REGE DEIOTARO.

Argumentum.

Deiotarus rex amicissimus populo Roman. bello civili cum Pompeio fuit, & post pugnam Pharsalicam se contulit domum, atque deinde C. Cæsarem bella gerentem subsidiis adjuvat. Quare ab ipso Cæsare relictus rex fuit in regno suo aliquantulum ab eo, qui sibi Pompeium in amicitia prætulisset, rerum suarum parte multatus. Is Deiotarus post per Philippum medicum, servum suum (quem Romam cum legatis suis miserat) accusatus est apud Cæsarem, quia cum ipse Cæsar diversaretur in hospitio apud Deiotarum in castello Luceio, eum rex interficere per insidias voluerit, collocatis primum armatis in loco ubi erat regia dona daturus Cæsari. Deinde in balneo compositis insidiatoribus, cum Cæsar ire percuravisset, dicitur ab accusatore non voluntate Deiotari, sed suâ fortunâ esse servatus, etiam accusatus Deiotarus ab eodem, quod fuisset semper adversus Cæsarem animo impio atque alieno, quodque exercitum contra ipsum comparavisset, quodque nuncios ad Cælium quendam inimicum Cæsaris destinare voluisset, quodque equites non bonos Cæsari misisset, & in his servum

vum quendam iudicatum : quôdque bello Africano
 audiens Domitium periisse naufragio, Caesarem
 obsideri, versum Graciam dixisset dira, atque
 suspecta sententia, quôdque præ latitia vino ob-
 ruitus in convuto saltavisset : quôdque Blesamius
 legatus & amicus regius, regi scripsisset probra
 de Caesare. Has accusationes Philippus ille fer-
 vens & medicus intendit contra Deiotarum,
 Dominum suum, ut dicit hic Cicero, corruptus
 & subornatus à Castore quodam, adolescente,
 Deiotari ex filia nepote, & avo sub inimicissimo
 Contra quas accusationes induktis, Cicero coram
 Caesare hanc orationem habuit.

Cum in omnibus causis gravioribus, C. Ca-
 sar, initio dicendi commoveri solem
 vehementius, quàm videtur vel usus, vel
 ætas mea postulare : tum in hac causa ita me
 multa percurrant, ut, quantum mea fides studii
 mihi adferat ad salutem regis Deiotari defen-
 dendam, tantum facultatis timor detrahat. Pri-
 mum dico pro capite, fortunisque regis : quod
 ipsam, etsi non iniquam est, in tuo duntaxat
 periculo ; tamen est ita iniuriatum, regem ca-
 pitis reum esse, ut ante hoc tempus non sit au-
 ditum. Deinde eum regem, quem ornare antea
 cuncto cum senatu solebamus pro perpetuis ejus
 in nostram remp. meritis, nunc contra atrocissi-
 mum crimen cogor defendere. Accedit, ut ac-
 cusatorum alterius crudelitate, alterius indignitate
 perturber. Crudelis Castor, nè dicam scelera-
 tum, & impium, qui nepos avum in discrimen ca-
 pitis adduxerit, adolescentiæque suæ terrorem in-
 tulerit ei, cuius senectutem tueri & regere debebat,

com-

commendationemque ineuntis ætatis ab impietate
 & scelere duxerit, avi servum corruptum præ-
 miis ad accusandum dominum impulerit, & à
 legatorum pedibus abduxerit. Fugitivi autem
 dominum accusantis, & dominum absentem, &
 dominum amicissimum nostræ reip. cùm os vide-
 bam, cùm verba audiebam, non tam afflictam
 regiam conditionem dolebam, quàm de fortunis
 communibus extimescebam. Nam cùm more
 majorum de servo in dominum nè tormentis qui-
 dem quæri liceat, in qua quæstione dolor veram
 vocem elicere possit etiam ab invito; exortus est
 servus, qui, quem in culeo appellare non posset,
 eum accuset solutus. Perturbat me, C. Cæsar,
 etiam illud interdum: quod tamen cùm te pe-
 niculis recognovit, timere desino: te enim iniquum
 est, sed tuâ sapientiâ fit æquissimum. Nam dicere
 apud eum de facinore, contra cuius vitam con-
 silium facinoris inisse arguere, si per seipsum con-
 sideres, grave est. Nemo enim fere est, qui
 sui periculi iudex, non sibi se æquiores, quàm
 reo præbeat. Sed tua, C. Cæsar, præstans singu-
 larisque natura hunc mihi metum minuit. Non
 enim tam timeo, quid tu de rege Deiotaro,
 quàm intelligo quid de te cæteros velis iudicare.
 Movero etiam loci ipsius insolentiâ, quod tan-
 tam ansam, quanta nulla unquam in disceptatione
 versata est, dico intra domesticos parietes, dico
 extra conventum, & eam frequentiam, in qua
 oratorum studia niti solent. In tuis oculis, in
 tuo ore, vultuque acquiesco: te unum intueor;
 ad te unum omnis mea spectat oratio; quæ mi-
 hi ad spem obtinendæ veritatis gravissima sunt,
 ad motum animi, & ad omnem impetum dicendi,
 contentionemque leviora. Hanc enim, C. Cæsar,
 causam si in foro dicerem, eodem audiente &
 disceptante

disceprante te, quantam mihi alacritatem populi
Romani concursus adferret; quis enim civis ei
regi non faveret, cujus omnem aetatem in populi
Romani bellis consumptam esse meminisset?
5 spectarem curiam, intuerer forum, cœlum
denique testarer ipsum. Sic cum decorum im-
mortalium, & populi Romani, & senatûs bene-
ficia in regem Deiotarum recorderer, nullo modo,
mihi deesse potest oratio. Quæ quoniam an-
10 gustiora parietes faciunt, actiôque causæ maximè
debilitatur loco: tuum est, Cæsar: qui pro
multis sæpe dixisti, quid nunc mihi animi sit, ad te
ipsum referre: quo facilius tum æquitas tua, tum,
audiendi diligentia minuat hanc perturbatio-
15 nem meam. Sed, antequam de accusatione ipsa
dico, de accusatorum spe pauca dicam: qui cum
videantur neque ingenio, neque usu, atque ex-
ercitatione rerum valere: tamen ad hanc causam
non sine aliqua spe & cogitatione venerunt. Ira-
20 tum te regi Deiotaro fuisse non erant nescii: af-
flictum illum quibusdam incommodis & detri-
mentis propter offensionem amici tui memine-
rant: tæque cum huic iratum, tum sibi amicum
cognoverant: cumque apud ipsum de tuo pe-
25 riculo dicerent, fore putabant, ut in exulcerato
animo facilè fictum crimen insideret. Quam-
obrem hoc nos primùm metu, C. Cæsar, per
fidem, & constantiam, & clementiam tuam li-
bera, nè residere in te ullam partem iracundiæ
30 suspicemur. Per dexteram te istam oro, quam
regi Deiotaro hospes hospiti porrexisti: istam,
inquam, dexteram, non tam in bellis, neque in
præliis, quàm in promissis & fide firmiorem. Tu
illius domum inire, tu vetus hospitium revo-
35 care voluisti: te ejus dii penates acceperunt: te
amicum, & placatum Deiotari regis aræ focique
viderunt.

viderunt. Cùm facile exorari, Cæsar, tum semel
exorari soles. Nemo unquam te placavit inimi-
cus, qui ullas resedisse in te simultatis reliquias
senserit. Quamquam cui sunt inauditæ cum
Deiotaro querelæ tuæ? nunquam tu illum accu- 5
savisti, ut hostem, sed ut amici officio parùm
functum, quòd propensior in Cn. Pompeii ami-
citiâ fuisset, quàm in tuam: cui tamen ipsi
regi veniam te daturum fuisse dicebas, si, cum
auxilia Pompeio, vel si etiam filium misisset, ipse 10
tamen excusatione ætatis usus esset. Itaque, cum
maximis eum rebus liberares, perparvam amici-
tiæ culpam relinquebas. Itaque non solum in
eum non animadvertisti, sed omni metu libera-
visti, hospitem agnovisti, regem reliquisti. Neque 15
enim ille odio tui progressus, sed errore com-
muni lapsus est. Is Rex, quem Senatus hoc
nomine sæpe honorificentissimis decretis appel-
lavisset, quique illum ordinem ab adolescentia
gravissimum sanctissimùmque duxisset, iisdem 20
rebus est perturbatus, homo longinquus, & alie-
nigena, quibus nos in media republica nati sem-
pèrque versati. Cùm audisset senatûs consentientis
auctoritate arma sumpta, consulibus, prætoribus,
tribunis plebis, novis imperatoribus republi- 25
cam defendendam datam, movebatur animo, &
vir huic imperio amicissimus de salute populi
Romani extimescebat, in qua etiam suam inclu-
sam esse videbat: summo tamen timore quiescen-
dum sibi esse arbitrabatur. Maximè verò per- 30
turbatus est, ut audivit consules ex Italia pro-
fugisse, omnesque consulares, (sic enim nun-
ciabatur) cunctum senatum, totam Italiam esse
effusam. Talibus enim nunciis & rumoribus pa-
tebat ad Orientem via, nec ulli veri subsequen- 35
tur: nihil ille de conditionibus tuis, nihil de
studio

studio concordia, & pacis, nihil de conspiratione audebat certorum hominum contra dignitatem tuam. Quæ cum ita essent, tamen usque eò se tenuit, quoad à Cn. Pompeio ad eum legati literæque venerunt. Ignosce, ignosce, 5 Cæsar, si ejus viri auctoritate rex Deiotarus cessit, quem nos omnes secuti sumus: in quem cum dii atque homines omnia ornamenta congestissent, tum tu ipse plurima & maxima. Neque enim si tuæ res gestæ cæterorum laudibus obscuritatem attulerunt, idcirco Cn. Pompeii memoriam amisimus. Quantum nomen ejus fuerit, 10 quantæ opes, quanta in omni genere bellorum gloria, quanti honores populi Romani, quanti senatûs, quanti tui, quis ignorat? tantò ille superiores vicerat gloriâ, quantò tu omnibus præstitisti. Itaque Cn. Pompeii bella, victorias, triumphos, consulatus, admirantes numerabamus: tuos enumerare non possumus. Ad eum 20 igitur rex Deiotarus venit hoc misero fatalique bello, quem antè justis hostilibusque bellis adjuverat, quocum erat non hospitio solum, verum etiam familiaritate conjunctus: & venit vel rogatus ut amicus, vel accersitus ut socius, vel 25 evocatus ut is qui senatui parere didicisset: postremò venit ut ad fugientem, non ut ad insequentem, id est, ad periculi, non ad victoriæ societatem. Itaque, Pharsalico prælio factò, à Pompeio discessit: spem infinitam persequi noluit: vel officio, si quid debuerat, vel errori, si 30 quid nescierat, satisfactum esse duxit: domum se contulit, tèque Alexandrinum bellum gerente, utilitatibus tuis paruit. Ille exercitum Cn. Domitii amplissimi viri suis testis & copiis sustentavit: ille Ephesum ad eum, quem tu ex tuis fidelissimum, & probatissimum, omnibus delegisti, pecuniam

pecuniam misit : ille iterum, ille tertio auctio-
nibus factis, pecuniam dedit, quâ ad bellum
utereris : ille corpus suum periculo objecit, te-
cûmque in acie contra Pharnacem fuit, tuûmque
hostem esse dixit suum. Quæ quidem à te in 5
eam partem accepta sunt, C. Cæsar, ut eum am-
plissimo regis honore & nomine affeceris. Is
igitur non modò à te periculo liberatus, sed etiam
honore amplissimo ornatus, arguitur domi te suæ
interficere voluisse. Quod tu, nisi eum furiosissi- 10
mum judicas, suspicari profectò non potes. Ut
enim omittam, cujus tanti sceleris fuerit, in con-
spectu deorum Penatium necare hospitem : cujus
tantæ importunitatis, omnium gentium atque
omnis memoriæ clarissimum lumen extinguere : 15
cujus tantæ ferocitatis, victorem orbis terrarum
non extimescere : cujus tam inhumani & ingrati
animi, à quo rex appellatus esset, in eum tyran-
num inveniri : ut hæc omittam : cujus tanti fu-
roris fuit, omnes reges, quorum multi erant fini- 20
timi, omnes liberos populos, omnes socios, om-
nes provincias, omnia denique omnium arma
contra se unum excitare ? quonam ille modo
cum regno, cum domo, cum conjuge, cum ca-
rissimo filio distractus esset, tanto scelere non 25
modò perfectò, sed etiam cogitato ? At, credo
hæc homo inconsultus & temerarius non videbat.
Quis consideratior illo ? quis rectior ? quis pru-
dentior ? quanquam hoc loco Deiotarum non
tam ingenio, & prudentiâ, quàm fide, & religi- 30
one vitæ, defendendum puto. Nota tibi est,
C. Cæsar, hominis probitas, noti mores, nota
constantia. Cui porrò, qui modo populi Romani
nomen audivit, Deiotari probitas, integritas,
gravitas, virtus, fides non sit audita ? Quod igitur 35
facinus nec in hominem imprudentem cadere
posset,

posset, propter metum praesentis exitii, nec in facinorosum, nisi esset idem amentissimus, id vos & à viro optimo, & ab homine minimè stulto cogitatum esse confingitis. At quem non modo
5 non credibiliter, sed ne suspiciosè quidem! Cùm, inquit, in castellum Luceium venisses, & domum regis hospicis tui divertisses, locus erat quidam, in quo erant ea composita, quibus rex te munere constituerat: huc te à balneo, priùs quàm
10 accumberes, ducere volebat, ibi enim erant armati, qui te interficerent, in eo ipso loco collocati. En crimen, en causa, cur regem fugitivus, dominum servus accuset. Ego mehercule, C. Caesar, initio, cùm est ad me ista causa delata, Philippum medicum, servum regium, qui cum
15 legatis missus esset, ab ipso adolescente esse corruptum, hac suspicione sum perculsus: medicum indicem subornavit; finget videlicet aliquod crimen veneni, etsi à veritate longè, tamen
20 à consuetudine criminandi non multùm res abhorrebat. Quid ait medicus? nihil de veneno. At id fieri potuit. Primò occultius in portione, vel in cibo: deinde etiam impunius fit, quod, cùm est factum, negari potest. Si palam te
25 interemisset, omnium in se gentium non solum odia, sed etiam arma convertisset; si veneno, Jovis illius quidem hospitalis numen nunquam celare potuisset, hominès verò fortasse celavisset: Quod igitur & occultius conari, & efficere cautiùs
30 potuit, id tibi, & medico callido, & servo, ut putabat, fideli non credidit: de armis, de ferro, de insidiis celare te noluit? At quàm festivè crimen contexitur! tua te, inquit, eadem, quæ semper, fortuna servavit. Negavisti tum
35 te inspicere velle. Quid postea? an Deiorarus, re illo tempore non perfectâ continuò dimisic

exercitum? nullus erat alius insidiandi locus?
 At eodem te, cùm cœnavisses, rediturum dixe-
 ras: Itaque fecisti. Horam unam aut duas eodem
 loco armatos, ut collocati fuerant, retinere
 magnum fuit? cùm in convivio comiter & jucun- 5
 dè fuisses, tum illuc ivisti, ut dixeras. Quo in
 loco Deiotarum talem erga te cognovisti, qualis
 rex Attalus in P. Africanum fuit: cui magnificen-
 tissima dona, ut scriptum legimus, usque ad Nu-
 mantiam misit ex Asia: quæ Africanus, in- 10
 spectante exercitu, accepit. Quod cùm præsens
 Deiotarus regio & animo & more fecisset, tu in
 cubiculum discessisti. Obsecro, C. Cæsar, repete
 temporis memoriam: pone illum ante oculos
 diem, vultus hominum te intuentium atque ad- 15
 mirantium recordare. Num quæ trepidatio?
 num qui tumultus? num quid? nisi moderatè,
 nisi quietè, nisi ex hominis gravissimi & sanctissi-
 mi disciplina? Quid igitur causæ excogitari po-
 test, cur te lautum voluerit, cœnatum noluerit, 20
 occidere? in posterum, inquit, diem distulit, ut
 cùm in castellum Luceium ventum esset, ibi co-
 gitata perficeret. Non video causam loci mu-
 randi, sed tamen acta res criminose est. Cùm,
 inquit, vomere post cœnam velle te dixisses, 25
 in balneum te ducere cœperunt: ibi enim erant
 insidiæ. At te eadem tua fortuna servavit. In
 cubiculum te ire malle dixisti. Dii te perdant,
 fugitive: ita non modò nequam, & improbus,
 sed & fatuus, & amens es. Quid? ille signa aenea 30
 in insidiis posuerat, quæ è balneo in cubiculum
 transferri non possent? Habes crimina insidia-
 rum: nihil enim dixit amplius. Horum, inquis,
 eram conscius. Quid tum? ita demens ille erat,
 ut eum, quem conscium tanti sceleris habebat, à 35
 se dimitteret? Romam etiam mitteret, ubi &
 inimi-

inimicissimum sciret esse nepotem suum, & C. Casarem, cui fecisset insidias; præsertim cum is unus esset, qui posset de absente se vindicare? & fratres meos, inquit, quod erant conscii, in vincula conjecit. Cùm igitur eos vinciret quos
5 secum habebat, te solum Romam mittebat, qui eadem scires, quæ illum scire dicis? Reliqua pars accusationis duplex fuit: una, regem semper in speculis fuisse, cùm à te animo esset alieno: altera,
10 exercitum eum contra te magnum comparasse. De exercitu dicam breviter, ut cætera. Nunquam eas copias Rex Deiotarus habuit, quibus inferre bellum populo Rom. posset; sed quibus fines suos ab excursionibus hostium & latro-
15 ciniis tueretur, & imperatoribus nostris auxilia mitteret. Atque antea quidem majores copias alere poterat, nunc exiguas vix tueri potest. At misit ad Cælium nescio quem. Sed eos, quos misit, quod ire voluerunt, in vincula conjecit.
20 Non quæro quàm verisimile sit, aut non habuisse regem quos mitteret: aut eos, quos misisset, non paruisse, aut, qui dicto audientes in tanta re non fuissent, eos vinctos potius, quàm necatos fuisse. Sed tamen, cùm ad Cælium mittebat,
25 utrùm causam illam victam nesciebat, an Cælium istum magnum hominem putabat? quem profecto is, qui optimè nostros homines novit, vel quia non nosset, vel quia nosset, contemneret. Addidit etiam illud, equites non optimos misisse
30 tibi. Veteres, credo, Cæsar. Nihil ad tuum equitatum: sed misit ex iis, quos habuit, electos. At nescio quem ex eo numero servum judicatum. Non arbitror: non audiui, sed in eo etiam si accidisset, culpam regis nullam fuisse arbitra-
35 rer. Alieno autem à te animo fuit? quomodo? speravit, credo, difficiles tibi Alexandria fore

exitus, propter regionis naturam, & fluminis.
 At eo ipso tempore pecuniam dedit, exercitum
 aluit : quem Asiæ præfeceras, ei nulla in re de-
 fuit : tibi victori non solum ad hospitium, sed
 ad periculum etiam atque ad aciem præstò fuit. 5
 Secutum est bellum Africanum : graves de te
 rumores sparsi : qui etiam furiosum illum Cæ-
 lium excitaverunt. Quo tum erga te rex animo
 fuit, qui auctionatus sit, seseque & filium suum
 expoliare maluerit, quam tibi pecuniam non sub- 10
 ministrare ? At eo, inquit, tempore ipso Niceam
 Ephesumque mittebat, qui rumores Africanos
 exciperent, & celeriter ad se referrent. Itaque,
 cum esset ei nunciatum, Domitium naufragio
 periisse, te in castello circumfideri : de Domitio 15
 dixit versum Græcum eadem sententiâ, quâ etiam
 nos habemus Latinum, *Pereant amici, dum una*
inimici intercidant. Quod ille, si esset tibi ini-
 micissimus, nunquam dixisset. Ipse enim man-
 suetus versus immanes. Qui autem Domitio po- 20
 terat esse amicus, qui tibi esset inimicus ?
 tibi porro inimicus cur esset, à quo cum vel
 interfici belli lege potuisse, regem, & se, & fili-
 um suum constitutos esse meminisset ? Quid de-
 inde furcifer ? quò progreditur ? ait hac latitiâ 25
 Deiotarum elatum, vino se obruisse, in convi-
 vióque nudum saltavisse. Quæ crux huic fugi-
 rivo potest satis supplicii adferre ? Deiotarum
 saltantem quisquam, aut ebrium vidit unquam ?
 omnes sunt in illo regis virtutes ; quod te, Cæ- 30
 sar, ignorare non arbitror : sed præcipuè sin-
 gularis & admiranda frugalitas. Etsi hoc verbo
 laudari reges non solere. Frugi hominem
 dici non multum habet laudis in rege : fortem,
 justum, severum, gravem, magnanimum, lar- 35
 gum, beneficum, liberalem, hæ sunt regis lau-
 des :

pacis auctor semper fui, post * Pharsalicum au-
 tem prælum suasor fuisset armorum non de-
 ponendorum, sed abjiciendorum, hunc ad meam
 auctoritatem non potui adducere, quòd & ipse
 ardebat studio ipsius belli, & patri satisfaciendum
 esse arbitrabatur. Felix ista domus, quæ non
 impunitatem solum adeptæ sit, sed * habet etiam
 accusandi licentiam *. Calamitosus Deiotarus,
 qui ab eo, qui in iisdem castris fuerit, non modò
 apud te, sed etiam à suis accusetur. Vos vestra
 secundâ fortunâ Castor, non potestis sine pro-
 pinquorum calamitate esse contenti. Sint sanè
 inimiciæ, quæ esse non debebant. Rex enim
 Deiotarus vestram familiam abjectam & obscu-
 ram è tenebris in lucem vocavit. Quis tuum
 patrem antea, qui esset, quàm cuius gener esset,
 audivit? Sed, quamvis ingrati & impiè necessi-
 tudinis nomen repudiaretis, tamen inimicitias,
 hominum more gerere poteratis, non ficto cri-
 mine insectari, non expetere vitam, non capitis
 arcessere. Esto, concedatur hæc quoque acer-
 bitas & odii magnitudo: adeone, ut etiam om-
 nia vitæ, salutisque communis: atque etiam hu-
 manitatis jura violentur, servum sollicitare verbis,
 spe, promissisque corrumpere, abducere domo,
 contra dominum armare, hoc est, non uni pro-
 pinquo, sed omnibus familiis bellum nefarium
 indicere? nam ista corruptela servi, si non modò
 impunita fuerit, sed etiam à tanta auctoritate ap-
 probata, nulli parietes nostram salutem, nullæ
 leges, nulla jura custodient. Ubi enim id, quod
 intus est, atque nostrum, impunè evolare potest,
 contraque nos pugnare: fit in dominatu servitus,
 in servitute dominatus. O tempora! & mores!
 Cn. Domitius ille, quem nos pueri consulem, cen-
 sorem, pontificem maximum vidimus, cùm
 tribu-

tribunis plebis. M. Scaurum principem civita-
tis in iudicium populi vocavisset, Scaurique ser-
vus ad eum clam domum venisset, & crimina in
dominum delaturum se esse dixisset, compre-
5 hendi hominem iussit, ad Scaurumque deduci.
Vide, quid intersit; (etsi inique Castorem cum
Domitio comparo.) Sed tamen ille inimico ser-
vum remisit, tu ab avo abduxisti: ille incor-
ruptum audire noluit, tu corrupisti: ille adju-
10 torem servum contra dominum repudiavit, tu
etiam accusatorem adhibuisti. At semel iste
est corruptus à vobis? nonne cum esset pro-
ductus testis, & cum tecum fuisset, refugit ad
legatos? nonne etiam ad hunc Cn. Domitium ve-
15 nit? nonne, audiente hoc Ser. Sulpicio clarissi-
mo viro, qui tam casu apud Domitium coenabat,
& hoc T. Torquato, optimo adolescente, se à te
corruptum, tuis promissis in fraudem impulsus
esse confessus est? quæ est ista tam impudens,
20 tam crudelis, tam immoderata inhumanitas?
idcirco in hanc urbem venisti, ut hujus urbis
jura & exempla corrumperes, domesticæque tuæ
inhumanitate nostræ civitatis humanitatem in-
quinares? At quàm acutè collecta crimina?
25 Blesamius, inquit (ejus enim nomine, optimi
hominis, nec tibi ignoti, maledicebat tibi) ad
regem scribere solebat, te invidiosè tyrannum
existimari: statuâ inter reges positâ animos ho-
minum vehementer offensos: plaudi tibi non
30 solere. Nonne intelligis, Cæsar, ex urbibus ma-
levolorum sermunculis hæc ab istis esse collecta?
Blesamius tyrannum Cæsarem scriberet? multo-
rum enim civium capita viderat: multos jussu
Cæsaris vexatos, verberatos, necatos: multas
35 afflictas & everfas domos: armatis militibus re-
fertum forum. Quæ semper in civili victoria
sensimus,

sensimus, ea, te victore, non vidimus : solus, inquam, es, C. Cæsar, cujus in victoria ceciderit nemo, nisi armatus, & quem nos liberi in summa reipublicæ libertate nati non modò non tyrannum, sed etiam clementissimum in victoria videmus ducem : is Blesamio, qui vivit in regno, tyrannus videri potest ? Nam de statua quis queritur, unâ præsertim, cùm tum multas videat ? valde enim invidendum est ejus statuæ, cujus trophæis non invidemus, Nam si locus adfert invidiam, nullus locus est, ad statuam quidem, rostris clarior. De plausu autem quid respondeam ? qui nec desideratus unquam à te est, & nonnunquam obstupefactis hominibus ipsâ admiratione compressus est : & fortasse eò prætermis-
missus, quia nihil vulgare te dignum videri potest. Nihil à me arbitror prætermis-
sum, sed aliquid ad extremam causæ partem reservatum. Id autem aliquid est, te ut planè Deiotaro reconciliet oratio mea. Non enim jam metuo, nè tu illi succenseas : illud vereor, nè tibi illum succensere aliquid suspicere. Quod abest longissimè, mihi crede, Cæsar. Quid enim retineat per te, meminit, non quid amiserit : neque se à te multatum arbitratur : sed, cùm existimaret, multis tibi multa esse tribuenda, quo minùs à se, qui in altera parte fuisset, ea sumere, non recusavit. Etenim, si Antiochus magnus ille Rex Asiæ, cùm, posteaquàm à Scipione devictus, Tauro tenus regnare jussus esset, omnémque hanc Asi-
am, quæ est nunc nostra provincia, amisisset, dicere est solitus, benignè sibi à populo Romano esse factum, quod nimis magnâ procuratione liberatus, modicis regni terminis uteretur ; potest multò faciliùs se Deiotarus consolari. Ille enim furoris multum sustinuerat, hic erroris.

Omnia

- Omnia tu Deiotaro, Cæsar, tribuisti, cùm & ipsi
& filio, nomen regium concessisti. Hoc nomine
retento, atque conservato, nullum beneficium
populi Rom. nullum iudicium de se senatus im-
5 minutum putat : magno animo erecto est, nec
unquam succumbet inimicis, nè fortunæ quidem.
Multa se arbitratur & peperisse antea factis, &
habere in animo, atque virtute, quæ nullo modo
possit amittere. Quæ enim fortuna, aut quis
10 casus, aut quæ tanta possit injuria omnium im-
peratorum de Deiotaro decreta delere? ab om-
nibus enim est ornatus : qui, postquam in castris
esse potuit per ætatem, in Asia, Cappadocia,
Ponto, Cilicia, Syria, bella gesserunt, Senatus
15 verò iudicia de illo tam multa, tamque honori-
fica, quæ publicis populi Romani literis muni-
mentisque consignata sunt, quæ unquam vetustas
obruet, aut quæ tanta delebit oblivio? Quid de
virtute ejus dicam? quid de magnitudine animi,
20 gravitate, constantiâ? quæ omnes docti atque
sapientes summa, quidam etiam sola bona esse
dixerunt, hisque non modò ad bene, sed etiam
ad beatè vivendum contentam virtutem esse.
Hæc ille reputans, & dies, & noctes cogitans,
25 non modò tibi non succenset, (esset enim non
solum ingratus, sed etiam amens) verùm om-
nem tranquillitatem & quietem senectutis ac-
ceptam refert clementiæ tuæ. Quo quidem
animo cùm antea fuerit, tum non dubito, quin
30 tuis literis, quarum exemplum legi, quas ad eum
Tarracone huic Blesamio dedisti, se magis eti-
am erexerit, ab omnique sollicitudine abstraxe-
rit. Jubes enim eum bene sperare, & bono esse
animo. Quod scio te non frustra scribere solere.
35 Memini enim iisdem ferè verbis ad me te scribe-
re, méque tuis literis bene sperare non frustra
esse

esse iussum. Laboro ecquidem regis Deiotari causâ, quocum mihi amicitiam respubl. conciliavit, hospitium voluntas utriusque conjunxit, familiaritatem consuetudo attulit, summam verò necessitudinem magna ejus officia in me & in exercitum meum effecerunt : sed cùm de illo laboro, tum de multis amplissimis viris, quibus semel esse ignotum à te oportet, nec beneficium tuum in dubium vocari, nec hærere in animis hominum sollicitudinem sempiternam, nec accidere, ut quisquam te timere incipiat eorum, qui semel à te sint liberati timore. Non debeo, C. Cæsar, quod fieri solet in tantis periculis, tentare, quoniam modo dicendo misericordiam tuam commovere possim. Nihil opus est : occurrere ipsa solet supplicibus, & calamitosis, nullius oratione evocata. Propone tibi duos reges, & id animo contemplare, quod oculis non potes : dabis profectò misericordiæ, quod iracundiæ negavisti. Multa sunt tuæ clementiæ monumenta : sed maximè eorum incolumitates, quibus salutem dedisti : Quæ si in privatis gloriosa sunt, multò magis commemorabuntur in regibus, semper regium nomen in hac civitate sanctum fuit : sociorum verò regum, & amicorum, sanctissimum. Quod nomen hi reges nè amitterent, te victore, timuerunt : retentum verò, & à te confirmatum, posteris etiam suis tradituros esse confido. Corpora verò sua, pro salute regum suorum hi legati tibi regii tradunt, Hieras, & Blesamius, & Antigonus, tibi nobisque omnibus jamdiu noti, eadèmq; fide & virtute præditus Dorylaus, qui nuper cum Hiera legatus est ad te missus : tum regum amicissimi, tum tibi etiam, ut spero, probati. Exquire de Blesamio, nunquid ad regem contra dignitatem tuam scrip-

scripserit. Hieras quidam causam omnem susci-
 pit, & criminibus illis pro rege se supponit reum :
 memoriam tuam implorat, quâ vales plurimum :
 negat unquam se à te in Deiotari tetrarchia pedem
 5 discessisse : in primis finibus tibi se præsto fuisse
 dicit, usque ad ultimos prosecutum : cum à
 balneo exisses, tecum se fuisse : cum illa mune-
 ra inspexisses coenatus : cum in cubiculo recu-
 buisses : eandemque assiduitatem tibi se præbuisse
 10 postridie. Quamobrem, si quid eorum, quæ
 objecta sunt, cogitatum sit : non recusat, quin id
 facinus suum iudices. Quocirca, C. Cæsar, velim
 existimes, hodierno die sententiam tuam, aut
 cum summo dedecore miserrimam pestem im-
 15 portaturam esse regibus, aut incolumem famam
 cum salute : quorum alterum optare, illorum
 crudelitatis est : alterum conservare, clementiæ
 tuæ.

20

ORATIO V.

25

Quæ est prima in

L. CATILINAM.

30

Argumentum super quatuor Catilinariis.

Lucius Catilina, teste Salustio Crispo, qui conju-
 rationem huiusmodi scripsit, nobili genere natus
 35 fuit, magnâ vi animi & corporis, sed ingenio
 malo pravôque. Huic ab adolescentiâ bella in-
 testina,

testina, rapina, cedes, discordia civilis, grata
 fuere; ibique juventutem exercuit. Corpus pa-
 tiens inedia, algoris, vigiliae fuit, supra quam
 credibile est. Animus audax, subdolanus, varius,
 cujuslibet rei simulator, ac dissimulator, alieni ap-
 petens, sui profusus, ardens cupiditatibus, satis
 eloquentia, sapientia parum, vastus animus, im-
 moderata vel incredibilia, & nimis alta semper
 cupiebat. Hunc post dominationem L. Syllae
 libido maxima invaserat R. P. capiendae: neque
 id quibus modis assequeretur, dum sibi regnum
 pararet, quicquam pensi habebat. Agitabatur
 magis atque magis animus, indiesque ferox inopia
 familiaris rei, scelerum conscientia. Quae utraque
 his artibus auxerat, quas supra memoravi. In-
 citabant eum praeterea corrupti mores civitatis,
 quos pessima ac diversa mala inter se luxuria
 atque avaritia vexabant. Corrupta namque in
 civitate ratus est, id quod facillimum factu erat,
 omnium flagitiosorum atque facinorosorum circum
 se tanquam stipatorum catervas habere. His
 amicis sociisque confisus, opprimendae reip. consi-
 lium cepit: ad hoc quietis rebus ipsi consula-
 tum petenti magna spes fuit. Sed pecuniarum
 repetundarum probatus reus, conjuravit de arri-
 piendo dominium. Quod Fulvia nobilis mulier
 insolentia Q. Curii consocii cognitum propalavit.
 Quo accensis patrum studiis M. Tullius, Cn. An-
 tonius Coss. declarantur. At Tullius, cui urbs
 evenerat, ad evitandum illius dolos & astutias,
 & perquirendum illius consilia vigilavit. Tan-
 dem manifestae re apud P. C. publico in Senatu
 Catilinam praesentem invehit, monetque ut ex
 prima investiva liquet, urbe discedat. Inde
 per secundam investivam milites seu Quirites
 in Catilinam hortatur: Monetque si qui sunt
 con-

conjuratiōis complices, abeant. Ad Quirites item per tertiam. Qualiter conspirationem noverit, manifestat; rogatque grates agant diis, & indies perpetuò celebretur. Demum, per quartam, Senatum consulit, quid de complicitibus captis agendum. Sunt itaque hæc quatuor investiva in genere demonstrativo, in quantum Catilinam vituperat. Sunt etiam in genere deliberativo, in quantum consulit. Constitutio videtur generaliter conjecturalis. Dispositio verò est non ab artis institutione profecta, sed ad casum temporis, oratoris judicio accommodata.

Quoniam tandem abutere, Catilina, patientiâ nostrâ? quamdiu nos etiam furor iste tuus eludet? quem ad finem sese effrenata jactabit audacia? nihilne te nocturnum præsidium Palatii, nihil urbis vigiliæ, nihil timor populi, nihil consensus bonorum omnium, nihil hic munitissimus habendi senatûs locus, nihil horum ora vultûsque moverunt? patere tua consilia non sentis? constrictam jam omnium horum conscientiam teneri conjurationem tuam non vides? quid proximam, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris? O tempora, o mores! Senatus hoc intelligit, Consul videt: hic tamen vivit, Vivit? imò etiam in Senatum venit: sit publici consilii particeps: notat & designat oculis ad eadem unumquemque nostrum. Nos autem viri fortes satisfacere reipubl. videmur, si istius furorem ac tela vitemus. Ad mortem te, Catilina, duci, jussu Consulis, jam pridem oportebat: in te conferri pestem

pestem istam, quam tu in nos omnes jamdiu
 machinaris. An verò vir amplissimus P. Scipio
 pontifex maximus Tiberium Gracchum medio-
 criter labefactantem statum reipublicæ privatus
 interfecit? Catilinam verò orbem terræ cæde 5
 atque incendiis vastare cupientem nos consules
 perferemus? nam illa nimis antiqua prætereo,
 quòd Q. Servilius Ahala Sp. Melium novis rebus
 studentem manu suâ occidit. Fuit, fuit ista
 quondam in hac repub. virtus, ut viri fortes 10
 acrioribus suppliciis civem perniciosum, quàm
 acerbissimum hostem coercerent. Habemus enim
 senatusconsultum in te, Catilina, vehemens, &
 grave: non deest reipub. consilium, neque aucto-
 ritas hujus ordinis: nos, nos, dico apertè, con- 15
 sules desumus. Decrevit quondam senatus, ut
 L. Opimius Cos. videret, nè quid respub. de-
 trimenti caperet. Nox nulla intercessit: inter-
 fectus est propter quasdam seditionum suspiciones
 C. Gracchus, clarissimo patre natus, avis, majo- 20
 ribus: occisus est cum liberis M. Fulvius consu-
 laris. Simili senatusconsulto, C. Mario & L. Va-
 lerio Coss. permixta est respub. num unum diem
 postea L. Saturninum tribunum plebis, & C. Ser-
 vilium mors à reipubl. poena remorata est? At 25
 vos vigesimum jam diem patimur hebescere aci-
 em horum auctoritatis: habemus enim hujus-
 modi senatusconsultum, veruntamen inclusum in
 tabulis, tanquam gladium in vagina reconditum,
 quo ex senatusconsulto confestim interfectum te 30
 esse, Catilina, convenit. Vivis, & vivis, non
 ad deponendam, sed ad confirmandam audaci-
 am. Cupio, P. C. me esse clementem, cupio
 in tantis reipub. periculis non dissolutum videri:
 sed jam meipsum inertiae nequitiaeque condemno. 35
 Castra sunt in Italia contra rempub. in Etruriae
 faucibus

faucibus collocata : crescit in dies singulos hosti-
um numerus: eorum autem imperatorem casto-
rum, ducemque hostium, intra mœnia, atque
adeò in senatu videmus, intestinam aliquam
5 quotidie perniciem reipub. molientem. Si te
jam, Catilina, comprehendi, si interfici jussero :
credo, erit verendum mihi, nè non hoc potius
omnes boni ferius à me, quàm quisquam, cru-
delius factum esse dicat. Verùm ego hoc, quod
10 jampridem factum esse oportuit, certa de causa
nondum adducor ut faciam : tum denique inter-
ficiam te, cùm jam nemo tam improbus, tam
perditus, tam tui similis inveniri poterit, qui id
non jure factum esse fateatur. Quamdiu quisquam
15 erit qui te defendere audeat, vives, & vives ita
ut nunc vivis, multis, meis & firmis præsi-
diis obsessus, ne commovere te contra rempubl.
possis : multorum te etiam oculi & aures non
sentientem, sicut adhuc fecerunt, speculabuntur,
20 atque custodient. Etenim quid est, Catilina,
quod jam amplius expectes, si neque nox tene-
bris obscurare cœtus nefarios, nec privata do-
mus parietibus continere vocem conjurationis tuæ
potest? si illustrantur, si erumpunt omnia?
25 Muta jam istam mentem, mihi crede : oblivisce-
re cædis, atque incendiorum. Teneris undique :
luce sunt clariora nobis tua consilia omnia : quæ
etiam mecum licet recognoscas. Meministine
me ante diem xii. Kalend. Novemb. dicere in
30 senatu, certo die fore in armis, qui dies futu-
rus esset ante diem viii. Kal. Novemb. C. Man-
lium audaciæ satellitem atque administrum tuæ?
num me fefellit, Catilina, non modò res tanta,
tam atrox, tam incredibilis, verùm, id quod
35 multò magis est admirandum, dies? Dixi ego
idem in senatu, cædem te optimatum contu-
lisse

lisse in ante diem v. Kal. Novemb. Tum cùm multi principes civitatis Roman. non tam sui conservandi, quàm tuorum consiliorum reprimendorum causâ profugerunt. Num inficiari potes, te illo ipso die meis præsiidijs, meâ diligentia circumclusum, commovere te contra rempub. non potuisse cùm tu discessu cæterorum, nostrâ tamen, qui remansissemus, cæde contentum te esse dicebas. Quid? cum te Præneste Kalen. 5
ipsis Novembris occupaturum nocturno impetu esse consideres sensistine, illam coloniam meo jussu, meis præsiidijs, custodijs, vigiliisque esse munitam? nihil agis, nihil moliris, nihil cogitas, quod ego non modò audiam, sed etiam videam, planèque sentiam. Recognosce mecum 15
randem illam superiorem noctem: jam intelliges, multò me vigilare acriùs ad salutem, quàm te ad perniciem reipub. Dico te priori nocte venisse inter falcarios (non agam obscurè) in M. Leccæ domum: convenisse eodẽ complures 20
ejusdem amentia scelerisque socios. Num negare audes? quid taces? convincam, si negas: video enim esse hic in senatu quosdam, qui tecum unà fuere. O dii immortales, ubinam gentium sumus? quam rempub. habemus? in qua urbe 25
vivimus? hic, hic sunt in nostro numero, P. C. in hoc orbis terræ sanctissimo gravissimòque consilio, qui de meo, nostrum omnium interitu, qui de hujus urbis, atque adeò orbis terrarum exitio cogitent. Hosce ego video, Consul, & de 30
republica sententiam rogo: & quos ferro trucidare oportebat, eos nondum voce vulnero. Fui isti igitur apud Leccam eâ nocte Catilina: distribuisti partes Italia: statuisti quo quemque proficisci placeret, delegisti quos Romæ relin- 35
queres, quos tecum educeres: descripsisti urbis partes

partes ad incendia : confirmâsti te ipsum jam
esse exiturum : dixisti paululum tibi esse etiam
tum moræ, quod ego viverem. Reperti sunt
duo equites Romani, qui te istâ curâ liberarent,
5 & sese illâ ipsâ nocte paulo ante lucem me in
meo lectulo interfekturos pollicerentur. Hæc
ego omnia, vix dum etiam coetu vestro dimisso,
comperi : domum meam majoribus præfidiis
munivi, atque firmavi : exclusi eos, quos tu
10 manè ad me salutatum miseras, cùm illi ipsi ve-
nissent ; quos ego jam multis viris, ad me ven-
turos id temporis esse prædixeram. Quæ cùm
itâ sint, Catilina, perge quo cœpisti : egredere
aliquando ex urbe : patent portæ, proficiscere :
15 nimidum diu te imperatorem illa tua Manliana
castra desiderant : educ tecum etiam omnes tuos :
si minùs, quàm plurimos : purga urbem : magno
me metu liberabis, dummodo inter me atque te
murus intersit : nobiscum versari jam diutiùs non
20 potes : non feram, non patiar, non sinam. Mag-
na diis immortalibus habenda est gratia, atque
huic ipsi Jovi Statori antiquissimo custodi hujus
urbis, quod hanc tam tetram, tam horribilem,
tàmque infestam reipublicæ pestem toties jam
25 effugimus : non est sæpiùs in uno homine salus
summa periclitanda reipublicæ. Quamdiu mihi
Consuli designato Catilina insidiatus es, non pub-
lico me præsidio, sed privatâ diligentia defendi :
cùm proximis comitiis consularibus me Consulem
30 in campo & competitores tuos interficere volu-
isti, compressi tuos nefarios conatus amicorum
præsidio & copiis, nullo tumulto publicè con-
citato : denique quotiescunque me petisti, per
me tibi obstiti : quanquam videbam, perniciem
35 meam cum magna calamitate reipubl. esse con-
junctam. Nunc jam apertè rempub. universam
petis,

petis, templa deorum immortalium, tecta urbis, vitam omnium civium, Italiam denique totam ad exitium & vastitatem vocas. Quare, quoniam id, quod primum atque hujus imperii disciplinæque majorum proprium est, facere non audeo : faciam id, quod est ad severitatem lenius, ad communem salutem utilius. Nam si te interfici jussero, residebit in republica reliqua conjuratorum manus : sin (quod te jamdudum hortor) exieris, exhaurietur ex urbe tuorum comitum magna & perniciofa sentina reipublicæ. Quid est Catilina? num dubitas id, me impetrante, facere, quod jam tuâ sponte faciebas? exire ex urbe Consul hostem jubet : interrogas me, num in exilium? non jubeo : sed si me consulis, suadeo. Quid enim, Catilina, est, quod te jam in hac urbe delectare possit ; in qua nemo est extra istam conjurationem perditorum hominum, qui te non metuat, nemo qui te non oderit? Quæ nota domesticæ turpitudinis non inusta vitæ tuæ est? quod privatarum rerum dedecus non hæret infamiæ? quæ libido ab oculis, quod facinus à manibus unquam tuis, quod flagitium à toto corpore absuit? cui tu adolescentulo, quem corruptelarum illecebris irretisses, non aut ad audaciam ferrum, aut ad libidinem facem prætulisti? Quid verò nuper? cum morte superioris uxoris novis nuptiis domum vacuam fecisses, nonne etiam alio incredibili scelere hoc scelus cumulasti? quod ego prætermitto, & facile patior fileri, nè in hac civitate tanti facinoris immanitas aut extitisse, aut non vindicata esse videatur. Prætermitto ruinas fortunarum tuarum ; quas omnes impendere tibi proximis idibus senties ; ad illa venio, quæ non ad privatam ignominiam vitiorum tuorum, non ad domesticam
tuam

tuam difficultatem ac turpitudinem, sed ad summam reipublicæ, atque ad omnium nostrum vitam salutemque pertinent. Potestne tibi hujus vitæ hæc lux, Catilina, aut hujus cœli spiritus esse jucundus? cum scias horum esse neminem, qui nesciat te pridie Kalend. Januar. Lepido & Tullo Coss. sterisse in comitio cum telo? manum, Consulum & principum civitatis interficiendorum causâ, paravisse? sceleri, ac furori
5 tuo, non mentem aliquam, aut timorem tuum, sed fortunam reipubl. obstitisse? Ac jam illa omitto. Neque enim sunt aut obscura, aut non multo post commissa. Quoties tu me designatum, quoties me Consulem interficere voluisti?
15 quot ego tuas petitiones ita coniectas, ut vitari posse non viderentur, parvâ quadam declinatione, &, ut aiant, corpore effugi? nihil agis, nihil assequeris, nihil moliris, quod mihi latere valeat in tempore: neque tamen conari ac velle
20 desistis. Quoties jam, quoties jam tibi extorta est sica ista de manibus? quoties verò excidit casu aliquo, & elapsa est? tamen eâ carere diutius non potes: quæ quidem quibus abs te initiata sacris ac devota sit, nescio, quod eam necesse
25 putas Consulis in corpore defigere. Nunc verò, quæ tua est ista vita: sic enim jam tecum loquar, non ut odio permotus esse videar, quo debeo, sed ut misericordiâ, quæ tibi nullo debetur. Venisti paulò antè in Senatum: quis te ex hac
30 tanta frequentia, ex tot tuis amicis ac necessariis salutavit? si hoc post hominum memoriam, contigit nemini, vocis expectas, contumeliam, cum sis gravissimo judicio taciturnitatis oppressus? quid, quod adventu tuo ista subsellia vacua
35 facta sunt? quid, quod omnes Consulares, qui tibi persæpe ad eandem constituti fuerunt, simulque

latque assedisti, partem istam subselliorum nu-
 dam atque inanem reliquerunt? Quo tandem
 animo hoc tibi ferendum putas? servi, meher-
 cule, mei, si me isto pacto metuerent, ut te
 metuunt omnes cives tui, domum meam relin-
 quendam putarem: tu tibi urbem non arbitra-
 ris? & si me meis civibus injuriâ suspectum tam
 graviter, atque insensum viderem, carere me
 aspectu civium, quàm infestis oculis omnium
 conspici mallet: tu cum conscientia scelerum
 tuorum agnoscas odium omnium justum, & jam
 tibi diu debitum; dubitas, quorum mentes sen-
 sūsque vulneras, eorum aspectum præsentiâque
 vitare? Si te parentes timerent atque odissent tui,
 neque eos ullâ ratione placare posses, ut opinor,
 ab eorum oculis aliquò concederes: nunc te pa-
 tria, quæ communis est omnium nostrum pa-
 rens, odit ac metuit, & jamdiu te nihil judicat,
 nisi de parricidio suo, cogitare. Hujus tu neque
 auctoritatem verebere, neque judicium sequere,
 neque vim pertimesces? quæ tecum, Catilina,
 sic agit, & quodammodo tacita loquitur: Nul-
 lum jam tot annos facinus exstiterit, nisi per te:
 nullum flagitium sine te: tibi uni multorum ci-
 vium neces, tibi vexatio, direptiōque sociorum
 impunita fuit ac libera: tu non solum ad neg-
 ligendas leges & quæstiones, verum etiam ad
 evertendas perfringendâsque valuisti. Superiora
 illa, quanquam ferenda non fuerunt: tamen, ut
 potui, tuli: nunc verò, me totam esse in metu
 propter te unum; quidquid increpuerit, Catili-
 nam timeri; nullum videri contra me consilium
 iniri posse, quod à tuo scelere abhorreat, non
 est ferendum. Quamobrem discede, atque hunc
 mihi timorem eripe: si verus, nè opprimar;

fin

- fin falsus, ut tandem aliquando timere desinam. Hæc si tecum, ut dixi, patria loquatur, nonne impetrare debeat, etiamsi vim adhibere non possit; Quid : quod tu te ipse in custodiam dedisti? quid quod vitandæ suspicionis causâ,
5 apud M. Lepidum te habitare velle dixisti? à quo non receptus, etiam ad me venire ausus es, atque ut domi meæ te asservarem rogâsti? Cùm à me quoque id responsum tulisses, me nullo
10 modo posse iisdem parietibus tuò esse tecum, qui magno in periculo essem, quod iisdem mœnibus contineremur, ad Q. Metellum prætorem venisti; à quo repudiatus, ad sodalem tuum, virum optimum M. Marcellum demigrâsti:
15 quem tu videlicet & ad custodiendum te diligentissimum, & ad suspicandum sagacissimum, & ad vindicandum fortissimum fore putasti: sed quàm longè videtur à carcere atque à vinculis abesse debere, qui seipsum jam dignum custodiâ
20 judicaverit? Quæ cùm ita sint, Catilina, dubitas, si hic emori æquo animo non potes, abire in aliquas terras, & vitam istam, multis suppliciis justis debitisque ereptam, fugæ solitudinique mandare? Refer, inquis, ad Senatum. Id enim
25 postulas: &, si hic ordo sibi placere decreverit te ire in exilium, obtemperaturum te esse dicis. Non referam id, quod abhorret à meis moribus; & tamen faciam, ut intelligas quid hi de te sentiant. Egredere ex urbe Catilina: libera rem-
30 publicam metu: in exilium, si hanc vocem exspectas, proficiscere. Quid est, Catilina? ecquid attendis, ecquid animadvertis horum silentium? patiuntur: tacent. Quid exspectas auctoritatem loquentium, quorum voluntatem tacitorum
35 perspicis? At si hoc idem huic, adolescenti optimo P. Sextio, si fortissimo viro M. Marcello
D dix-

dixissem, jam mihi Consuli hoc ipso in templo
 jure optimo senatus vim & manus intulisset: de
 te autem, Catilina, cum quiescunt, probant:
 cum pariantur, decernunt: cum tacent, cla-
 mant. Neque hi solum quorum tibi auctoritas
 est videlicet chara, vita vilissima: sed etiam illi
 equites Romani, honestissimi atque optimi viri,
 ceterique fortissimi cives qui circumstant Sena-
 tum: quorum tu & frequentiam videre, & studia
 perspicere, & voces paulo ante exaudire potu-
 isti. Quorum ego vix abs te jamdum manus ac
 tela contineo, eosdem facile adducam, ut te hæc,
 quæ jampridem vastare studes, relinquentem
 usque ad portas prosequantur. Quanquam quid
 loquor? te ut ulla res frangat? tu ut unquam te
 corrigas? tu ut ullam fugam meditare? tu ullum
 ut exilium cogites? utinam tibi istam mentem
 dii immortales darent. Tamen si video, si mea
 voce perterritus ire in exilium animum induxe-
 ris, quanta tempestas invidiæ nobis, si minus in
 præsens tempus recenti memoria scelerum tuo-
 rum, at in posteritatem, impendeat. Sed est
 mihi tanti, dummodo ista privata sit calamitas,
 & à reipubl. periculis sejungatur. Sed tu ut
 vitiis tuis commoveare, ut legum pœnas perti-
 mescas, ut temporibus reipubl. concedas, non
 est postulandum. Neque enim Catilina, is es,
 ut te aut pudor à turpitudine, aut metus à
 periculo, aut ratio à furore revocârit. Quam-
 obrem, ut sæpe jam dixi, proficiscere. Ac si
 mihi inimico, ut prædicas, tuo confiare vis in-
 vidiam, rectè perge in exilium: vix feram ser-
 mones hominum, si id feceris: vix molem istius
 invidiæ: si in exilium ieris jussu consulis, substi-
 nebo. Sin autem servire meæ laudi & gloriæ
 mavis, egredere cum importuna sceleratorum
 manu:

manu : confer te ad Manlium, concita perditos
cives, secerne te à bonis, infer patriæ bellum,
exsulata impio latrocinio : ut à me non eiectus ad
alienos, sed invitatus ad tuos isse videaris.
5 Quamquam quid ego te invitam, à quo jam sci-
am esse præmissos, qui tibi ad Forum Aurelium
præstolarentur armati? sciam pactam & consti-
tutam esse cum Manlio diem? à quo etiam Aquilam
illam argenteam, quam tibi ac tuis omni-
10 bus perniciosam esse confido, & funestam futu-
ram, cui domi tuæ sacrarium scelerum tuorum
constitutum fuit, sciam esse præmissam? Tu ut
illâ diutius carere possis, quam venerari, ad eam-
dem proficiscens, solebas? à cujus altaribus sæpe
15 istam dextram impiam ad necem civium transu-
listi? Ibis tandem aliquando, quò te jam pridem
tua ista cupiditas effrœnata ac furiosa rapiebat.
Neque enim tibi hæc res affert dolorem, sed
quandam incredibilem voluptatem. Ad hanc
20 te amentiam natura peperit, voluntas exercuit,
fortuna servavit. Nunquam tu non modò otium,
sed nè bellum quidem, nisi nefarium concu-
pisti. Nactus es ex perditis, atque ab omni
non modò fortuna, verùm etiam spe derelictis
25 conflata improborum manum. Hic tu quâ
lætitia perfuere? quibus gaudiis exsultabis?
quanta in voluptate bacchabere? cùm in tanto
numero tuorum neque audies virum bonum
quenquam, neque vives? Ad hujus vitæ stu-
30 dium meditati illi sunt, qui feruntur, labores
tui : jacere humi non modò ad obsidendum
stuprum, verùm etiam ad facinus obeundum :
vigilare non solum ad insidiandum fomito mari-
torum, verùm etiam bonis occisorum. Habes
35 ubi ostentes illam præclaram tuam patientiam
famis, frigoris, inopiæ rerum omnium, quibus

te brevi tempore confectum esse senties. Tantum
 profecitum, cum te à consulatu repulsi, ut exul
 potius tentare, quam consul vexare rempubl.
 posses; atque ut id quod esset à te sceleratè
 susceptum, latrocinium potius, quam bellum
 nominaretur. Nunc ut à me P. C. quandam
 prope justam patriæ querimoniam detester ac
 deprecet, percipite, quæso, diligenter quæ di-
 cam, & ea penitus animis vestris mentibusque
 mandate. Etenim si mecum patria, quæ mihi
 vitæ meâ multò est carior, si cuncta Italia, si
 omnis respublica loquatur: M. Tulli, quid agis?
 tunc eum, quem esse hostem comp. risti, quem
 ducem belli futurum vides, quem exspectari
 imperatorem in castra hostium sentis, auctorem
 sceleris, principem conjurationis, evocatorem
 servorum & civium perditorum, exire patieris,
 ut abs te non emissus ex urbe, sed immissus in
 urbem esse videatur? nonne hunc in vincula duci,
 non ad mortem rapi, non summo supplicio
 mactari imperabis? Quid tandem impedit te?
 mōsne majorum? at persæpe etiam privati in
 hac repub. perniciosos cives morte multârunt. An
 leges, quæ de civium Romanorum supplicio ro-
 gæ sunt? At nunquam in hac urbe ii, qui à re-
 publica defecerunt, civium jura tenuerunt. An
 invidiam posteritatis times? præclaram verò
 populo Romano refers gratiam, qui te homi-
 nem per te cognitum, nullâ commendatione
 majorum, tam maturè ad summum imperium
 per omnes honorum gradus extulit; si propter
 invidiam aut alicujus periculi metum, salutem
 civium tuorum negligis. Sed si quis est invidiæ
 metus num est vehementiùs severitatis, ac for-
 titudinis invidia, quam inertix ac nequitix per-
 timefscenda? An cum bello vastabitur Italia,

vex-

vexabuntur urbes, tecta ardebunt, tum te non existimas invidiæ incendio conflagraturum? His ergò sanctissimis reipublicæ vocibus, & eorum hominum, quid idem sentiunt, mentibus pauca
5 respondebo. Ego, si hoc optimum factu judicarem, P. C. Catilinam morte multari, unius usuram horæ gladiator i isti ad vivendum non dedissem. Etenim si summi viri, & clarissimi cives Saturnini, & Gracchorum, & Flacci, &
10 superiorum complurium sanguine non modò se non contaminârunt, sed etiâ honestârunt: certè verendum mihi non erat, ne quid, hoc parricidâ civium interfecto, invidiæ mihi in posteritatem redundaret. Quod si ea mihi
15 maximè impenderet; tamen hoc animo semper fui, ut invidiam virtute partam, gloriam, non invidiam putarem. Quamquam nonnulli sunt in hoc ordine, qui aut ea, quæ imminet, non videant; aut ea quæ vident, dissimulant: qui
20 spem Catilinæ mollibus sententiis aluerunt, conjurationemque nascentem non credendo corroboraverunt: quorum auctoritatem secuti multi, non solùm improbi, verùm etiâ imperiti, si in hunc animadvertissem, crudeliter & regiè factum
25 esse dicerent. Nunc intelligo, si iste, quò intendit, in Manliana castra pervenerit, neminem tam stultum fore, qui non videat conjurationem esse factam? neminem tam improbum, qui non fateatur. Hoc autem uno interfecto, intel-
30 ligo hanc reipub. pestem paulisper reprimi, non in perpetuum comprimi posse. Quod si se ejecerit, secùmque suos eduxerit, & eodem cæteros undique collectos naufragos aggregaverit; extinguetur atque delebitur non modò hæc tam
35 adulta reip. pestis, verùm etiâ stirps ac semen malorum omnium. Etenim jamdiu P. C. in his

periculis conjurationis insidiisque versamur: sed
 nescio quo pacto omnium scelerum, ac veteris
 furoris, & audaciæ maturitas in nostri Consula-
 tûs tempus erupit. Quod si ex tanto latrocinio
 iste unus tolletur, videbimur fortasse ad breve
 quoddam tempus curâ & metu esse relevati: pe-
 riculum autem residebit & erit inclusum penitus
 in venis atque in visceribus reipublicæ. Ut sæpe
 homines ægri morbo gravi cum æstu, febrique
 jactantur, si aquam gelidam biberint, primò
 relevari videntur; deinde multò gravius vehe-
 mentiùsque affliguntur: sic hic morbus, qui est
 in republica, relevatus istius poenâ, vehemen-
 tiùs, vivis reliquis, ingravescet. Quare, P. C.
 secedant improbi, secernant se à bonis, unum in
 locum congregentur; muro denique, id quod
 sæpe jam dixi, secernantur à nobis: desinant
 insidiari domi suæ Consuli, circumstare tribunal
 prætoris urbani, obsidere cum gladiis curiam,
 malleolos ad incendendam urbem, facèsque com-
 parare: sit denique inscriptum in fronte unius-
 cuiusque civis, quid de republ. sentiat. Polli-
 citor vobis hoc P. C. tantam in nobis COSS. fore
 diligentiam, tantam in vobis auctoritatem, tan-
 tam in equitibus Roman. virtutem, tantam in om-
 nibus bonis consensionem, ut Catilinæ profectio-
 ne omnia patefacta, illustrata, oppressa, vindi-
 cata esse videatis. Hisce omnibus, Catilina, cum
 summa reipubl. salute & cum tua peste, ac per-
 nicie, cûmque eorum exirio, qui se tecum omni
 scelere parricidiòque junxerunt, proficiscere ad
 impium bellum, ac nefarium. Tum tu, Jupiter,
 qui iisdem, quibus hæc urbs, auspiciis à Romulo
 es constitutus, quem Statorem hujus urbis atque
 imperii verè nominamus, hunc & hujus focios
 à tuis aris cæterisque templis, à tectis urbis, ac
 mœnibus,

mœnibus, à vita fortunisque civium omnium ar-
cebis; & omnes inimicos bonorum, hostes pa-
triæ, latrones Italiæ, scelerum fœdere inter se, ac
nefariâ societate conjunctos, æternis suppliciis vi-
vos mortuosque mactabis.

ORATIO VI.

10

Quæ est secunda in

L. CATILINAM.

15

TAndem aliquando, Quirites, L. Catili-
nam furem audaciâ, scelus anhelan-
tem, pestem patriæ nefariè molientem,
vobis atque huic urbi ferrum flammamque mi-
nitantem, ex urbe vel eiecimus, vel emisimus,
20 vel ipsum egredientem urbe profecuti sumus.
Abiit, excessit, evasit, erupit. Nulla jam per-
niciēs à monstro illo atque prodigio mœnibus
ipsis intra mœnia comparabitur. Atque hunc
25 quidem unum hujus belli domestici ducem sine
controversia vicimus. Non enim jam inter la-
tera nostra fica illa versabitur: non in campo,
non in foro, non in curia, non denique intra
domesticos parietes pertimescemus. Loco ille
30 morus est, cùm est ex urbe depulsus: palàm jam
cum hoste, nullo impediēte, bellum justam ge-
remus. Sine dubio perdidimus hominem, mag-
nificèque vicimus, cùm illum ex occultis infidiis
in apertum latrocinium coniecimus. Quod ve-
35 rò non cruentum mucronem, ut voluit, extulit,
quòd vivis nobis egressus est, quòd ei ferrum de
manibus

manibus extorsimus, quòd incolumes cives, quòd
 stantem urbem reliquit : quanrò tandem illum
 mœrore afflictum esse & profligatum putatis ?
 Jacet ille nunc prostratus, Quirites, & se percul-
 sum atque abjectum esse sentit, & retorquet o- 5
 culos profectò sæpe ad hanc urbem, quam ex
 suis faucibus ereptam esse luget : quæ quidem
 latari mihi videtur, quòd tantam pestem evo-
 muerit, foràsque projecerit. At si quis est talis
 quales esse omnes oportebat, qui in hoc ipso, in 10
 quo exsultat & triumphat oratio mea, me ve-
 hementer accuset, quòd tam capitalem hostem
 non comprehenderim potiùs quàm emissem :
 non est ista mea culpa, Quirites, sed temporum.
 Interemptum esse L. Catilinam, & gravissimo 15
 supplicio affectum jampridem oportebat : idque
 à me & mos majorum & hujus imperii severitas,
 & respublica postulabat. Sed quàm multos fu-
 isse putatis, qui, quæ ego deferrem, non crede-
 rent ? quàm multos, qui propter stultitiam non 20
 putarent ? quàm multos, qui etiam defende-
 rent ; quàm multos, qui propter improbitatem
 foverent ? Ac si sublato illo, depelli à vobis om-
 ne periculum judicarem, jampridem ego L. Ca-
 tilinam non modò invidiæ meæ, verùm etiam 25
 vitæ periculo sustulissem. Sed cùm viderem, ne
 vobis quidem omnibus re etiam tum probatâ, si
 illum, ut erat meritus, morte multâssem, fore
 ut ejus socios invidiâ oppressus persequi non pos-
 sem : rem huc deduxi, ut tum palàm pugnare 30
 possetis, cùm hostem apertè videretis. Quem
 quidem ego hostem, Quirites, quàm vehemen-
 ter foris esse timendum putem, licet hinc intel-
 ligatis, quòd illud etiam molestè fero, quòd ex
 urbe parum comitatus exierit. Utinam ille om- 35
 nes secum suas copias eduxisset. Tongillum mi-
 hi

hi eduxit quem amare in prætexta cœperat :
 Publicium, & Munatium, quorum æs alienum
 contractum in popina nullum reipublicæ metum
 afferre poterat. Reliquit quos viros? quanto
 5 alieno ære? quàm valentes? quàm nobiles vos
 videtis? Itaque ego illum exercitum, ex Galli-
 canis legionibus, & hoc delectu, quem in agro
 Piceno & Gallico Q. Metellus habuit, & his co-
 piis, quæ à nobis quotidie comparantur, mag-
 10 nopere contemno, collectum ex senibus despe-
 ratis, ex agresti luxuria, ex rusticis mendiculis,
 ex decoctoribus, ex iis, qui vadimonia deferere
 quàm illum exercitum maluerunt. Quibus ego
 non modò si aciem exercitus nostri, verùm eti-
 15 am si edictum prætoris ostendero, concident.
 Hos, quos video volitare in foro, quos stare ad
 curiam, quos etiam in senatum venire, qui mitent
 unguentis, qui fulgent purpurâ, mallem secum
 20 suos milites eduxisset: qui si hic permanent, me-
 mentore, non tam exercitum illum esse nobis,
 quàm hos, qui exercitum deseruerunt, pertime-
 scendos. Atque etiam hoc magis sunt timendi,
 quòd quid cogitent, me scire sentiunt, neque ta-
 25 men permoventur. Video cui Apulia sit attribu-
 ta, qui habeat Etruriam, qui agrum Picenum,
 qui Gallicum, qui sibi has urbanas insidias cædis
 atque incendiolorum depoposcerit: omnia superio-
 ris noctis consilia ad me perlata esse sentiunt:
 30 patefeci in Senatu hesterno die: Catilina ipse per-
 timuit, profugit: hi quid expectant? nã illi ve-
 hementer errant, si illam meam pristinam lenita-
 tem perpetuam sperant futuram: quod exspe-
 ctavi, jam sum affecutus, ut vos omnes factam
 esse apertè conjurationem contra remp. videret-
 35 tis. Nisi verò si quis est, qui Catilinæ similis
 cum Catilina sentire non putet. Non est jam

lenitati locus; severitatem res ipsa flagitat. Unum etiam nunc concedam: exeant, proficiscantur, nè patiantur desiderio sui Catilinam miserum tabescere: demonstrabo iter: Aureliam viam profectus est: si accelerare volent, ad vesperam consequentur. O fortunatam rem. siquidem hanc sentinam hujus urbis ejecerit. Uno mehercule Catilinam exhausto, relevata mihi, & recreata respubl. videtur. Quid enim mali aut sceleris, fingi aut excogitari potest, quod non ille conceperit? quis totam Italiam veneficus, quis gladiator, quis latro, quis sicarius, quis parricida, quis testamentorum subceptor, quis circumscriptor, quis ganeo, quis nepos, quis adulter? quæ mulier infamis, quis corruptor juventutis, quis corruptus, quis perditus inveniri potest, qui se cum Catilina non familiarissimè vixisse fateatur: quæ cades per hosce annos sine illo facta est? quod nefarium stuprum non per illum? Jam verò quæ tanta in ullo unquam homine Juventutis illecebra fuit, quanta in illo? qui alios ipse amabat turpissimè; aliorum amoris flagitiosissimè serviebat: aliis fructum libidinum; aliis mortem parentum non modò impellendo verum etiam adjuvando pollicebatur. Nunc verò quam subito non solum ex urbe, verum etiam ex agris ingentem numerum perditorum hominum collegerat? nemo non modo Romæ sed nec ullo in angulo totius Italiæ oppressus ære alieno fuit, quem non ad hoc incredibile sceleris foedus asciverit. Atque ut ejus diversa studia in dissimili ratione perspicere possitis; nemo est in ludo gladiatorio paulo ad facinus audacior, qui se non intimum Catilinæ esse fateatur: nemo in coena levior & nequior, qui se non ejusdem prope sodalem fuisse commemorat. Atque

que idem tamen stuprorum & scelerum exercitatione, assuetus frigore; & fame, & siti ac vigiliis perferendis, fortis ab istis suis sociis prædicabatur, cum industria subsidia, atque instrumenta virtutis in libidinem audaciamque consumerentur. Hunc verò si sui fuerint comites secuti, si ex urbe exierint desperatorum hominum flagitiosi greges, o nos beatos, o rempubl. fortunatam, o præclaram laudem Consulatus mei! Non enim jam sunt mediocres hominum libidines, non humana audacia, ac toleranda: nihil cogitant, nisi cades, nisi incendia, nisi rapinas. Patrimonia sua profuderunt: fortunas suas abiguerunt: res eos jampridem, fides deficere nuper coepit: eadem tamen illa, quæ erat in abundantia, libido permanet. Quod si in vino & alea comestationes solum & scorta quærerent, essent illi quidem desperandi, sed tamen essent ferendi: hoc verò quis ferre possit, inertes homines fortissimis viris insidiari, stultissimos prudentissimis, ebriosos sobriis, dormientes vigilantibus? qui mihi accubantes in conviviis, complexi mulieres impudicas, vino languidi, confecti cibo, lertis redimiti, unguentis oblit, debilitati stupris, eructant sermonibus suis cædem bonorum, atque urbis incendia. Quibus ego confido impendere fatum aliquod; & pœnas jamdiu improbitati, nequitia, sceleri, libidini debitas, aut instare jam planè, aut certe jam appropinquare. Quos si meus Consulatus, quoniam sanare non potest, sustulerit; non breve nescio quod tempus, sed multa secula propagarit reipublicæ. Nulla est enim natio, quæ pertimescamus: nullus rex, qui bellum populo Romano inferre possit: omnia sunt externa, unus virtute, terrâ marique pacata. Domest-

cum.

cum bellum manet : intus insidiæ sunt : intus in-
 clutum periculum est : intus est hostis : cum
 luxuria nobis, cum amentia, cum scelere cer-
 tandum est. Huic ego me bello ducem profi-
 teor, Quirites : suscipio inimicitias hominum
 perditorum. Quæ sanari poterant, quacunque
 ratione sanabo : quæ resecanda erunt, non pati-
 ar ad perniciem civitatis manere. Proinde aut
 exeant, aut quiescant, aut, si & in urbe & in
 eadem mente permanent, ea quæ merentur, ex- 10
 pectent. At etiam sunt, Quirites, qui dicant
 à me in exilium ejectum esse Catilinam. Quod
 ego, si verbo assequi possem, istos ipsos ejicerem,
 qui hæc loquuntur. Homo enim videlicet timi-
 dus, & permodestus, vocem Consulis ferre non 15
 potuit : simulatque ire in exilium iussus est, pa-
 ruit. Quid, quod hesterno die cum domi meæ
 penè interfectus essem. Senatum in ædem Jovis
 Statoris vocavi ; rem omnem ad patres con-
 scriptos detuli ? quo cùm Catilina venisset, quis 20
 eum Senator appellavit ? quis salutavit ? quis de-
 nique ità aspexit ut perditum civem ac non po-
 tiùs ut importunissimum hostem ? quin etiam
 principes ejus ordinis partem illam subselliorum
 ad quam ille accesserat, nudam atque inanem 25
 reliquerunt. Hic ego vehemens ille Consul, qui
 verbo cives in exilium ejicio, quasi à Catilinā
 an nocturno conventu apud M. Leccam fuisset,
 necne : cùm ille homo audacissimus, conscientia
 convictus, primò reticuisset, patefeci cætera : 30
 quid eā nocte egisset, ubi fuisset, quid in proxi-
 ma constituisset, quemadmodum esset ei ratio
 totius belli descripta, docui. Cùm hæsitaret,
 cùm cunctaretur, quasi quid dubitaret profi-
 cisci eò, quò jampridem paràret : cum arma, 35
 cum secures, cum fascès, cum rubas, cum signa
 militaria,

militaria, cum aquilam illam argenteam, cui ille
 etiam sacrarium scelerum domi suæ fecerat, sci-
 rem esse præmissam. In exilium eiciebam, quem
 jam ingressum in bellum esse videbam? etenim
 5 credo, Manlius iste centurio, qui in agro Fasu-
 lano castra posuit, bellum populo Romano suo
 nomine indixit; & illa Castra nunc non Catil-
 inam ducem expectant; & ille ejectus in exi-
 lium, se Massiliam, ut aiunt, non in hæc castra
 10 conferet. O conditionem miseram non modo
 administrandæ, verum etiam conservandæ rei-
 publicæ! nunc si L. Catilina Consiliis, labori-
 bus, periculis meis circumclusus, ac debilitatus,
 subito pertimuerit, sententiam mutaverit, dese-
 15 ruerit suos, consilium belli faciendi abjecerit, ex
 hoc cursu sceleris, & belli, iter ad fugam atque
 exilium converterit; non ille à me spoliatus ar-
 mis audaciæ, non obstupescens, ac perterritus
 meâ diligentia, non de spe conatuque depulsus,
 20 sed indemnatus; innocens in exilium ejectus à
 Consule, vi & minis esse dicetur: & erunt, qui
 illum, si hoc fecerit, non improbum, sed timi-
 dum; me non diligentissimum Consulem, sed
 crudelissimum Tyrannum existimare velint. Est
 25 mihi tanti, Quirites, hujus invidiæ falsæ atque
 iniquæ tempestatem subire, dummodo à vobis
 hujus horribilis belli ac nefarii periculum depel-
 latur. Dicatur sanè ejectus esse à me, dummo-
 do eat in exilium: sed, mihi credite, non est
 30 iturus. Nunquam ego à diis immortalibus op-
 tabo, Quirites, invidiæ meæ levandæ causâ, ut
 L. Catilinam ducere exercitum hostium, atque
 in armis volitare audiat: sed triduo tamen au-
 dietis: multoquæ magis illud timeo, nè mihi sit
 35 invidiosum aliquando, quod illum emiserim po-
 tius, quàm quod ejecerim. Sed cum sint homi-
 nes,

nes,

nes, qui illum, cum profectus sit, eiecum esse
 dicant, iidem, si interfectus esset, quid dicerent?
 Quamquam isti, qui Carilinam Massiliam ire di-
 citant, non tam hoc queruntur, quam veren-
 tur. Nemo est istorum tam misericors, qui il-
 lum non ad Manlium, quam ad Massilientes ire
 malit. Ille autem, si, mehercules, hoc quod
 agit, nunquam ante cogitasset, tamen latrocinan-
 tem se interfici mallet, quam exulem vivere:
 nunt vero, cum ei nihil adhuc præter ipsius vo-
 luntatem cogitationemque acciderit, nisi quod
 vivis nobis Romam profectus est, optemus por-
 tis, ut eat in exilium, quam queramur. Sed cur
 tamdiu de uno hoste loquimur, & de eo hoste,
 qui jam fatetur, se esse hostem, & quem, quia,
 quod semper volui, mihi interest, non timeo;
 de his, qui dissimulant, qui Romæ remanent,
 qui nobiscum sunt, nihil dicimus: quos quidem
 ego, si ullo modo fieri posset, non tam ulcisci
 studeo, quam sanare, & ipsos placare reipubli-
 cæ: neque, id quare fieri non possit, si me au-
 dire voluerint, intelligo. Exponam enim vobis,
 Quirites, ex quibus generibus hominum istæ co-
 piæ comparentur: deinde singulis medicinam
 consilii atque orationis meæ, si quam potero,
 afferam. Primum genus est eorum, qui magno
 in are alieno majores etiam possessiones habent
 quarum amore adducti, dissolvi nullo modo pos-
 sunt. Horum hominum species est honestissima:
 sunt enim locupletes; voluntas verò, & causa
 impudentissima. Tu agris, tu ædificiis, tu ar-
 gento, tu familia, tu rebus omnibus ornatus, &
 copiosus sis; & dubites aliquid de possessione
 detrahère, ac fidem acquirere? Quid enim ex-
 spectas? bellum? quid? ergo in vastatione om-
 nium, tuas possessiones sacrosanctas futuras pu-
 tas?

tas? an tabulas novas? errant, qui istas à Catilina expectant. Meo beneficio tabula novæ proferentur; verùm auctionariæ. Neque enim isti, qui possessiones habent, aliâ ratione ullâ
 5 salvi esse possunt. Quod si maturids facere voluissent, neque (id quod stultissimum est) certare cum usuris, fructibus prædiorum, locupletioribus his & melioribus civibus uteremur. Sed hosce homines minime puto pertimescendos,
 10 quod aut deduci de sententia possunt; aut si permanebunt, magis mihi videntur vota facturi contra rempubl. quàm arma laturi. Alterum genus est eorum, qui quanquam premuntur aë alieno, dominationem tamen expetunt: rerum
 15 potiri volunt: honores, quos quietâ republicâ desperant, perturbatâ consequi se posse arbitrantur. Quibus hoc præciplendum videtur, unum scilicet & idem quod cæteris omnibus; ut desperent, se id, quod conantur, consequi posse. Primum
 20 omnium me ipsum vigilare, adesse, providere, reipubl. deinde magnos animos esse in bonis viris, magnam concordiam, maximam multitudinem, magnas præterea copias militum, deos denique immortales huic invicto populo, clarissimo
 25 imperio, pulcherrimæ urbi, contra tantam vim sceleris præsentis auxilium esse laturos. Quod si jam sint id, quod cum summo furore cupiunt, adepti; num illi in cinere urbis, & sanguine civium, quæ mente conscelerata ac nefaria concu-
 30 pierunt, se consules, ac dictatores, aut etiam reges sperant futuros? non vident se cupere id, quod si adepti fuerint, fugitivo alicui aut gladiatori concedi sit necesse? Tertium genus est ætate jam confectum, exercitatione robustum.
 35 Quo ex genere est ipse Manlius, cui nunc Catilina successit. Hi sunt homines ex his Colonis, quas

quas Fesulis Sulla constituit: quas ego universas
civium esse optimorum & fortissimorum viro-
rum sentio; sed tamen hi sunt coloni, qui se in-
speratis repentinisque pecuniis sumptuosius inso-
lentiùsque jactarunt. Hi dum ædificant tanquam
beati, dum prædiis, lecticis, familiis magnis,
conviviis, apparatus delectantur, in tantum æs
alienum inciderunt, ut si salvi esse velint, Sulla
sit iis ab inferis excitandus. Qui etiam nonnul-
los agrestes homines tenues atque egentes in ean- 10
dem illam spem rapinarum veterum impulerunt.
Quos ego utròsque, Quirites, in eodem genere
prædatorum direptorùmque pono. Sed eos hoc
moneo, desinant furere, & proscriptiones & di-
ctaturas cogitare. Tantus enim illorum tempo- 15
rum dolor iniustus est civitati, ut jam ista non
modò homines; sed nè pecudes quidem mihi
passuræ esse videantur. Quartum genus est sanè
varium, & mistum, & turbulentum, qui jam-
pridem premuntur: qui nunquam emergent: 20
qui partim inertia, partim malè gerendo nego-
tia, partim etiam sumptibus in vetere ære alie-
no vacillant: qui vadimoniis, judiciis, proscrip-
tionibus bonorum defatigati, permulti & ex ur-
be, & ex agris se in illa castra conferre dicun- 25
tur. Hosce ego non tam milites acres, quàm,
inficiatores lentos esse arbitror. Qui homines
primùm, si stare non possunt, corruant: sed ità,
ut non modò civitas, sed nè vicini quidem prox-
imi sentiant. Nam illud non intelligo, quam- 30
obrem si vivere honestè non possunt, perire tur-
piter velint; aut cur minore dolore perituros se
cum multis, quàm si soli pereant, arbitrentur.
Quintum genus est parricidarum, ficiariorum,
denique omnium facinorosorum: quos ego à Ca- 35
tilina non revoco. Nam neque divelli ab eo
possunt:

possunt : & pereant sanè in latrocinio, quoniam sunt ita multi, ut eos capere carcer non possit. Postremum autem genus est, non solum numero, verum etiam genere ipso, atque vita, quod proprium est Catilinæ, de ejus delectu, 5 immo verò de complexu ejus ac sinu : quos pexo capillo nitidos, aut imberbes, aut bene barbatos videtis, manicatis & talaribus ac tritis tunicis, velis amictos, non togis : quorum omnis industria vitæ, & vigilandi labor in antelucanis cœnis expromitur. In his gregibus omnes aleatores, omnes adulteri, omnes impuri impudicique versantur. Hi pueri tam lepidi, ac delicati, non solum amare & amari, neque cantare, & saltare, sed etiam ficas vibrare, & spargere venena 15 didicerunt ; qui nisi exeunt, nisi pereunt, etiamsi Catilina perierit, scitote hoc in repub. seminarium Catilinarium futurum. Veruntamen quid sibi isti miseri volunt ? num suas secum mulierculas sunt in castra ducturi, quemadmodum autem illis carere poterunt, his præsertim jam noctibus ? quo autem pacto illi Appenninum atque illas pruinas ac nives perferent ? nisi idcirco se facilius hiemem toleraturos putant, quod in conviviis nudi saltare didicerunt. 25 O bellum magnopere pertimescendum, cum hanc sit habiturus Catilina scortatorum cohortem prætoriam. Instruite nunc, Quirites, contra has tam præclaras Catilinæ copias vestra præsidia, vestrosque exercitus ; & primum gladiatorum illi confecto & saucio Consules imperatoresque vestros opponite : deinde contra illam naufragorum ejectam ac debilitatam manum, florem totius Italiæ ac robur educite, Jam verò 35 urbes coloniarum ac municipiorum respondebunt Catilinæ tumulis silvestribus. Neque verò ceteras

ras copias, ornamenta, præsidia vestra, cum illi-
 us latronis inopiâ atque egestate debeo conferre.
 Sed omissis his rebus omnibus, quibus nos sup-
 peditamur, eget ille, Senatu, equitibus Romanis,
 populo, urbe, ærario, vectigalibus, cunctâ Italiâ,
 provinciis omnibus, exteris nationibus: si, inquam,
 his rebus omissis, ipsas causas, quæ inter se con-
 fligunt, contendere velimus: ex eo ipso, quàm
 valdè illi jaceant, intelligere possumus. Ex hac
 enim parte pudor pugnat, illinc petulantia: hinc 10
 pudicitia, illinc stuprum: hinc fides, illinc frau-
 datio: hinc pietas, illinc scelus: hinc constan-
 tia, illinc furor: hinc honestas, illinc turpitude:
 hinc continentia, illinc libido: denique æquitas,
 temperantia, fortitudo, prudentia, virtutes om- 15
 nes, certant cum iniquitate, cum luxuria, cum
 ignavia, cum temeritate, cum vitiis omnibus:
 postremò copiarum cum egestate, bona ratio cum
 perditâ, mens sana cum amentia, bona denique
 spes cum omnium rerum desperatione confligit. 20
 In hujuscemodi certamine ac prælio, nonne, eti-
 amsi hominum studia deficient, dii ipsi immor-
 tales cogent ab his præclarissimis virtutibus tot
 & tanta vitia superari? Quæ cum ita sint, Qui-
 rites, vos, quemadmodum jam ante dixi, vestra 25
 testa custodiis vigiliisque defendite: mihi, ut
 urbi sine vestro metu, ac sine ullo tumultu satis
 esset præsidii, consultum ac provisum est. Co-
 loni omnes, municipisque vestri, certiores à me
 facti, de hac nocturna excursione, Catilinæ, fa- 30
 cile urbes suas finesque defendent: gladiatores,
 quam sibi ille maximam manum & certissimam
 fore putavit, quanquam meliore animo sunt,
 quam pars Patriciorum, potestate tamen in ve-
 stra continebuntur. Q. Metellus, quem ego, 35
 prospiciens hoc, in agrum Gallicanam Pice-
 numque

nūmque præmisi, aut opprimer hominem, aut omnes ejus motus conatusque prohibebit. Reliquis autem de rebus constituendis, maturandis, agendis, jam ad Senatum referemus, quem vocari videtis. Nunc illos, qui in urbe remanserunt, atque adeò qui contra urbis salutem, omniumque vestrum, in urbe à Catilina relictī sunt, quanquam sunt hostes, tamen quia nati sunt cives, monitos etiam atque etiam volo. Mea lenitas adhuc si cui solutior visa est, hoc expectavit, ut id, quod latebat, erumperet. Quod reliquum est, jam non possum oblivisci, meam hanc esse patriam, me horum esse Consulem: mihi aut cum his vivendum, aut pro his esse moriendum. Nullus est portæ custos, nullus infidiator viæ: si qui exire volunt, consulere sibi possunt: qui verò in urbe se commoverit, cujus ego non modò factum, sed incœptum ullum conatūmve contra patriam deprehendero, sentiet, in hac urbe, esse Consules vigilantes, esse egregios magistratus, esse fortem Senatum, esse arma, esse carcerem, quem vindicem nefariorum, ac manifestorum scelerum majores nostri esse voluerunt. Atque hæc omnia sic agentur, Quirites, ut res maximæ minimo motu, pericula summa nullo tumultu, bellum intestinum, ac domesticum, post hominum memoriam crudelissimum, ac maximum, me uno togato duce, & imperatore, sedetur. Quod ego sic administrabo, Quirites, ut si ullo modo fieri poterit, nè improbus quidem quisquam in hac urbe poenam sui sceleris sufferat. Sed si vis manifestæ, audaciæ, si impendens patriæ periculum me necessario de hac animi lenitate deduxerint, illud profectò perficiam, quod in tanto & tam insidioso bello vix optandum videtur, ut nè quis bonus intereat,

intereat, paucorumque poenâ vos omnes jam salvi esse possitis. Quæ quidem ego neque meâ prudentiâ, neque humanis consiliis fretus polliceor vobis, Quirites, sed multis & non dubiis deorum immortalium significationibus : quibus ego ducibus in hanc spem sententiâque sum ingressus : qui jam non procul, ut quondam solebant, ab externo hoste, atque longinquo, sed hic præsentibus, suo nomine atque auxilio sua templa atque urbis tecta defendunt; quos vos, 10 Quirites, precari, venerari, atque implorare debetis : ut quam urbem pulcherrimam, florentissimam potentissimâque esse voluerunt, hanc omnibus hostium copiis terrâ marique superatis, à perditissimorum civium nefario scelere defendant. 15

O R A T I O VII.

20

Quæ est tertia in

L. CATILINAM.

25

REmpublicam, Quirites, vitamque omnium vestrâ, bona, fortunas, conjuges, liberósque vestros, atque hoc domicilium clarissimi imperii, fortunatissimam pulcherrimamque urbem, hodierno die, deorum immortalium summo erga vos amore, laboribus, consiliis, periculisque meis, ex flamma atque ferro, ac penè ex faucibus fati ereptam, & vobis conservatam, ac restitutam videtis. Etsi non 35 minds nobis jucundi atque illustres sunt ii dies, quibus

quibus conservamur, quàm illi quibus nascimur :
 quòd salutis certa lätitia est, nascendi incerta
 conditio & quòd sine sensu nascimur : cum vo-
 luptate conservamur : profectò, quoniam illum
 5 qui hanc urbem condidit, Romulum ad deos
 immortales benevolentiam famaque sustulimus ;
 esse apud vos posteròsque vestros in honore de-
 bebitis, qui eandem hanc urbem conditam am-
 plicatamque servavit. Nam totius urbis tem-
 10 plis, delubris, tectis omnibus subjectos prope
 jam ignes circumdatosque restinximus : idem-
 que gladios in rempubl. districtos retudimus,
 mucronésque eorum à jugulis vestris rejecimus,
 Quæ quoniam in Senatu illustrata, patefacta,
 15 compertaque sunt per me ; vobis jam exponam
 breviter, Quirites : ut & quanta, & quàm ma-
 nifesta, & quàm ratione investigata & compre-
 hensa sint, vos, qui ignoratis, ex actis scire
 possitis. Principio, ut Catilina paucis antè die-
 20 bus erupit ex urbe, cum sceleris sui socios & hu-
 jusce nefarii belli acerrimos duces Romæ reli-
 quisset ; semper vigilavi, & providi, Quirites
 quemadmodum in tantis & tam absconditis insi-
 diis, salvi esse possemus. Nam tum, cùm ex ur-
 25 be Catilinam ejiciebam (non enim jam vereor
 hujus verbi invidiam, cùm illa magis sit timen-
 da, quod vivus egressus est) sed tum, cùm il-
 lum exterminari volebam, aut reliquam conjura-
 torum manum simul exituram, aut eos, qui re-
 30 mansissent, infirmos sine illo ac debiles fore pu-
 tabam. Atque ego, ut vidi, quos maximo fu-
 rore & scelere esse inflammatos sciebam, eos esse
 nobiscum, & Romæ remansisse : in eos omnes
 dies noctésque consumpsi, ut quid agerent, quid
 35 molirentur, sentirem, ac viderem : ut, quoniam
 auribus vestris, propter incredibilem magnitudi-
 nem

nem sceleris, minorem fidem faceret oratio mea ;
 rem ita comprehenderem, ut tum demum ani-
 mis, salutē vestrā provideretis, cū oculis ma-
 leficiū ipsum videretis. Itaque ut comperi,
 legatos, Allobrogum, belli transalpini & tumult- 5
 ūs Gallici excitandi causā, à P. Lentulo esse sol-
 licitatos, eosque in Galliam ad suos cives, eo-
 dem itinere, cum literis mandatisque ad Catili-
 nam esse missos, comitemque iis adjunctum Vul-
 turcium, atque huic datas esse ad Catilinam li- 10
 teras : facultatem mihi oblatam putavi, ut, quod
 erat difficillimum, quodque ego semper opta-
 bam à diis immortalibus, tota res non solum à
 me, sed etiam à Senatu & à vobis manifestè
 deprehenderetur. Itaque hesterno die L. Flac- 15
 cum, & C. Porinium, Prætores fortissimos, at-
 que amantissimos reipubl. viros, ad me vocavi :
 rem omnem exposui : quid fieri placeret, o-
 stendi. Illi autem, qui omnia de republ. præ-
 clara atque egregia sentirent, sine recusatione 20
 ac sine ulla mora negotium susceperunt, & cū
 advesperasceret, occultè ad pontem Milvium
 pervenerunt, atque ibi in proximis villis ita bi-
 partiti fuerunt, ut Tiberis inter eos & pons in-
 teresset ; eodem autem & ipsi sine cuiusquam 25
 suspitione multos fortes viros eduxerunt, & ego
 de præfectura Reatina complures dilectos adole-
 scentes, quorum operâ utor assiduè in reipubli-
 cæ præsidio, cum gladiis misseram. Interim
 tertiâ ferè vigiliâ exactâ, cū jam pontem cum 30
 magno comitatu legati Allobrogum ingredi in-
 ciperent unâque Vulturcius, sit in eos impetus :
 educuntur & ab illis gladii, & à nostris : res e-
 rat prætoribus nota solis : ignorabatur à cæteris.
 Tum interventu Pontinii, atque Flacci : pugna 35
 quæ erat commissâ, sedatur : literæ quæcunque
 erant

erant in eo comitatu, integris signis prætore-
 bus traduntur: ipsi comprehensi ad me, cum
 jam dilucesceret, deduntur. Atque horum om-
 nium scelerum improbissimum machinatore
 5 Cimbrum Galbinium statim ad me nihil dum
 suspicantem vocavi. Deinde item accersitur P.
 Statilius, & post eum Cethegus: tardissime autem
 Lentulus venit; credo, quod in literis dandis
 præter consuetudinem proximâ nocte vigilaret.
 10 Cum verò summis ac clarissimis hujus civitatis
 viris, qui, auditâ re, frequentes ad me manè
 convenerant, literas à me prius apperiri, quam
 ad Senatum referri placeret, nè, si nihil esset in-
 ventum, temerè à me tantus tumultus injectus
 15 civitati videretur: negavi me esse facturum, ut
 de periculo publico, non ad consilium publicum
 rem integram deferrem. Etenim, Quirites, si
 ea, quæ erant ad me delata, reperta non essent,
 tamen ego non arbitrabar in tantis reipub. pe-
 20 riculis esse mihi nimiam diligentiam pertime-
 scendam. Senatum frequentem celeriter, ut vi-
 distis, coegi. Atque interea statim admonitu
 Allobrogum C. Sulpicium prætorem fortem vi-
 rum misi, qui ex edibus Cethegi, si quod telo-
 25 rum esset, efferret; ex quibus ille maximum
 ficarum numerum & gladiatorum extulit. Intro-
 duxi Vulturcium sine Gallis: fidem ei publicam
 jussu Senatûs dedi, hortatus sum ut ea quæ
 sciret, sine timore indicaret. Tum ille dixit,
 30 cum vix se ex magno timore recreâset, à P. Len-
 tulo se habere ad Catilinam mandata, & literas,
 ut servorum præsidio uteretur, & ad urbem quam-
 primum cum exercitu accederet: id autem eo
 consilio, ut, cum urbem omnibus ex partibus,
 35 quemadmodum descriptum distributumq; erat,
 incendiissent, eadêmque infinitam civium fecis-
 sent,

sent, prestò esset ille, qui & fugientes ex-
 ciperet, & se cum his urbanis ducibus conjunge-
 ret. Introducti autem Galli iurjurandum sibi,
 & literas à P. Lentulo, Cethego, Statilio ad su-
 am gentem datas esse dixerunt: atque ita sibi
 ab his & à L. Cassio esse præscriptum, ut equi-
 tatum in Italiam quamprimum mitterent; pe-
 destres sibi copias non defuturas: Lentulum an-
 tem sibi confirmasse ex fati Sibyllinis Haruspi-
 cumque responsis, se esse tertium illum Corneli-
 um, ad quem regnum urbis hujus atque impe-
 rium pervenire esset necesse: Cinnam ante se, &
 Sullam fuisse; eundemque dixisse, fatalem hunc
 esse annum ad interitum hujus urbis atque im-
 perii; qui esset decimus annus post virginum ab-
 solutionem, post Capitolii autem incensionem
 vicesimus. Hanc autem Cethego cum cæteris
 controversiam fuisse dixerunt, quòd, cum Lentu-
 lo, & cæteris, Saturnalibus eadem fieri atque
 urbem incendi placeret; Cethego nimium id
 longum videretur. Ac nè longum sit, Quirites,
 tabellas proferri iussimus, quæ à quoque dice-
 bantur datæ. Primum ostendimus Cethego:
 signum cognovit: nos linum incidimus: legi-
 mus: erat scriptum ipsius manu, Allobrogum Se-
 natui, & populo, sese quæ eorum legatis con-
 firmasset, esse facturum: orare, ut item illi fa-
 cerent, quæ sibi legati eorum præcepissent. Tum
 Cethegus qui paulo antè aliquid de gladiis, ac
 sicis, quæ apud illum itidem erant deprehensæ,
 respondisset, dixissetque se semper bonorum fer-
 ramentorum studiosum fuisse, recitatis literis de-
 bilitatus, atque objectus, conscientia convictus,
 repente conticuit. Introductus Statilius, cogno-
 vit manum & signum suum: recitatae sunt ta-
 bellæ in eandem ferè sententiam: confessus est.

Tum

Tum ostendi tabellas Lentulo. Et quæsi-
 nosceretne signum, annuit. Est verò, inquam,
 signum quidem notum, imago avi tui clarissimi
 viri, qui amavit unicè patriam, & cives suos :
 5 quæ quidem te à tanto scelere etiam muta revo-
 care debuit. Leguntur eadem ratione ad Sena-
 tum Allobrogum populúmque literæ. Si quid
 de his rebus dicere vellet, feci potestatem. At-
 que ille quidem primò negavit: pòst autem a-
 10 liquantò, toto indicio exposito, atque edito,
 surrexit: quæsiuit à Gallis, quid sibi esset cum
 iis, quamobrem domum suam venissent; itém-
 que à Vulturcio; qui, cùm illi breviter constan-
 tèque respondissent, per quem ad eum quoti-
 15 ésque venissent, quæsiéntque ab eo, nihilne se-
 cum esset de fatis Sibyllinis locutus: tum subito
 ille scelere demens: quanta vis conscientiæ es-
 set, ostendit. Nam cùm id posset inficiari, re-
 pentè præter opinionem omnium confessus est :
 20 ità eum non modò ingenium illud, & dicendi
 exercitatio, quâ semper valuit; sed etiam prop-
 ter vim sceleris manifesti, atque deprehensi,
 impudentia, quâ superabat omnes, improbitatē-
 que defecit. Vulturcius verò subito proferri li-
 25 teras, atque aperiri iussit, quàs sibi à Lentulo
 ad Catilinam datas esse dicebat. Atque ibi ve-
 hementissimè perturbatus Lentulus, tamen signum
 & manum suam cognovit, erant autem scriptæ si-
 ne nomine, sed ita: *Qui sim, ex eo, quem ad te*
 30 *mihi, cognosces. Cura ut vir sis, & cogita, quem*
in locum sis progressus: & vide, quid jam tibi sit
necessè. Cura ut omnium tibi auxilia adjungas,
etiam infimorum. Galbinus deinde introductus,
 cum primo impudenter respondere cœpisset;
 35 ad extremum nihil ex iis, quæ Galli insinula-
 bant, negavit. Ac mihi quidem, Quirites, cum
 E illa

illa certissima sunt visa argumenra atque indicia
 sceleris, tabellæ, signa, manus, denique unius-
 cuiusque confessio: tum multò illa certiora, co-
 lor, oculi, vultus, taciturnitas. Sic enim ob-
 stupuerunt, sic terram intuebantur, sic furtim
 nonnunquam inter se aspiciebant, ut non jam ab
 aliis indicari, sed ipsi à se viderentur. Indi-
 ciis expositis, atque editis, Quirites, Senatum
 consului de summa republica, quid fieri place-
 ret. Dictæ sunt à principibus acerrimæ ac for- 10
 tissimæ sententiæ, quas Senatus sine ulla varie-
 tate est consecutus. Et quoniam nondum est
 præscriptum S. C. ex memoria vobis, Quirites,
 quid Senatus censuerit, exponam. Primum mi-
 hi gratiæ verbis amplissimis aguntur, quòd vir- 15
 tute, consilio, prudentiâ meâ, respubl. pericu-
 lis sit maximis liberata: deinde L. Flaccus & C.
 Pontinius prætores, quòd eorum operâ forti fi-
 delique usus essem, meritò ac jure laudantur:
 atque etiam viro forti collegæ meo, C. Antò- 20
 nio, laus impertitur, quòd eos, qui hujus con-
 junctionis participes fuissent, à suis & reipublicæ
 consiliis removisset. Atque ita censuerunt, ut
 P. Lentulus, cum se prætura abdicasset, tum in
 custodiam traderetur: itémque uti C. Cethegus, 25
 L. Scatilius, P. Galbinus, qui omnes præsentes
 erant in custodiam traderentur. Atque idem
 hoc decretum est in L. Cassium, qui sibi procu-
 rationem incendendæ urbis depoposcerat: in M.
 Caparium, cui ad sollicitandos pastores Apuli- 30
 am esse attributam erat indicatum: in P. Furi-
 um, qui est ex his coloris quos Fesulas L. Sul-
 la deduxit: in Q. Manlium Chilonem, qui unâ
 cum hoc Furio semper erat in hac Allobro-
 gum sollicitatione versatus: in P. Umbrenum li- 35
 bertinum hominem, à quo primum Gallos ad
 Gabinium

Gabinium perductos esse constabat. Atque eâ lenitate Senatus est usus, Quirites, ut ex tanta conjuratione, tantaque vi ac multitudine domesticorum hostium, novem hominum perditissimorum pœnâ, republ. conservatâ, reliquorum mentes sanari possent arbitraretur. Atque etiam supplicatio diis immortalibus pro singulari eorum merito, meo nomine decreta est, Quirites: quod mihi primum post hanc urbem conditam togato contigit: & his decreta verbis est quod urbem incendiis, cæde cives, Italiam bello liberâsem. Quæ supplicatio, si cum cæteris conferatur, Quirites, hoc intersit, quod cæteræ, bene gestâ, hæc una, conservatâ republ. constituta est. Atque illud quod faciendum, primum fuit factum, atque transactum est. Nam P. Lentulus, quanquam patefactus indicibus, & confessionibus suis, iudicio Senatûs non modò prætoris jus, verum etiam civis amiserat; tamen magistratu se abdicavit: ut quæ religio C. Mario clarissimo viro non fuerat, quo minus C. Claudiam, de quo nihil nominatim erat decretum, prætorem occideret, eâ nos religione in privato P. Lentulo puniendo liberaremur. Nunc quoniam, Quirites, sceleratissimi periculosissimique belli nefarios duces captos jam & comprehensos teneris; existimare debetis, omnes Catilinæ copias, omnes spes atque opes, his depulsis urbis periculis, concidisse: Quem quidem ego cum ex urbe pellebam, hoc providebam animo, Quirites, remoto Catilinâ, nec mihi esse P. Lentuli somnium, nec L. Cassii adipem, nec C. Cethegi furiosam temeritatem pertimescendam. Ille erat unus timendus ex his omnibus, sed tamdiu dum mœnibus urbis continebatur. Omnia nôrat: omnium aditus tenebat: appellare,

tentare, sollicitare poterat, audebat: erat ei
consilium ad facinus aptum, consilio autem ne-
que lingua neque manus deerat. Jam ad cæte-
ras res conficiendas certos homines delectos ac
descriptos habebat: neque verò cum aliquid
mandaverat, confectum putabat: nihil erat,
quod non ipse obiret, occurreret, vigilaret, la-
boraret: frigus, sitim, famem ferre poterat.
Hunc ego hominem tam acrem, tam paratum,
tam audacem, tam callidum, tam in scelere
vigilantem, tam in perditis rebus diligentem,
nisi ex domesticis insidiis in castrense latroci-
nium compulsem, dicam id quod sentio, (Qui-
rites) non facile hanc tantam molem mali a cer-
vicibus vestris depulsem. Non illi vobis Sa-
turnalia constituisset, neque tanto ante exitium
ac fati diem reipubl. denunciasset, neque com-
misisset, ut signum, ut literæ suæ, testes deni-
que manifesti sceleris deprehenderentur. Quæ
nunc, illo absente, sic gesta sunt, ut nullum in
privata domo furtum unquam sit tam palam in-
ventum, quàm hæc tanta in rempubl. conjuratio
manifestò inventa atque deprehensa est. Quod
si Catilina in urbe ad hanc diem remansisset;
quanquam, quoad fuit, omnibus ejus consiliis oc-
curri, atque obstiti: tamen, ut levissimè dicam,
dimicandum nobis cum illo fuisset, neque nos
unquam, dum ille in urbe hostis fuisset, tantis
periculis, rempubl. tantâ pace, tanto orio, tan-
to silentio, liberâsemus. Quanquam hæc om-
nia, Quirites, ita sunt à me administrata, ut
deorum immortalium nutu atque consilio, & ge-
sta & provisa esse videantur. Idquè cum con-
jecturâ consequi possumus, quod vis videtur
humani consilii tantarum rerum gubernatio esse
potuisse: tum verò ita præsentibus his temporibus

bus opem & auxilium nobis tulerunt, ut eos
 pæne oculis videre possemus. Nam ut illa o-
 mittam, visas nocturno tempore ab occidente
 faces, ardoremque cœli, fulminum jactus, ut
 5 terræmotus, cæteraque quæ tam multa, nobis
 Consulibus, facta sunt, ut hæc quæ nunc fiunt
 canere dii immortales viderentur : hoc certè,
 Quirites, quod sum dicturus, neque prætermi-
 tendum, neque relinquendum est. Nam pro-
 10 fectò memoriâ tenetis, Cotta & Torquato COSS.
 complures in Capitolio turres de cœlo esse per-
 cussas, cùm & simulacra deorum immortalium
 depulsa sunt, & statux veterum hominum deje-
 ctæ, & legum æra liquefacta. Tactus est etiam
 15 ille, qui hanc urbem condidit, Romulus, quem
 inauratum in Capitolio parvum, atque lactan-
 tem, uberibus lupinis inhiantem fuisse meministis.
 Quo quidem tempore, cùm haruspices ex tota
 Etruria convenissent cædes atque incendia, &
 20 legum interitum & bellum civile ac domesticum,
 & totius urbis atque imperii occasum appropin-
 quare dixerunt; nisi dii immortales omni rati-
 one placati suo numine prope fata ipsa flexis-
 sent. Itaque illorum responsis tunc & ludi de-
 25 cem per dies facti sunt, neque res ulla, quæ ad
 placandum deos pertineret, prætermissa est, ii-
 démque jusserunt simulacrum Jovis facere majus,
 & in excelsò collocare, & contrà, atque ante
 fuerat, ad orientem convertere : ac se sperare
 30 dixerunt, si illum signum, quod videtis, solis or-
 tum, & forum curiâmq; conspiceret, fore, ut
 ea consilia, quæ clam essent inita contra salu-
 tem urbis atque imperii, illustrarentur, ut à
 S. P. Q. R. perspicì possent. Atque illud ità col-
 35 locandum Consules illi statuerunt : sed tanta fuit
 operis tarditas, ut neque à superioribus Consu-

libus, neque à nobis ante hodiernum diem col-
 locaretur. Hic quis potest esse, Quirites, tam
 aversus à vero, tam præceps, tam mente cap-
 tus, qui neget, hæc omnia quæ videmus, præ-
 cipueque hanc urbem, deorum immortalium nu-
 tu atque potestate administrari? Etenim cùm
 esset ita responsum, cædes, incendia interitum-
 que reipublicæ comparari, & ea perditis civi-
 bus: quæ tum propter magnitudinem scelerum
 nonnullis incredibilia videbantur, ea non modò
 cogitata à nefariis civibus, verùm etiam suscep-
 ta esse sensitis. Illud verò nōne ita præsens
 est, ut nutu Jovis optimi maximi factum esse
 videatur? ut, cùm hodierno die manè per fo-
 rum meo jussu & conjurati & eorum indices in
 ædem Concordiæ ducerentur; eo ipso tempo-
 re signum statueretur; quo collocato, atque ad
 vos Senatūque converso, omnia & Senatus, &
 vos, quæ erant contra salutem omnium cogita-
 ta, illustrata, & patefacta, vidistis. Quo etiam
 majore sunt isti odio supplicioque digni: qui
 non solum vestrīs domicilliis, atque rectis, sed
 etiam deorum templis, atque delubris sunt fu-
 nestos ac nefarios ignes inferre conati: quibus
 ego si me restitisse dicam, nimium mihi su-
 mam, & non sim ferendus: ille, ille Jupiter
 restitit; ille Capitolium, ille hæc templa, ille
 hanc urbem, ille vos omnes salvos esse voluit.
 Diis ego immortalibus ducibus hanc mentem,
 Quirites, voluntatēque suscepi, atque ad hæc
 tanta indicia perveni. Jam verò illa Allobro-
 gum sollicitatio sic à Lentulo cæterisque domesti-
 cis hostibus, tanta res tam dementer credita &
 ignotis & barbaris, commissaque literæ nunquam
 essent profecto, nisi à diis immortalibus huic
 tantæ audaciæ consilium esset ereptum. Quid
 verò

verò, ut homines Galli ex civitate malè pacata,
 quæ gens una restat, quæ populo Rom. bellum
 facere & posse, & non nolle videatur, spem im-
 perii, & rerum amplissimarum ultro sibi à pa-
 5 triciis hominibus oblatam negligerent, vestram-
 que salutem suis opibus anteponerent: id nòn-
 ne divinitus factum esse putatis? præsertim qui
 nos non pugnando, sed tacendo superare po-
 tuerunt. Quamobrem, Quirites, quoniam ad
 10 omnia pulvinaria supplicatio decreta est, cele-
 bratore illos dies cum conjugibus ac liberis ve-
 stris. Nam multi sæpe honores diis immorta-
 libus iusti habiti sunt, ac debiti, sed profectò
 iustiores nunquam. Erepti enim ex crudelissi-
 15 mo ac miserrimò interitu, & erepti sine cæde,
 sine sanguine, sine exercitu, sine dimicatione,
 me uno togato duce & imperatore, vicistis.
 Etenim recordamini, Quirites, omnes civiles dis-
 sensiones; neque solum eas quas audistis; sed
 20 & has quas vosmetipsi meministis & vidistis. L.
 Lulla P. Sulpitium oppressit: C. Marium custo-
 dem hujus urbis, multosque fortes viros, partim
 ejecit ex civitate, partim interemit. Cn. Octa-
 vius COS. armis ex urbe collegam suam expulit:
 25 omnis hic locus acervis corporum, & civium
 sanguine redundavit. Superavit postea Cinna
 cum Mario. Tum verò clarissimis viris inter-
 fectis, lumina civitatis extincta sunt. Ulcus est
 hujus victoriæ crudelitatem postea Sulla. Nè
 30 dici quidem opus est, quantà diminutione civi-
 um, & quantà calamitate reipub. dissensit M.
 Lepidus à clarissimo & fortissimo viro Q. Catu-
 lo. Attulit non tam ipsius interitus reipublicæ
 luctum, quàm cæterorum. Atque illæ dissen-
 35 siones erant hujusmodi, Quirites, quæ non ad
 delendam, sed ad commurandam rempubl. per-
 tinerent.

tinerent. Non illi nullam esse rempubl. sed in
 ea, quæ esset, se esse principes; neque hanc
 urbem conflagrare, sed se in hac urbe florere
 voluerunt. Atque illæ tamen omnes dissensi-
 ones, quarum nulla exitium reipubl. quæsit, 5
 ejusmodi fuerunt, ut non reconciliatione con-
 cordiæ, sed internecione civium dijudicatæ sint.
 In hoc autem uno post hominum memoriam
 maximo crudelissimoque bello, quale bellum nul-
 la unquam barbaria cum sua gente gessit, quo in 10
 bello lex hæc fuit à Lentulo, Catilina, C. Cassio,
 Cethego constituta, ut omnes, qui salvâ urbe
 salvi esse possent, in hostium numero ducerent-
 tur; ita me gessi, Quirites, ut omnes salvi con-
 servaremini. Et cum hostes vestri tantum civi- 15
 um superfuturum putassent, quantum infinitæ
 cædi restitisset; tantum autem urbis, quantum
 flamma obire non potuisset: & urbem, & cives
 integros incolumésque servavi. Quibus pro tan-
 tis rebus, Quirites, nullum ego à vobis præ- 20
 mium virtutis, nullum insigne honoris, nullum
 monumentum laudis postulo, præterquam hujus
 diei memoriam sempiternam. In animis ego
 vestris omnes triumphos meos, omnia ornamen-
 ta honoris, monumenta gloriæ, Laudis insig- 25
 nia, condi & collocari volo. Nihil me mutum
 porest delectare, nihil tacitum, nihil denique
 hujusmodi, quod etiam minùs digni assequi pos-
 sint Memoriam vestrâ, Quirites, nostræ res alen-
 tur, sermonibus crescent, literarum monumentis 30
 inveterascent & corroborabuntur: eandemque
 diem intelligo, quam spero æternam fore, & ad
 salutem urbis, & ad memoriam Consulatus mei
 propogatam: unôque tempore in hac republ. du-
 os cives extitisse, quorum alter fines vestri im- 35
 perii, non terræ sed cœli regionibus terminaret;
 alter

alter ejusdem imperii domicilium sedemque servaret. Sed quoniam earum rerum, quas ego gessi, non est eadem fortuna, atque conditio, quæ illorum, qui externa bella gesserunt; quod
5 mihi vivendum sit cum illis quos vici ac subegi; illi hostes aut interfectos aut oppressos reliquerunt: vestrum est. Quirites, si cæteris re-
cta sua facta profunt, mihi mea nequando obsint, providere. Mentis enim hominum audacissi-
10 morum sceleratæ ac nefariæ nè vobis nocere possent, ego providi; ne mihi noceant, vestrum est providere. Quanquam, Quirites, mihi quidem ipsi mihi jam ab istis noceri potest. Magnum enim est in vobis præsidium; quod
15 mihi in perpetuum comparatum est: magna in republ. dignitas, quæ me semper tacita defendet, magna vis est conscientiæ; quam qui negligent eam me violare volent, se ipsi indicabunt. Est etiam in nobis is animus, Quirites, ut non mo-
20 dò nullius audaciæ cedamus, sed etiam omnes improbos ultro semper laceßamus. Quod si omnis impetus domesticorum hostium depulsi à vobis se in me unum converterint: vobis erit providendum, Quirites, quâ conditione posthac esse velitis, qui, se pro salute vestra obtulerint
25 invidiæ periculisque omnibus. Mihi quidem ipsi quid est quod jam ad vitæ fructum possit acquiri? præsertim cum neque in honore vestro, neque in gloria virtutis quidquam videam altius,
30 quo quidem mihi libeat ascendere. Illud perficiam Profectò, Quirites, ut ea, quæ gessi in Consulatu privatus tuear atque ornem: ut si qua est invidia in conservanda republ. suscepta, lædat invidos, mihi valeat ad gloriam. Denique
35 ita me in republ. tractabo, ut meminerim semper quæ gesserim, curémque ut ea, virtute, non

eisu gesta esse videantur. Vos, Quirites, quoniam jam nox est, veneramini illum Jovem, custodem hujus urbis, ac vestrum, atque in vestra recta discedite, & ea, quanquam jam periculum est depulsum, tamen æquè, ac priori nocte fecistis, custodiis vigiliisque defendite. Id nè vobis diutius faciendum sit, atque ut in perpetua pace esse possitis, providebo.

10

ORATIO VIII.

Que est quarta in

15

L. CATILINAM.

V Ideo, P. C. in me omnium vestrum ora atque oculos esse conversos : video, vos non solum de vestro, ac reipublicæ, verum etiam, si id depulsum sit, de meo periculo esse sollicitos. Est mihi jœunda in malis, & grata in dolore, vestra erga me voluntas : sed eam, per deos immortales, quæso, deponite, atque obliti salutis meæ, de vobis ac de liberis vestris cogitate. Mihi quidem si hæc conditio Consularis data est, ut omnes acerbitates, omnes dolores cruciatûsque perferrem ; feram non solum fortiter, sed etiam libenter ; dummodo, meis laboribus, vobis populoque Romano, dignitas salûsque pariat. Ego sum ille Consul P. C. cui non forum, in quo omnis æquitas continetur ; non campus, Consularibus auspiciis consecratus ; non curia, summum auxilium omnium
nium

20

25

30

35

nium gentium; non domus, commune persu-
 gium; non lectus, ad quietem datus; non de-
 nique hæc sedes honoris; sella curulis, unquam
 vacua mortis periculo atque infidiis fuit. Ego,
 5 multa tacui, multa pertuli, multa concessi, mul-
 ta meo quodam dolore in vestro timore sanavi.
 Nunc si hunc exitum Consulatus mei dii immor-
 tales esse voluerunt, ut vos P. C. populūque
 Romanum ex cæde misera, conjuges liberōsque
 10 vestros virginēsq; Vestales ex acerbissima vex-
 atione, templa, atque delubra, hanc pulcherri-
 mam patriam omnium nostrum ex foedissima
 flamma, totam Italiam ex bello & vastitate eri-
 perem: quæcunque mihi uni proponetur fortuna,
 15 subeat. Etenim si P. Lentulus suum nomen
 inductus à vatibus, fatale ad perniciem reipubl.
 fore putavit; cur ego non later, meum consu-
 latum ad salutem reipub. prope fatalem existis-
 se? Quare, P.C. Consulite vobis, prospicite pa-
 20 triæ, conservate vos, conjuges, liberos, fortu-
 nāsque vestras, populi Romani nomen, salutē-
 que defendite, mihi parcere, ac de me cogi-
 tare definite. Nam primū debeo sperare,
 omnes deos, qui huic urbi præsident, pro eo
 25 mihi, ac mereor, relaturos gratiam esse: deinde
 si quid obtigerit, æquo animo paratōque mori-
 ar; neque enim turpis mors forti viro potest
 accidere; neque immatura Consulari, nec mi-
 sera sapienti. Nec ramen ego sum ille ferreus,
 30 qui fratris carissimi atque amantissimi præsentis,
 mœrore non movear, horumque omnium lacry-
 mis, à quibus me circumfessum videtis: neque
 meam mentem non domum sæpe revocat exa-
 nimata uxor, abjecta metu filia, & parvulus fili-
 35 us; quem mihi videtur amplecti respublica tan-
 quam obsidem Consulatus mei: neque ille, qui
 exspe-

exspectans hujus exitum diei astat in conspe-
 ctu meo gener. Moveor his rebus omnibus, sed
 in eam partem, ut salvi sint vobiscum omnes,
 etiamsi vis aliqua me oppresserit, potius quàm
 ut, & illi, & nos, unà cum republ. pereamus. 5
 Quare P. C. incumbite ad reipublicæ salutem:
 circumspicite omnes procellas, quæ impendent,
 nisi providetis. Non Tiber. Gracchus, qui i-
 terum tribunus plebis fieri voluit: non C. Grac-
 chus, qui agrarios concitare conatus est: non 10
 L. Saturninus, qui C. Memmium occidit, in dis-
 crimen aliquod, atque in vestræ severitatis judi-
 cium adducitur: sed tenentur ii, qui ad urbis
 incendium, ad vestrum omnium cædem, ad
 Catilinam accipiendum, Romæ resisterunt. Te- 15
 nentur literæ, signa, manus, denique uniuscu-
 jusque confessio: sollicitantur Allobroges: servi-
 tia excitantur: Catilina accersitur: id est ini-
 tum consilium, ut interfectis omnibus, nemo nè
 ad deplorandum quidem reipub. nomen, atque 20
 ad lamentandam tanti imperii calamitatem, re-
 linquatur. Hæc omnia indices detulerunt, rei
 confessi sunt, vos multis jam judiciis judicavi-
 stis: primum, quod mihi gratias egistis singu-
 laribus verbis, & meâ virtute atque diligentia 25
 perditorum hominum patefactam esse conjura-
 tionem decrevistis: deinde, quod P. Lentu-
 lum, ut se abdicaret prætura, coegistis: tum,
 quod eum, & cæteros, de quibus judicavistis, in
 custodiam dandos censuistis: maximèque, quod 30
 meo nomine supplicationem decrevistis, qui ho-
 nos togato habitus ante me est nemini: postre-
 mò, hesterno die præmia legatis Allobrogum,
 Titoque Vulturcio dedistis amplissima. Quæ
 sunt omnia ejusmodi, ut ii, qui in custodiam 35
 nominatim dati sunt, sine ulla dubitatione à vobis
 damnati

damnati esse videantur. Sed ego institui referre ad vos, P. C. tanquam integrum, & de facto, quid judicatis; & de poena, quid censeatis. Illa prædicam, quæ sunt Consulis. Ego magnum in republica versari furorem, & nova quædam misceri, & concitari mala jampridem videbam: sed hanc tantam, tam exitiosam haberi conjurationem à civibus, nunquam putavi. Nunc quicquid est, quocunque vestræ mentes inclinant, atque sententiæ, statuendum vobis ante noctem est. Quantum facinus ad nos delatum sit, videtis. Huic si paucos putatis affines esse, vehementer erratis. Latius opinione diffusum est hoc malum, manavit non solum per Italiam, verum etiam transcendit Alpes, & obscure serpens multas jam provincias occupavit. Id opprimi sustentando ac prolatando nullo pacto potest. Quacunque ratione placet, celeriter vobis vindicandum est. Video duas adhuc esse sententias: unam D. Silani, qui censet, eos, qui hæc delere conati sunt, morte esse multandos: alteram C. Cæsaris, qui mortis poenam removeret, cæterorum suppliciorum omnes acerbitates amplectitur. Uterque & pro sua dignitate, & pro rerum magnitudine in summa severitate versatur. Alter eos, qui nos omnes, qui populum Romanum vitâ privare conati sunt, qui delere imperium, qui populi Romani nomen extinguere, puncto temporis frui vitâ, & hoc communi spiritu non putat oportere; atque hoc genus poenæ sæpe in improbos cives in hac republica esse usurpatum recordatur. Alter intelligit, mortem à diis immortalibus non esse supplicii causâ constitutam: sed aut necessitatem naturæ, aut laborum ac miseriarum quietem esse. Itaque eam sapientes nunquam inviti, fortes etiam

am

am sæpe libenter oppetiverunt. Vincula verò,
& ea sempiterna, certa ad singularem pœnam
nefarii sceleris inventa sunt. Itaque municipiis
dispertiri jubet. Habere videtur ista res iniqui-
tatem, si imperare velis: difficultatem, si ro- 5
gare: decernatur tamen si placet. Ego enim
fufcipiam, &, ut fpero, reperiam, qui id quod
salutis omnium causâ statueritis, non putat esse
suz dignitatis recusare. Adjungit gravem pœ-
nam municipibus, si quis eorum vincula rupe- 10
rit: horribiles custodias circumdat; & digna
scelere hominum perditorum sancit: nè quis,
eorum pœnam, quos condemnat, aut per sena-
tum, aut per populum levare possit: eripit eti-
am spem, quæ sola hominem in miseriis conso- 15
lari solet: bona præterea publicari jubet: vi-
tam solam relinquit nefariis hominibus: quam
si eripuisset multas uno dolore animi, ac cor-
poris, & omnes scelerum pœnas ademisset. Ita-
que ut aliqua in vita formido improbis esset 20
posita, apud inferos ejusmodi quædam illi an-
tiqui supplicia impiis constituta esse voluerunt:
quod videlicet intelligebant, his remotis, non
esse mortem ipsam pertimescendam. Nunc P. C.
ego meâ video quid interfit: si eritis secuti 25
sententiam Cæsaris, quoniam hanc is in repub-
lica viam, quæ popularis habetur, secutus est,
fortasse minus erunt hoc monitore & auctore
hujusce sententiæ mihi populares imperus perti-
mescendi: sin illam alteram secuti eritis, ne- 30
scio an amplius mihi negotii contrahatur: sed
tamen meorum periculorum rationes utilitas rei-
pub. vindicat. Habemus enim à C. Cæsare si-
cut ipsius dignitas & majorum ejus amplitudo
postulabat, sententiam, tanquam obsidem per- 33
petuâ in rempublicam voluntatis: intellectum
est,

est, quid intersit inter levitatem concionarorum, & animum verè popularem, salutem populi consulentem. Video, de istis, qui se populares haberi volunt, abesse non neminem, nè de capite videlicet civium Romanorum sententiam ferat. Is & nudius tertius in custodiam cives Romanos Cethegum & P. Lentulum dedit; & supplicationem mihi decrevit; & indices hesternò die maximis præmiis affecit. Jam hoc nemini dubium est, qui reo custodiam, quæstori gratulationem, indici præmium decrevit, quid de tota re & causâ judicaret. At verò C. Cæsar intelligit, legem Semproniam esse de civibus Romanis constitutam: qui autem reipublica sit hostis, eum civem esse nullo modo posse: denique ipsum latorem legis Sempronie jussu populi poenas reipublicæ dependisse. Idem etiam ipsum largitorem Lentulum & prodigum non putat, cum de pernicië reipubl. & exitio hujus urbis tam acerbè tamque crudeliter cogitaret, appellare posse popularem. Itaque homo mitissimus atque levissimus, non dubitat P. Lentulum æternis tenebris vinculisque mandare: & sancit in posterum, nè quis hujus supplicio levando se jactare, & in perniciem reipubl. posthac popularis esse possit. Adjungit etiam publicationem bonorum, ut omnes animi cruciatus, & corporis, etiam egestas ac mendicitas consequatur. Quamobrem si hoc statueritis, dederitis mihi comitem ad concionem populo Romano carum atque jucundum: si illam Silani sententiam sequi malueritis, facile me atque vos à crudelitatis vituperatione defendetis: atque obtinebo, eam multò leniorem fuisse. Quamquam P. C. quæ potest esse in tanti sceleris immanitate puniendâ crudelitas? Ego enim de meo sensu judico.

judico. Nam ita mihi salvâ republ. vobiscum
 perfrui liceat, ut ego quod in hac causa vehe-
 mentior sum, non atrocitate animi moveor (quis
 enim est me mitior?) sed singulari quadam hu-
 manitate & misericordiâ. Videor enim mihi 5
 hanc urbem videre, lucem orbis terrarum atque
 arcem omnium gentium, subito, uno incendio
 concidentem: cerno animo sepultam patriam,
 miseros, atque insepultos acervos civium: ver-
 satur mihi ante oculos aspectus Cethegi & furor 10
 in vestra cæde bacchantis. Cùm verò mihi pro-
 posui regnantem Lentulum, sicut ipse se ex fati-
 sperâsse confessus est: purpuratum esse hunc Ga-
 binium; cum exercitu venisse Catilinam; tum
 lamentationem matrum-familiâs; tum fugam vir- 15
 ginum, atque puerorum, ac vexationem virgi-
 num Vestalium, perhorresco. Et quia mihi ve-
 hementer hæc videntur misera, atque miseran-
 da, idcirco in eos qui ea perficere voluerunt,
 me severum vehementemque præbeo. Etenim 20
 quæro, si quis paterfamiliâs, liberis suis à servo
 interfecit, uxore occisâ, incensâ domo, sup-
 plicum de servis non quàm-acerbissimum sum-
 pserit, utrùm is clemens, ac misericors, an inhu-
 manus & crudelissimus esse videatur? mihi ve- 25
 rò importunus, ac ferreus, qui non dolorem su-
 um & cruciatum dolore nocentis & cruciatu le-
 nierit. Sic nos in his hominibus, qui nos, qui
 conjuges, qui liberos nostros trucidare volue-
 runt; qui singulas uniuscujusque nostrum do- 30
 mos, & hoc universum reipubl. domicilium de-
 lere conati sunt: qui id egerunt, ut gentem Al-
 lobrogum in vestigiis hujus urbis atque in cine-
 re deflagrati imperii collocarent, si vehementis-
 simi fuerimus, misericordes habebimur: sin re- 35
 missiores esse voluerimus, summæ nobis crudeli-
 tatis

tatis in patriæ civiûmque pernicië fama subeundi est. Nisi verò, cuiuspiam L. Cæsar vir fortissimus & amantissimus reipubl. crudelior nudius tertius est visus, cùm sororis suæ, scæminæ letissimæ, virum præsentem & audientem, vitâ
 5 privandum esse dixit; cùm avum jussu Coss. interfectum, filiûmque ejus impuberem legatum à patre missum, in carcere necatum esse dixit. Quorum quod simile fuit factum? quod initum
 10 delendæ reipubl. consilium? Largitionis voluntas tum in republ. versata est, & partium quædam contentio. Atque illo tempore hujus avus Lentuli, clarissimus vir, armatus Gracchum est persecutus & grave tum vulnus accepit, nè quid de
 15 summa dignitate reipubl. minueretur: hic ad evertenda fundamenta reipubl. Gallos accersivit, servitia concitavit, Catilinam evocavit, attribuit nos trucidandos Cethego, cæteros cives inter-
 20 ficiendos Gabinio, urbem inflammandam Cassio, totam Italiam vastandam diripiendamque Catilinæ. Vereamini, censeo, nè in hoc scelere tam immani, ac nefario, nimis aliquid severè statuisse videamini! cùm multò magis sit verendum,
 nè remissione poenæ crudeles magis in patriam,
 25 quàm nè severitate animadversionis nimis vehementes in acerbissimos hostes fuisse videamini. Sed quæ exaudio, P. C. dissimulare non possum. Jactantur enim voces, quæ perveniunt ad aures
 30 meas, eorum, qui vereri videntur, ut habeam satis præsidii ad ea, quæ vos statueritis hodierna die, transigenda. Omnia provisâ, parata, & constituta sunt, P. C. cum meâ summâ curâ atque diligentia; tum multò etiam majore populi
 35 ad communes fortunas conservandas voluntate. Omnes adsunt omniura ordinum homines, om-
 nium

nium denique ætarum : plenum est forum, pleni
 omnes aditus hujus loci ac templi. Causa enim
 est post urbem conditam hæc inventa, sola in
 qua omnes sentiunt unum atque idem, præter
 eos, qui cum sibi viderent esse pereundum, cum
 omnibus potius, quam soli perire voluerunt. 5
 Hosce ego homines excipio, & secerno libenter.
 Neque enim in improborum civium, sed in acer-
 bissimorum hostium numero habendos puto. Cæ-
 teri verò, dii immortales, quâ frequentiam, quo 10
 studio, quâ virtute ad communem dignitatem
 salutemque consentiunt? Quid ego hic equites
 Rom. commemorem? qui vobis ita summa or-
 dinis consiliique concedunt, ut vobiscum de a-
 more reipub. certent: quos ex multorum an- 15
 norum dissensione, ad hujus ordinis societatem
 concordiamque revocatos hodiernus dies nobis-
 cum atque hæc causa conjungit: quam conjun-
 ctionem si in Consulatu confirmatam meo, per-
 petuam in republ. tenuerimus; confirmo vobis, 20
 nullum posthac malum civile ac domesticum ad
 ullam reip. partem venturum esse. Pari studio
 defendendæ reip. convenisse video tribunos æra-
 rios fortissimos viros, scribas item universos:
 quos cum casu hic dies ad ærarium frequentes 25
 advocasset, video ab exspectatione sortis ad
 communem salutem esse conversos. Omnis inge-
 nuorum adest multitudo, etiam tenuissimorum.
 Quis est enim cui non hæc templa, aspectus
 urbis, possessio libertatis, lux denique hæc ipsa, 30
 & hoc commune patriæ solum, cum sit carum,
 tum verò dulce, atque jucundum? Operæ pre-
 tium est, P. C. libertinorum hominum studia
 cognoscere; qui suâ virtutē fortunam civitatis
 consecuti, hanc verè suam patriam esse judicant; 35
 quàm quidem hinc nati, & summo nati loco,
 non

non patriam suam, sed urbem hostium esse ju-
 dicaverunt. Sed quid ego hujusce ordinis ho-
 mines commemorem, quos privatae fortunae,
 quos communis respublica, quos denique liber-
 5 tas ea, quae dulcissima est, ad salutem patriae
 defendendam excitavit? servus est nemo, qui
 modò tolerabili conditione sit servitutis, qui non
 audaciam civium perditorum perhorrescat, qui
 non obstare cupiat, qui non tantum, quantum
 10 audet, & quantum potest, conferat ad commu-
 nem salutem voluntatis. Quare si quem vestrum
 fortè commoveret hoc, quod auditum est, leno-
 nem quendam Lentuli concurrere circum taber-
 nas, pretio sperantem sollicitari posse animos e-
 15 gentium atque imperitorum: est id quidem
 coeptum atque tentatum; sed nulli sunt inventi
 tam aut fortunâ miseri, aut voluntate perditii,
 qui non ipsum illum sellae, atque operis, & qua-
 stus quotidiani locum, qui non cubile ac lectulum
 20 suum, qui denique non cursum hunc otiosum
 vitae suae saluum esse velit. Multò verò max-
 ima pars eorum, qui in tabernis sunt, immo ve-
 rò (id enim potius est dicendum) genus hoc
 universum amantissimum est otii. Etenim omne
 25 eorum instrumentum, omnis opera, ac quaestus,
 frequentia civium sustinetur, alitur otio. Quo-
 rum si quaestus, occlusis tabernis, minui solet;
 quid tandem incensis futurum est? Quae cum
 ita sint, P. C. vobis populi Romani praesidia non
 30 desunt: vos nè populo Romano deesse videami-
 ni, providete. Habetis Consulem ex plurimis
 periculis, & insidiis, atque ex media morte, non
 ad vitam suam, sed ad salutem vestram reser-
 vatam: omnes ordines ad conservandam rem-
 35 publ. mente, voluntate, studio, virtute, voce
 consentiunt: obfessa facibus & telis impiae con-
 jurationis,

jurationis, vobis supplex manus tendit patria
 communis: vobis se, vobis vitam omnium civium,
 vobis arcem, & Capitolium, vobis aras penatium,
 vobis illum ignem Vestæ perpetuum ac sempi- 5
 ternum, vobis omnia templa deorum, atque delu-
 bra, vobis muros atque urbis testa, commendat.
 Præterea de vestra vita, de conjugum vestrarum
 ac liberorum anima, de fortunis omnium, de
 sedibus, de focis vestris, hodierno die vobis ju-
 dicandum est. Habetis ducem memorem vestri, 10
 oblitum sui: quæ non semper facultas datur.
 Habetis omnes ordines, omnes homines, univer-
 sum populum Romanum (id quod in civili cau-
 sa hodierno die primum videmus) unum atque
 idem sentientem. Cogitate quantis laboribus 15
 fundatum imperium, quantâ virtute stabilitam
 libertatem, quantâ deorum benignitate auctas
 exaggeratâsque fortunas una nox pæne dele-
 rit. Id nē unquam posthac non modo confici, sed nē
 cogitari quidem possit, vobis hodierno die pro- 20
 videndum est. Atque hæc, non ut vos, qui
 mihi studio pænē præcurritis, excitarem, locu-
 tus sum: sed ut mea vox, quæ debet esse in
 republica princeps, officio functa Consulari vi-
 deretur. Nunc antequam ad sententiam redeo, 25
 de me pauca dicam. Ego, quanta manus est
 conjuratorum, quam videtis esse permagnam,
 tantam me inimicorum multitudinem suscepisse
 video: sed eam esse judicio turpem, & infir-
 mam, contemptam, & abjectam. Quod si ali- 30
 quando alicujus furore & scelere concitata ma-
 nus ista plus valuerit, quàm vestra ac reipubli-
 cæ dignitas, me tamen meorum factorum atque
 consiliorum nunquam, P. C. poenitebit. Etenim
 mors, quam illi mihi fortasse minitantur, om- 35
 nibus est parata: vitæ tantam laudem, quantâ
 vos

vos me vestris decretis honestâstis, nemo est assecutus. Cæteris enim semper bene gestæ, mihi uni conservatæ reipublicæ gratulationem decrevistis. Sic Scipio clarus; ille cujus consilio
5 atque virtute Hannibal in Africam redire atque ex Italia decedere coactus est: ornetur alter eximiâ laude Africanus, qui duas urbes huic imperio infestissimas Carthaginem Numantiâmq; delevit: habeatur vir egregius L. Paulus ille,
10 cuius currum rex potentissimus quondam & nobilissimus Perses honestavit: sit in æterna gloria Marius, qui his Italiam obsidione & metu servitutis liberavit: anreponatur omnibus Pompeius, cuius res gestæ atque virtutes iisdem,
15 quibus solis currus, regionibus ac terminis continentur. Erit profectò inter horum laudes aliquid loci nostræ gloriæ. Nisi fortè majus est, patefacere nobis provincias quò exire possimus, quam curare, ut etiam illi qui absunt, habeant
20 quò victores revertantur. Quanquam est in uno loco conditio melior externæ victoriæ, quàm domesticæ: quòd hostes alienigenæ aut oppressierviunt, aut recepti in amicitiam beneficio se obligatos putant: qui autem ex numero civi-
25 um dementiâ aliquâ depravati hostes patriæ semel esse cœperunt, eos, cum à perniciereipubl. repuleris, neque vi coercere, neque beneficio placare possis. Quare mihi cum perdiris civibus æternum bellum susceptum esse video:
30 quod ego vestro bonorûmq; omnium auxilio, memoriæque tantorum periculorum, quæ non modò in hoc populo, qui servatus est, sed etiam in omnium gentium sermonibus ac mentibus semper hærebit, à me atque à meis facile pro-
35 pulsari posse, confido. Neque ulla profectò tanta vis reperiatur, quæ conjunctionem vestram equitûmq;

equitumque Romanorum, & tantam conspirationem bonorum omnium, perfringere & labefactare possit. Quæ cum ita sint, Patres conscripti, pro imperio, pro exercitu, pro Provincia, quam neglexi, pro triumpho, cæterisque laudis insignibus, quæ sunt à me propter urbis vestraque salutis custodiam repudiata, pro clientellis, hospitibusque provincialibus, quæ tamen urbanis opibus non minore labore tueor, quam comparo : pro his igitur omnibus rebus, & pro meis in vos singularibus studiis, proque hac, quam conspicitis, ad conservandam rempubl. diligentia, nihil aliud vobis, nisi hujus temporis totiusque mei Consulatus memoriam postulo, quæ dum erit vestris mentibus infixæ, firmissimo me muro septum esse arbitror. Quod si meam spem vis improborum fefellerit, atque superaverit ; commendo vobis parvum meum filium : cui profecto satis erit præsidii, non solum ad salutem, verum etiam ad dignitatem, si ejus, qui hæc omnia suo solius periculo conservaverit, illum esse filium memineritis. Quapropter de summa salute vestra populi que Romani, P. C. de vestris conjugibus ac liberis, de aris ac focis, de fanis ac templis, de totius urbis tectis ac sedibus, de imperio, de libertate, de salute Italiae, deque universa republica decernite diligenter, ut instruxistis, ac fortiter. Habetis enim Consulem, qui & parere vestris decretis non dubitet ; & ea quæ statueritis, quoad viveret, defendere, & per seipsum præstare possit.

5

ORATIO IX.

Quæ est in

10 M A R C U M A N T O N I U M,
 PHILIPPICA SECUNDA.

15

Barth. Latoni Argumentum.

Postquam Cicero liberius de republ. & de Antonio
 dixerat, offensus ille graviter, venit post aliquot
 dies in Senatum, & meditatâ Oratione conque-
 20 stus de injuria Ciceronis, multis maledictis in
 personam ejus invehit. Non respondit illo
 die Cicero, prohibitus ab amicis, propter arma
 Antonii, quibus ad manifestam vim spectare vi-
 debatur. Sed aliquantum post consumatus opibus
 25 Octavii, qui heres Cæsaris erat, & offensus
 Antonio, gratiâque & autoritate Senatûs vete-
 ranorumque præsidio ad parem potentiam prove-
 nit respondit hac ornatissimâ oratione, & qui-
 dem præsentî in Senatu. In qua primò objecta
 30 diluit: deinde insectatur vitam hominis: &
 per omnes gradus ætatis vitia colligens, crimi-
 nosè commemorat, quæ ab illo unquam privatim
 aut publicè commissa fuerant. Hæc est Secunda
 illa Philippica, quæ M. Antonium priore Ora-
 35 tione vehementer commotum, sic in Ciceronem
 accondit, ut leniri odii atrocitas postea nunquam
 potuerit.

potuerit. Exitit autem exitii, & mortis Ciceroni causa, dicente etiam Satyrico Poeta:

————— *Ridenda poemata malo*

*Quàm te conspicuae divina Philippica fama,
Volueris à prima quæ proxima.* ————

Juvenal, Sat. 10. v. 124.

Quoniam meo fato P. C. fieri dicam ut ne- 10
mo his annis viginti Reipub. hostis fue-
rit, qui non bellum eodem tempore mi-
hi quoque indixerit? Nec verò necesse est à me
quenquam nominari vobis, cum ipsi recordemi-
ni. Mihi poenarum illi, plus quàm optarem, de- 15
derunt. Te miror, Antoni, quorum facta imi-
tere, eorum exitus non perhorrescere. Atque
hoc in aliis minùs mirabar. Nemo illorum ini-
micus mihi fuit voluntarius: omnes à me reipub.
causa laceffiti. Tu, ne verbo quidem violatus, 20
ut audacior quàm L. Catilina, furiosior quàm P.
Clodius viderere, ultrò maledictis me laceffisti,
tuamque à me alienationem, commendationem ad
cives impios tibi gloriæ fore putavisti. Quid pu-
tem? contemptumne me? non video nec in vita, 25
nec in gratia, nec in rebus gestis, nec in hac mea
mediocritate ingenii quid despiciere possit Anto-
nius. An in Senatu facillimè detrahi posse cre-
didit? qui ordo clarissimis civibus bene gestæ
Reipub. testimonium multis, mihi uni conserva- 30
tæ dedit? An decertare mecum, voluit conten-
tione dicendi? hoc quidem beneficium est.
Quid enim plenius, quid uberius, quàm mihi &
pro me, & contra Antonium dicere? Illud pro-
fecto est: non existimavit sui similibus probari 35
posse, se esse hostem patriæ, nisi mihi esset ini-
micus.

micus. Cui prius quàm de cæteris rebus respondendo, de amicitia, quàm à me violatum esse criminatus est, quod ego gravissimum crimen iudico, pauca dicam. Contra rem suam venisse me nescio quando, questus est. An ego non venirem contra alienum pro familiari, & necessario meo? non venirem contra gratiam, non virtutis specie, sed ætatis flore collectam? non venirem contra injuriam, quam iste intercessoris iniquissimi beneficio obtinuit, non jure Prætorio? Sed hoc idcirco commemoratum à te puto, ut te infimo ordini commendares, cùm te omnes recordarentur libertini generum, & liberos tuos nepotes Qu. Fabii libertini hominis fuisse. At enim te in disciplinam meam tradideras (nam ità dixisti) domum meam ventitâras. Næ tu, si id fecisses, melius famæ, melius pudicitie tuæ Consuluiſſes: sed nec fecisti, nec si cuperes, tibi id per C. Curionem facere licuisset. Auguratus petitionem mihi te concessisse dixisti. O incredibilem audaciam! ò impudentiam prædicandam! Quo enim tempore me Augurem à toto collegio expetiturum Cn. Pompeius & Qu. Hortensius nominaverunt (neque enim licebat à pluribus nominari) tu nec solvendo eras, nec te ullo modo, nisi eversa repub. incolumem fore putabas. Poteras autem eo tempore Auguratum petere, cùm in Italia Curio non esset? aut tum, cùm es factus, unam tribum sine Curione ferre potuisses? cujus etiam familiares de vi condemnati sunt, quòd tui nimis studiosi fuissent. At beneficio sum usus tuo. Quo? quanquam illud ipsum, quod commemoras, semper præ me tui: malui me tibi debere confiteri, quàm cuiquam minùs prudenti non satis gratus videri. Sed quo beneficio, quòd me Brundusii non occideris?

F

quem

quem ipse victor, qui tibi, ut tute gloriari solebas, detulerat ex latronibus suis principatum, salvum esse voluisset, in Italiam ire iussisset, cum tu occideres? fac potuisse: quod est aliud P. C. beneficium latronum, nisi ut commemorare possint, iis se dedisse vitam, quibus non ademerint? 5 Quod si esset beneficium, nunquam ii, qui illum interfecerunt, à quo erant servati, quos tu ipse viros clarissimos appellare soles, tantam essent gloriam consecuti. Quale autem beneficium est, 10 quòd te abstineris nefario scelere? qua in re non tam jucundum videri mihi debuit, non interfectum à te, quam miserum. Id te impunè facere potuisse. Sed sit beneficium: quandoquidem majus accipi à latrone nullum potuit. In quo 15 potes me dicere ingratum? an de interitu rei-pub. queri non debui, nè de te ingratus viderer? Nam in illa querela, misera quidem & luctuosa, sed mihi pro hoc gradu, in quo me Senatus, populusque Roman. collocavit, necessarià, quid est 20 dictum à me cum contumelia? quid non moderatè? quid non amicè? Et quidem cujus temperantiæ fuit, de M. Antonio querentem, abstinere maledicto? præsertim cum tu reliquias rei-pub. dissipasses: cum domi tuæ turpissimo mer- 25 catu omnia essent venalia: cum leges eas, quæ nunquam promulgatæ essent, & de te, & à te latis confiterere: cum auspicia Augur, intercessionem Consul sustulisses: cum esses fœdissimè stipatus armatis: cum omnes impuritates pudica 30 in domo quotidie susciperes, vino lustrisque confectus. At ego tanquam mihi cum M. Crasso contentio esset, quocum multæ & magnæ fuerunt, non cum uno gladiatore nequissimo, de repub. graviter querens, de homine nihil dixi. 35 Itaque hodie perficiam, ut intelligat, quantum tu

tu à me beneficium acceperis. At etiā literas,
 quas me sibi misisse diceret, recitavit homo &
 humanitatis expers, & vitæ communis ignarus.
 Quis enim unquam, qui paulū modò bonorum
 5 consuetudinem nōset, literas ad se ab amico
 missas, offensione aliquā interpositā in medium
 protulit, palāmque recitavit? Quid hoc est aliud,
 quā tollere è vita vitæ societatem? tollere a-
 micorum colloquia absentium? quā multa joca
 10 solent esse in epistolis, quæ prolata si sint, in-
 epta esse videantur? quā multa seria, neque
 tamen ullo modo divulganda? Sit hoc inhumani-
 tatis tuæ: stultitiam incredibilem videte.
 Quid habes, quod mihi opponas hōmo diserte,
 15 ut mustelæ Tamisio, & Tironi Numisio videris?
 cui cū hoc ipso tempore stent cum gladiis in
 conspectu Senatūs ego quoque te disertum pu-
 tabo, si ostenderis quomodo sis eos inter sicari-
 os defensurus. Sed quid oppones tandem, si
 20 negem me unquam istas literas ad te misisse?
 quo me teste convinces? an chirographo? in
 quo habes scientiam quæstuosā: qui possis? sunt
 enim librarii manu. Jam invideo magistro tuo,
 qui te tantā mercede, quantā jam proferam,
 25 nihil sapere docuit. Quid enim est minus non
 dico oratoris, sed hominis quā id obijcere ad-
 versario, quod ille si verbo negārit, longius pro-
 gredi non possit, quī objecerit? At ego non
 nego: tēque in isto ipso convinco non inhumani-
 30 nitatis solū, sed etiam amentię. Quod enim
 verbum in istis literis est non plenum humani-
 tatis, officiū, benevolentię? omne autem cri-
 men tuum est, quod de te in his literis non ma-
 lé existimem: quod scribam tanquam ad civem,
 35 tanquam ad bonum virum, non tanquam ad sce-
 leratū, & latronem. At ego tuas literas, etsi

jure poteram à te laceffit, tamen non profe-
ram : quibus petis, ut tibi per me liceat quen-
dam de exilio reducere : adjurásque id te invi-
to me non effe facturum ? idque à me impetras :
quid enim me interponerem audaciæ tuæ ; quam
neque autoritas hujus ordinis, neque existimatio
populi Rom. neque leges ullæ possent coerce-
re ? veruntamen quid erat, quod me rogares, si
erat is, de quo rogabas, Cælaris lege reductus ?
sed videlicet meam grâtiâ voluit effe : in quo
nè ipsius quidem ullâ poterat effe lege latâ. Sed
cum mihi patres conscripti & pro me aliquid,
& in M. Ant. multa dicenda sint : alterum peto
à vobis, ut pro me dicentem benignè, alterum
ipse efficiam, ut contra illum cum dicam, atten-
tè audiatis. Simul illud oro : si meam cum in
omni vita, tum in dicendo moderationem, mo-
destiamque cognoscitis, nec me hodie cum isti,
ut provocavit, respondebo, oblitum effe putetis
mei. Non tractabo ut Consulem. nè ille qui-
dem me ut Consularem : etsi ille nullo modo
Consul, vel quòd ità vivit, vel quòd ità rempub.
gerit, vel quòd ità factus est Consul : ego sine
ulla controversia Consularis. Ut igitur intellige-
retis, qualem ipse se Consularem profiteretur,
objecit mihi consulatum meum. Qui Consula-
tus verbo meus P. C. re vester fuit : quid enim
constitui, quid gessi, nisi ex hujus ordinis con-
silio, autoritate, sententiâ ? hæc tu homo sapi-
ens, non solum eloquens, apud eos, quorum con-
silio sapientiâque gesta sunt, ausus es vituperare ?
Quis autem meum consulatum, præter P.
Clodium, qui vituperaret, inventus est ? cujus
quidem te fatum, sicuti C. Curionem manet :
quoniam id domi tuæ est, quod fuit illorum
utrique fatale. Non placet M. Antonio Consu-
latus

latus meus : at placuit P. Servilio, ut eum primum nominem ex illius temporis Consularibus, qui proximè est mortuus : placuit Qu. Luctatio Catulo, cujus semper in hac rep. vivet autoritas : placuit duobus Lucullis, M. Crasso. Qu. Hortensio, C. Curioni, M. Lepido, C. Pisoni, M. Labeoni, L. Volcatio, C. Figulo, D. Syllano, L. Murenæ, qui tunc erant Consules designati : placuit idem, quod Consularibus, M. Catoni, qui cum multa, vitâ excedens providit : tum quod te consulem non vidit. Maximè verò Consulatum meum Cn. Pompeius probavit ; qui ut me primum decedens ex Syria vidit, complexus, & gratularis, meo beneficio patriam se visurum esse dixit. Sed quid singulos commemoro ? frequentissimo Senatui sic placuit, ut esset nemo, qui mihi non ut parenti gratias ageret : qui non mihi vitam suam, liberos, fortunas, remp. referret acceptam. Sed quoniam illis, quos nominavi, tot & talibus beneficiis orбата est : veniamus ad eos, qui quod mihi numero reliqui sunt ; L. Corra, vir ingenio, summâque prudentiâ, rebus his gestis, quas tu reprehendis, supplicationem decrevit verbis amplissimis : cique illi ipsi quos modò nominavi, Consulares, Senatusque cunctus assensus est. Qui honos post conditam hanc urbem habitus est togato ante me nemini. L. Casar avunculus tuus, quâ oratione, quâ constantiâ, quâ gravitate sententiam dixit in sororis suæ virum, vitricum tuum ? hunc tu eum autorem, & præceptorem omnium consiliorum, totiûsque viræ debuisses habere, vitrici te similem, quàm avunculi esse maluisti. Hujus ego consiliis alienus Consui usus sum : tu sororis filius, ecquid ad eum unquam de repub. retulisti ? ad quos refert dii immortales

tales? ad eos scilicet, quorum nobis etiam dies natales audiendi sunt. Hodie non descendit Antonius? cur? dat natalitia in hortis: cui? neminem nominabo: putatore eum Phormioni alicui, tum Gnatoni, tum Ballioni. O foeditatem hominis flagitiosam! ô impudentiam, nequitiam, libidinem non ferendam! tu cum Principem Senatorem, civem singularem, tam propinquum habeas, ad eum de repub. nihil refers: ad eos refers, qui domum suam nullam habent, 10 tuam exhaustiunt. Tuus videlicet salutaris Consulatus, perniciosus meus? adeone pudorem cum pudicitia perdidisti, ut hoc in eo templo dicere ausus sis, in quo ego Senatum illum, qui quondam florens orbi terrarum praesidebat, consulebam: tu homines perditissimos cum gladiis collocavisti? At etiam ausus es (quid autem est quod tu non audes?) Clivum Capitolinum dicere, me Consule, plenum servorum armatorum fuisse: ut illa credo nefaria senatusconf. tum fierent vim affererem Senatui. O miserum, five illa tibi nota non sunt (nihil enim boni nosti) five sunt, qui apud tales viros tam impudenter loquere. Quis enim Eques Rom. quis praeter te adolescens nobilis, quis ullius ordinis, qui 25 se civem meminisset, cum Senatus in hoc templo esset, in Clivo Capitolino non fuit? quis nomen non dedit? quanquam nec scribae sufficere, nec tabulae nomina illorum capere poterunt. Etenim cum homines nefarii de patriae 30 parricidio confiterentur, consistorum indiciis, sua manu, voce pene literarum coacti, se urbem inflammare, cives trucidare, vastare Italiam, delere rempub. consensisse: quis esset qui ad salutem communem defendendam non excitaretur? 35 praesertim cum Senatus populusque Rom. haberet

ret ducem, qualis siquidem nunc esset, tibi idem,
 quod illis accidit, contigisset. Ad sepulturam
 corpus vitrici sui negat à me datum. Hoc vero
 nè P. quidem Clodius dixi unquam : quem, quia
 5 jure ei sui inimicus, doleo à te jam omnibus vi-
 tiis esse superatum. Qui autem tibi venit in
 mentem, redigere in memoriam nostram, te
 domi P. Lentuli esse educatum ? an verebare, nè
 non putarcmus naturâ te potuisse tam improbum
 10 evadere, nisi accessisset etiam disciplina ? Tam
 autem eras excors, ut tota in oratione tecum ip-
 se pugnares : ut non modò non cohærentia inter
 se diceres, sed maximè disjuncta atque contra-
 ria : ut non tanta mecum, quanta tecum tibi es-
 15 set contentio. Vitricum tuum in tanto fuisse
 scelere fatebare, poenâ affectum querebare. Ità,
 quod proprium meum est, laudâsti : quod toti-
 us Senatûs est, reprehendisti. Nam cùm com-
 p.rehensio fontium mea, animadversio Senatûs
 20 fuerit : homo disertus non intelligit eum, quem
 contradicit, laudari à se, eos apud quos dicit,
 vituperari. Jam illud cujus est non dico auda-
 ciæ (cupit autem se audacem dici) sed, quod mi-
 nimè vult, stultitiæ, quâ vincit omnes, Clivi,
 25 Capitolini mentionem facere ? cùm inter subsel-
 lia nostra versentur armati, cùm in hac cella con-
 cordiæ (ô dii immortales !) in qua me Consu-
 le salutare sententiæ dictæ sunt, quibus ad hanc
 diem vivimus, cum gladiis homines collocati
 30 stent. Accusa Senatum, accusa equestrem or-
 dinem, qui tum cum Senatu copulatus fuit : ac-
 cusa omnes ordines, omnes cives, dum confitea-
 re hunc ordinem, hoc ipso tempore, ab Ithyre-
 is circumfederi. Hæc tu non propter audaci-
 35 am dicis tam impudenter, sed qui tantarum re-
 rum repugnantiam non videas nihil profectò sa-

pis. Quid est enim dementius, quàm cùm ipse
contra remp. pernicioſa arma ceperis, obſicere
alteri ſalutaria? At etiam quodam loco ſacetus
eſſe voluiſti: quàm id (dii boni) non decebat:
in quo eſt tua culpa nonnulla: aliquid enim ſa-
lis ab uxore mimâ trahere potuiſti. *Cedant ar-*
ma togæ: quid? tum nōne ceſſerunt? at poſtea
tuis armis ceſſit tōga. Quæramus igitur utrum
melius fuerit, libertati populi Rom. ſcleratorum
arma, an libertatem noſtram armis tuis cedere? 10
Nec verò tibi de verſibus respondebo: tantùm
dicam breviter: neque illos, neque illas te om-
nino literas i. d. ſe: me nec reip. nec amicis un-
quam deſuiſſe, & tamen omni genere monimen-
torum meorum perfeciſſe operis ſubſecivis, ut 15
meæ vigiliæ, meæque literæ & juventuti utilita-
tis, & nomini Rom. laudis aliquid afferrent.
Sed hæc non huius temporis: ad majora venia-
mus. Pub. Clodium meo conſilio interfectum
eſſe dixiſti. Quidnam homines putarent, ſi tum 20
occuſus eſſet, cùm tu illum in foro ſpectante po-
pulo Rom. gladio ſtricto inſecutus es, negotiũ-
que tranſegiſſes, niſi ille ſe ſub ſcalas tabernæ li-
brariæ conieciſſet, hiſque oppilatis impetum tu-
um compreſſiſſet? Sed quid? ego fauiſſe me 25
tibi fateor, ſuaſiſſe me tu quidem dicis: at Mi-
loni nē favere quidem potui: prius enim rem
tranſegit, quàm quiſquam tum ſuſpicaretur eum
facturum eſſe. At ego ſuaſi: ſcilicet is animus
erat Milonis, ut prodeſſe reipub. ſine ſuaſore non 30
poſſet? At lætatus ſum: quid ergo? in tanta
læticia cunctæ civitatis me unum triſtem eſſe o-
por-tebat? Quanquam de morte P. Clodii fuit
quæſtio non ſatis prudenter illa quidem conſti-
tuta: quid enim attinebat novâ lege quæri de eo, 35
qui hominem occidiſſet, cùm eſſet legibus quæ-
ſtio

stio constituta ? quæsitum est tamen. Quod ergo cum res agebatur, nemo in me dixit : id tot annis post tu es inventus, qui diceres ? Quod verò dicere ausus es, idque multis verbis, operam meam Pompeium à Cæsaris amicitia esse dis-
 5 junctum, ob eamque causam meam culpam civile bellum esse natum : in eo non tu quidem totam re, sed, quod maximum est, temporibus errasti. Ego M. Bibulo præstantissimo cive Consule, nihil
 10 prætermisi, quantum facere, enitque potui, quin Pompeium à Cæsaris conjunctione avocarem : in quo Cæsar fuit felicior : ipse enim Pompeium à meam familiaritate disjunctum. Postea verò quam se totum Pompeius Cæsari tradidit, quid ego il-
 15 lum ab eo distrahere conarer ? stulti erat sperare suadere impudentis. Duo tamen tempora inciderunt, quibus aliquid contra Cæsarem Pompeio suaserim : ea velim reprehendas si potes : unum, nè quinquennii imperium Cæsari proro-
 20 garetur : alterum, nè pateretur fieri, ut absentis ejus ratio haberetur : quorum sit utrumvis persuasissem, in has misérias nunquam incidissemus. Atque idem cum jam omnes opes & suas, & populi Rom. Pompeius ad Cæsarem detu-
 25 lisset, seroque eadem sentire cœpisset, quæ ego antè multò prævideram : inferrique patriæ bellum nefarium viderem : pacis, concordie, compositionis autor esse non destiti ; meaque illa vox est nota multis. Utinam Cn. Pompei cum C. Cæ-
 30 sare societate aut nunquam coisses, aut nunquam diremisses. Fuit alterum gravitatis, alterum prudentiæ tuæ. Hæc M. Antonii semper & de Pompeio, & de repub. consilia fuerunt : quæ si valuis-
 35 sent, respublica staret : tu tuis flagitiis, egestate, infamiâ, concidisses. Sed hæc vetera : illud verò recens, Cæsarem meo consilio interfectum.

etum. Jam vereor, Patres conscripti, nè quod
 turpissimum est, prævaricatorem mihi apposu-
 isse videar, qui me non solum meis laudibus or-
 naret, sed etiam oneraret alienis. Quis enim
 mecum in istius societate gloriosissimi facti nomen
 audivit? cujus autem, qui in eo numero fuisset,
 nomen est occultatum? occultatum dico? cujus
 non statim divulgatum? citius dixerim jactasse
 se aliquos, ut fuisset in ista societate viderentur,
 qui socii non fuissent, quam ut quisquam celare
 vellet. Quàm verisimile porro est, in tot ho-
 minibus partim obscuris, partim adolescentibus,
 neminem occultantibus, meum nomen latere
 potuisse? Etenim si autores ad liberandam pa-
 triam desiderentur, illis autoribus, Brutos ego
 impellerem? quorum uterque L. Bruti imagi-
 nem quotidie videret, alter etiam Halæ? His
 igitur majoribus orti ab alienis potius consili-
 um peterent, quam à suis? & foris potius, quam
 domo? Quid? C. Cassius in ea familia natus, 20
 quæ non modò dominatum, sed nè potentiam qui-
 dem cujusquam ferre potuit, me autorem, cre-
 do, desideravit, qui etiam sine his clarissimis
 viris, hanc rem in Cilicia ad ostium fluminis
 Cyndi confecisset, si ille ad eandem ripam, 25
 quam constituerat, non ad contrariam, navim
 applicuisset. Cn. Domitium non patris interitus
 clarissimi viri, non avunculi mors, non spolia-
 tio dignitatis, ad recuperandam libertatem, sed
 mea autoritas excitavit? An C. Trebonio persua- 30
 si, cui nè suadere quidem ausus essem? quò
 etiam majorem ei respub. gratiam debet, qui
 libertatem populi Rom. unius amicitiæ proposu-
 it: depulsorque dominatu, quam particeps esse
 maluit. An L. Tullius Cimber me est autorem 35
 secutus? quem ego magis fecisse illam rem sum
 admira-

5

admiratus, quàm facturum putavi. Admiratus
sum autem ob eam causam, quòd immemor be-
neficiorum, memor patriæ fuisset. Quid duos
Servilios, Cascas dicam, an Halas? & hos auto-
5 ritate meâ censes excitatos potiùs, quàm chari-
tate reipub. Longum est persequi cæteros: idque
reipub. præclarum fuisse, tam multos, ipsos glo-
riosius est. At quemadmodum me coarguerit
homo acutus, recordamini. Cæsare interfecto,
10 inquit, statim cruentum altè extollens M. Bru-
tus pugionem, Ciceronem nominatim exclama-
vit, atque ei recuperatam libertatem est gratu-
latus. Cur mihi potissimùm? quod sciebam?
Vide nè illa causa fuerit appellandi me, quòd
15 cùm rem gessisset consimilem rebus iis, quas ip-
se gesseram, me potissimùm testatus est, se æ-
mulum mearum laudum extitisse. Tu autem
omnium stultissimè non intelligis, si id, quod
me arguis, voluisse interfici Cæsarem, crimen
20 sit: etiam lætatum esse morte Cæsaris, crimen
esse? quid enim interest inter suasorem facti, &
probatorem, aut quid refert, utrùm voluerim
fieri, an gaudeam factum? ecquis est igitur, te
excepto, qui illum regnare gaudebas, qui illud
25 aut fieri noluerit, aut factum improbârit? om-
nes enim in culpa. Etenim omnes boni, quan-
tum in ipsis fuit, Cæsarem occiderunt: aliis con-
siliium, aliis animus, aliis occasio defuit: volun-
tas nemini. Sed stuporem hominis, vel dicam
30 pecudis, attendite. Sic enim dixit: M. Brutus,
quem ego honoris causâ nomino, cruentum pu-
gionem tenens, Ciceronem exclamavit: ex quo
intelligi debet, eum conscium fuisse. Ergò ego
sceleratus appellor à te, quem tu suspicatum ali-
35 quid suspicaris: ille, qui stillantem præ se pugi-
onem tulit, is à te honoris causâ nominatur?
esto;

esto; sit in verbis tuis hic stupor: quantò in rebus sententiisq̃ue major: Constitue hoc Consul aliquando, Brutorum, C. Cassii, Cn. Domitii, Cn. Trebonii, reliquorum, quam velis esse causam: edormi crapulam, inquam, & exhala. An faces admovendæ sunt, quæ te excitent tantæ causæ indormientem; nunquàmne intelligis statuendum tibi esse, utrùm illi qui istam rem gesserunt, homicidii rei sint, an vindices libertatis? Attende enim paulisper, cogitationemq̃ue sobrii 10 hominis ad punctum temporis suscipe: etenim ego, qui sum illorum, ut ipse fateor, familiaris: ut à te arguor, socius, nego quicquam esse medium: confiteor eos, nisi liberatores populi Romani, conservatoresq̃ue Reipublicæ sint, plus 15 quàm sicarios, plus quàm homicidas, plus etiam quàm parricidas esse. Siquidem est atrocius patriæ parentem, quam suum occidere. Tu homo sapiens & considerate quid dicis si parricidæ, cur honoris causa à te sunt & in hoc ordine, & apud populum Rom. semper appellati? cur M. Brutus, te referente, legibus est solutus, si ab urbe plus quàm decem dies abfuisset? cur Iudi Apollinares incredibili M. Bruti honore celebrati? cur provinciæ Cassio, & Bruto data? 25 cur Quæstores additi? cur Legatorum numerus actus? Atque hæc acta per te: non igitur homicidæ. Sequitur ut liberatores tuo iudicio sint: quandoquidem tertium nihil potest esse. Quid est? num conturbo te? non enim fortasse satis, 30 quæ distinctiùs dicuntur, intelligis. Sed tamen hæc est summa conclusionis meæ: quoniam scelerare à te liberati sunt, ab eodem te amplissimis præmiis dignissimi iudicati sunt. Itaque jam re-texto orationem meam: scribam ad illos, ut si 35 qui fortè, quod à te mihi objectum est, quærens
sine/

sitne verum, nè cui negent : etenim vereor, nè
 aut celatum me ab ipsis, illis non honestum :
 aut invitatum refugisse, mihi sit turpissimum :
 Quæ enim res unquam (proh sancte Jupiter!)
 5 non modò in hac urbe, sed in omnibus terris
 est gesta major? quæ gloriosior? quæ commen-
 datior hominum memoriæ sempiternæ? In hu-
 jus me consilii societatem, tanquam in equum
 Trojanum includi cum principibus non recuso.
 10 Ago etiam gratias, quoquo animo facis. Tanta
 enim res est, ut invidiam istam, quam tu in me
 vis concitare, cum laude non comparem. Quid
 enim beatius illis, quos tu expulsos à te prædi-
 cas & relegatos? qui locus est, aut tam desertus,
 15 aut tam inhumanus, qui illos, quò accesserint,
 non affari atque appetere videatur? qui homi-
 nes tam agrestes, qui se, cùm eos aspexerint,
 non maximum cepisse vitæ fructum putent?
 quæ vero tam immemor posteritas, quæ tam in-
 20 gratæ literæ reperientur, quæ eorum gloriam
 non immortalitatis memoriâ prosequantur? Tu
 vero ascribe me talem in numerum. Sed unam
 rem vereor nè non probes. Si enira fuisset,
 non solùm Regem, sed regnum etiam de republ.
 25 sustulisset : & si meus stylus ille fuisset (ut di-
 citur) mihi crede, non solùm unum actum, sed
 totam fabulam confecissem. Quamquam si inter-
 fici Cæsarem voluisse crimen est, vide quæso An-
 toni quid tibi futurum sit, quem & Narbone
 30 hoc consilium cum C. Trebonio cepisse notissi-
 mum est, & ob ejus consilii societatem, cùm
 interficeretur Cæsar, tum te à Trebonio vidi-
 mus sevocari. Ego autem (vide quàm tecum
 agam non inimicè) quòd bene cogitasti aliquan-
 35 do, laudo : quòd non indicasti, gratias ago :
 quòd non fecisti, ignosco : virum res illa quæ-
 rebat.

rebat. Quod si te in iudicium quis adducat, usurpétque illud Cassianum, *Cui bono fuerit*: vide quæso nè hæreas. Quanquam illud quidem fuit, ut tu dicebas, omnibus bono, qui uni servire volebant: tibi tamen præcipue, qui non modò non servis, sed etiam regnas: qui maximo te ære alieno ad ædem Opis liberâsti: qui per easdem tabulas innumerabilem pecuniam dissipavisti: ad quem è domo Cæsaris tam multa delatâ sunt: cujus domus quæstuosissima est sal-
forum commentariorum: & chirographorum officina: agrorum, opidorum, immunitatum, vectigalium, flagitiosissimæ nundinæ. Etenim quæ res egestati & æri alieno tuo præter mortem Cæsaris subvenire potuisset? Nescio quid conturbatus mihi esse videris. Nunquid subtimes, nè ad te hoc crimen pertinere videatur? libero te metu, nemo credet unquam: non est tuum de repub. bene mereri: habet istius pulcherrimi facti clarissimos viros respub. autores: ego te tantum gaudere dico, fecisse non arguo. Respondi maximis criminibus: nunc etiam reliquis respondendum est. Castra mihi Pompei atque illud omne tempus, objecisti, quo quidem tempore, si, ut dixi, meum consilium autoritasque valuisset, tu hodie egeres, nos liberi essemus, respub. non tot duces, & exercitus amisisset. Fateor enim me, cum ea, quæ acciderunt, providerem futura, tantâ in mœstitiâ fuisse, quantâ cæteri optimi cives, si idem providissent, fu-
issent. Dolebam, dolebam P. C. repub. vestris quondam, meisque consiliis conservatam, brevi tempore esse perituram: neque verò eram tam indoctus, ignarusque rerum, ut frangeret animo propter vitæ cupiditatem, quæ me manens conficeret angoribus, demissa molestiis omnibus liberâset.

liberasset. Illos ego præstantissimos viros, lumina reipub. vivere volebam, tot consulares, tot Prætorios, tot honestissimos Senatores, omnem præterea florem nobilitatis ac juventutis, cum
 5 optimorum civium exercitus: qui si viverent, quamvis iniquâ conditione pæis (mihi enim omnis pax cum civibus bello civili utilior videbatur) rempub. hodie teneremus. Quæ sententia si valuisset, ac non ii maximè mihi, quorum
 10 ego vitæ consulebam spe victoriæ elati obstitissent: ut alia omittam, tu certè nunquam in hoc ordine, vel potius nunquam in hac urbe mansisses. At verò Cn. pompeii voluntatem à me abalienabat oratio mea. An ille quenquam
 15 plus dilexit? cum ullo aut sermones, aut consilia contulit sapius? quod quidem erat magnum de summa re dissentientes, in eadem consuetudine amicitia permanere. Sed & ego quid ille, & contra ille, quid & ego sentirem, & spectare
 20 rem, videbat. Ego incolumitati civium primum, & postea dignitati: ille, præsentì dignitati potius consulebat. Quòd autem habebat uterque quod sequeretur, idcirco tolerabilior erat nostra dissensio. Quid verò ille Consularis vir ac penè
 25 divinus de me senserit, sciunt qui cum Pharsalica fuga Paphum profecuti sunt, nunquam ab eo mentio de me, nisi honorifica, nisi plena amicissimi desiderii, cùm me vidisse plus fateretur, se sperasse meliora. Et ejus viri nomine me in
 30 sectari audes, cujus me amicum, te sectorem esse fateare? Sed omittatur bellum illud, in quo tu nimium felix fuisti. Nè jocos quidem respondebo, quibus me in castris usum esse dixisti. Erant illa quidem castra plena curæ: verumtamen homines, quamvis in turbidis rebus sint, ta
 35 men si modò homines sunt, interdum animis relaxantur.

relaxantur. Quòd autem idem mœstitiâ meam
 reprehendit, idem jocus: magno argumenro est,
 me in utroque esse moderatum. Hæreditates
 mihi negâsti venire. Utinam hoc tuum verum
 crimen esset: plures amici mei, & necessarii
 viverent, sed quî istuc tibi venit in mentem?
 ego enim amplius H. S. ducenties acceptum hæ-
 reditatibus retuli. Quamquam in hoc genere fa-
 teor felicior esse te: me nemo nisi amicus
 fecit hæredem, ut cum illo commodo, si quod
 erat, animi quidam dolor jungeretur: te is, quem
 nunquam vidisti, L. Rubrius Cassinas fecit hære-
 dem: & quidem vide, quàm te amaret is, qui
 albus atérque fueris ignorans, fratris filium præ-
 teriit. Qu. Furii honestissimi Equitis Romani,
 suique amicissimi, quem palàm hæredem semper
 factitaret, nè nomen quidem perscripsit, quem
 nunquam viderat, ac nunquam salutaverat, fecit
 hæredem. Velim mihi dicas, nisi molestum est.
 L. Turselius quâ facie fuerit, quâ staturâ, quo
 municipio, quâ tribu: nihil scio, inquires, nisi
 quæ prædia habuerit: igitur fratrem exhæredans
 te faciebat hæredem. In multas præterea pecu-
 nias alienissimorum hominum, ejêctis veris hære-
 dibus, tanquam hæres esset, invasit. Quamquam
 hoc maxime admiratus sum, mentionem te hæ-
 reditatum ausum esse facere, cùm ipse hæredi-
 tatem patris non adisses. Hæc ut colligeres ho-
 mo amentissimè, tot dies in altera villa declamâ-
 sti? quamquam ut quidem (tu tui familiarissi-
 mi dictitant) vini exhalandi, non ingenii acu-
 endi causâ declamitas. Et verò adhibes joci cau-
 sâ magistrum suffragio tuo, & compotorum tuo-
 rum Rhetorem: cui concessisti, ut non in te,
 quæ vellet, diceret, sed in quem vellet, diceret.
 Falsum omnino hominem: sed materia facilis,
 in

in te & in tuos dicta dicere. Vide autem inter
te & avum tuum quid intersit, ille sensim dice-
bat, quod causæ prodesset: tu cursim dicis ali-
ena. At quanta merces Rhetori data est? au-
5 dite, audite P.C. & cognoscite Reip. vulnera:
duo millia jugerum campi Leontini Sex. Clodio
Rhetori assignasti, & quidem immunia, ut pro
tanta mercede nihil sapere disceres. Num eti-
am hoc homo audacissime ex Cæsaris commen-
10 tariis? Sed dicam alio loco de Leontino agro,
& de Campano: quod iste agros ereptos Reip.
turpissimis possessoribus inquinavit. Jam enim
quoniam criminibus ejus satis respondi, de ipso
emendatore & correctore nostro quædam dicen-
15 da sunt. Nec enim omnia effundam, ut, si sæ-
pius decertandum sit, ut erit, semper novus ve-
niam: quam facultatem mihi multitudo istius
vitiiorum, peccatorumque largitur. Visne igitur
20 te inspiciamus à puero? sic opinor, à principio
ordiamur. Tenésne memoriâ prætextatum te
decoxisse? patris inquires ista culpa est; con-
cedo: etenim est pietatis plena defensio. Il-
lud tamen audaciæ tuæ, quòd sedisti in quatu-
ordecim ordinibus, cùm esset lege Rosciâ deco-
25 toribus certus locus constitutus, quamvis quis
fortunæ vitio, non suo decoxisset. Sumpstisti vi-
rilem togam, quam statim muliebre stolum red-
didisti. Primò vulgare scortum: certa flagitii
merces, nec ea parva: sed citò Curio interve-
30 nit, qui te à meretricio quæstu abduxit: & tan-
quam stolum dedisset, in matrimonio stabili &
certo locavit. Nemo unquam puer emptus li-
bidinis causâ tam fuit in domini potestate,
quàm tu in Curionis. Quoties te pater ejus
35 domo suâ ejecit? quoties custodes posuit ne li-
men intrares? cum tamen tu nocte sociâ, hor-
tante

tante libidine, cogente mercede, per regulas demittere. Quæ flagitia domus ille diutius ferre non potuit. Scisne me de rebus mihi notissimis dicere; Recordare tempus illud, cum pater Curio moriens jacebat in lecto; filius se ad pedes meos prosternens, lacrymans te mihi commendabat: orabat ut te contra suum patrem, si festertium sexagies peteret, defenderem. Tantum enim se pro te intercessisse dicebat. Ipse autem amore ardens confirmabat, quod desiderium tui dissidii ferre non posset, se in exilium esse iturum. Quo ego tempore tanta mala florētissimæ familiæ sedavi, vel potius sustuli. Patri persuasi ut æs alienum filii dissolveret: redimeret adolescentem summâ spe & animi, & ingenii præditum rei familiaris facultatibus: eumque à tuâ non modò familiaritate, sed etiam congressione, patrio jure, & potestate prohiberet. Hæc tu cum per me acta meminisses: nisi illis quos videmus, gladiis confideres, maledictis me provocare ausus esses? Sed jam stupra, & flagitia omittam. Sunt quædam, quæ honestè non possum dicere: tu autem eò liberior, quòd ea in te admisisti, quæ à verecundo inimico audire non posses. Sed reliquum vitæ cursum videte: quem quidem celeriter perstringam: ad hæc enim, quæ in civili bello in maximis Reip. miseriis fecit, & ea quæ quotidie facit, festinat animus. Quæ peto, ut quanquam multò notiora vobis, quàm mihi sunt, tamen ut facitis, attentè audiat. Debet enim talibus in rebus excitare animos non cognitio solùm rerum, sed etiam recordatio. Tametsi incidamus oportet media, nè nimis serò ad extrema veniamus. Intimus erat in Tribunatu Clodio. Qui sua erga me beneficia commemorat, ejus omnium incendi-
diorum

diorum fax. Cujus etiam domi quiddam jam
tum molitus est. Quid dicam, ipse optimè in-
telligit. Indè item Alexandriam contra Sena-
tus auctoritatem, contra religionem. Sed habe-
bat ducem Gabinium, qui cum quidvis rectissimè
5 facere posset. Qui tum inde reditus? aut qua-
lis? prius in ultimam Galliam ex Ægypto,
quam domum. Quæ autem erat domus? suam
enim quisque domum tum obtinebat, neque erat
10 usquam tua. Domum dico? Quid erat in terris,
ubi in tuo pedem poneres, præter unum Misen-
num, quod cum sociis tanquam Sisaponem tene-
bas? Venisti à Gallia ad Quæsturam petendam.
Aude dicere, te prius ad patrem tuum venisse;
15 quàm ad me. Acceperam enim jam antè Cæ-
saris literas, ut mihi satis fieri paterer à te. Ita-
que nè loqui quidem sum te passus de gratia, po-
stea custoditus sum à te, tu à me observatus
20 in petitione Quæsturæ. Quo quidem tempore
P. Clodium approbante populo Ro. in foro es co-
natus occidere: cùmque eam rem tuâ sponte
conarere, non impulsu meo: tamen ità prædica-
bas, te non existimare, nisi illum interfecisses
unquam mihi pro tuis in me injuriis satis esse fa-
25 cturum. In quo demitor, cur Milonem impul-
su meo rem illam egisse dicas, cùm te ultro mi-
hi idem illud deferentem nunquam sim adhor-
tatus. Quanquam, si in eo perseverares, ad tu-
am gloriam rem illam referri malebam, quàm ad
30 meam gratiam. Quæstor es factus: Deinde con-
tinuò sine Senatus-consulto, sine sorte, sine le-
ge ad Cæsarem concurristi. Id n. unum in terris
egestatis, æris alieni, nequitia, perditis vitæ ra-
tionibus perfugium esse ducebas. Ibi te cùm &
35 illius largitionibus, & tuis rapinis explevisses (si
hoc est explere, quod statim effundas) advolas
egens

egens ad Tribunatum, ut in eo magistratu, si posses, vitrici tui similis esses. Accipite nunc quæso non ea, quæ ipsa in se, atque in domesticum dedecus impure atque intemperanter, sed quæ in nos, fortunâque nostras, id est, in universam Remp. impiè ac nefariè fecerit. Ab hujus enim scelere omnium malorum principium natum reperietis. Nam cum L. Lentulo, C. Marcello Consulibus, Cal. Janua. labentem, & propè cadentem Remp. fulcire cuperetur, ipsique C. 10 Cæsari, si sanâ mente esset, Consulere velletis: tum iste venditum, atque mancipatum Tribunatum, consiliis vestris opposuit, cervicèsq; suas ei subjecit securi, quâ multi minoribus in peccatis occiderunt. In te autem M. Antoni id de- 15 crevit. Senatus & quidem incolumis, nondum tot luminaribus extinctis, quod in hostem togatum decerni est solitum more majorum. Et tu apud Patres conscriptos contra me dicere ausus es, cum ab hoc ordine ego conservator essem tu 20 hostis Reip. judicatus? Commemoratio illius tui sceleris intermissa est, non memoria deleta: Dum genus hominum, dum populi Rom. nomen extabit (quod quidem erit, si per te licuerit, sempiternum) tua illa pestifera intercessio nominabitur. Quid cupide à Senatu, quid temere fiebat, cum tu unus adolescens universum ordinem decernere de salute Reipub. prohibuisti: neque id semel, sed sæpius. Neque tu tecum de Senatus autoritate agi passus es, quid autem age- 30 batur, nisi nè delere & evertere Remp. funditus velles? cum te neque principe civitatis rogando, neque majores natu monendo, neque frequens Senatus agendo, de vendita atque addicta sententia movere potuit. Tum illud, mul- 35 tis rebus antè tentatis, necessario tibi vulnus inflatum,

flictum, quod paucis ante, quorum incolumis fu-
 it nemo, tum contra te dedit arma, hic ordo
 Consulibus, reliquisque imperiis & potestatibus:
 quæ non effugisses, nisi te ad arma Cæsaris con-
 5 tulisses. Tu, tu inquam, M. Antoni, princeps C.
 Cæsari omnia perturbare cupienti, causam belli
 contra patriam inferendi dedisti. Quid enim
 aliud ille dicebat, quàm causam dementissimi sui
 consilii & facti afferēbat, nisi quòd intercessio
 10 neglecta, jus Tribunitium sublatum, circumscriptus
 esset Antonius? omitto quàm hæc falsa, quam
 levia: præsertim cùm omnino nulla causa iusta
 cuiquam esse possit contra patriam arma capien-
 di. Sed nihil de Cæsare: tibi certè conten-
 15 dum est, causam perniciosissimi belli in persona
 tua constitisse. O miserum te, si intelligis: mi-
 seriorem, si non intelligis, hoc literis mandari,
 hoc memoriæ prodi, hujus rei nè posteritatem
 quidem omnium sæculorum unquam immemorem
 20 fore? Consules ex Italia expulsos, cùmque his
 Cn. Pompeium, qui imperii populi Rom. decus,
 ac lumen fuit: omnes Consulares, qui per vale-
 tudinem exequi fugam illam, cladēque potuif-
 sent: Prætores, Prætorios, Tribunos plebis
 25 magnam partem Senatûs, omnem solobem Juven-
 tutis, unòque verbo Remp. expulsam, atque ex-
 terminatam suis sedibus. Ut igitur in seminibus
 est causa arborum & stirpium, sic hujus luctuo-
 sissimi belli semen tu fuisti. Doletis tres exerci-
 30 tus populi Rom. interfectos: interfecit Antoni-
 us. Desideratis clarissimos cives: eos quoque
 eripuit vobis Antonius. Autoritas hujus ordinis
 afflicta est: afflixit Antonius. Omnia denique
 quæ postea vidimus (quid autem mali non vi-
 35 dimus!) si recte ratiocinabimur, uni accepta
 referemus Antonio. Ut Helena Trojanis, sic iste
 huic

huic Reip. causa belli, causa pestis, atque exitii fuit. Reliquæ partes Tribunatûs principio similes, omnia perfecit, quæ Senatus salvâ Rep. nê fieri possent, perfecerat, cujus tamen scelus in scelere cognoscite. Restituebat multos calamitosos: in his patrui nulla mentio, si severus, cur non in omnes? si misericors, cur non in suos? sed omitto cæteros, Licinium Lenticulam de alia condemnatum collusorem suum restituit, quasi verò ludere cum condemnato non liceret: sed 10 ut quod ille in alea perdiderat, beneficio legis dissolveret. Quam attulisti rationem populo Rom. cur eum restitui oporteret? absentem, credo, in reos relatum, rem indictâ causâ judicatam nullum fuisse de aleâ lege iudicium, vi oppres- 15 sum & armis; postremo quod de patruo dicebatur, pecuniâ iudicium esse corruptum. Nihil horum. At vir bonus, & Rep. dignus. Nihil id quidem ad rem: ego tamen, quoniam condemnatum esse pro nihilo est, si irâ esset, ignosce- 20 rem. Hominem omnium nequissimum, qui non dubitaret vel in foro aleâ ludere, lege quæ est de aleâ condemnatum, qui in integrum restituit is non apartissime studium suum ipse proficitur? In eodem verò Tribunatu, cùm Cæsar in Hispa- 25 niam proficiscens, huic conculcandam Italiam tradidisset, quæ fuit ejus peragratio itinerum? lustratio municipiorum? Scio me in rebus celebratissimis sermone omnium versari, eaque quæ dico, dicturusque sum, notiora omnibus esse, qui 30 in Italia tum fuere quàm mihi, qui non fui. Notabo tamen singulas res: etsi nullo modo poterit oratio mea satisfacere vestræ scientiæ. Etenim quod unquam in terris tantum flagitium extitisse auditum est? tantam turpitudinem? tantum dedecus? Vehebatur in essedo Tribunus pleb. Li- 35 ctiores

stores laureati antecedeabant: inter quos apertâ
 lecticâ mimâ portabatur; quam ex opidis mu-
 nicipales homines honesti obviâ necessario pro-
 deuntes, non noto illo & mimico nomine, sed
 5 Voluminiam consalutabant. Sequebatur rhedâ
 cum lenonibus, comites nequissimi: rejecta ma-
 ter amicam impuri filii tanquam nurum seque-
 batur. O miseræ mulieris fœcunditatem cala-
 mitosam! Horum flagitiorum iste vestigiis omnia
 10 municipia, præfecturas, colonias, totam denique
 Italiam impressit. Reliquorum factorum ejus P. C.
 difficilis est sane reprehensio, & lubrica. Ver-
 satus in bello est, saturavit se sanguine dissimil-
 limorum sui civium: fuit felix, si potest ulla es-
 15 se in scelere felicitas. Sed quoniam veteranis
 cautum esse volumus, (quanquam dissimilis est
 militum causa & tua) illi secuti sunt: tu quæfisti
 ducem: tamen, nè apud illos me in invidiam
 voces, nihil de belli genere dicam. Victor è Thes-
 20 salia Brundisium cum legionibus revertisti: ibi
 me non occidisti. Magnum beneficium: potu-
 isse enim fateor. Quanquam nemo erat eorum,
 qui tunc tecum fuerunt, qui mihi non censeret
 parci oportere: Tanta enim est charitas patriæ,
 25 ut vestris etiam legionibus sanctus essem, quod
 eam à me servatam esse meminissent. Sed fac te
 dedisse mihi quod non ademisti: meque à te
 habere vitam, quia à te non sit crepta: liceat
 nunc mihi per tuas contumelias hoc beneficium
 30 tueri ut tuebar, præsertim cum te hæc auditurum
 videres. Venisti Brundisium in sinum quidem
 & in complexum tuæ mimulæ. Quid est? num
 mentior? quàm miserum est id negare non pos-
 se, quod sit turpissimum confiteri? si te municipi-
 35 piorum non pudebat: nè veterani quidem ex-
 ercitus? quis enim miles fuit, qui Brundisiis
 illam

illam non viderit? quis, qui nesciret venisse
 eam tibi tot dierum viam gratulatum? quis, qui
 non indoluerit tam serò se, quam hominem se-
 cutus esset, cognoscere? Italiz rursus percurratio
 eadem comite mimâ: in opido militum crude- 5
 lis & misera deductio: in urbe auri & argenti
 maximèque vini fœda direptio. Accessit, ut
 Cæsare ignaro, cùm ille esset Alexandriz, bene-
 ficio amicorum magister equitum constitueretur,
 tum existimavit se suo jure cum Hippia vivere, 10
 & equos vectigales Sergio mimo tradere. Quid
 ego istius decreta, quid rapinas, quid hæredita-
 tum possessiones datas, quid creptas proferam?
 cogebat egestas? quò se verteret non habebat,
 nondum ei tanta à L. Rubrio, non à L. Turselio 15
 hæreditas venerat: nondum in Cn. Pompeii lo-
 cum multorumque aliorum, qui aberant, repen-
 tinus hæres successerit: erat ei vivendum latro-
 num ritu, ut tantum haberet, quantum rapere
 potuisset. Sed hæc, quæ robustioris improbi- 20
 tatis sunt, omittamus: loquamur potius de ini-
 quissimo genere levitatis. Tu istis faucibus, istis
 lateribus, istâ gladiatoria totius corporis firmi-
 tate, tantum vini in Hippiz nuptiis exhauseras,
 ut tibi necesse esset in populi Rom. conspectu 25
 vomere postridie. O rem non modò visu fœdam
 sed etiam auditu! Si inter cœnam, in tuis imma-
 nibus illis poculis, hoc tibi accidisset, quis non
 turpe duceret? in cœtu verò populi Rom. ne-
 gotium publicum gerens. Magister equitum, 30
 cui ructare turpe esset, is vomens frustis esculen-
 tis vinum redolentibus gremium suum, & totum
 tribunal implevit. Sed hoc ipse fatetur esse in
 suis fœdibus: veniamus ad splendida. Cæsar A-
 lexandriam se recepit, felix, ut sibi quidem vi- 35
 debatur, meâ autem sententiâ, siquis Reip. sit in-
 felix,

felix, felix esse non potest. Hastâ positâ pro
æde Jovis Statoris, bona, (miserum me! con-
sumptis enim lacrymis, tamen infixus animo hæ-
ret dolor) bona, inquam, Cn Pompeii Magni vo-
ci acerbissimæ subjecta præconis. Una illa re
servitutis oblita civitas ingemuit, servientibusque
animis gemitus tamen populi Rom. liber fuit.
Expectantibus omnibus, quisnam esset tam im-
pius, tam demens, tam diis, hominibûsque ho-
stis, qui ad illud scelus sectionis auderet accede-
re, inventus est nemo, præter Antonium, præ-
sertim cùm tot essent circa hastam illam qui alia
omnia auderent, unus inventus est, qui id au-
deret, quod omnium fugisset, & formidâset au-
dacia. Tantus igitur te stupor oppressit, vel, ut
verius dicam, tantus furor, ut primum, cùm se-
ctor, sis isto loco natus, deinde cum Pompeii
sector, non te execrandum pop. Rom. non de-
testabilem, non omnes tibi deos, omnes homi-
nes, & esse inimicos & futuros scias? At quàm
insolenter statim helluo invasit in ejus viri fortu-
nas cujus virtute terribilior erat populus Rom.
exteris gentibus, justitiâ charior. In ejus igitur
copias, cùm se subito ingurgitavisset, exultabat
gaudio persona de mîmo, modò egens, repente
dives, sed ut est apud poetam nescio quem. *Ma-
lè parta, malè dilabuntur*: incredibile ac simile
portenti est, quonam modo illa tam multa,
quàm paucis non dico mensibus, sed diebus effu-
derit. Maximus vini numerus fuit, permagnum
optimi pondus argenti, pretiosa vestis, multa &
lauta suppellex, & magnifica multis locis, non illa
quidem luxuriosi hominis, sed tamen abundan-
tis. Horum paucis diebus nihil erat. Quæ Cha-
rybdis tam vorax? Charybdin dico? quæ si fuit,
fuit animal unum: Oceanus medius fidus vix vi-

detur tot res, tam dissipatas, tam distantibus in
 locis positas, tam citò absorbere potuisse. Ni-
 hil erat clausum, nihil obsignatum, nihil scrip-
 tum, apothecæ totæ nequissimis hominibus con-
 donabantur: alia nîmi rapiebant, alia mimæ do-
 mus erat aleatoribus referta, plena ebriorum: 5
 totos dies potabatur, atque id locis pluribus: sug-
 gerebantur etiam sæpe (non enim semper iste
 felix) damna aleatoria, conchyliatis Cn. Pom-
 peii peristromatis servorum in cellis lectos stra- 10
 tos videres. Quamobrem definite mirari hæc
 tam celeriter esse consumpta. Non modò u-
 nius patrimonium, quamvis amplum, ut illud fuit,
 sed urbes, & regna celeriter tanta nequitia de-
 corare potuisset: At ejusdem ædes etiam & hor- 15
 tos. O audaciam immanem! tu ingredi illam
 domum ausus es? tu illud sanctissimum limen
 intrare? tu illarum ædium diis penatibus os im-
 portunissimum ostendere? quam domum ali-
 quandiu nemo aspicere poterat, nemo sine la- 20
 crymis præterire, hâc te in domo tamdiu diver-
 sari non pudet? in qua, quamvis nihil sapias,
 tamen nihil tibi potest esse jucundum. An tu
 illa vestibula, rostra, spolia cùm aspexisti, do-
 mum tuam te introire paras? fieri non potest. 25
 Quamvis enim sine mente, sine sensu sis, ut es:
 tamen & te, & tua, & tuos nōsti. Nec vero te
 unquam neque vigilanter, neque in somnis cre-
 do mente posse consistere. Necessè est, quam-
 vis sis, ut es violentus & furens, cum tibi ob- 30
 jecta sit species singularis viri, perterritum te
 de somno excitari, furere etiam sæpe vigilan-
 tem. Me quidem miseret parietum ipsorum,
 atque tectorum. Quid enim unquam domus
 illa viderat, nisi pudicum, nisi ex optimo mo- 35
 re, & sanctissimâ disciplinâ? fuit enim ille vir

P. C.

P. C. sicut scitis, cūm foris clarus, tum domi
 admirandus: neque rebus exteris magis laudan-
 dus, quā inſtitutis domesticis. Hujus in ſe-
 dibus pro cubiculis ſtabula; pro tricliniis popinæ
 ſunt. Etſi jam negat. Nolite, nolite quærere.
 5 Fragi factus eſt. Mimam illam ſuam ſuas res
 ſibi habere juſſit, ex duodecim tabulis cauſam
 addidit, exegit, quam porro ſpectatus civis, quā
 probatus, cujus ex omni vita nihil eſt honeſti-
 10 us, quā quod cūm mimā fecit divorcium? At
 quā crebrō uſurpat, & Conſul, & Antonius?
 hoc eſt dicere, & Conſul, & impudiciſſimus: &
 Conſul, & homo nequiſſimus. Quid enim eſt a-
 liud Antonius? nam ſi dignitas ſignificaretur in
 15 nomine, dixiſſet aliquando, credo, avus tuus &
 Conſul & Antonius, nunquam dixit, dixiſſet eti-
 am collega meus, patrius tuus, niſi tu ſolus es An-
 tonius. Sed omitto ea peccata, quæ non ſunt ea-
 rum partium propria, quibus tu Remp. vexavi-
 20 ſti: ad ipſas tuas partes redeo, id eſt, ad civile
 bellum, quod natum, conſlatum, ſuſceptum, ope-
 rā tuā eſt. Cur ei bello tum propter timiditatem
 tuam, tum propter libidines deſuiſti? Guſtāras
 civilem ſanguinem vel potiùs exforbueras: fueras
 25 in acie Pharfalica anteſignatus: L. Domitium no-
 biliffimum & clariſſimum virum occideras: mul-
 tos qui de prælio effugerant, quorum Cæſar ut
 nonnullos fortasſe ſervāſſet, crudeliſſime perſe-
 cutus trucidāras, quibus rebus tantis talibus geſtis
 30 quid fuit cauſæ. Cur in Africam Cæſarem non ſe-
 querere, cūm præſertim belli pars tanta reſtaret?
 Itaque quē locum apud ipſum Cæſarem poſt
 ejus ex Africa reditum obtinuisti? quō numero
 fuiſti? cujus tu imperatoris Quæſtor fueras?
 35 Dictatoris magiſter equitum, belli princeps, cru-
 delitatis auctor, prædæ focius, teſtamenti, ut

ipse dicebat, filius appellatus es de pecunia, quam pro domo, pro hortis, pro sectione debebas. Primò respondisti planè ferociter : & nè omnia videar contra te, propemodum æqua & justa dicebas. A me C. Cæsar pecuniam ? cur potius 5 quàm ego ab illo ; an ille sine me vicit ? at nè potuit quidem, Ego ad illum belli civilis causam attuli : ego leges perniciosas rogavi : ego arma contra Consules, Imperatorésque Pop. Rom. contra Senatum populúmque Romanum, contra 10 Deos Patrios, arásque & focos, contra patriam tuli. Num sibi soli vicit ? quorum facinus est commune, cur non sit eorum præda communis ? jus postulabas : sed quid ad rem ? plus ille poterat. Itaque excussis tuis vocibus, & ad te, & ad præ- 15 das tuas milites misit ; cùm repentè à te præclara illa tabulà prolata, qui risus hominum de te erat ? tantam esse tabulam, tam varias tam multas possessiones, ex quibus præter partem Miseni, nihil erat, quod is, qui auctionaretur, posset su- 20 um dicere. Auctionis verò miserabilis aspectus. Vestis Pompeii non multa, eaque maculosa : ejusdem quædam argentea vasa collisa, sorditata mancipia : ut doleremus quicquam esse ex illis reliquiis, quod videre possemus. Hanc tamen 25 auctionem hæredes L. Rubri decreto Cæsaris prohibuerunt. Hærebat nebulo : quò se verteret, non habeat. Quippe in his ipsis temporibus domi Cæsaris percussor ab isto missus, deprehensus dicebatur esse cum fica. De quo Cæsar in 30 Senatu, aperitè in te invehens, questus est. Proficiscitur in Hispaniam Cæsar, paucis tibi ad solvendum propter inopiam tuam, prorogatis diebus. Nè tum quidem sequeris. Tam bonus gladiator rudem tam citò accepisti ? hunc igitur 35 quisquam ; qui in suis partibus, id est, in suis fortu-

fortunis tam timidus fuerit, pertimescat? Profectus est tandem aliquando in Hispaniam: sed tunc, ut ait, pervenire non potuit. Quoniam modo igitur Dolabella pervenit? aut non suscipienda fuit ista causa Antoni! aut cum suscepisset, defendenda usque ad extremum. Ter depugnavit Cæsar cum civibus in Thessalia, Africa, Hispania. Omnibus affuit his pugnis Dolabella: in Hispaniensi etiam vulnus accepit. Si de meo iudicio quæris, nollem: sed tamen consilium à principio reprehendendum, laudanda constantia. Tu verò quis es? Cn. Pompeii liberi primum patriam repetebant. Esto: fuerit patrium hæc causa communis. Repetebant præterea deos penates, patrios, aras, focos, larem suum familiarem, in quæ tu invaferas. Hæc cum repeterent armis ii, quorum erant legibus: etsi in rebus iniquissimis quid potest esse æqui? tamen erat æquissimum contra Cn. Pompeii liberos Cn. Pompeii pugnare sectorem. An tu Narbone in Mensas hospitum cum vomeres, Dolabella pro te in Hispania dimicaret? qui verò Narbone reditus? & tamen quærebat, cur ego ex ipso cursu tam subito revertissem. Exposui nuper P. C. causam reditus mei. Volui si possem, etiam ante Cal. Jan. prodesse Reip. nam quod quærebas quomodo redissem; primum luce, non tenebris: deinde cum calceis, & toga, nullis nec caligis, nec lacernâ. At etiam aspicias me, & quidem, ut videris, iratus. Nè tu mecum jam in gratiam redeas, si scias, quam me pudeat nequitie tuæ, cujus te ipsum non pudet. Ex omnium omnibus flagitiis nullum turpius vidi, nullum audivi, quàm quod qui magister equitum fuisse tibi viderere, in proximum annum Consulatum peteres, vel potius rogares, is per municipia

Coloniâsque Galliz, à qua, cum Consulatus no-
ster petebatur, non rogabatur, petere Consula-
tum solebamus, cum caligis & lacernâ cucurrissi.
At videte levitatem. Cum hora diei decima
ferè ad Saxa rubra venisset, delituit in quadam
cauponula, atque ibi se occultans, perpotavit ad
vesperum: inde cisio celeriter ad urbem adve-
ctus, domum venit capite involuto. Janitor,
Quis tu? A Marco tabellarius. Confestim ad
eam, cujus causâ venerat, deducitur, eique epi-
stolam tradit. Quam cum illa legeret flens (erat
enim amatorie scripta: caput autem literarum,
sibi cum illa mima post hac nihil futurum: om-
nem se amorem abjecisse illinc, atque in hanc
transfudisse.) Cum mulier fleret uberius, homo
misericors ferre non potuit, caput aperuit, in
collum invasit. O hominem nequam; (quid e-
nim aliud dicam? magis proprie nihil possum
dicere) ergò ut te catamitum, nec optinato cum
ostendisses, præter spem mulier aspiceret, idcir-
co urbem terrore nocturno, Italiam multorum
dierum metu perturbasti: Et domi quidem cau-
sam amoris habuit, foris etiam turpiorem, nè L.
Plancus prædēs tuos venderet. Productus au-
tem in concionem à Trib. pleb. cum respondisses
te rei tuæ causâ venisse, populum in te dica-
cem etiam reddidisti. Sed nimis multa de nu-
gis. Ad majora veniamus. Cæsari ex Hispa-
nia redeunti obviam longissimè processisti, cele-
riter isti, & redisti, ut cognosceret te, si minùs
fortem, attamen strenuum. Factus es ei rursus
nescio quomodo familiaris. Habebat hoc om-
nino Cæsar, quem planè perditum ære alieno,
egentēque, si eundem nequam hominem, au-
dacēque cognoverat, hunc in familiaritatem
libentissimè recipiebat. His igitur rebus præcla-
rè

re commendatus, jussus es renunciari Consul, &
 quidem cum ipso. Nihil queror de Dolabella,
 qui tum est impulsus, inductus, illusus. Qua in
 re quanta fuerit utriusque vestrum perfidia in Do-
 5 labellam, quis ignorat? ille induxit, ut peteret,
 promissum & receptum intervertit, ad seque
 transtulit: tu ejus perfidia voluntatem tuam
 ascripsisti. Veniunt Cal. Jan. cogimur in Sena-
 tum: inductus est copiosius multo in istum, &
 10 paratius Dolabella quam nunc ego. Hic autem
 iratus, quæ dixit dii boni! cum primum Cæ-
 sar ostendisset, se, prius quam proficisceretur,
 Dolabellam Consulem esse jussurum, quem ne-
 gant Regem, qui & faceret semper ejusmodi
 15 aliquid, & diceret: Sed cum Cæsar ita dixisset,
 tum hic bonus Augur, eo se sacerdotio prædi-
 tum esse dixit, ut comitia auspiciis vel impedi-
 re, vel vitare posset, idque se facturum esse asse-
 veravit. In quo primum incredibilem stupidi-
 20 tatem hominis cognoscite, quid enim istuc, quod
 te sacerdotii jure facere posse dixisti, si Augur
 non esses, & Consul esses, minus facere potuis-
 ses? vide nè etiam facilius, nos enim nunciati-
 onem solum habemus, Consules, & reliqui ma-
 25 gistratus etiam inspectionem. Esto hoc impe-
 ritè (nec enim ab homine nunquam sobrio po-
 stulanda prudentia) sed videte impudentiam,
 multis antè mensibus in Senatu dixit, se Dola-
 bellæ comitia aut prohibiturum auspiciis, aut id
 30 facturum esse, quod fecit. Quisquam nè divi-
 nare potest, quid vitii in auspiciis futurum sit,
 nisi qui de cælo servare constituit? quod neque
 licet comitiis per leges, & si quis servavit, non
 habitis comitiis, sed prius quam habeantur, de-
 35 bet nunciare. Verum implicata inscitiam impu-
 dentia est, si nec scit quod Augurem, nec facit

quod prudentem decet. Atque ex illo die recordamini ejus usque ad Idus Martias consulatum. Quis unquam apparitor tam humilis, tam abjectus; nihil ipse poterat: omnia rogabat: caput in adversam lecticam inferens, beneficii, quæ venderet, à collegâ petebat. Ecce Dolabellæ comitiorum dies, sortitio prærogativæ: quiescit, renunciatur: tacet, prima classis vocatur: renunciatur, deinde, ut assolet, suffragia, cum secunda classis: quæ omnia citius sunt facta, quàm dixi. Confecto negotio bonus augur (Lælium diceret) alio die, inquit, ô impudentiam singularem! quid videras? quid senseras? quid audieras! nec enim te de cælo servasse dixisti, neque hodie dicis id igitur obvênit vitium, quod tu jam Cal Jan. futurum esse prævideras, & tantò antè prædixeras. Ergò hercule magnâ, ut spero, tuâ potiùs, quam Reip. calamitate ementitus es auspicia: obstrinxisti P. Rom. religione. Augur Auguri, Consul Consuli obnunciavisti. Nolo plura, nè acta Dolabellæ videar convellere, quæ necesse est aliquando ad nostrum collegium deferantur. Sed arrogantiam hominis, insolentiamque cognoscite. Quamdiu tu voles, vitiosus Consul Dolabella: rursus, cum voles, salvis auspiciis creatus, si nihil est, cum Augur his verbis nunciat, quibus nunciasti: confitere te cum alio die dixeris, sobrium non fuisse, sin est aliqua vis in istis verbis, ea quæ sit, Augur à Collega requiro. Sed ne fortè ex multis rebus gestis, M. Antonii rem unam pulcherriam transfiliat oratio, ad Lupercalia veniamus. Non dissimulat P. C. apparet esse commotum: sudat, pallet: quidlibet, n. odò nè nauseat, faciat. quod in porticu Numitia fecit. Quæ potest esse turpitudinis tantæ defensio? cupio audire: ut

ut videam ubi Rhetoris tanta merces, ubi campus Leontinus appareat. Sedebat in rostris collega tuus, amictus togâ purpureâ, in sellâ aureâ, coronatus : ascendis, accedis ad sellam : ita eras
 5 Lupercus, ut te esse Consulem meminisse deberes. Diadema ostendis : gemitus toto foro, unde diadema ? non enim abjectum sustuleras, sed attuleras domo meditatam, & cogitatum scelus. Tu diadema imponebas cum plangore populi, ille
 10 cum plausu rejiciebat. Tu ergo unus scelerate inventus es, qui cum autor regni inventus esses, eum, quem collegam regni habebas, dominum habere velles : & idem tentares, quid Po. R. ferre & pati posset. At etiam misericordiam cap-
 15 tabas : supplex te ad pedes abjiciebas : quid petens ? ut servires ? tibi uni peteres, qui ita à puero vixeras, ut omnia paterere, ut facilè servires : à nobis populoque Rom. mandatum id certè non habebas : ô præclaram illam eloquentiam
 20 tuam, cum es nudus concionatus, quid hoc turpius ? quid foedius ? quid suppliciis omnibus dignius ? num exspectas dum te stimulis fodiam ? hæc te, si ullam partem habes sensûs, lacerat, hæc cruentat oratio. Vereor nè imminuam vi-
 25 rorum summorum gloriam : dicam tamen dolore commotus, quid indignius, quàm vivere eum, qui imposuerit diadema, cum omnes fateantur jure interfectum esse, qui abjecerit ? Aetiam inscribi jussit in fastis, ad Lupercalia C.
 30 Cæsari Dictatori perpetuo M. Ant. Consulem populi jussu regnum detulisse, Cæsarem uti noluisse. Jamjam minimè miror, te otium perturbare, non modò urbem odisse, sed etiam lucem, cum perditissimis latronibus non solum de die,
 35 sed etiam in diem vivere. Ubi enim tu in pace consistes ? qui locus tibi in legibus, & judiciis

esse potest, quæ tu, quantum in te fuit, domi-
 natu regio sustulisti? Ideône Lucius Tarquinius
 exactus: Spurius Cassius, Spurius Melius, Mar-
 cus Manlius necati, ut multis post seculis, à
 Marco Antonio, quod fas non est, Rex Romæ 5
 constitueretur? Sed ad auspicia redeamus, de
 quibus rebus Idibus Martiis fuit in Senatu Cæsar
 acturus. Quæro tum tu quid egisses? audiebam
 quidem te paratum venisse quòd me de ementi-
 tis auspiciis, quibus tamen parere necesse erat, 10
 putare esse dicturum. Sustulit illum diem for-
 tuna Populi Romani, num etiam tuum de auspi-
 ciis iudicium interitus Cæsaris sustulit? Sed in-
 cidi in id tempus, quod iis de rebus, in quas
 ingressa erat oratio, prætereundum non sit, quæ 15
 tua fuga? quæ formido illo die? quæ propter
 conscientiam scelerum desperatio vitæ? cum ex
 illa fuga beneficio eorum, qui te, si sanus esses,
 saluum esse voluerunt, clam te domum recepti-
 sti? & mea semper frustra verissima auguris re- 20
 rum futurarum, dicebam illis in capitolio libera-
 toribus nostris, cum me ad te ire vellent, ut ad
 defendendam Rempub. te adhortarer: quoad
 metueres, omnia te permissurum, simulac time-
 re desisses, similem te futurum tui. Itaque 25
 cum ceteri Consulares irent, & redirent, in sen-
 tentia mansi: neque te illo die, neque postero vi-
 di: neque ullam societatem optimis civibus cum
 importunissimo hoste foedere illo confirmari pos-
 se credidi. Post diem tertium veni in ædem 30
 Telluris, & quidem invitus, cum omnes aditus
 armati obsiderent. Qui tibi ille dies, M. Antoni,
 fuit? quanquam mihi subito inimicus extitisti, ta-
 men me tui miseret, quòd tibi invideris. Qui
 tu vic, dii immortales, & quantus fuisses, si illi- 35
 us dici mentem servare potuisses? pacem habe-
 remus,

- remus quæ erat facta per obsidem puerum nobilem M. Antonii filium, M. Bambalionis nepotem. Quanquam te bonum *timor* faciebat, non *diuturni magister officii* : improbum fecit ea, quæ,
- 5 dum *timor* abest, à te non discessit audacia, etsi tum cum optimum te putabant, me quidem dissentiente, funeri Tyranni illius sceleratissimi præfuisi. Tua illa pulchra laudatio, tua miseratio, tua cohortatio, tu, tu illas faces incendi-
- 10 sti, & eas, quibus semiustum latus illius est, & eas, quibus incensa L. Bellieni domus deflagavit. Tu illos impetus perditorum hominum, & ex maxima parte servorum, quos nos vi manûque repulimus, in nostras domos immisisti.
- 15 Idem tamen quasi fuligine abstersâ, reliquis diebus in Capitolio præclara Senatus-consulta fecisti, nè qua post Idus Martias immunitatis tabula, nève cuiusquam beneficii figeretur, meministi ipse, de exilibus, scis de immunitate quid dixeris.
- 20 Optimum verò quod Dictaturæ nomen in perpetuum de Repub. sustulisti, quo quidem facto, tantum te cepisse odium regni videbatur ut ejus omnem propter proximum Dictatorem tolleretur, metum. Constituta Resp. videbatur aliis, mihi
- 25 verò nullo modo, qui omnia te gubernante naufragia metuebam. Num me igitur sefellit? aut num diutius sui potuit esse dissimilis? insperantibus vobis toto Capitolio tabulæ figebantur : neque solum singulis veniebant immunitates, sed
- 30 etiam populis universis : civitas non tum sigillatim, sed provinciis totis dabatur. Itaque si hæc manent, quæ stante Rep. manere non possunt, provincias universas P. C. perdidistis : neque vectagali solum, sed etiam imperium populi
- 35 Rom. hujus domesticis nundinis diminutum est. Ubi est septies millies sestertium, quod in tabu-

lis, quæ sunt ad Opis, patebat? funestæ illius
 quidem pecuniæ, sed tamen, si iis, quorum erat,
 non redderetur, quæ nos à tributis posset vin-
 dicare. Tu autem H. S. quadringenties, quod
 Idibus Martiis debuisti, quónam modo ante Ca-
 lend. Aprilis debere defuisti? quid ego de com-
 mentariis infinitis, quid de innumerabilibus chi-
 rographis loquar? sunt ea quidem innumerabilia,
 quæ à diversis emebantur non insciente te: sed
 unum egregium de Rege Deiotaro Pop. Rom. 10
 amicissimo decretum in Capitolio fixum: quo
 proposito nemo erat, qui in ipso dolore risum
 posset continere. Quis enim cuiquam inimicior,
 quàm Deiotaro Cæsar? æquè atque huic ordini
 ut Æquestri, ut Massiliensibus, ut omnibus qui- 15
 bus Rempub. Po. Ro. charam esse sentiebat. Is
 igitur, à quo vivo, nec præsens nec absens quic-
 quam æqui boni impetravit, apud mortuum fa-
 ctus est gratosus. Compellârat hospitem præ-
 sens, computârat, pecuniam imperârat, in ejus 20
 tetrarchiam ex Græcis comitibus suis collocârat:
 Armeniam abstulerat à Senatu datam. Hæc vi-
 vus eripuit, reddidit mortuus, at quibus ver-
 bis? modò æquum sibi videri, modò non ini-
 quum. Mira verborum complexio, at ille nun- 25
 quam (semper enim absenti affui Deiotaro) quic-
 quam sibi, quod nos pro illò postularemus, æ-
 quum dixit videri. Syngrapha H. S. senties per
 legatos viros bonos, sed timidos, & imperitos,
 sine reliquorum hospitem Regis sententiâ, factâ 30
 in gynæceo: quo in loco plurimæ res venire, &
 videntur. Quâ ex syngrapha quid sis acturus,
 meditare cenieo. Rex enim ipse suâ sponte nul-
 lis commentariis Cæsaris, simulâtque audivit ejus
 interitum suo Marte res suas recuperavit. Sci- 35
 ebat homo sapiens jus semper hoc fuisse, ut quæ
 Tyranni

Tyranni eripuissent, ea, Tyrannis interfectis, ii,
 quibus erepta essent, recuperarent. Nemo igitur
 Jurisconsultus, nè iste quidem, qui tibi uni
 est Jurisconsultus, per quem hæc agis, est, qui ista
 5 syngrapha deberi dicet pro iis rebus, quæ erant
 ante syngrapham recuperatæ. Non enim à te
 emit: sed priùs quàm tu suum sibi venderes, ip-
 se possedit: Ille vir fuit; nos quidem contem-
 nendi, qui autorem odimus, acta defendimus.
 10 Quid ego de commentariis infinitis, quid de in-
 numerabilibus chirographis loquar? quorum eti-
 am imitatores sunt, qui ea tanquam gladiatorum
 libellos palam venditent. Itaque tanti acervi
 nummorum apud istum construuntur, ut jam ap-
 15 pendantur, non numerentur pecuniæ. At quàm
 cæca avaritia est? nuper fixa tabula est, quæ ci-
 vitates locupletissimæ Cretensium vectigalibus
 liberantur: statuiturque, nè post M. Brutum Pro-
 consulem, sit Creta provincia. Tu mentis es
 20 compos? tu non constringendus? an Cæsaris de-
 creto Creta post M. Bruti decessum potuit libera-
 ri, cùm Creta nihil ad Brutum Cæsare vivo per-
 tineret? At hujus venditione decreti (nè nihil
 actum puteris) provinciam Cretam perdidistis.
 25 Omnino ullius rei nemo fuit emptor, cui de-
 fuerit hic venditor. Et de exulibus legem quam
 fixisti, Cæsar tulit? nullius infector calamitatem:
 tantum queror, primum eorum reditus inquinat-
 os, quorum causam dissimilem Cæsar judicaverit:
 30 deinde nescio cur reliquis idem non tribuas. Ne-
 què enim plus quàm tres, aut quatuor reliqui
 sunt, qui simili in calamitate fuerint, cur tua
 misericordia simili non fruuntur? cur eos habes
 in loco patui? de quo ferre, cùm de reliquis
 35 ferres noluisti: quem etiam ad Censuram peten-
 dam impulisti, eamque petitionem comparasti,
 qua

qua & risus hominum & querelas moveres. Cur
 autem ea comitia non habuisti? an quia Tribu-
 nus plebis fulmen sinistrum nunciabit? tui quid
 interest? nulla auspicia sunt tuorum, cum sis re-
 ligiosus, quid? eundem in Septemviratu nonne
 destituisi? intervenit enim, quid metuisti? cre-
 do ne salvo capite negare non posses, omnibus
 eum contumeliis onerasti, quem patris loco, si
 ulla pietas in te esset, colere debebas, filiam ejus
 sororem tuam ejecisti falsâ conditione quæsitâ, & 10
 antè perspectâ; non est satis: probri insinulasti
 pudicissimam foeminam, quid est, quod addi
 possit? contentus eo non fuisti, frequentissimo
 Senatu Cal. Jan. sedente patruo, hanc tibi esse
 cum Dolabella odii causam ausus es dicere, quod 15
 ab ea sorori, & uxori tuæ stuprum oblatum esse
 comperisses. Quis interpretari potest, impuden-
 tiôrne, qui in Senatu: an improbiôr, qui in
 Dolabellam: an impuriôr, qui patre audiente:
 an crudeliôr, qui in illam miseram tam spurcè, 20
 tam impiè dixeris? Sed ad chirographa redea-
 mus, quæ fuit tua cognitio? acta enim Cæsaris
 pacis causâ confirmata sunt à Senatu, quæ qui-
 dem Cæsar egisset, non ea, quæ Cæsarem egisse
 dixisset Antonius. Unde ista erumpunt? quo 25
 autore proferuntur? si sunt falsa, cur probantur?
 si vera, cur veneunt? At sic placuerat, ut ex
 Calendis Juniis de Cæsaris actis cum consilio
 cognosceretis. Quod fuit consilium? quem un-
 quam advocasti: quas calendas Junias expectâ- 30
 sti: an eas, ad quas te peragratîs veteranorum
 coloniis stipatum armis retulisti? ô præclaram
 illam percurstationem tuam mense Aprili, atque
 Maio, tum cum etiam Capuam coloniam deduce-
 re conatus es, quemadmodum illam adieris, vel 35
 potiùs. penè non adieris, scimus, cui tu urbi mi-
 nitaris,

- nitaris, utinam conere, ut aliquando illud penè
 tollatur, atque nobilitata sit tua illa peregrina-
 tio? quid prandiorum apparatus, quid furiosam
 vinolentiam tuam proferam? tua ista detrimenta
 5 sunt, illa nostra. Agrum Campanum, qui cùm
 de vectigalibus eximebatur, ut militibus daretur,
 tamen infligi magnum Reip. vulnus putabamus :
 hunc tu compransoribus tuis, & collusoribus divi-
 debas, mimos dico, & mimas in agro P. C. Cam-
 10 pano collocatos. Quid jam querar de agro Le-
 ontino? quandoquidem hæ quondam arationes
 Campani, & Leontini in Pop. Rom. patrimonio
 glandifera, & fructuosæ terebantur. Medico-
 tria millia jugerum, quasi te sanum fecisset: Rhe-
 15 tori duo, quasi desertum facere potuisset: Sed
 ad iter, Italiàmque redeamus. Deduxisti colo-
 niam Casilinum, quò Cæsar antè deduxerat. Con-
 suluisti me per literas de Capua tu quidem, sed
 idem de Casilino respondi: possesne ubi
 20 colonia esset, eò coloniam novam jure deduce-
 re? negavi in eam coloniam, quæ esset auspiciatò
 deducta, dum esset incolumis, coloniam novam
 jure deduci: colonos novos ascribi posse rescrip-
 si: tu autem insolentiâ elatus, omni auspiciorum
 25 jure turbato, Casilinum coloniam deduxisti, quo
 erat paucis annis antè deducta, vexillum vide-
 res, & aratrum circumduceres: cujus quidem
 vomere partem Capuæ penè perstrinxisti, ut flo-
 rentis coloniae territorium minueretur. Ab hac
 30 religionum perturbatione advolas in M. Varro-
 nis sanctissimi, atque integerrimi viri fundum
 Cassinatam; quo jure? quo ore? eodem, in-
 quies, quo in hæredum L. Rubrii, quo in hære-
 dum L. Turfeliï prædia, quo in reliquas innume-
 35 rabiles possessiones; & si ab hasta, valeant ta-
 bulæ, modò Cæsaris, non tuæ quibus debuisti,

non quibus tu te liberavisti. Varronis quidem Cassinatem fundum quis veniisse dicit? quis hastam istius venditionis vidit? quis vocem præconis audivit? misisse te dicis Alexandriam, qui emeret à Cæsare ipsum enim expectare magnum fuit; quis verò audivit unquam (nullius autem salus curæ pluribus fuit) de fortunis Varronis rem ullam esse detractam? Quòd si etiam scripsit ad te Cæsar ut redderes, quid satis potest dici de tanta impudentia? Remove gladios illos parumper, quos videmus: jam intelliges aliam causam esse hastis Cæsaris, aliam confidentiæ & temeritatis tuæ. Non enim te dominus modò illis sepibus, sed quivis amicus, vicinus, hospes, procurator, arcebit. At quàm multos dies in ea villa turpissimè es perbacchatus? ab hora tertia bibebatur, ludebatur, vomebatur. O testa ipsa misera, quàm dispari domino! quanquam quomodo iste dominus? Sed tamen quàm à dispari tenebantur. Studiorum enim suorum M. Varro noluit esse illud, non libidinum diversorium. Quæ in illa villa antè dicebantur? quæ cogitabantur? quæ literis mandabantur? jura populi Romani, monumenta majorum, omnis sapientiæ ratio, omnisque doctrina. At vero te inquilino (non enim domino) personabant omnia vocibus ebriorum: natabant pavimenta vino, madebant parietes: ingenui pueri cum meritoriis: scorta inter matres-familiàs versabantur. Catilino salutatum veniebant, Aquino, Interamna: admissus est nemo, jure id quidem, in homine enim turpissimo obsolebant dignitatis insignia. Cùm inde Romam proficiscens ad Aquinum accederet, obviam ei processit (ut est frequens municipium) magna sanè multitudo, at iste opertâ lecticâ la- tus est per opidum, ut mortuus. Stultè Aquinates,

tates, sed tamen in via habitabant, quid Anaguini? qui cum essent devii, obviam ei descenderunt, ut istum, tanquam si esset Consul, salutarent, incredibile dictu, sed tum minimè inter omnes constabat, neminem esse resalutatum: 5 præsertim, cum duos secum Anaguinos haberet Mustellam, & Laconem: quorum alter gladiatorum est princeps, alter poculorum. Quid ego illas istius minas, contumeliâsque commemorem, 10 quibus invecus est in Sidicinos? vexavit Puteolanos, quòd C. Cassium, quòd Brutos patronos adoptâssent, magno quidem iudicio, studio, benevolentia, charitate, non ut te, ut Basilium vi & armis, & alios vestri similes, quos clientes nemo habere velit, non modo esse illorum cliens. 15 Interea dum tu abes, qui dies ille collegæ tui, cum illud, quod tu venerari solebas, bustum in foro evertit; quâ re tibi nunciata, ut constabat inter eos, qui unâ fuerunt, concidisti. Quid evenerit 20 postea, nescio. Metum credo valuisse, & arma, Collegam quidem de cœlo detraxisti: effecistisque non tu quidem etiam nunc, ut sit similis tui, sed certè, ut dissimilis esset sui. Qui verò reditus inde Romam? quæ perturbatio totius urbis? 25 memineraamus Cinnam nimis potentem; Syllam postea dominantem, modò Cæsarem regnantem videramus: erant fortasse gladii, sed ii absconditi, nec ita multi: ista verò quæ & quanta barbaria est? agmine quadrato cum gladiis sequuntur 30 scutati milites: lecticas portari videmus. Atque his quidem jam inveteratis, P. C. consuetudine obduruimus: Calend. Junis cum in Senatum, ut erat constitutum, venire vellemus, metu perterriti repentè diffugimus. At iste, qui Senatu non egeret, neque desideravit quenquam, & 35 potiùs discessu nostro lætatus est, statim illa mirabilia

rabilia facinora effecit : qui chirographa Cæsaris
 defendisset lucri sui causâ, is leges Cæsaris, eas-
 que præclaras, ut Rempub. concutere posset, e-
 vertit. Numerum annorum provinciis proroga-
 vit : Idémque, cum actorum Cæsaris defensor 5
 esse deberet, & in publicis, & in privatis rebus
 acta Cæsaris recidit. In publicis actis nihil
 est lege gravius : in privatis firmissimum est testa-
 mentum. Leges alias sine promulgatione sustu-
 lit, alias ut tolleret promulgatas promulgavit. 10
 Testamentum irritum fecit, quod etiam infimis
 civibus semper obtentum est. Signa, tabulas,
 quas populo Cæsar una cum hortis legavit, eas
 hic partim in hortos Pompei deportavit, par-
 tim in villam Scipionis. Et tu in Cæsaris me- 15
 moria diligens? tu illum amas mortuum? quem
 is majorem honorem consecutus erat, quàm ut
 haberet pulvinar, simulacrum, fastigium, flami-
 nem? est ergo flamen, ut Jovi, ut Marti, ut
 Quirino, sic divo Julio M. Antonius. Quid igitur 20
 cessas? cur non inaugurare? sume diem: vi-
 de, qui te inauguret: collegæ sumus: nemo ne-
 gabit. O detestabilem hominem; sive quòd
 Tyranni sacerdos es, sive quod mortui. Quæro
 deinceps, non hodiernus dies, quis sit, ignores: 25
 nescis heri quartum in Circo diem ludorum Ro-
 manorum fuisse? te ipsum autem ad populum tu-
 lisse, ut quintus præterea dies Cæsari tribuere-
 tur? cur non sumus prætextati? cur honorem
 Cæsari tuâ lege datum deferi patimur? an sup- 30
 plicationes addendo diem contaminari passus es?
 pulvinaria noluisti? aut undique religionem tolle,
 aut usquequaque conserva. Quæres placeâtne mi-
 hi pulvinar esse fastigium, flaminem? mihi ve-
 rò nihil istorum placet. Sed tu, qui acta Cæsa- 35
 ris defendis, quid potes dicere, cur alia defen-
 das,

- das, alia non cures? nisi fortè vis fateri, te omnia quæstu tuo, non illius dignitate metiri. Quid ad hæc tandem? exspecto enim eloquentiam tuam. Disertissimum cognovi avum tuum, ac te
5 etiam apertiore in dicendo. Ille nunquam est nudus concionatus: tuum hominis simplicis petus vidimus. Respondebisne ad hæc? aut omnino hiscere audebis? ecquid reperies ex tam
10 longa oratione mea; cui te respondere posse confidas? Sed præterita omittamus: hanc unum diem, hunc unum, inquam, hodiernum diem, hoc punctum temporis, quo loquor defende, si potes. Cur armatorum coronâ Senatus septus est? cur me tui satellites, cum gladiis audiunt?
15 cur valvæ concordiz non patent? cur homines omnium gentium, maximè barbaros Ithyreos cum sagittis deducis in forum? Præsidii sui causâ se facere dicit. Nónne igitur millies perire est melius, quàm in sua civitate sine armatorum præsidio non posse vivere? Sed nullum est istuc;
20 mihi crede, præsidium. Charitate, & benevolentia civium septum oportet esse, non armis. Eripiet, extorquebit tibi ista Pop. Rom. utinam salvis nobis: sed quoquo modo nobiscum egeris,
25 dum istis consiliis uteris, non potes esse, mihi crede, diuturnus. Etenim ista tua minimè avara conjux, quam ego sine contumelia describo, nimium debet diu Pop. Rom. pensionem tertiam. Habet Pop. Rom. ad quos gubernacula Reipub. deferat: qui ubicunque terrarum sunt, ibi
30 est omne Reipub. præsidium, vel potius ipsa Resp. quæ se adhuc tantummodo ultra est, nondum recuperavit. Habet quidem certè Respub. adolescentes nobilissimos, paratos defensores.
35 Quum volent, illi cedant, otio consulentes: tamen à Rep. revocabuntur. Et nomen pacis dul-

ce est, & ipsa res salutaris. Sed inter pacem &
 servitutem plurimum interest. *Pax est tranquil-*
la libertas : servitus, malorum omnium postre-
 mum, non modò bello, sed morte etiam repel-
 lendum. Quod si se ipsos illi nostri liberatores
 è conspectu nostro abstulerunt : at exemplum
 facti reliquerunt, illi quod nemo fecerat, fece-
 runt. Tarquinius Brutus bello est persecutus,
 qui tamen rex fuit, cùm esse Romæ Regem li-
 ceret. Spu. Cassius, Spurius Melius, M. Manli-
 us propter suspicionem regni appetendi sunt ne-
 cati. Hi primi cum gladiis, non in regnum ap-
 petentem, sed in regnantem impetum fecerunt.
 Quod cùm ipsum factum per se præclarum at-
 que divinum est, tum expositum ad imitandum,
 præsertim cùm illi eam gloriam consecuti sunt,
 quæ vix cœlo capi posse videatur. Et si enim sa-
 tis in ipsa conscientia pulcherrimi facti fructus
 erat, tamen mortali immortalitatem non arbitror
 contemnendam. Recordare igitur illum, M. An-
 toni, diem, quo dictaturam sustulisti : pone ante
 oculos lætitiâ Senatûs populique Romani : con-
 fer cum nummatione tuâ tuorumque : tum intel-
 liges, quantum inter laudem & lucrum intersit.
 Sed nimirum, ut quidam morbo aliquo, & sen-
 sûs stupore suavitatem cibi non sentiunt : sic li-
 bidosi, avari, facinorosi, veræ laudis gustum
 non habent. Sed si te laus allicere ad rectè fa-
 ciendum non potest, nè metus quidem à scœdis-
 simis factis potest avocare. Judicia non metuis ?
 si propter innocentiam, laudo : si propter vim,
 non intelligis ei, qui isto modo judicia non ti-
 meat, quid timendum sit ? Quod si non metuis
 viros fortes, egregiosque cives, quòd à corpore
 tuo prohibentur armis : tui te, mihi crede, diu-
 tiùs non ferent. Quid est autem, multos dies &
 noctes

noctes timeri à suis? nisi verò aut majoribus habes beneficiis obligatos, quàm ille quosdam habuit ex iis, à quibus est interfectus: aut tu es ulla re cum eo comparandus? fuit in illo ingenium, ratio, memoria, literatura, cogitatio, diligentia: res bello gesserat, quamvis Reipub. calamitosas, at tamen magnas: multos annos regnare est medita- us: magno labore, magnis periculis, quòd cogitaverat, effecerat: muneribus, monumen- 10 tis, congiariis epulis, multitudinem imperitam lenierat: suos præmiis, adversarios clementiæ specie devinxerat. Quid multa? attulerat jam liberæ civitati partim metu, partim patientiâ, consuetudinem serviendi. Cum illo ego te do- 15 minandi cupiditate conferre possum, cæteris verò rebus nullo modo es comparandus. Sed ex plurimis malis, quæ ab illo Reipub. sunt iniusti, hoc tamen boni est, quòd didicit jam Po. Rom. quantum cuique crederet, quibus se committeret, à quibus caveret. Hæc igitur non cogitas? 20 nec intelligis satis esse viris fortibus didicisse, quàm sit pulchrum, beneficio gratum, famâ gloriosum Tyrannum occidere? an cùm illum homines non tulerint, te ferent? certatim post- 25 hæc, mihi crede, ad hoc opus curretur, nec occasionis tardias expectabitur. Respice quæso aliquando Rempub. M. Antoni, quibus ortus sis, non quibusquàm vivas considera: mecum ut voles, cum Repub. redi in gratiam. Sed de te tu 30 ipse videris: ego de me ipso profitebor. Defendi Rempub. adolescens, non deferam senex: contempsî Catilinæ gladios, non pertimescam ruos. Quinetiam corpus libenter obrulerim, si representari morte meâ libertas civitatis potest. 35 Utinam aliquando dolor Pop. Rom. pariat, quod jamdiu parturit. Etenim si abhinc annis prope viginti

viginti hoc ipso in templo negavi posse mortem immaturam esse Consulari: quanto verius nunc negabo seni? Mihi verò P. C. jam etiam optanda mors est perfuncto rebus iis, quas edeptus sum, quasque gessi. Duo modò hæc opto: unum, ut moriens Pop. Rom. liberum relinquam: hoc mihi majus à diis immortalibus dari nihil potest: alterum, ut ita cuique eveniat, ut de Rep. quisque mereatur.

ORATIO XI.

Quæ est pro

LEGE MANILIA.

Fac. Omphali Argumentum.

Quum Mithridates, Ponti Rex, atrox & maximum bellum universo nomini Romano inferret, anno urbis conditæ DCLXII, quo tempore primum dissidium civile in Romani populi viscera gliscebatur: eum Sylla primum magnis cladibus affectum oppressit. Conversum deinde, ac majoribus quàm antea copiis, adeoque totius regni sui mole, ceu quodam diluvio, totum penè orientem ac septentrionem invadentem, L. Lucullus incredibili superavit virtute: confecturus bellum universum, nisi militum suorum imperium omne detractantium virtute destitutus, aut à Senatu in urbem fuisset revocatus. Saviente interea Mithridate, ac impunè gressante, C. Manilius Tri-

bunus

ORATIO PRO LEGE MANILIA. 163

5 bonus plebis legem tulit, ut Phrygia, Lycaonia,
 Galatia, Cappadocia, ac ceteræ Provinciæ, quas
 antè Lucullus obtinuit, cum exercitu & nava-
 li bello Cn. Pompeium mandaretur. Hæc lege
 quoniam Pompeii potentia, quæ multis formido-
 10 losa erat, nimium augeri, libertas publica unius
 hominis arbitrio occupari, & Lucullus sua qua-
 si victoria ac triumphî gloria privari videba-
 tur: Hortensius & Q. Catulus, viri consula-
 res, legis promulgaticni intercedere conabantur,
 15 ceteris metu plebis conticentibus. Contra horum
 sententias Cicero mirè perorat, Magnum Pom-
 peium non humanis, sed divinis laudibus ex-
 tollendo & nomen ejus à quatuor imperatoris
 20 necessariis commendando: scientiâ videlicet rei
 militaris, virtute, autoritate, felicitate. Quas
 res summas esse in Pompeio demonstrat. Et ar-
 guit etiam pro Gabinio, ut detur Legatus Pom-
 peio, & exquisitis rationibus, divina penè ac
 cælesti eloquentiâ contraria argumenta confu-
 tat.

25 **Q**uanquam mihi semper frequens conspe-
 ctus vester multò jucundissimus, hic
 autem locus ad agendum amplissimus,
 ad dicendum ornatissimus est visus, Quirites:
 tamen hoc aditu laudis, qui semper optimo
 cuique maximè patuit, non mea me voluntas,
 sed meæ vitæ rationes ab ineunte ætate suscep-
 30 tæ prohibuerunt. Nam cùm antea per ætatem
 nondum hujus auctoritatem loci contingere aude-
 rem, statueremque, nihil huc dici perfectum in-
 genio, elaboratum industriâ afferri oportere
 omne meum tempus amicorum temporibus trans-
 35 mittendum putavi. Ità neque his locus vacu-
 us unquam fuit ab iis qui vestram causam defen-
 derent;

derent; & meus labor in privatorum periculis
castè integrèque versatus, ex vestro iudicio fru-
ctum est amplissimum consecutus. Nam cùm
propter dilationem comitiòrum ter prætor pri-
mus centuriis cunctis renunciatus sum, facile
intellexi, Quirites, & quid de me iudicaretis, &
quid aliis præscriberetis. Nunc cùm & auctori-
tatis in me tantum sit, quantum vos honori-
bus mandandum esse voluistis: & ad agendum
facultatis tantum, quantum homini vigilantì ex
forensi usu prope quotidiana dicendi exercitatio
potuit afferre: certè & si quid etiam dicendo
consequi possum; iis ostendam potissimùm, qui
ei quoque rei fructum suo iudicio tribuendum
esse censuerunt. Atque illud imprimis mihi læ-
tandum jure esse video, quod in hac insolita mi-
hi ex hoc loco ratione dicendi, causa talis ob-
lata est, in qua oratio nemini deesse potest. Di-
cendum est enim de Cn. Pompeii singulari exi-
miâque virtute. Hujus autem orationis diffici-
lius est exitum, quàm principium invenire. Itâ-
que non mihi tam copia, quàm modus in dicen-
do quærendus est. Atque ut indè oratio mea
profisciscatur, unde hæc omnis causa ducitur:
Bellum grave & periculosum vestris vectigali-
bus, atque sociis, à duobus potentissimis regi-
bus infertur Mithridate, & Tigiane: quorum
alter relictus, alter læssitus, occasionem sibi
ad occupandam Asiàm oblatam esse arbitratur.
Equitibus Romanis honestissimis viris afferuntur
ex Asia quotidie literæ, quorum magnæ res a-
guntur, in vestris vectigalibus exercendis occu-
patæ, qui ad me pro necessitudine, quæ mihi est
cum illo ordine, causam reipubl. periculâque re-
rum suarum detulerunt. Bythinia, quæ nunc ve-
stra provincia est, vicos exustos esse complures:
regnum

regnum Ariobarzanis, quod finitimum est vestris
 vectigalibus, totum esse in hostium potestate :
 Lucullum magnis rebus gestis ab eo bello disce-
 dere : huic qui succurrerit, non satis esse para-
 5 tum ad tantum bellum administrandum : tum ab
 omnibus sociis & civibus ad id bellum impera-
 torem deposci atque expeti, eundem hunc u-
 num ab hostibus metui, præterea neminem.
 Causa quæ sit videtis : nunc quid agendum sit
 10 considerate. Primum mihi videtur de genere
 belli, deinde de magnitudine, tum de impera-
 tore deligendo esse dicendum. Genus est enim
 ejusmodi, quod maximè vestros animos excitare
 atque inflammare debet : in quo agitur populi
 15 Romani gloria; quæ vobis à majoribus cùm mag-
 na in rebus omnibus, tum summa in re militari
 tradita est : agitur salus sociorum, atque ami-
 corum, pro quâ multa majores vestri magna &
 gravia bella gesserunt : aguntur certissima pop-
 20 Romani vectigalia & maxima : quibus amissis, &
 pacis ornamenta, & subsidia belli requiretis : a-
 guntur bona multorum civium, quibus est, & à
 vobis, & ab imperatoribus reipub. consulendum.
 Et quoniam semper appetentes gloriæ præter cæ-
 25 teras gentes atque avidi laudis fuistis, delenda
 est vobis illa macula Mithridatico bello superio-
 re suscepta, quæ penitèd jam insedit, atque inve-
 teravit, in populi Romani nomine : quod is, qui
 unâ die, totâ Asiâ, tot in civitatibus, uno nun-
 30 cio, atque unâ literarum significatione, cives Ro-
 manos necandos trucidandósque denotavit, non
 modo adhuc pœnam ullam suo dignam scelere
 non suscepit; sed ab illo tempore annum jam
 tertium & vigesimum regnat; & ità regnat, ut
 35 se non Pontio neque Cappadociæ latebris occul-
 tare velit, sed emergere è patrio regno, atque

in vestris vestigalibus, hoc est in Asia luce, ver-
sari. Etenim adhuc ita vestri cum illo rege
contenderunt imperatores, ut ab illo insignia
victoriæ, non victoriam reportarent. Trium-
phavit L. Sulla, triumphavit L. Murena de Mi-
thridate, duo fortissimi viri, & summi impera-
tores; sed ita triumpharunt, ut ille pulsus su-
peratusque regnaret. Veruntamen illis impera-
toribus laus est tribuenda quod egerunt: venia
danda, quod reliquerunt: propterea quod ab eo
bello Sullam in Italiam respública; Muren-
am Sulla revocavit. Mithridates autem omne reli-
quum tempus, non ad oblivionem veteris belli,
sed ad comparisonem novi contulit. Qui po-
stea quam maximas ædificasset, ornassetque clas-
ses, exercitusque permagnos, quibuscumque ex
gentibus potuisset, comparasset, Bosporanis fini-
timis suis bellum inferre simulasset; usque in
Hispaniam legatos Ecbatanis misit ad eos duces,
quibuscum tum bellum gerebamus: ut, cum du-
obus in locis disjunctissimis maximèque diversis,
uno consilio, ab unis hostium copiis bellum ter-
ræ marique gereretur, vos ancipiti contentione
distracti, de imperio dimicaretis. Sed tamen
alterius partis periculum, Sertorianæ atque His-
paniensis, quæ multò plus firmamenti ac roboris
habebat, Cn. Pompeii divino consilio ac singula-
ri virtuti depulsum est: in altera parte ita res à
Lucullo summo viro est administrata, ut initia
illa gestarum rerum magna atque præclara, non
felicitati ejus, sed virtuti; hæc autem extrema,
quæ nuper acciderunt, non culpæ, sed fortunæ
tribuenda esse videantur. Sed de Lucullo di-
cam alio loco, & ita dicam, Quirites, ut neque
vera laus ei detracta oratione nostrâ, neque falsa
afficta esse videatur. Sed pro vestri imperii dig-
nitate

5

15

20

23

30

35

nitate atque gloria, quoniam is est exorsus orati-
 onis meæ, videtè quem vobis animum, suscipien-
 dum putetis. Majores vestri sæpe mercatoribus
 ac navicatoribus injuriosius tractatis, bella gef-
 5 serunt: vos, tot civium Romanorum millibus u-
 no nuncio atque uno tempore necatis, quo tan-
 dem animo esse deberis? legati quod erunt ap-
 pellati superbids, Corinthum patres vestri toti-
 us Græciæ lumen extinctum esse voluerunt: vos
 10 eum regem inultum esse patiemini, qui legatum
 P. Romani consularem, vinculis ac verberibus
 atque omni supplicio excruciatum necavit, illi
 libertatem civium Romanorum imminutam non
 tulerunt: vos vitam ereptam negligetis? Jus le-
 15 gationis verbo violatum illi persecuti sunt: vos
 legatum populi Romani omni supplicio interfe-
 ctum, multum relinquetis? Videte, nè, ut illis
 pulcherrimum fuit tantam vobis imperii gloriam
 relinquere, sic vobis turpissimum sit, illud, quod
 20 accepistis, tueri & conservare non posse. Quid,
 quod salus sociorum summum in periculum ac
 discrimen vocatur; Regno expulsus est Ario-
 barzanes rex, socius populi Romani atque amicus:
 imminent duo reges toti Asiæ, non solum vobis
 25 inimicissimi, sed etiam vestris sociis atque amicis:
 civitates autem omnes, cuncta Asia, atque Græ-
 cia, vestrum auxilium exspectare propter peri-
 culi magnitudinem coguntur: imperatorem a vo-
 bis certum deposcere, cum præsertim vos alium
 30 miseritis, neque audent, neque se id facere sum-
 mo sine periculo posse arbitrantur: vident &
 sentiunt hoc idem, quod & vos, unum virum ef-
 se, in quo summa sunt omnia, & cum prope ef-
 se quo etiam carent ægrids: cujus adventu ipso,
 35 atque nomine, tametsi ille ad maritimum bel-
 lum venerit, tamen impetus hostium repressos

esse intelligunt ac retardatos. Hi vos, quoniam liberè loqui non licet, tacitè rogant ut se quoque, sicut cæterarum provinciarum socios, dignos existimetis quorum salutem tali viro commendetis : atque hoc etiam magis quàm cæteros, quòd ejusmodi in provinciam homines cum imperio misimus, ut etiam si ab hoste defendant, tamen ipsorum adventus in urbes sociorum non multùm ab hostili expugnatione differant. Hunc audiebant antea, nunc præsentem vident, tantà temperantiâ, tantà mansuetudine, tantà humanitate, ut ii beatissimi esse videantur, apud quos ille diutissimè commoratur. Quare si propter socios nullâ ipsi injuriâ læcessi majores vestri cum Antiocho, cum Philippo, cum Aetolis, cum Pœnis bella gesserunt : quanto vos studio convenit injuriis provocatos, sociorum salutem unâ cum imperii vestri dignitate defendere ? præsertim cum de vestris maximis vectigalibus agatur. Nam cæterarum provinciarum vectigalia, Quirites, tanta sunt, ut iis ad ipsas provincias tutandas vix contenti esse possimus : Asia verò tam opima est, & fertilis, ut & ubertate agrorum, & varietate fructuum, & magnitudine passionis, & multitudine earum rerum, quæ exportantur, facile omnibus terris antecellat. Itaque hæc vobis provincia, Quirites, si & belli utilitatem, & pacis dignitatem sustinere vultis, non modò à calamitate, sed etiam à metu calamitatis est defendenda. Nam cæteris in rebus cum venit calamitas, tum detrimentum accipitur : at in vectigalibus non solum adventus mali sed etiam metus ipse affert calamitatem. Nam cum hostium copiarum non longe absunt, etiam si irruptio facta nulla sit, tamen pecora relinquuntur, agricultura deseritur, mercatorum navagatio

vigatio conquiescit. Ità neque ex portu, neque
ex decumis, neque ex scriptura vestigal conser-
vari potest. Quare sæpe totius anni fructus uno
rumore periculi, atque uno belli terrore, amit-
5 titur. Quo tandem animo esse existimatis, aut
eos qui vestigalia vobis pensitant, aut eos qui
exercent, atque exigunt, cùm uno reges cum
maximis copiis prope adsint? cum una excur-
sio equitatus perbreui tempore totius anni ve-
10 stigal auferre possit: cùm publicani familias max-
imas, quas in salinis habent, quas in agris, quas
in portubus atque custodiis, magno periculo se
habere arbitrentur putatisne vos illis rebus frui
posse, nisi eos qui vobis fructuosi sunt conserva-
15 veritis, non solum (ut antea dixi) calamitate,
sed etiam calamitatis formidine liberatos? Ac
nè illud quidem vobis negligendum est, quod
mihì ego extremum propolueram, cùm essem de
belli genere dicturus, quod ad multorum bo-
20 na civium Romanorum pertinet: quorum vobis
pro vestra sapientia, Quirites, habenda est ratio
diligenter. Nam & Publicani, homines & hone-
stissimi, & ornatissimi, suas rationes, & copias, in
illam provinciam contulerunt: quorum ipsorum
25 per se res & fortunæ curæ vobis esse debent.
Etenim si vestigalia nervos esse reipublicæ sem-
per duximus, eum certè ordinem, qui exercet
illa, firmamentum cæterorum ordinum rectè esse
dicemus. Deinde cæteris ex ordinibus homines
30 gnavi, & industrii partim in Asia negotiantur,
quibus vos absentibus consulere debetis: partim
suas & suorum in ea provincia pecunias magnas
collocatas habent. Erit igitur humanitatis ve-
stræ, magnum eorum civium numerum calamita-
35 te prohibere: sapientiæ, videre multorum ci-
vium calamitatem à rep. sejunctam esse non pos-
se.

se. Etenim illud primum parvi refert, vos pub-
 licanis amissa vectigalia postea victoriâ recupe-
 rare. Neque enim iisdem redimendi facultas
 erit propter calamitatem, neque aliis voluntas
 propter timorem : deinde quod nos eadem Asia
 atque idem iste Mithridates, initio belli Asiati-
 ci docuit, id certè calamitate docti memoriâ re-
 tinere debemus. Nam tum, cùm in Asia res
 magnas permulti amiserunt, scimus, Romæ so-
 lutione impeditâ, idem concidisse. Non enim
 possunt una in civitate multi rem atque fortu-
 nas amittere, ut non plures secum in eandem
 calamitatem trahant. A quo periculo prohibe-
 te rempub. & mihi credite id quod ipsi videtis.
 Hæc fides, atque hæc ratio pecuniarum, quæ
 Romæ, quæ in foro versatur, implicita est cum
 illis pecuniis Asiaticis, & cohæret : ruere illa
 non possunt, ut hæc non eodém labefactata mo-
 tu concidant. Quare Videtè, sium dubitandum
 vobis sit omni studio ad id bellum incumbere, in
 quo gloria nominis vestri, salus sociorum, ve-
 ctigalia maxima fortunæ plurimorum civium cum
 republica defunduntur. Quoniam de genere bel-
 li dixi, nunc de magnitudine pauca dicam. Po-
 test enim hoc dici belli genus est ita necessari-
 um, ut sit gerendum. non esse ita magnum, ut
 sit pertimescendum. In quo maximè laboran-
 dum est, nè fortè à vobis, quæ diligentissimè
 providenda sunt, contemnenda esse videantur.
 Atque ut omnes intelligant, me L. Lucullo tan-
 tum impertiri laudis quantum forti viro & sa-
 pientissimo homini, & magno Imperatori, de-
 beat : dico, ejus adventu maximas Mithrida-
 tis copias, omnibus rebus ornatas atque instru-
 ctas, esse deletas, urbemque Asiæ clarissimam
 nobisque amicissimam Cyzicenorum obsessam esse
 ab

ab ipso rege maximâ multitudine, & oppugna-
tam vehementissimè; L. Luculli virtute, assi-
duitate, consilio, summis obsidionis periculis li-
beratam: ab eodem imperatore classem magnam,
& ornatam, quæ ducibus Sertorianis ad Italiam
5 studio inflammato raperetur, superatam esse, at-
que depressam: magnas hostium præterea copi-
as multis præliis esse deletas, patefactumque no-
stris legionibus esse Pontum, qui antè populo
Romano ex omni aditu clausus esset: Sinopem
10 atque Amisum, quibus in opidis erant domi-
cilia regis, omnibus rebus ornata atque referta,
cæterasque urbes Ponti & Cappadociæ permul-
tas uno aditu atque adventu esse captas: regem
spoliatum regno patrio, atque avito, ad alios se
15 reges atque alias gentes supplicem contulisse: at-
que hæc omnia salvis populi Romani sociis atque
integris vectigalibus sunt gesta. Satis opinor hoc
esse laudis: atque ità reputo, ut hoc vos intelli-
gatis, à nullo istorum, qui huic obrectant legi,
20 atque causæ, L. Lucillum similiter ex hoc loco
esse laudatum. Requiretur fortasse nunc, quem-
admodum, cùm hæc ità sint, reliquum possit es-
se magnum bellum. Cognoscite, Quirites, non
enim sine causa quæri videtur. Primum ex suo
25 regno sic Mithridates profugit, ut ex eodem
Ponto Medea illa quondam profugisse dicitur:
quam prædicant in fuga, fratris sui membra in iis
locis, quâ se parens persequeretur, dissipavisse;
ut eorum collectio dispersa, mœrorque patrius,
30 celeritatem persequendi retardaret. Sic Mithri-
dates fugiens maximam vim auri, atque argenti,
pulcherrimarumque rerum omnium, quas & à
majoribus acceperat & ipse bello superiore ex
tota Asia direptas in suum regnum congefserat,
35 in Ponto omnem reliquit. Hæc dum nostri
colligunt

colligunt omnia diligentius, rex ipse è manibus
 effugit. Ità illum in persequendi studio mœ-
 ror, hos lætitia retardavit. Hunc in illo timo-
 re & fuga Tigranes rex Armenius excepit, dif-
 fidentemque rebus suis confirmavit, & afflictum
 crexit, perditumque recreavit. Cujus in reg-
 num posteaquam L. Lucullus cum exercitu ve-
 nit, plures etiam gentes contra imperatorem no-
 strum concitatae sunt. Erat enim metus inje-
 ctus iis nationibus, quas nunquam populus Rom.
 neque laceſſandas bello, neque tentandas puta-
 vit. Erat etiam alia gravis atque vehemens o-
 pinio, quæ per animos gentium barbararum
 pervaserat, fani locupletissimi & religiosissimi di-
 ripiendi causâ in eas oras nostrum exercitum
 esse adductum. Ità nationes multæ atque mag-
 næ novo quodam terrore ac metu concitaban-
 tur. Noster autem exercitus, etsi urbem ex
 Tigranis regno ceperat, & præliis usus erat se-
 cundis, tamen nimîa longinquitate locorum, ac
 desiderio suorum commovebatur. Hic jam plu-
 ra non dicam. Fuit enim illud extremum, ut
 ex iis locis à militibus nostris rectius magis
 maturus quàm processus longior quæreretur. Mi-
 thridates autem & suam manum jam confirmâ-
 rat; & eorum, qui se ex ejus regno college-
 rant, & magnis adventitiis multorum regum &
 nationum copiis juvabatur. Hoc jam ferè sic fie-
 ri solere accepimus, ut regum afflictæ fortunæ
 facilè multorum opes alliciant ad misericordi-
 am, maximèque eorum qui aut reges sunt, aut
 vivunt in regno; quod regale iis nomen mag-
 num & sanctum esse videatur. Itaque tantum
 victus efficere potuit, quantum incolumis nun-
 quam est ausus optare. Nam cùm se in regnum
 recepiſſet suum non fuit eo contentus, quod ei
 præter

præter spem acciderat, ut eam, posteaquam pulsus erat, terram unquam attingeret ; sed in exercitum vestrum clarum atque victorem impetum fecit. Sinite hoc loco, Quirites (sicut poetæ solent, qui res Romanas scribunt) præterire me nostram calamitatem, quæ tanta fuit, ut eam ad aures L. Luculli non ex prælio nuncius, sed ex sermone rumor afferret. Hic in ipso illo malo gravissimæque belli offensione L. Lucullus, qui
10 tamen aliquâ ex parte iis incommodis mederi fortasse potuisset, vestro iussu coactus, quod imperii diuurnitati modum statuendum veteri exemplo putavistis, partem militum, qui jam stipendiis confectis erant, dimisit; partem Glabroni tradidit. Multa prætereo consultò: sed
15 ea vos conjecturâ perspicitis, quantum illud bellum futurum putetis ; quod conjungant reges potentissimi, renovent agitatae nationes, suscipiant integræ gentes, novus imperator vester accipiat,
20 vetere expulso exercitu. Satis mihi multa verba fecisse videor, quare hoc bellum esset genere ipso necessarium, magnitudine periculosum: restat ut de imperatore ad id bellum deligendo, ac tantis rebus præficiendo, dicendum esse videatur.
25 Utinam, Quirites, virorum fortium, atque innocentium, copiam tantam haberetis, ut hæc vobis deliberatio difficilis esset, quemnam potissimum tantis rebus ac tanto bello præficiendum putaretis. Nunc verò cum sit unus Cn. Pompeius, qui non modò eorum hominum, qui nunc
30 sunt, gloriam, sed etiam antiquitatis memoriam virtute superârit: quæ res est, quæ cujusquam animum in hac causa dubium facere posset? ego enim sic existimo, in summo imperatore quatuor
35 has res inesse oportere, scientiam rei militaris, virtutem, auctoritatem, felicitatem. Quis igitur

hoc homine scientior unquam aut fuit, aut esse
 debuit? qui è ludo, atque pueritiæ disciplina, bel-
 lo maximo, atque acerrimis hostibus, ad patris
 exercitum, atque in militiæ disciplinam, profes-
 ctus est, qui extremâ pueritiâ miles fuit summi 5
 imperatoris; ineunte adolescentiâ maximi ipse
 exercitus imperator: qui sapius cum hoste con-
 fluxit, quàm quisquam cum inimico concertavit;
 plura bella gessit, quàm cæteri legerunt; plures
 provincias confecit, quàm alii concupiverunt: 10
 cujus adolescentia ad scientiam rei militaris, non
 alienis præceptis, sed suis imperiis; non offen-
 sionibus belli, sed victoriis; non stipendiis, sed
 triumphis, est traducta. Quod denique genus
 belli esse potest, in quo illum non exereuerit for- 15
 tuna reipublicæ? Civile, Africanum, Transalpi-
 num, Hispaniense, mistum ex civitatibus, atque
 ex bellicosissimis nationibus, servile, navale bel-
 lum; varia & diversa genera, & bellorum, &
 hostium, non solum gesta ab hoc uno, sed etiam 20
 confecta, nullam rem esse declarant in usu mili-
 tari positam, quæ hujus viri scientiam fugere po-
 ssit. Jam verò virtuti Cn. Pompeii quæ potest
 par oratio inveniri? quid est quod quisquam aut
 dignum illo, aut vobis novum, aut cuiquam in- 25
 auditum possit asserere? Non enim illæ sunt solæ
 virtutes imperatoriæ, quæ vulgò existimantur, la-
 bor in negotiis, fortitudo in periculis, industria
 in agendo, celeritas in conficiendo, consilium in
 providendo; quæ tanta sunt in hoc uno, quanta
 in omnibus reliquis imperatoribus, quos aut vi- 30
 dimus, aut audivimus, non faciunt. Testis est
 Italia, quam ille ipse victor L. Sulla hujus virtu-
 te & consilio confectus est liberatam; testis est
 Sicilia, quam multis undique cinctam periculis,
 non terrore belli, sed celeritate consilii explica- 35

vit : testis est Africa, quæ magnis oppressa hostium copiis, eorum ipsorum sanguine redundavit : testis est Gallia, per quam legionibus nostris in Hispaniam iter Gallorum internecione patefactum est : testis est Hispania, quæ sæpissimè plurimos hostes ab hoc superatos prostratosque conspexit : testis est iterum & sæpius Italia, quæ cùm servili bello tetra periculosoque premeretur, ab hoc auxilium absente expetivit : quod bellum exspectatione Pompeii attenuatum atque imminutum est ; adventu sublatum ac sepultum : testes verò jam omnes oræ, atque omnes exteræ gentes ac nationes ; denique maria omnia tum universa, tum in singulis oris omnes sinus, atque portus. Quis enim totò mari locus per hos annos, aut tam firmum habuit præsidium, ut tutus, esset ? aut tam fuit abditus, ut lateret ? quis negavit, qui non se aut mortis, aut servitutis periculo committeret ? cum aut hieme, aut referto prædonum mari navigaretur. Hoc tantum bellum, tam turpe, tam vetus, tam latè divisum, atque dispersum, quis unquam arbitraretur aut ab hominibus imperatoribus, uno anno, aut omnibus annis ab uno imperatore confici posse ? Quam provinciam tenuistis à prædonibus liberam per hosce annos ? quod vectigal vobis tutum fuit ? quem socium defendistis ? cui præsidio classibus vestris fuistis ? quàm multas existimatis insulas esse desertas ? quàm multas aut metu relictas, aut à prædonibus captas urbes esse sociorum ? Sed quid ego longinqua commemoro ? fuit hoc quondam, fuit proprium populi Romani, longè à domo bellare, & propugnaculis imperii sociorum fortunas, non sua tecta defendere. Sociis vestris ego mare clausum per hosce annos dicam fuisse : cum exercitus nostri Brundisio nunquam, nisi

summam

summâ hieme, transmiserint? Quid, ad nos cùm
 ab exteris nationibus venirent, captos querar,
 cùm legati populi Romani redempti sint? mer-
 catoribus tutum mare non fuisse dicam, cùm duo-
 decim secures in prædonum potestatem perve- 5
 nerint? Quid aut Colophonem, aut Samum, no-
 bilissimas urbes, innumerabilisque alias, captas
 esse commemorem; cùm vestros portus, atque
 eos portus, quibus vitam & spiritum ducitis, in
 prædonum fuisse potestate sciatis? An verò ig- 10
 noratis, portum Cajetæ, celeberrimum, atque
 plenissimum navium, inspectante prætore à præ-
 donibus esse direptum? Ex Miseno autem ejus
 ipsius liberos, qui cum prædonibus antea ibi bel-
 lum gesserat, à prædonibus esse sublato? Nam 15
 quid ego Ostiense incommodum, atque illam la-
 borem atque ignominiam reipub. querar; cùm pro-
 pe inspectantibus vobis, classis ea, cui Consul po-
 puli Romani præpositus esset, à prædonibus cap-
 ta atque oppressa est. Pròh dii immortales, tan- 20
 tane unius hominis incredibilis ac divina virtus
 tam brevi tempore lucem afferre reipub. potuit,
 ut vos, qui modò ante ostium Tyberinum clas-
 sem hostium videbatis, ii nunc nullam intra Oce-
 ani ostium prædonum navem esse audiat? At- 25
 que hæc quâ celeritate gesta sint, quanquam vi-
 detis; tamen à me in dicendo prætereunda non
 sunt. Quis enim unquam, aut obeundi negotii,
 aut consequendi quæstûs studio, tam brevi tem-
 pore, tot loca adire, tantos cursus conficere po- 30
 tuit, quàm celeriter, Cn. Pompeio duce, belli
 impetus navigavit? qui Siciliam adiit, Africam
 exploravit, in Sardiniam cum classe venit, non-
 dum tempestivo ad navigandum mari; atque hæc
 tria frumentaria subsidia reipubl. firmissimis præ- 35
 fidiis classibusque munivit. Indè se, cùm in Ita-
 liam

liam recepiſſet, duabus Hiſpaniis, & Galliâ Ci-
 ſalpinâ, præſidiis ac navibus confirmatâ, miſſis
 item in oram Illyrici maris, & in Achaiam, om-
 nêmque Græciam, navibus, Italiæ duo maria
 5 maximis claſſibus firmiſſimiſq; præſidiis adorna-
 vit: ipſe autem, ut à Brunduſio proſectus eſt,
 unde quinquageſſimo die totam ad imperium po-
 10 puli Romani Siciliam adjunxit: omnes qui ubi-
 que prædones fuerunt, partim capti interfecti-
 que ſunt, partim unius hujus imperio ac poteſta-
 ti ſe dederunt. Idem Cretenſibus, cùm ad e-
 um uſque in Pamphyliam legatos deprecatores-
 que miſiſſent, ſpem deditionis non ademit, ob-
 ſidésque imperavit. Ità tantum bellum, tam
 15 diuturnum, tam longe latèque diſperſum, quo
 bello omnes gentes ac nationes premebantur, Cn.
 Pompeius extremâ hieme apparavit, ineunte ve-
 re ſuſcepit, mediâ æſtate conſecit. Eſt hæc di-
 vina atque incredibilis virtus imperatoris. Quid
 20 cæteræ, quas paulò antè commemorare cœpe-
 ram? quantæ atque quàm multæ ſunt? non e-
 nim ſolum bellandi virtus in ſummo atque perfe-
 cto imperatore quærenda eſt: ſed multæ ſunt ar-
 tes eximiæ, hujus adminiſtræ comitésque virtutis.
 25 Ac primum quantâ innocentîâ debent eſſe im-
 peratores! quantâ deinde omnibus in rebus tem-
 perantiâ! quantâ fide! quantâ felicitate! quan-
 to ingenio! quantâ humanitate! quæ breviter,
 qualia ſunt in Cn. Pompeio, conſideremus. Sum-
 30 ma enim omnia ſunt, Quiritès, ſed ea magis ex
 aliorum contentione, quàm ipſa per ſeſe, cognos-
 ci atque intelligi poſſunt. Quem enim poſſu-
 mus imperatorem aliquo in numero putare, cu-
 jus in exercitu veneant centuriatus, atque venie-
 35 rint? quid hunc hominem magnum aut amplum
 de republ. cogitare, qui pecuniam ex ærario
 depromp-

depromptam ad bellum administrandum, aut propter cupiditatem, provinciæ magistratibus dividerit, aut propter avaritiam Romæ in quæstu reliquerit? Vestra admurmuratio facit, Quirites, ut agnoscere videamini, qui hæc fecerint. Ego 5 autem neminem nomino. Quare irasci mihi nemo poterit, nisi qui antè de se voluerit confiteri. Itaque propter hanc avaritiam imperatorum quantas calamitates, quocumque ventum sit, nostri exercitus ferant, quis ignorat? Itinera, quæ 10 per hosce annos in Italia per agros atque opida civium Romanorum nostri imperatores fecerunt, recordamini: tum facilius statueris, quid apud exterarum nationes fieri existimetis. Utrùm plures arbitramini per hosce annos militum vestro- 15 rum armis hostium urbes, an Hibernis sociorum civitates esse deletas? Neque enim potest exercitum is continere imperator, qui seipsum non continet, neque severus esse in iudicando, qui alios in se severos esse iudices non vult. Hinc 20 miramur hunc hominem tantum excellere cæteris, cujus legiones sic in Asiam pervenerunt, ut non modò manus tanti exercitus, sed nè vestigium quidem cuiquam pacato noeuisset dicatur? Jam verò quemadmodum milites hibernent, quoti- 25 die sermones ac literæ perferuntur: non modò, ut sumptum faciat in militem, nemini vis affertur; sed nè cupienti quidem cuiquam permittitur. Hiemis enim, non avaritiæ, perfugium majores nostri in sociorum atque amicorum 30 rectis esse voluerunt. Age verò, cæteris in rebus quali sit temperantiâ, confiderate. Unde illam tantam celeritatem, & tam incredibilem cursum inicum putatis? non enim illum eximia vis remigum, aut ars inaudita quædam gubernandi, 35 aut veni aliqui novi tam celeriter in ultimas

ter-

terras pertulerunt, sed hæ res, quæ cæteros re-
morari solent, non retardârunt : non avaritia ab
instituto cursu ad prædam aliquam revocavit, non
libido ad voluptatem, non amœnitas ad dele-
5 ctationem, non nobilitas urbis ad cognitionem,
non denique labor ipse ad quietem ; postremò,
signa & tabulas cæteraque ornamenta Græcorum
opidorum, quæ cæteri tollenda esse arbitran-
tur, ea sibi ille nè visenda quidem existimavit.
10 Itaque omnes quidem nunc in his locis Ch. Pom-
perum, sicut aliquem non ex hac urbe missum,
sed de cœlo delapsum intuentur. Nunc deni-
que incipiunt credere fuisse homines Romanos
hæc quondam abstinentiâ : quod jam nationibus
15 exteris incredibile ac falsò memoriæ proditum
videbatur. Nunc imperii nostri splendor illis
gentibus lucet : nunc intelligunt, non sine causa
maiores suos tum cùm hac temperantiâ magistra-
tus habebamus, servire populo Romano quàm
20 imperare aliis maluisse. Jam verò ità faciles adi-
tus ad eum privatorum, ità liberæ querimoniæ
de aliorum injuriis esse dicuntur, ut is, qui dig-
nitate principibus excellit, facilitate par infimis
esse videatur. Jam quantum consilio, quantum
25 dicendi gravitate & copiâ valeat, in quo ipso
inest quædam dignitas imperatoria, vos, Quiri-
tes, hoc ipso in loco sæpe cognovistis. Eidem
verò ejus inter socios quantum existimari puta-
tis, quam hostes omnium gentium sanctissimam
30 esse judicârint ? Humanitate jam tantâ est, ut
difficile dictu sit, utrùm hostes magis virtutem
ejus pugnares timuerint, an mansuetudinem vi-
cti dilexerint : Et quisquam dubitavit, quin huic
tantum bellum hoc transmittendum sit, qui ad
35 omnia vestræ memoriæ bella conficienda, divino.
quodam consilio natus esse videatur ? Et quoni-
am

am auctoritas multum in bellis quoque admini-
 strandis atque imperio militari valet, certè ne-
 mini dubium est, quin ea in re idem ille impe-
 rator plurimum possit. Vehementer autem per-
 tinere ad bella administranda, quid hostes, quid
 socii de imperatoribus vestris, existiment, quis
 ignorat? cum sciamus, homines in tantis rebus,
 ut aut contemnant, aut metuant, aut oderint, aut
 ament, opinione non minùs famæ, quàm aliquâ
 certâ ratione commoveri. Quod igitur nomen
 unquam in orbe terrarum clarius fuit? cujus res
 gestæ pares? de quo homine vos, id quod maxi-
 mè facit auctoritatem, tanta & tam præclara judi-
 cia fecistis? An verò ullam usquam esse oram
 tam desertam putatis, quo non illius diei fama
 pervaserit; cum universus populus Romanus re-
 fertò foro, repletisque omnibus templis, ex qui-
 bus hic locus confici potest, unum sibi ad com-
 mune omnium gentium bellum Cn. Pompeium
 imperatorem depoposcit? Itaque ut plura non
 dicam, neque aliorum exemplis confirmem, quan-
 tum hujus auctoritas valeat in bello, ab eodem
 Cn. Pompeio omnium rerum egregiarum exem-
 pla sumantur: qui quo die à vobis maritimo bel-
 lo præpositus est imperator, tanta repenti utili-
 tas annonæ ex summa inopia & caritate rei fru-
 mentariæ consecuta est, unius spe & nomine,
 quantum vix ex summa ubertate agrorum diu-
 turna pax efficere potuisset. Jam verò acceptâ
 in Ponto calamitate ex eo prælio, de quo vos
 paulò antè invitùs admonui; cum socii pertimu-
 issent, hostium opes animique crevissent, cum
 satis firmum præsidium provincia non haberet,
 amisissetis Asiam, Quirites, nisi ipsum id tem-
 poris divinitùs Cn. Pompeium ad eas regiones
 fortuna populi Romani attulisset. Hujus adven-
 tus

tus & Mithridatem insolitâ inflammatum victoriâ
continuit, & Tigranem magnis copiis minitantem
Asiæ retardavit. Et quisquam dubitabit, quid
virtute perfecturus sit, qui tantum auctoritate
5 perfecterit? aut quàm facile imperio atque exer-
citu socios & vectigalia conservaturus sit, qui ip-
so nomine ac rumore defenderit? Agè verò, il-
la res quantam declarat ejusdem hominis apud
hostes populi Romani auctoritatem, quòd ex lo-
10 cis tam longinquis tamque diversis, tam brevi
tempore, omnes unà huic se dediderunt? quod
Cretensium legati, cùm in eorum insula nostra
imperator exercitûsque esset, ad Cn. Pompeium
in ultimas prope terras venerunt, eique se omnes
15 Cretensium civitates dedere velle dixerunt?
Quid? idem ipse Mithridates nonne ad eundem
Cn. Pompeium legatum usque in Hispapiam mi-
sit; cùmque Pompeius legatum semper judica-
vit; ii, quibus semper erat molestum ad eum
20 potissimum esse missum, speculatorem quàm le-
gatum judicare maluerunt? Potestis igitur jam
constituere, Quirites, hanc auctoritatem, multis
postea rebus gestis magnisque vestris judiciis am-
plificatam, quantum apud illos reges, quantum
25 apud exterarum nationes valituram esse existime-
tis. Reliquum est, ut de felicitate, quam præ-
stare de se ipso nemo potest, meminisse & com-
memorare de altero possumus, sicut equum est
homini de potestate deorum, timidè & pauca di-
30 camus. Ego enim sic existimo, Maximo, Mar-
cello, Scipioni, Mario, & cæteris magnis impera-
toribus, non solum propter virtutem, sed etiam
propter fortunam, sæpius imperia, mandata at-
que exercitus esse commissos. Fuit enim profe-
35 ctò quibusdam summis viris quædam ad ampli-
tudinem, & gloriam, & ad res magnas bene ge-
rendas

rendas, divinitus adjuncta fortuna. De- hujus
autem hominis felicitate, de quo nunc agimus,
hac utar moderatione dicendi, non ut in illius
potestate fortunam positam esse dicam, sed ut
præterita meminisse, reliqua sperare videamur : 5
nè aut invisa diis immortalibus oratio nostra, aut
ingrata esse videatur. Itaque non sum prædica-
turus, Quirites, quantas ille res domi militiæ-
que, terrâ marique, quantâque felicitate gesse-
rit : ut ejus semper voluntatibus non modò cives 10
assenserint, socii obtemperârint, hostes obedie-
rint, sed etiam venti tempestatésque obsecundâ-
rint. Hoc brevissimè dicam, neminem unquam
tam impudentem fuisse, qui à diis immortalibus
tot & tantas res tacitus auderet optare, quot & 15
quantas dii immortales ad Cn. Pompeium detu-
lerunt. Quod ut illi proprium, ac perpetuum
sit, Quirites, cùm communis salutis, atque im-
perii, tum ipsius hominis causâ, sicuti facitis, vel-
le & optare debetis. Quare cum & bellum ita 20
necessarium sit, ut negligi non possit : ita mag-
num sit, ut accuratissimè sit administrandum, &
cùm ei imperatorem præficere possicis, in quo sit
eximia belli scientia, singularis virtus, clarissima
auctoritas, egregia fortuna : dubitabitis, Quiri- 25
tes, quin hoc tantum boni, quod à diis immor-
talibus oblatum & datum est, in rempublicam
conservandam atque amplificandam conferatis ?
Quod si Romæ Cn. Pompeius privatus esset hoc
tempore ; tamen ad tantum bellum is erat deli- 30
gendus atque mittendus : nunc cùm ad cæteras
summas utilitates hæc quoque opportunitas ad-
jungatur, ut in iis ipsis locis adsit, ut habeat ex-
ercitum, ut ab iis, qui habent, accipere statim
possit, quid exspectamus ? aut cur non ducibus 35
diis immortalibus, eidem, cui cætera summâ cum
salute

salutē reipublicæ commissa sunt, hoc quoque bellam regium committimus? at enim vir clarissimus reip. & vestris beneficiis amplissimis affectus, Q. Catulus, itemque summis ornamentis honoris, fortunæ, virtutis, ingenii præditus, Q. Hortensius, ab hac ratione dissentiunt: quorum ego auctoritatem apud vos multis locis plurimum valuisse & valere oportere confiteor: sed in hac causa, tametsi cognoscitis auctoritates contrarias
10 fortissimorum virorum & clarissimorum; tamen omiſſis auctoritatibus, ipsâ re & ratione exquirere possumus veritatem; atque hoc facilius, quod ea omnia, quæ adhuc à me dicta sunt, iidem isti vera esse concedunt, & necessarium bellum esse, & magnum, & in uno Cn. Pompeio summa esse omnia. Quid igitur ait Hortensius? si uni omnia tribuenda sunt, unum dignissimum esse Pompeium: sed ad unum tamen omnia de-
20 ferri non oportere. Obsolevit jam ista oratio, re multo magis, quam verbis refutata. Nam tu idem, Q. Hortensi, multa, pro tua summa copia, ac singulari facultate dicendi, & in senatu contra virum fortem A. Gabinium graviter ornateque dixisti, cum is de uno imperatore contra prædo-
25 nes constituendo legem promulgasset; & ex hoc ipso loco permulta idem contra legem verba fecisti. Quid tum, per deos immortales si plus apud populum Romanum auctoritas tua, quam ipsius populi Romani salus & vera causa valuisset; hodie hæc gloriam atque hoc orbis terræ imperi-
30 um teneremus? an tibi tum imperium esse hoc videbatur, cum populi Romani, legati, prætores, quæstorésque capiebantur? cum ex omnibus provinciis commeatu, & privato et publico, prohibeamur? cum ita clausa erant nobis omnia maria, ut neque privatam rem maritimam, neque
publicam

publicam jam obire possemus? Quæ civitas ante-
 tea unquam fuit, non dico Atheniensem, quæ
 satis latè quondam mare tenuisse dicitur; non
 Carthaginiensem, qui permultum classe mariti-
 misque rebus valuerunt; non Rhodiorum, quo-
 rum usque ad nostram memoriam disciplina na-
 valis & gloria remansit: quæ civitas antea un-
 quam tam tenuis, quæ tam parva insula fuit, quæ
 non portus suos, & agros & aliquam partem re-
 gionis atque oræ maritimæ per se ipsa defende-
 ret? At, hercle, aliquot annos continuos ante
 legem Gabiniam ille populus Romanus, cujus us-
 que ad nostram memoriam nomen invictum in
 navalibus pugnis permanerat, magna ac multò
 maxima parte, non modò utilitatis, sed dignita-
 tis atque imperii, caruit. Nos quorum majores
 Antiochum regem classe Persenque superarunt,
 omnibusque navalibus pugnis Carthaginienses ho-
 mines in maritimis rebus exercitatissimos para-
 tissimosque vicerunt: ii nullo in loco jam prædo-
 nibus pares esse poteramus. Nos quoque, qui
 antea non modò Italiam tutam habebamus, sed
 omnes socios in ultimis oris auctoritate nostri
 imperii salvos præstare poteramus, tum, cum
 insula Delos, tam procul à nobis in Ægæo ma-
 ri posita, quò omnes undique cum mercibus at-
 que oneribus commeabant, referta divitiis, par-
 va, sine muro nihil timebat: iidem non modò
 Provinciis, atque oris Italiæ maritimis, at por-
 tubus nostris, sed etiam Appiâ jam viâ careba-
 mus; & his temporibus non pudebat magistra-
 tus populi Romani in hunc ipsum locum ascen-
 dere; cum eum vobis majores vestri exuviis
 nauticis & classium spoliis ornatum reliquissent.
 Eono te animo tum, Q. Hortensi, populus Ro-
 manus, & ceteros, qui erant in eadem senten-
 tiâ,

tiâ, dicere existimavit ea, quæ sentiebaris : sed tamen in salute communi idem populus Romanus dolori suo maluit quàm auctoritati vestræ obtemperare. Itaque una lex, unus vit, unus annus, non modò nos illâ miseriâ ac turpitudine liberavit ; sed etiam effecit, ut aliquando verè videremur omnibus gentibus ac nationibus terrâ marique imperare. Quo mihi etiam indignius videtur obtestatum esse adhuc : Gabinio dicam, 5 an ne Pompeio, an utrique ? (id quod est verius) nè legaretur A. Gabinius Cn. Pompeio expetenti ac postulanti ? Utrùm ille, qui postulat legatum ad tantum Bellum, quem velit, idoneus non est, qui impetret, cum cæteri ad expilandos focios, 15 diripiendâsque provincias, quos voluerunt, legatos eduxerint ; an ipse, cujus lege salus ac dignitas populo Romano atque omnibus gentibus constituta est, expers esse debet gloriæ ejus imperatoris, atque ejus exercitus, qui consilio ipsius atque periculo est constitutus ? an Cn. Falci- 20 dius, Q. Metellus, Q. Cælius Latinienfis, Cn. Lentulus, quos omnes honoris causâ nomino cum tribuni plebis fuissent, anno proximo legati esse potuerunt : in hoc uno Gabinio sunt tam diligentes, qui in hoc bello, quod lege Gabinia geritur, 25 in hoc imperatore, atque exercitu, quem per se ipse constituit, etiam præcipuo jure esse deberet ? de quo legando spero Consules ad Senatum relatu-ros : qui si dubitabunt, aut gravabantur, ego me profiteor relaturum : neque me impediet 30 cujusquam, Quirites, inimicum edictum, quo minùs, fretus vobis, vestrum jus beneficiumque defendam : neque præter intercessionem, quidquam audiam, de quâ (ut arbitror) isti ipsi qui 35 minantur, etiam atque etiam, qui id liceat, considerabunt. Meâ quidem sententiâ, Quirites, u-
nus

nus A. Gabinius, belli martini rerumque gesta-
 rum auctor, comes Cn. Pompeio adscribitur: pro-
 pterea quod alter uni id bellum suscipiendum
 vestris suffragiis derulit; alter delatum susceptum-
 que confecit. Reliquum est, ut de Q. Catuli
 auctoritate & sententia dicendum esse videatur: §
 qui cum ex vobis quæreretur, si in uno Cn. Pom-
 peio omnia poneretis, si quid de eo factum esset,
 in quo spem essetis habituri? cepit magnum suae
 virtutis fructum, ac dignitatis, cum omnes pro- 19
 pe unâ voce in eo ipso vos spem habituros esse
 dixistis. Etenim talis est vir, ut nulla res tanta
 sit, ac tam difficilis, quam ille non, & consilio
 regere, & integritate tueri, & virtute conficere
 possit. Sed in hoc ipso ab eo vehementissimè 15
 dissentio, quod quod minus certa est hominum ac
 minus diuturna vita, hoc magis resp. dum per
 deos immortales licet, frui debet summi hominis
 vitâ atque virtute. Etenim nihil novi fiat con-
 tra exempla atque instituta majorum. Non di- 20
 co hoc loco, majores nostros semper in pace
 consuetudini, in bello utilitati paruisse: semper
 ad novos casus temporum novorum, consiliorum
 rationes accommodasse; non dicam duo bella
 maxima, Punicum, & Hispaniense, ab uno im- 25
 peratore esse confecta: duas urbes potentissimas,
 quæ huic imperio maximè minabantur, Cartha-
 ginem, atque Numantiam, ab eodem Scipione
 esse deletas; non commemorabo, nuper ita vo-
 bis patribusque vestris esse visum, ut in uno C. 30
 Mario spes imperii poneretur, ut idem cum
 Jugurtha, idem cum Cimbris, idem cum Theu-
 tonis bellum administraret: in ipso Cn. Pompeio,
 in quo novi constituti nihil vult Q. Catulus, quam
 multa sint nova summæque, Catuli voluntate, 35
 constituta, recordamini. Quid tam novum, quem
 adolescentem

adolescentulum privatum, exercitum difficili rei-
 publicæ tempore conficere? confecit: Huic præ-
 esse? præfuit: Rem optimè ductu suo gerere?
 gessit. Quid tam præter consuetudinem, quàm
 5 homini peradolescenti, cujus à senatorio gradu
 ætas longè abesset, imperium atque exercitum
 dari? Siciliam permitti, atque Africam, bellum-
 que in ea administrandum? Fuit in his Provin-
 ciis singulari innocentia, gravitate, virtute: bel-
 10 lum in Africâ maximum confecit, victorem ex-
 ercitum deportavit. Quid verò tam inauditum
 quàm equitem Romanum triumphare? at eam
 quoque rem populus Romanus non modo vidit;
 sed etiam studio omni visendam putavit. Quid
 15 tam inusitatum, quàm ut, cùm duo Consules cla-
 rissimi fortissimique essent, eques Romanus ad
 bellum maximum formidolosissimūq; pro Con-
 sule mitteretur? missus est. Quo quidem tem-
 pore, cùm esset non nemo in Senatu, qui dice-
 20 ret non oportere mitti hominem privatum pro
 Consule; L. Philippus dixisse dicitur, non se il-
 lum suâ sententiâ pro Consule sed pro Consulibus
 mittere. Tanta in eo reipublicæ bene ge-
 rendæ spes constituebatur, ut duorum Consulium
 25 manus unius adolescentis virtuti committeretur.
 Quid tam singulari, quàm ut ex Senatûs consulto
 legibus solutus, Consul antè fieret, quàm ullum
 alium magistratum per leges capere licuisset?
 quid tam incredibile, quàm ut iterum eques Ro-
 30 manus ex S. C. triumpharet? quæ in omnibus
 hominibus nova post hominum memoriâ con-
 stituta sunt, ea tam multa non sunt, quàm hæc,
 quæ in hoc uno homine vidimus. Atque hæc
 tot exempla, tanta, ac tam nova, profecta sunt
 35 in eundem hominem à Q. Catulo, atque à cæte-
 rorum ejusdem dignitatis amplissimorum homi-
 num

num auctoritate. Quare videant, ne sit perini-
 quum, & non ferendum, illorum auctoritatem de
 Cn. Pompeii dignitate à vobis comprobata sem-
 per esse, vestrum ab illis de eodem homine judi-
 cium populique Rom. auctoritatem improbari; 5
 præsertim cùm jam suo jure populus Rom. in hoc
 homine suam auctoritatem vel contra omnes, qui
 dissentiant, possit defendere; propterea quòd
 istis reclamantibus vos unum illum ex omnibus
 delegistis, quem bello prædonum præponeretis. 10
 Hoc si vos temere fecistis, & reip. parum consu-
 luitis; rectè isti studia vestra suis consiliis rege-
 re conantur: sin autem vos plus tum in republi-
 ca vidistis; vos, his repugnantibus, per vosmet
 ipsos dignitatem huic imperio, salutem orbi ter- 15
 rarum attulistis: ut aliquando isti principes, &
 sibi, & cæteris, pop. Rom. universi auctoritati
 parendum esse, fateantur. Atque in hoc bello
 Asiatico, & regio, non solum militaris illa virtus,
 quæ est in Cn. Pompeio singularis, sed aliæ quo- 20
 que virtutes animi, multæ & magnæ requirun-
 tur. Difficile est, in Asia, Cilicia, Lycia, Sy-
 ria, regnisque exterarum nationum, ita versari
 vestrum imperatorem, ut nihil aliud, quàm de
 hoste ac de laude cogitet deinde, etiamsi qui 25
 sunt pudore ac temperantiâ moderatiores; ta-
 men eos esse tales, propter multitudinem cupi-
 dorum hominum nemo arbitratur. Difficile est
 dictu, Quirites, quanto in odio simus apud ex-
 teras nationes, propter eorum, quos ad eas hoc 30
 anno cum imperio misimus injurias ac libidines.
 Quod enim sanum putatis in illis terris, nostris
 magistratibus religiosum, quam civitatem san-
 ctam, quam domum satis clausam ac munitam fu-
 isse? urbes jam locupletes, ac copiosæ, requi- 35
 runtur, quibus causa belli propter diripiendi cu-
 pidita-

piditatem inferatur. Libenter hæc coram cum
 Q. Catulo & Q. Hortensio disputarem, summis &
 clarissimis viris. Noverunt enim sociorum vul-
 nera : vident eorum calamitates, querimonias
 5 audiunt. Pro fociis vos contra hostes exercitum
 mittere putatis ? an hostium simulatione, contra
 socios atque amicos ? quæ civitas est in Asia, quæ
 non modo unius imperatoris, aut legati, sed u-
 nius tribuni militum animos ac spiritus capere
 10 possit ? Quare, etiamsi quem habetis, qui colla-
 tis signis exercitus regios superare posse videatur &
 tamen nisi erit idem, qui se à pecuniis sociorum,
 qui ab eorum conjugibus, ac liberis, qui ab auro,
 gazâque, regia, manus oculos, animum cohibere
 15 possit ; non erit idoneus, qui ad bellum Asiati-
 cum regiûmque mittatur. Ecquam putatis civi-
 tatem pacatam fuisse, quæ locuples sit ; ecquam
 esse locupletera, quæ illis pacata esse videatur ;
 Ora maritima, Quirites, C. Pompeium, non so-
 20 lùm propter rei militaris gloriam, sed etiam prop-
 ter animi continentiam requisivit. Videbat enim
 populum Romanum non locupletari quotannis
 pecuniâ publicâ, præter paucos, neque eos quid-
 quam aliam assequi classium nomine, nisi ut detri-
 25 mentis accipiendis majore affici turpitudine vi-
 deremur. Nunc quâ cupiditate homines in pro-
 vincias, quibus jacturis, quibus conditionibus,
 proficiscantur, ignoranti videlicet isti, qui ac u-
 num deferenda esse omnia non arbitrantur. Quasi
 30 verò Cn. Pompeium non cum suis virtutibus, tum
 etiam alienis vitiis, magnum esse videamus ! Qua-
 re nolite dubitare, quin huic uni credatis omnia,
 qui inter annos tot unus inventus sit, quem socii
 in urbes suas cum exercitu venisse gaudeant.
 35 Quod si auctoritatis hanc causam, Quirites, con-
 firmandam putatis : est vobis auctor vir bellorum
 I omnium,

omnium, maximarum rerum peritissimus, P. Servilius, cujus tantæ res gestæ terrâ marique ex-
 stiterunt, ut cùm de bello deliberetis, auctor vo-
 bis gravior esse nemo debeat : est C. Curio, sum-
 mis vestris beneficiis, maximisque rebus gestis, 5
 summo ingenio & prudentiâ præditus : est Cn.
 Lentulus in quo omnes pro amplissimis vestris
 honoribus, summum consilium, summam gravi-
 tatem esse cognoscitis : est C. Cassius integri-
 tate, virrute, constantia singulari. Quare vide- 10
 te, num horum auctoritatibus, illorum orationi
 qui dissentiunt, respondere posse videamur. Quæ
 cùm ita sint, C. Manili, primum istam tuam &
 legem, & voluntatem, & sententiam laudo, ve-
 hementissimæque comprobo : deinde te hortor, 15
 ut auctore populo Romano maneat in sententia ;
 neve cujusquam vim aut minas pertimescas. Pri-
 mum in te satis esse animi constantiæque arbi-
 tror, deinde, cùm tantam multitudinem, cum
 tanto studio adesse videamus, quantam non ite- 20
 rum in eodem homine præficiendo vidimus : quid
 est, quod aut de re, aut de perficiendi faculta-
 te dubitemus ? ego autem, quidquid in me est
 studii, consilii, laboris, ingenii, quidquid hoc
 beneficio populi Romani, atque hac potestate 25
 prætoris, quidquid auctoritare, fide, constantia
 possum, id omne ad hanc rem conficiendam
 tibi, & populo Romano, polliceor & de-
 fero ; testorque omnes deos, & eos max-
 imè, qui huic loco temploque præsident, qui 30
 omnium mentes eorum, qui ad rempublicam a-
 deunt, maximè perspiciunt, me hoc neque roga-
 tu facere cujusquam, neque quo Cn. Pompeii
 gratiam mihi per hanc causam conciliari putem,
 neque quo mihi ex cujusquam amplitudine, aut 35
 præsidia periculis, aut adjumenta honoribus quæ-
 ram :

ram : propterea quod pericula facile, ut hominem præstare oportet, innocentiam tecti pellemus : honores autem, neque ab uno, neque ex hoc loco, sed eadem nostra illa laboriosissimâ ratione vitæ, si vestra voluntas feret, consequemur. Quamobrem, quidquid in hac causâ mihi susceptum est, Quirites, id omne me reipublicæ causâ suscepisse confirmo : tantumque abest ut aliquam bonam gratiam mihi quæsisse videar, ut multas etiam simultates, partim obscuras, partim apertas, intelligam, mihi non necessarias, vobis non inutiles suscepisse. Sed ego, me hoc honore præditum, tantis vestris beneficiis affectum, statui, Quirites, vestram voluntatem, & reipublicæ dignitatem, & salutem provinciarum atque sociorum, meis omnibus commodis & rationibus præferre oportere.

20 O R A T I O XII.

Quæ est pro

25 T. ANNIO MILONE.

Argumentum.

30 Titus Annius Milo, civis Romanus, sibi infestissimum, & infelicissimum Romanum civem P. Clodium habuit : multæque inter hos duos altercationes in Republica sæpè fuerunt. Præcipue vero, cum Milo Consulatum illius anti peteret, 35 cuius anni Præturam P. Clodius adsestabat, adeo irâ & odio motus fuit, ut Milonis competitoris

modis omnibus quibus posset juvaret, ad hoc, ut Milone repulso, eum Consulatum alii consequerentur. Nam, ut dicit Cicero, non potuit abuti Praturâ, ut cupiebat, Consule inimico suo Milone, qui ejus furores, & rabiem compressisset. 5 Itaque summo studio nitebatur, ut Milo eo anno Consul non fieret; quod, videns se ullo modo obtinere non posse, sed Milonem opinione omnium Consulem esse futurum, statuit, si Ciceroni credimus, Milonem ipsum occidere, & ita res 10 gesta fuit. Clodius enim ex urbe recessit, antequam Milo, & ad quandam suam villam accessit in Albanum, unde vesperi rediens versus Romam, obviavit Miloni in via: ibat enim Lanubium, sive [ut quidem textus habent] Lavinium Milo ad prodendum ibi flaminem, nam erat illius loci dictator. Et ibat Milo penulatus in rheda cum uxore, ancillis, & pueris. Veniebat Clodius expeditus in equo, cum electa manu virorum. Itaque inter eos ante fundum Clodii, in via scilicet Appia, Congressio facta fuit, 20 ut dicit Cicero, factoque in Milonem impetu à Clodianis & in illo certamine fuit Clodius interfectus. Ob quam eadem accusatus est Milo, & à fautoribus Clodii expetuntur ab eo pœne 25 debita, quia contra leges hominem interfecerit. Milo non negebat occidisse: Sed jure se occidisse dicebat. Decrevitque Pompeius ut de morte Clodii quaereretur. Quare ab eo ex cunctis ordinibus electi sunt iudices qui in hac causa judicarent. Pompeiusque ipse armatis cohortibus forum complevit, nè fortè in tanto iudicio ulli populares motus exurgerent. Cicero ergò Milonis amicissimus, inimicissimus Clodii, pro Milone hanc Orationem habuit insignem atque notabilem, & summo artificio singularem. 35

Et si

ETSI vereor, judices, nè turpe sit, pro fortissimo viro dicere, incipientem timere; minimèque deceat, cùm T. Annius Milo
 5 ipse magis de reipublicæ salute, quàm de sua perturbetur, me ad ejus causam parem animi magnitudinem afferre non posse: tamen hæc novi, judicii nova forma terret oculos, qui, quocunque inciderint, veterem consuetudinem fori,
 10 & pristinum morem judiciorum, minimè vident. Non enim coronâ confessus vester cinctus est, ut solebat: non usitatâ frequentiâ stipati sumus. Nam illa præsidia, quæ pro templis omnibus cernitis, etsi contra vim collocata sunt, afferunt
 15 tamen oratori horroris aliquid; ut in foro & in judicio. Quamquam præsidiiis salutaribus & necessariis septi sumus: tamen, ne non timere quidem sine aliquo timore possimus. Quæ si opposita Miloni putarem; cederem temporis, judices,
 20 nec inter tantam vim armorum existimarem oratori locum esse. Sed me recreat & reficit Cn. Pompeii, sapientissimi & justissimi viri, consilium: qui profectò nec justitiæ suæ putaret esse, quem reum sententiis judicum tradidisset, eundem
 25 telis militum dedere; nec sapientiæ; temeritatem concitatae multitudinis auctoritate publicâ armare. Quamobrem illa arma, centuriones, cohortes, non periculum nobis, sed præsidium denunciant: nèque solum, ut quieto, sed etiam,
 30 ut magno animo simus, hortantur: neque auxilium modò defensionis meæ, verum etiam silentium pollicentur. Reliqua verò multitudo, quæ quidem est civium, tota nostra est: neque eorum quisquam, quos undequè intuentes ex hoc
 35 ipso loco cernitis, unde aliqua pars fori aspici potest, & hujus exitum judicii expectantes, non

cum virtuti Milonis favet, tum de se, de patriâ,
 de fortunis hodierno die decertari putat. Unum
 genus est adversum infestumque nobis eorum,
 quos P. Clodii furor rapinis, & incendiis, & om-
 nibus exitiis publicis pavit: qui hesternâ etiam 5
 concione incitati sunt, ut vobis voce præirent,
 quid judicaretis, quorum clamor, si quis fortè
 fuerit, admonere vos debebit, ut eum civem re-
 tineatis, qui semper genus illud hominum, cla-
 morésque maximos pro vestra salute neglexit. 10
 Quamobrem adesse animis, judices, & timorem,
 si quem habetis, deponite. Nam, si unquam de
 bonis & fortibus viris, si unquam de bene-meritis
 civibus potestas vobis judicandi fuit, si denique
 unquam locus amplissimorum ordinum dilectis 15
 viris datus est, ubi sua studia erga fortes & bonos
 cives, quæ vultu & verbis sæpe significassent, re
 & sententiis declararent: hoc profectò tempore
 eam potestatem omnem vos habetis, ut statuat-
 tis, utrùm nos, qui semper vestræ auctoritati 20
 dediti fuimus, semper miseri lugeamus, an diu
 vexari à perditissimis civibus, aliquando per vos
 ac vestram fidem, virtutem, sapientiamque re-
 creemur. Quid enim nobis duobus, judices,
 laboriosius? quid magis sollicitum, magis exerci- 25
 tum, dici, aut fingi potest? qui spe amplissimo-
 rum præmiorum ad rempublicam adducti, metu
 crudelissimorum exitiorum carere non possumus.
 Et quidem cæteras tempestates & procellas in il-
 lis duntaxat fluctibus concionum semper putavi 30
 Miloni esse subeundas, quod semper pro bonis
 contra improbos senserat: in iudicio verò, & in
 eo consilio, in quo ex cunctis ordinibus amplif-
 simi viri judicarent, unquam existimavi spem
 ullam esse habituros Milonis inimicos, ad ejus 35
 non salutem modò exstinguendam, sed etiam
 gloriam

gloriam per tales viros infringendam. Quanquam in hac causa, judices, T. Annii tribunatu, rebus omnibus pro salute reipublicæ gestis, ad hujus criminis defensionem non abutemur, nisi oculis videritis insidias Miloni à Clodio factas; nec deprecaturi sumus ut crimen hoc nobis multa propter præclara in rempublicam merita condonetis: nec postulaturi, ut, si mors P. Clodii salus vestra fuerit, idcirco eam virtuti Milonis potius, quam populi Romani felicitati assignetis: sed, si illius insidiæ clariores hac luce fuerint; tum denique obse crabo obtestaborque vos, judices, si cætera amisimus, hoc saltem nobis ut relinquatur, ab inimicorum audacia telisque vitam ut impunè liceat defendere. Sed, antequam ad eam orationem venio, quæ est propriæ nostræ quæstionis, videntur ea esse refutanda, quæ in Senatu ab inimicis sæpe jactata sunt, & in concione ab improbis, etiam paulo antè ab accusatoribus: ut omni errore sublato, rem planè, quæ venit in iudicium, videre possitis. Negant inveni lucem fas esse ei qui à se hominem occisum esse fateatur. In qua tandem urbe hoc homines stultissimi disputant, nempe in ea, quæ primum iudicium de capite vidit M. Horatii fortissimi viri: qui nondum liberà civitate, tamen populi Romani comitiis liberatus est, cùm suâ manu sororem interfectam esse fateretur. An est quisquam, qui hoc ignoret, cùm de homine occiso quæratur, aut negare solere omnino esse factum; aut recte ac jure factum esse defendi? Nisi verò existimetis dementem P. Africanum fuisse, qui cùm à C. Carbone tribuno plebis in concione seditiosè interrogaretur, quid de Tib. Gracchi morte sentiret, respondit, jure casum videri. Neque enim posset aut Ahala ille Servi-

hus, aut P. Nasica, aut L. Opimius, aut C. Mari-
 us, aut, me Consule, Senatus non nefarius habe-
 ri, si sceleratos cives interfici nefas esset. Ita-
 que hoc, iudices, non sine causa fictis fabulis
 doctissimi homines memoriæ prodiderunt, cum
 qui patris ulciscendi causâ matrem necavisset, va-
 riatîs hominum sententiis, non solum humana,
 sed etiam deæ sapientissimæ sententiâ liberatum.
 Quod si duodecim tabulæ nocturnum furem quo-
 quo modo; diurnum autem, si telo defenderit,
 interfici impunè voluerunt: quis est, qui, quo-
 quo modo qui interfectus sit puniendum putet,
 cum videat aliquando gladium nobis ad occiden-
 dum hominem ab ipsis porrigi legibus? Atqui,
 si tempus est ultum, jure hominis necandi, quæ
 multa sunt, certè illud est non modo justum, ve-
 rum etiam necessarium, cum vivis illata defen-
 ditur. Pudicitiam, cum eriperet militi tribunus
 militaris in exercitu C. Marii propinquus ejus im-
 peratoris, interfectus ab eo est, cui vim asse-
 rebat: facere enim probus adolescens periculosè,
 quàm perpeti turpiter maluit. Atque hunc ille
 vir summus scelere solum periculo liberavit.
 Insidiatori verò, & latroni, quæ potest afferri
 injusta nex? Quid comitatus nostri, quid gladii
 volunt? quos habere certè non liceret, si uti illis
 nullo pacto liceret. Est enim hæc, iudices, non
 scripta, sed nata lex, quam non didiscimus, ac-
 cepimus, legimus, verum ex natura ipsa arripu-
 imus, hausimus, expressimus; ad quam non do-
 cti, sed facti; non instituti, sed imbuti sumus;
 ut, si vita nostra in aliquas insidias, si in vim,
 si in tela aut latronum, aut inimicorum incidis-
 set, omnia honesta ratio esset expediendæ salu-
 tis. *Silent enim leges inter arma*, nec se exspe-
 ctari jubent, cum ei, qui expectare velit, antè
 injusta.

injusta pœna luenda sit, quàm justa repetenda.
 Et si persapienter, & quodammodo tacitè, dat
 ipsa lex potestatem defendendi : quæ non modò
 hominem occidi, sed esse cum telo hominis occi-
 5 dendi causâ vetat : ut, cum causâ non telum
 quæreretur, qui sui defendendi causâ, telo esset
 usus, non hominis occidendi causâ, habuisse te-
 lum, judicaretur. Quapropter hoc maneat in-
 causâ, judices. Non enim dubito, quin proba-
 10 turus sim vobis defensionem meam, si id memi-
 neritis, quod oblivisci non potestis, insidiatorem
 jure interfici posse. Sequitur illud, quod à Mi-
 lonis inimicis sæpissime dicitur, Cædem, quâ P.
 Clodius occisus est, Senatum judicâsse contra rem-
 15 publicam esse factam. Illam verò Senatus non
 sententiis suis solùm, sed etiam studiis compro-
 bavit. Quoties enim est illa causa à nobis acta
 in Senatu? quibus assensionibus universi ordinis?
 quàm nec tacitis, nec occultis? Quando enim
 20 frequentissimo Senatu quatuor, ad summum quin-
 que, sunt inventi, qui Milonis causam, non pro-
 barent? declarant hujus ambusti tribuni plebis
 illæ intermortuæ conciones, quibus quotidie me-
 am potentiam invidiosè criminabatur, cum dice-
 25 ret, Senatum non quod sentiret, sed quod ego
 vellèm, decernere. Quæ quidem si potentia est
 appellanda potiùs, quam propter magna in rem-
 publicam merita, mediocris in bonis causis au-
 ctoritas, aut propter officiosos labores meos non-
 30 nulla apud bonos gratia; appelletur ità sanè,
 dummodo ea nos utamur pro salute bonorum
 contra amentiam perditorum. Hanc verò quæ-
 sitionem, etsi non est iniqua, nunquam tamen
 Senatus constituendam putavit: erant enim leges,
 35 erant quæstiones, vel de cæde, vel de vi: nec
 tantum mœrorem ac luctum Senatui mors P. Clo-

diu afferebat, ut nova quaestio constitueretur. Cuius enim Senatui de illo incesto stupro iudicium
 decernendi potestas esset erepta, de eius interit-
 u, quis potest credere Senatum iudicium novum
 constituendum putasse? Cur igitur incendium
 curiae, oppugnationem aedium M. Lepidi, eadem
 hanc ipsam, contra rempublicam Senatus factam
 esse decrevit? quia nulla vis unquam est in li-
 bera civitate suscepta inter cives non contra rem-
 publicam. Non enim est ulla defensio contra
 vim unquam opranda; sed nonnunquam est ne-
 cessaria. Nisi verò aut ille dies, in quo Tib.
 Gracchus est casus, aut ille quo Cajus, aut quo
 arma Saturnini oppressa sunt, etiamsi è republica,
 rempublicam tamen non vulnerarunt. Itaque
 ego ipse decrevi, cum eadem in Appia factam
 esse contaret, non eum qui se defendisset, con-
 tra rempublicam fecisse: sed, cum inesset in re
 vis, & insidiae, crimen iudicio reservavi, rem
 notavi. Quod si per furiosum illum tribunum
 Senatui, quod sentiebat, perficere licuisset: no-
 vam quaestionem nunc nullam haberemus. De-
 cernebat enim, ut veteribus legibus tantummo-
 do extra ordinem quaereretur. Divisa sententia
 est, postulante nescio quo. Nihil enim necesse
 est omnium flagitia proferre: sic reliqua aucto-
 ritas Senatus, emptâ intercessionem, sublata est.
 At enim Cn. Pompeius rogatione suâ & de re,
 & de causa iudicavit. Tulit enim de eade, quæ
 in Appia via facta esset, in qua P. Clodius occi-
 sus fuit. Quid ergo tulit? nempe, ut quaereretur.
 Quid porro quaerendum est; factumne sit?
 at constat. A quo? at patet: vidit etiam in con-
 fessione facti, juris tamen defensionem suscipi
 posse: quod nisi vidisset, posse absolvi eum qui
 lateretur cum videret nos fateri, neque quaeri
 unquam

unquam jussisset, nec vobis tam salutarem hanc
in judicando literam, quàm illam tristem, de-
disset. Mihi verò Cn. Pomp. non modò nihil
gravius contra Milonem judicâsse, sed etiam sta-
5 tuisse videtur, quid vos in judicando spectare o-
portet. Nam, qui non pœnam confessioni, sed
defensionem dedit, is causam interitûs quæren-
dam, non interitum putavit. Jam illud dicet
ipse profecto, quod sua sponte fecit P. nè Clo-
10 dio tribuendum putet, an temporì. Domi suæ
nobilissimus vir; Senatûs propugnator, atque
illis quidem temporibus penè patronus, avuncu-
lus hujus nostri judicis, fortissimi viri, M. Cato-
nis, tribunus plebis M. Drusus, occisus est. Nihil
15 de ejus morte populus consultus, nulla quæstio
decreta à Senatu est. Quantum luctum in hac
urbe fuisse à nostris patribus accepimus, cùm P.
Africano domi suæ quiescenti illa nocturna vis ef-
set illata! quis tum non gemit? quis non arsit
20 dolore? quem immortalem, si fieri posset, om-
nes esse cuperent, ejus nè necessariam quidem
expectatam esse mortem? num igitur ulla quæ-
stio de Africani morte lata est? certè nulla.
Quid ità? quia non alio facinore clari homines,
25 alio obscuri necantur, intersit inter vitæ digni-
tatem summorum, atque infimorum; mors qui-
dem illata per scelus iisdem pœnis teneatur &
legibus, nisi fortè magis erat parricida, si quis
Consularem patrem, quam si quis humilem ne-
30 verit; aut eò mors atrocior erit P. Clodii, quòd
is in monumentis majorum suorum sit interfectus.
Hoc enim sæpe ab istis dicitur: perinde quasi
Appius ille Cæcus viam munierit, non quâ po-
pulus uteretur, sed ubi impune sui posterì latro-
35 cinarentur. Itaque in eadem ista Appia via cùm
ornatissimum equitem Romanum, M. Papirium
occidisset,

occidisset; non fuit illud facinus puniendum. Homo enim nobilis in suis monumentis equitum Romanum occiderat. Nunc ejusdem Appiæ nomen quantas tragoedias excitat? quæ cruentata antea cæde honesti atque innocentis viri filebatur, eadem nunc crebrò usurpatur, posteaquam latronis & parricidæ sanguine imbuta est. Sed quid ego illa commemoro? comprehensus est in templo Castoris servus P. Clodii, quem ille ad Cn. Pompeium interficiendum collocaret. Extorta est confitendi sica de manibus. Caruit foro postea Pompeius, caruit Senatu, caruit publico: januâ se, ac parietibus, non jure legum judiciorumque texit. Num quæ rogatio lata? num quæ nova quæstio decreta est? atqui, si res, si vir, si tempus ullum dignum fuit, certè hæc in illa causa summa omnia fuerunt. insidiator erat in foro collocatus, atque in vestibulo ipso Senatûs: ei viro autem mors parabatur, cujus in vita nitibatur salus civitatis eo porrò reipublicæ tempore, quo si unus ille occidisset, non hæc solum civitas, sed gentes omnes concidissent. Nisi fortè, quia perfecta res non est, non fuit punienda. Perinde quasi exitus rerum, non hominum consilia legibus vindicentur. Minus dolendum fuit, re non perfecta; sed: puniendum certè nihilominus. Quoties ipse, judices, ex P. Clodii telis, & ex cruentis ejus manibus effugi; ex quibus si me non mea vel reipublicæ fortuna servasset, quis tandem de interitu meo quæstionem tulisset? Sed stulti sumus, qui Drusum, qui Africanum, Pompeium, nosmetipsos, cum P. Clodio conferre audeamus. Tolerabilia fuerunt illa. P. Clodii mortem æquo animo nemo ferre potest: luget Senatus: moeret equester ordo: tota civitas confecta senio est: quæ valent municipia: affliguntur colonie, agri denique

nique ipsi tam beneficum, tam salutarem, tam
 mansuetum eivem desiderant. Non fuit ea causa,
 judices, non fuit, cur sibi censeret Pompeius quæ-
 stionem ferendam : sed homo sapiens, & altâ quâ-
 5 dam mente præditus, multa vidit : fuisse sibi il-
 lum inimicum, familiarem Milonem : in commu-
 ni omnium lætitia, si etiam ipse gauderet, timu-
 it, nè videretur infirmior fides reconciliatæ gra-
 tiæ. Multa etiam alia vidit. Sed illud maximè ;
 10 quamvis atroceiter ipse tulisset, vos tamen forti-
 ter judicaturos. Itaque delegit è florentissimis
 ordinibus ipsa lumina : neque verò, quod nonnulli
 dictitant, secrevit in iudicibus legendis amicos
 meos. Neque enim hoc cogitavit vir justissimus,
 15 neque in bonis viris legendis id assequi potuisset,
 etiamsi cupisset. Non enim mea gratia familia-
 ritatibus continetur, quæ latè patere non possunt ;
 propterea quod consuetudines victus non possunt
 esse cum multis : sed, si quid possumus, ex eo
 20 possumus, quod respublica nos conjunxit cum mul-
 tis, ex quibus ille cum optimos viros legeret,
 idque maximè ad fidem suam pertinere arbitra-
 retur, non potuit legere non studiosos mei. Quod
 verò te, Cn. Domiti, huic quæstioni præesse max-
 25 imè voluit, nihil quæsit aliud, nisi justitiam,
 gravitatem, humanitatem, fidem. Tulit ut con-
 sulare necesse esset : credo, quod principum
 munus esse ducebat, resistere & levitati multitu-
 dinis, & Perditorum temeritati. Ex Consulari-
 30 bus te creavit potissimum. Dederas enim, quàm
 contemneres populares insanias, jam ab adole-
 scentia documenta maxima. Quamobrem, judi-
 ces, (ut aliquando ad causam crimenque venia-
 mus) si neque omnis confessio facti est inusitata ;
 35 neque de causâ quidquam nostra aliter ac nos
 vellemus, à Senatu iudicatum est ; & lator ipse
 legis,

legis, cùm esset controversia nulla facti, juris tamen disceptationem esse voluit; & electi iudices, & isti præpositus quæstioni, qui hæc justè sapienterque disceperet: reliquum est, iudices, ut nihil jam aliud quærere debeatis, nisi uter utri insidias fecerit: quod quò facilius argumentis perspicere possitis, rem gestam vobis dum breviter expono, quæso diligenter attendite. P. Clodius cùm statuisset omni scelere in prætura vexare rempubl' videretque ità tracta esse comitia anno superiore, ut non multos menses præturam gerere posset: qui non honoris gradum spectaret, ut cæteri, sed L. Paulum collegam effugere vellet, singulari virtute civem & annum integrum ad dilacerandam remp. quæreret: subito reliquit annum suum, seq; in annum proximum transtulit, non religione aliquâ, sed ut haberet, quod ipse dicebat ad præturam gerendam, hoc est, ad evertendam rempublicam plenum annum, atque integrum. Occurebat, mancam, ac debilem præturam suam futuram, Consule Milone: eum porrò summo consensu populi Romani Consulem fieri videbat. Contulit se ad ejus competitores, sed ità totam ut petitionem ipse solus etiam, invitatis illis, gubernaret. Tota ut comitia suis, ut dictitabat, humeris sustineret, convocabat tribus: se interponebat: coloniam novam, delectum perditissimorum scribebat civium. Quanto ille plura miscebat, tantò hic magis indies convalescebat. Ubi vidit homo ad omne facinus paratissimus fortissimum virum, inimicissimum suum, certissimum Consulem, idque intellexit, non solum sermonibus, sed etiam suffragiis populi Romani sæpe esse declaratum: palàm agere cœpit, & apertè dicere occidendum Milonem. Servos agrestes, & barbaros, quibus silvas publicas depopulatus erat,

Etru-

Etruriamq; vexârat, ex Apennino deduxerat, quos videbatis. Res erat minimè obscura. Etenim palàm dictitabat, Consulatum Miloni eripi non posse, viram posse. Significavit hoc sæpe in
5 Senatu, dixit in concione. Quin etiam Favonio fortissimo viro, quærenti ex eo, quâ spe fureret Milone vivo: respondit, triduo illam, ad summum quadriduo, periturum. Quam vocem ejus ad hunc M. Catonem statim Favonius detulit. Interim cùm sciret Clodius, (neque enim erat difficile scire) iter solemne, legitimum, necessarium, ante diem XIII Cal. Feb. Miloni esse Lanuvium ad flaminem prodendum, quod erat dictator Lanuvii Milo: Roma subito ipse profectus pridie
10 est, ut ante suum fundum (quod re intellectum est) Miloni insidias collocaret, atque ita profectus est, ut concionem turbulentam, in qua ejus furor desideratus est, quæ illo ipso die habita est, relinqueret: quam, nisi obire facinoris locum
20 tempusque voluisset, nunquam reliquisset. Milo autem cum in Senatu fuisset eo die, quo ad Senatus dimissus est, domum venit: calceos & vestimenta mutavit: paulisper, dum se uxor (ut fit) comparat, commoratus est: deinde profectus est id temporis, cùm jam Clodius (siquidem eo die Romam venturus erat) redire potuisset. Obviam fit ei Clodius, expeditus in equo, nullâ rhedâ, nullis impedimentis, nullis Græcis comitibus, ut solebat sine uxore, quod nunquam ferè:
25 cùm hic insidiator, qui iter illud ad cædem faciendam apparâisset, cum uxore veheretur in rheda penulatus, vulgi magno impedimento, ac muliebri & delicato ancillarum puerorûmque comitatu. Fit obviam Clodio ante fundum ejus horâ
30 ferè undecimâ, aut non multò secus. Statim complures cum telis in hunc faciunt de loco superiore

riore impetum : adversi rhedarium occidunt.
 Cùm autem hic de rheda, rejectâ penulâ, desi-
 lisset, sêque acri animo defenderet : illi, quie-
 rant cum Clodio, gladiis eductis, partim recur-
 rere ad rhedam, ut à tergo Milonem adoriren- 5
 tur ; partim, quòd hunc jam interfectum puta-
 rent, cædere incipiunt ejus servos, qui post e-
 rant : ex quibus qui animo fideli in dominum
 erant & præsentes fuerunt, partim occisi sunt,
 partim, cùm ad rhedam pugnari viderent, & do- 10
 mino succurrere prohiberentur, Milonémque oc-
 cisum etiam ex ipso Clodio audirent, & ità esse
 putarent, fecerunt id servi Milonis, (dicam enim
 non derivandi criminis causâ, sed ut factum est)
 neque imperante, neque sciente, neque præsente 15
 domino, quod suos quisque servos in tali re face-
 re voluisset. Hæc, sicut exposuit, ità gesta sunt,
 judices : insidiator superatus, vi victa vis, vel
 potiùs oppressa virtute audacia est: Nihil dico,
 quid respublica consecuta sit ; nihil quid vos, 20
 nihil quid omnes boni : nihil sanè id profit Mi-
 loni, qui hoc fato natus est, ut nè se quidem ser-
 vare potuerit, quin unâ rempublicam vósque ser-
 varet. Si id jure non posset, nihil habeo, quod
 defendam. Sin hoc & ratio doctis, & necessi- 25
 tas barbaris, & mos gentibus, & feris natura ipsa
 præscripsit, ut omnem semper vim, quacunque
 ope possent, à corpore, à capite, à vita sua
 propulsarent : non potestis hoc facinus impro-
 bum judicare, quin simul judicetis, omnibus, qui 30
 in latrones inciderint, aut illorum telis, aut ve-
 stris sententiis esse pereundum. Quod si ità pu-
 tâsser, certè optabilius Miloni fuit, dare jugu-
 lum P. Clodio, non semel ab illo, neque tum pri-
 mùm petitur, quàm jugulari à vobis, quia se illi 35
 non jugulandum tradidisset. Sin hoc nemo ve-
 strum.

strum ita sentit, illud jam in iudicium venit, non,
occisusne sit, quod fatemur; sed jure, an inju-
ria: quod multis antea in causis jam quaesitum
est. Insidias factas esse constat: id est, quod
5 Senatus contra rempublicam factum esse judicavit:
ab utro factae sint, incertum est: de hoc igitur la-
tum est, ut quaeretur. Ita & Senatus rem, non
hominem notavit, & Pompeius de jure, non de
facto quaestionem tulit: Num quid igitur aliud
10 in iudicium venit, nisi uter utri insidias fecerit?
profecto nihil. Si hic illi, ut ne sit impune:
ille huic; tum nos scelere solvamus. Quonam
igitur pacto probari potest, insidias Miloni fecisse
Clodium? satis est quidem, in illa tam audaci,
15 tam nefaria bellua docere, magnam ei causam,
magnam spem in Milonis morte propositam,
magnas utilitates fuisse. Itaque illud Cassianum,
Cui bono fuerit, in his personis valeat, etsi boni
nullo emolumento impelluntur in fraudem, im-
20 probi saepe parvo. Atqui, Milone interfecto,
Clodius hoc assequebatur, non modo ut praetor
esset, non eo Consule, quo sceleris nihil facere
posset sed etiam ut, his Consulibus, praetor esset,
quibus si non adjuvantibus, at conniventibus certe
25 sperasset se posse rempublicam eludere in illis
suis cogitatis furoribus. Cujus illi conatus, ut
illi ratiocinabantur, nec, si cuperent, reprimere
possent, cum tantum beneficium ei se debere ar-
bitrarentur: &, si vellent fortasse, vix possent
30 frangere hominis sceleratissimi corroboratam jam
vetustate audaciam. An vero, iudices, vos soli
ignoratis? vos hospites in hac urbe versamini?
vestrae peregrinantur aures? neque in hoc perva-
gato civitatis sermone versantur, quas ille leges
35 (si leges nominandae sunt, ac non faeces urbis, &
pestes reipublicae) fuerit impositurus nobis om-
nibus

nibus, atque iniustus? Exhibe quæso, Sexte Clodi, exhibe librarium illud legum vestrarum, quod te aiunt eripuisse è domo, & ex mediis armis, turbæque nocturnâ, tanquam Palladium sustulisse, ut præclarum indè munus, atque instrumentum tribunatûs ad aliquem, si nactus esses qui tuo arbitrio tribunatum gereret, deferre posses. Et aspexit me quidem illis oculis, quibus tum solebar, cùm omnia omnibus minabatur; movet me quippe lumen curiæ. Quid? tu me iratum, 10 Sexte, pures tibi, cujus tu inimicissimum multò crudeliùs etiam punicus es, quàm erat humanitatis meæ postulare? Tu P. Clodii cruentum cadaver ejecisti domo: tu in publicum ejecisti: tu spoliatum imaginibus, exequiis, Pompâ, laudatione, infelicissimis lignis semiustulatum nocturnis canibus dilaniandum reliquisti. Quam rem etsi necessariò fecisti; tamen quoniam in meo inimico crudelitatem exprompsisti tuam laudare non possum, irasci certè non debeo, P. Clodii præturam non sine maximo rerum novarum motu proponi solitam esse videbatis: nisi essetis Consul, qui eam auderet possitque confringere. Eum Milonem esse cùm sentiret universus populus Romanus, quis dubitaret suffragio suo se metu, periculo reipublicam liberare? At * non P. Clodio mortuo, usitatis jam rebus obnitendum est Miloni, ut tueatur dignitatem suam. Singularis illa huic uni concessa gloria, quæ quotidie augebatur, transgendis furoribus Clodianis, jam morte Clodii cecidit: vos adepti estis, nè quem civem metueretis: hic exercitationem virtutis, suffragationem Consulatûs, fontem perennem gloriæ suæ perdidit. Itaque Milonis Consulatûs, qui, vivo Clodio, labefactari non poterat, mortuo denique 35 tentari cœptus est. Non modò igitur nihil prodest,

dest, sed obest etiam P. Clodii mors Miloni. At
 valuit odium : fecit iratus, fecit inimicus, fecit
 ultor injuriæ, punitor doloris sui. Quid, si hæc,
 non dico majora fuerunt in Clodio, quàm in Mi-
 5 lone; sed in illo maxima, nulla in hoc? quid
 vultis amplius? quid enim odisset Clodium Milo,
 segetem ac materiam suæ gloriæ, præter hoc civi-
 le odium, quo omnes improbos odimus; ille erat
 ut odisset primum defenforem salutis meæ, dein-
 10 de vexatorem furoris, domitorem armorum suo-
 rum: postremò etiam accusatorem suum, reus
 enim Milonis lege Plotiâ fuit Clodius, quoad vixit.
 Quo tandem animo hoc tyrannum tulisse credi-
 tis? quantum odium ipsius, & in homine injusto,
 15 quàm etiam justum esse? Reliquum est, ut jam
 illum natura ipsius consuetudòque defendat: hunc
 autem hæc eadem coarguant. Nihil per vim un-
 quam Clodius, omnia per vim Milo. Quid ergò,
 20 judices? cum mœrentibus vobis urbe cessi: non
 servos, non arma, non vim intentavit? Quæ fu-
 isset igitur causa restituendi mei, nisi fuisset inju-
 sta ejiciendi? Diem mihi, credo, dixerat; multam
 irrogârat? actionem perduellionis intenderat: &
 mihi, judices, in causa aut vestra mala, aut mea
 25 nec præclarissima, etiam judicium timendum fuit?
 servorum, & egentium civium, & facinorosorum
 armis, meos cives, meis consiliis periculisque
 servatos, pro me objici nolui: Vidi enim, vidi
 hunc ipsam Q. Hortensium, lumen & ornamentum
 30 reipublicæ, pæne interfici servorum manu, cùm
 mihi adesset: quâ in turba C. Vibienus Senator,
 vir optimus, cum hoc cùm esset unâ, ita est mul-
 tatus, ut vitam amiserit. Itaque, quando illius
 postea sica illa, quam à Catilina acceperat, con-
 35 quievit? hæc intentata nobis est: huic ego vos
 objici pro me non sum passus: hæc insidiata Pom-
 peio

peio est : hæc istam Appiam viam monumentum
 fui nominis nece Papirii cruentavit : hæc eadem
 longo intervallo conversa rursus est in me : nuper
 quidem, ut scitis, me ad regiam pæne confecit.
 Quid simile Milonis ? cujus vis omnis hæc semper
 fuit, nè P. Clodius, cùm in judicem detrahi non
 posset, vi oppressam civitatem teneret. Quem si
 interficere voluisset, quantæ, quoties occasiones,
 quàm præclare fuerunt ? potuitne, cùm domum,
 ac deos penates suos, illo oppugnan-
 te, defende-
 ret, jure se ulcisci ? potuitne, cive egregio & viro
 fortissimo P. Sextio collegâ suo vulnerato ? potu-
 itne Fabricio viro optimo, cùm de reditu meo
 legem ferret, pulso crudelissimâ in foro cæde
 factâ ? potuitne L. Cæciliï justissimî fortissimique
 prætoris oppugnatâ domo ? potuitne illo die,
 cùm est lata lex de me ; cùm totius Italiæ con-
 cursus, quem mea salus concitârat, facti illius
 gloriam libens agnovisset, ut, etiam si id Milo
 fecisset, cuncta civitas eam laudem pro sua vendi-
 caret ? Atqui erat id temporis clarissimus & for-
 tissimus Consul inimicus Clodio, P. Lentulus ultor
 sceleris illius, propugnator Senatus, defensor ve-
 stræ voluntatis, patronus illius publici consensûs,
 restitutor salutis meæ ; septem prætores, octo
 tribuni plebis, illius adversarii, defensores mei :
 Cn. Pompeius auctor & dux mei riditûs, illius
 hostis : cujus sententiam Senatus omnis de salute
 mea gravissimam & ornatissimam secutus est :
 qui populum Romanum cohortatus est : qui cùm
 de me decretum Capuæ fecisset, ipse cunctæ
 Italiæ cupienti, & ejus fidem imploranti, signum
 dedit, ut ad me restituendum Romam concurre-
 rent : omnia tum denique in illum odia civium
 ardebant desiderio mei : quem qui tum intere-
 misser, non de impunitate ejus, sed de præmiis
 cogitaretur.

cogitaretur. Tamen se Milo continuit, & P. Clodium ad iudicium bis, ad vim nunquam vocavit. Quid, Privato Milone, & reo ad populum, accusante P. Clodio, cùm in Cn. Pompeium pro
 5 Milone dicentem impetus factus est, quæ tum non modò occasio, sed etiam causa illius opprimendi fuit? Nuper verò, cum M. Antonius summam spem salutis bonis omnibus attulisset, gravissimamque adolescens nobilissimus reipublicæ partem fortissime suscepisset, atque illam belluam iudicii
 10 lãqueos declinantem jam irretitam teneret: quĩ locus, quod tempus illud, dii immortales, fuit? cùm se ille fugiens in scalarum tenebris abdideret: magnum Miloni fuit conficere illam pestem nullã
 15 suã invidiã, Antonii verò maximã gloriã? Quid? comitiis in campo quoties potestas fuit? cum ille vi in septa irruisset, gladios distringendos, lapides jaciendos curãisset, deinde subito, vultu Milonis perterritus, fugeret ad Tiberim, vos & omnes boni vota faceretis ut Miloni uti virtute suã
 20 liceret? Quem igitur cum omnium gratia noluit, hunc voluit cum aliquorum querela? quem jure, quem loco, quem tempore, quem impunè non est ausus: hunc injuriã, iniquo loco, alieno tempore, periculo capitis non dubitavit occidere?
 25 præsertim, iudices, cum honoris amplissimi contentio & dies comitiorum subesset: quo quidem tempore (scio enim quã timida sit ambitio, quantãque & quã sollicita cupiditas Consularũ)
 30 omnia non modò, quæ reprehendi palãm, sed etiam quæ obscurè cogitari possunt, timemus: rumorem, fabulam fictam, falsam perhorrescimus: ora omnium atque oculos intuemur. Nihil enim est tam molle, tam tenerum, tam aut fragile, aut
 35 flexibile, quã voluntas erga nos sensũque civium; qui non modo improbitati irascuntur candidorum

datorum, sed etiam in recte-factis sæpe fastidi-
 unt. Hunc diem igitur campi speratum atque
 exoptatum sibi proponens Milo, cruentis mani-
 bus scelus & facinus præ se ferens, & confitens,
 ad illa augusta centuriarum auspicia veniebat? 5
 quàm hoc non credibile in hoc? quàm idem in
 Clodio non dubitandum, qui se, interfecto Milone,
 regnaturum putaret? Quid quod caput audaciæ
 est, iudices: quis ignorat, *Maximam illecebram*
esse peccandi impunitatis spem? in utro igitur hæc 10
 fuit? in Milone, qui etiam nunc reus est facti
 aut præclari, aut certè necessarii? an in Clodio,
 qui ità iudicia poenamque contempserat, ut eum
 nihil delectaret, quod aut per naturam fas esset,
 aut per leges liceret? Sed quid ego argumentor? 15
 quid plura disputo? te, Q. Petilli, appello opti-
 mum, & fortissimum civem: te, M. Cato, testor:
 quos mihi divina quædam fors dedit iudices: vos
 ex M. Favonio audistis, vivo Clodio, periturum
 Milonem triduo: post diem tertium gesta res est, 20
 quam dixerat. Cum ille non dubitaret apperire
 quid cogitaret; vos potestis dubitare quid fecerit?
 Quemadmodum igitur eum dies non fefellit? dixi
 equidem modò. Dictatoris Lanuvini stata sacri-
 ficia nōsse, negotiū nīhil erat: vidit necesse esse 25
 Miloni proficisci Lanuvium illo ipso, quo profe-
 ctus est die. Itaque antevertit, at quo die? quo
 ut antè dixi, insanissima concio ab ipsius merce-
 nario tribuno plebis est concitata: quem diem ille,
 quam concionem, quos clamores, nisi ad cogita- 30
 tum facinus appropinquaret, nunquam reliquisset.
 Ergò illi nè causa quidem itineris, etiam causa
 manendi: Miloni nulla facultas manendi, exeundi
 non causa solūm, sed etiam necessitas fuit. Qui,
 si ut ille scivit Milonem fore eo die in via, sic 35
 Clodium Milo nè suspicari quidem potuit. Pri-
 mum

num quæro, qui scire potuerit? quod vos idem in Clodio quærere non potestis. Ut enim neminem alium, nisi T. Patinam familiarissimum suum rogâset? scire potuit illo ipso die Lanuvii à dictatore Milone prodi flaminem necesse esse: sed
5 erant permulti alii, ex quibus id facillimè scire posset: omnes scilicet Lanuvini. Milo de Clodii reditu unde quæsit? quæsierit sane. Videte quid vobis largiar. Servum etiam, ut Arrius
10 meus amicus dixit, corruerit. Lege testimonia testium vestrorum dixit, C. Cassinius, cognomen- ta Scola, Interamnis, familiaris meus & idem comes P. Clodii, cujus jam pridam testimonio Clodius eadem horâ Interamnæ fuerat & Romæ,
15 P. Clodium illo die in Albano mansurum fuisse: sed subito ei esse nunciatum, Cyrum architectum esse mortuum. Itaque Romam repente consti- tuisse proficisci. Dixit hoc comes item P. Clo- dii, C. Clodius. Videte, iudices, quantæ res his
20 testimoniis sint confectæ. Primum certè libera- tur. Milo: non eo consilio profectus est, ut in- fidiaretur in via Clodio: quippe qui ei obuius futurus omnino non erat. Deinde (non enim vi- deo, cur non meum agam negotium) scitis, ju-
25 dices, fuisse qui in hac rogatione suadendâ di- cerent, Milonis manu cædem esse factam, con- silio verò majoris alicujus. Videlicet me latro- nem ac ficarium abjecti homines & perditici descri- bebant. Jacent suis testibus ii, qui Clodium ne-
30 gant eo die Romam, nisi de Cyro auditum esset, rediturum fuisse. Respiravi: liberatus sum: non vereor, nè, quod nè suspicari quidem potuerim, videar id cogitasse. Nunc persequar cætera. Nam occurrer illud: nè Clodius quidem de insidiis co-
35 gitavit, quoniam fuit in Albano mansurus, siqui- dem exiturus ad cædem è villa non fuisset. Video enim

enim illum, qui dicitur de Cyri morte nunciâsse,
 non id nunciâsse, sed Milonem appropinquare.
 Nam quid de Cyro nunciaret, quem Clodius Ro-
 ma proficiscens reliquerat morientem? Unâ fui,
 testamentum simul obsignavi cum Clodio? testa- 5
 mentum autem palâm fecerat, & illum hæredem
 & me scripserat. Quem pridie horâ tertiâ ani-
 mam efflantem reliquisset, eum mortuum postri-
 die horâ decimâ ei nunciabatur? Age, sit ita fa-
 ctum: quæ causa, cur Romam properaret? cur 10
 in noctem se conjiceret? quid afferebat festina-
 tionem? quod hæres erat? primùm erat nihil
 car properato opus esset: deinde si quid esset,
 quid tandem erat, quod eâ nocte consequi pos-
 set, amitteret autem si postridie manè Romam 15
 venisset? atque ut illi nocturnus ad urbem ad-
 ventus vitandus potius, quàm expetendus fuit;
 sic Miloni, cum insidiator esset, si illum ad urbem
 noctu accessurum sciebat, subsistendum, atque
 exspectandum fuit noctu, invidioso & pleno la- 20
 tronum in loco occidisset: nemo ei neganti non
 credidisset: quem esse omnes saluum etiam con-
 fitement volunt. Sustinuisset hoc crimen pri-
 mùm ipse ille latronum occultator & receptator
 locus, dum neque muta solitudo indicâisset, ne- 25
 que cæca vox ostendisset Milonem: deinde ubi
 multî ab illo violati, spoliati, bonis expulsi, multi
 etiam hæc timentes in suspicionem caderent:
 tota denique rea citaretur Etruria. Atque illo die
 certè Aricia rediens divertit Clodius ad Alba- 30
 num. Quod nisi sciret illum Milo Ariciæ fuisset,
 suspicari tamen debuit, eum, etiamsi Romam
 illo die reverti vellet, ad villam suam, quæ viam
 rangeret, diversurum. Cur neque antè occurrit,
 nè in villa resideret; nec eo in loco subsedit 35
 quo ille noctu venturus esset; Video adhuc
 constare

constare omnia, iudices : Miloni etiam utile fuisse, Clodium vivere ; illi ad ea, quæ concupierat, optatissimum interitum Milonis fuisse : odium illius in hunc acerbissimum ; in illum hujus
5 nullum : consuetudinem illius perpetuam in vi inferenda ; hujus tantum in repellenda : mortem ab illo denunciata palam Miloni, & prædicatam ; nihil unquam auditum ex Milone : profectio-
10 nis hujus diem illi notum ; reditum illius huic ignotum fuisse : hujus iter necessarium ; illius etiam potius alienum : hunc præ se tulisse illo die Romam exiturum ; illum eo die se dissimulasse rediturum : hunc nullius rei mutasse consilium ; illam causam mutandi consilii finxisse : huic, si in-
15 sidiaretur, nocte prope urbem exspectandum ; illi, etiam si hunc non timeret, tamen accessum ad urbem nocturnum fuisse metuendum. Videamus nunc id, quod caput est : locus ad insidias ille ipse, ubi congressi sunt, utri tandem fuerit
20 aptior. Id verò, iudices, etiam dubitandum, & diutius cogitandum est ? ante fundum Clodii : quo in fundo propter insanias illas substructiones, facile mille hominum versabatur valentium. At-
25 qui excelso loco superiorem se foro putabat Milo, & ob eam causam eum locum ad pugnam potissimum delegerat. At in eo loco potius exspectandum ab eo, qui ipsius loci spe facere impetum cogitaret. Res loquitur, iudices, ipsa ; quæ semper valet plurimum. Si hæc non gesta audiretis,
30 sed picta videretis ; tamen appareret, uter esset insidiator, uter nihil cogitaret mali, cum alter veheretur in rheda penulatus, unâ sederet uxor. Quid horum non impeditissimum ? vestitus, an vehiculum, an comes ? quid minus promptum ad
35 pugnam ? cum penulâ irretitus, rhedâ impeditus, uxore penè constrictus esset. Videte nunc,
K
illum

illum primum egredientem è villa subito, Cur
 vespers? quid necesse est tardè? qui convenit
 præsertim temporis? Divertit in villam Pompeii.
 Pompeium ut videret? sciebat in Alsiensi esse
 procul inde. Villam ut perspiceret? millies in 5
 ea fuerat. Quid ergò erat moræ & tergiversa-
 tionis? dum hic veniret, locum relinquere noluit.
 Age: nunc iter expediti latronis cum Milonis im-
 pedimentis compare. Semper ille antea cum
 uxore, tum sine ea; nunquam non in rheda, 10
 tum in equo: comites Græculi, quocunque ibat,
 etiam cum in castra Etrusca properabat: tum
 nugarum in comitatu nihil. Milo, qui nunquam,
 tum casu pueros symphonicos uxoris ducebat,
 & ancillarum greges. Ille, qui semper secum 15
 scorta, semper exoletos, semper lupas ducebat,
 tum neminem, nisi ut virum à viro lectum esse
 diceret. Cur igitur victus est? quia non semper
 viator à latrone, nonnunquam etiam latro à via-
 tore occiditur; quia quanquam paratus in impa- 20
 ratos, Clodius tamen mulier inciderat in viros.
 Nec vero sic erat nunquam non paratus Milo con-
 tra illum, ut non satis fere effet paratus. Sem-
 per ille, & quantum interesset P. Clodii se peri-
 re, & quanto illi odio esset & quantum ille aude- 25
 ret, cogitabat. Quamobrem vitam suam, quam
 maximis præmiis propositam, & pæne addictam
 sciebat, nunquam in periculum sine præsidio &
 sine custodia provehebat. Adde casus, adde in-
 certos exitus pugnarum, Martemque communem: 30
 qui sæpe spoliante jam & exultante evertit &
 perculit ab abjecto. Adde inscitiam pransi, po-
 ti, oscitantis ducis: qui cum à tergo hostem in-
 terclusum reliquisset, nihil de ejus extremis co-
 mitibus cogitavit: in quos incensos irâ vitamque 35
 homini desperantes, cum incidisset, hæsit in his
 pœnis,

pœnis, quas ab eo servi fideles pro domini vita
 expetiverunt. Cur igitur eos manumisit? metue-
 bat scilicet, nè indicaretur, nè dolorem perferre
 non possent, nè tormentis cogerentur, occisum
 5 esse à servis Milonis in Appia via P. Clodium,
 confiteri. Quid opus est tortore? quid quæri
 occideritne? occidit, jure, an injuria? nihil ad
 tortorem. Facti enim in eculeo quæstio est, ju-
 ris in judicio. Quod igitur in causa quærendum
 10 est, id agamus: hoc quod tormentis invenire vis,
 id fatemur. Manu verò cur miserit, si id poti-
 ùs quæris, quàm cur parùm amplis effecerit præ-
 miis: nescis inimici factum reprehendere. Dixit
 enim hic idem, qui omnia semper constanter &
 15 fortiter, M. Cato, dixitque in turbulenta conci-
 one, quæ tamen hujus auctoritate placata est, non
 libertate solùm, sed etiam omnibus præmiis dig-
 nissimos fuisse, qui domini caput defendissent.
 Quod enim præmium satis magnum est tam bene-
 20 volis, tam bonis, tam fidelibus servis, propter
 quos vivit? etsi id quidem non tanti est, quàm
 quod propter eosdem, non sanguine & vulneri-
 bus suis crudelissimi inimici mentem oculosque
 fatiavit. Quos nisi manu misisset, tormentis etiam
 25 dedendi fuerunt conservatores domini, ultores
 sceleris, defensores necis? Hic verò nihil habet
 in his malis quod mindus molestè ferat, quàm, e-
 tiamsi, quid ipsi accidat, esse tamen illis meritum
 præmium persolutum. Sed quæstiones urgent
 30 Milonem, quæ sunt habitæ nunc in atrio Liberta-
 tis; quibusnam de servis? rogas? de P. Clodii.
 Quis eos postulavit? Appius. Quis produxit?
 Appius, unde? ab Appio. Dii boni, quid po-
 test agi severiùs? de servis nulla quæstio est in
 35 dominum, nisi de incestu, ut fuit in Clodium.
 Proximè * deos accessit Clodius, propiùs quàm

rum, cùm ad ipsos penetrârat, cujus de morte
 tanquam de ceremoniis violatis quæritur. Sed
 tamen majores nostri in dominum de servo quæri
 noluerunt, non quia non posset verum inveniri,
 sed quia videbatur indignum esse, & domini mor- 5
 te ipsâ tristius. In reum de servis accusatoris
 cum quæritur, verum inveniri potest? Age verò,
 quæ erat aut qualis quæstio? heus, * ubi Buscio,
 ubi Casca? Clodius insidias fecit Miloni? fecit
 certa crux, nullas fecit: sperata libertas. Quid 10
 hac quæstione certius? subito arepti in quæstio-
 nem, tamen separantur à cæteris, & in arcas con-
 jiciuntur, ne quis cum iis colloqui possit. Hi cen-
 tum dies penès accusatorem cùm fuissent, ab eo
 ipso accusatore producti sunt. Quid hac quæsti- 15
 one dici potest integriùs? quid incorruptiùs?
 Quod si nondum satis cernitis, cùm res ipsa tot
 tam claris argumentis signisque luceat, purâ
 mente atque integrâ Milonem, nullo scelere im-
 burum, nullo metu perterritum, nulla conscien- 20
 tiâ exanimatum, Romam revertisse: recordamini,
 per deos immortales, quæ fuerit celeritas reditùs
 ejus? qui ingressus in forum, ardente curiâ? quæ
 magnitudo animi? qui vultus? quæ oratio? Ne-
 que verò se populo solum, sed etiam Senatui tra- 25
 didit: neque Senatui modò, sed etiam publicis
 præfidiis & armis: neque his tantum, verum eti-
 am ejus potestati, cui Senatus totam rempublicam,
 omnem Italiæ pubem, cuncta populi Romani ar-
 ma commiserat. Cui se nunquam profectò tra- 30
 didisset, nisi causæ suæ consideret, præsertim
 omnia audienti, magna metuenti, multa suspican-
 ti, nonnulla credenti. Magna vis est conscien-
 tiæ, judices, & magna in utramque partem: ut
 neque timeant, qui nihil commiserint; & pœ- 35
 nam semper ante oculos versari putent, qui pec-
 cârint.

cârint. Neque verò sine ratione certâ, causâ
 Milonis semper à Senatu probata est. Videbant
 enim sapientissimi homines facti rationem, præ-
 sentiam animi, defensionis constantiam. An ve-
 5 rô oblitis estis, iudices, recenti illo nuncio necis
 Clodianæ, non modò inimicorum Milonis sermo-
 nes, & opinionones, sed nonnullorum etiam impe-
 ritorum, qui negabant eum Romam esse reditu-
 rum? Sive enim illud animo irato ac percito fe-
 10 cisset, ut incensus odio trucidaret, inimicum;
 arbitrabantur eum tanti mortem P. Clodii putâsse,
 ut æquo animo patriâ careret, cum sanguine ini-
 mici expleffet odium suum: sive etiam illius mor-
 te patriam liberare voluisset; non dubitaturum
 15 fortem virum, quin, cùm suo periculo salutem
 reipublicæ attulisset, cederet æquo animo legi-
 bus, secum auferret gloriam sempiternam, nobis
 hæc fruenda relinqueret, quæ ipse servasset. Mul-
 ti etiam Catilinam atque illa portenta loqueban-
 20 tur; Erumpet, occupabit aliquem locum, bel-
 lum patriæ faciet. Miseros interdum cives opti-
 mē de republica meritos, in quibus homines non
 modò res præclarissimas obliviscuntur, sed etiam
 nefarias suspicantur! Ergò illa falsa fuerunt, quæ
 25 certè vera existissent, si Milo admisisset ali-
 quid, quod non posset honestè verèque defende-
 re. Quid? quæ postea sunt in eum congesta?
 quæ quamvis etiam mediocrium delictorum con-
 scientiam perculissent, ut sustinuit, dii immorta-
 30 les! sustinuit? imò verò ut contempsit; ac pro ni-
 hilo putavit, quæ neque maximo animo nocens,
 neque innocens, nisi fortissimus vir, negligere
 potuisset! scutorum, gladiatorum, frænorum, spa-
 rorum, pilorumque etiam multitudo deprehendi
 35 posse judicabatur: nullum in urbe vicum, nullum
 angiportum esse dicebant, in quo Miloni non esset

conducta domus : arma in villam Otricularnam de-
 vecta, Tiberi domus in clivo Capitolino scutis
 referta : plena omnia malcolorum ad urbis in-
 cendia comparatorum. Hæc non delata solùm,
 sed pænè credita : nec antè repudiata sunt, quàm 5
 quæsitæ. Laudabam equidem incredibilem dili-
 gentiam Cn. Pompeii ; sed dicam, ut sentio, ju-
 dices. Nimis multa audire coguntur, neque ali-
 ter facere possunt ii, quibus tota commissa est res
 publica. Quinetiam audiendus sit Popa Licini- 10
 us nescio quis de Circo maximo, servos Milonis
 apud se ebrios factos, sibi confessos esse, de in-
 terficiendo Cn. Pompeio conjurâsse, deinde po-
 stea se gladio percussum esse ab uno de illis, nè
 indicaret. Pompeio in hortis nunciavit. Acces- 15
 sor in primis de amicorum sententia. Rem de-
 fert ad Senatum, non poteram in illius, mei, pa-
 triæque custodis, tantâ suspicione non metu ex-
 animari : sed mirabar tamen credi Popæ : ebrio-
 rum confessionem servorum audiri : vulnus in 20
 latere, quod acu punctum videretur, pro ictu gla-
 diatoris putari. Verùm tamen, ut intelligo, ca-
 vebat magis Pompeius, quàm timebat, non ea
 solùm, quæ timenda erant, sed omnia, nè ali-
 quid vos timeritis. Oppugnata domus C. Cæsa- 25
 ris, clarissimi & fortissimi viri, per multas no-
 ctis horas nunciabatur : nemo audierat tam cele-
 bri loco, nemo senserat : tamen audiebatur. Non
 poteram Cn. Pompeium præstantissimâ virtute ci-
 vem timidum suspicari : diligentiam, totâ repub- 30
 licâ susceptâ, nimiam nullam putabam. Frequen-
 tissimo Senatu nuper in Capitolio Senator invictus
 est, qui Milonem cum telo esse diceret. Nuda-
 vit se in sanctissimo templo, quoniam vita talis &
 civis, & viri fidem non faciebat, nisi, eo tacente, 35
 res ipsa loqueretur. Omnia falsa, atque insidiosè
 ficta

ficta comperta sunt. Quod si tamen metuitur
etiam nunc Milo, non hoc jam Clodianum cri-
men timemus, sed tuas, Cn. Pompei (te enim
jam appello eâ voce, ut me audire possis) tuas,
5 inquam, suspiciones perhorrescimus. Si Milo-
nem times, si hunc de tua vita nefariè aut nunc
cogitare, aut molitum aliquando aliquid putas; si
Italiæ delectus, ut nonnulli conquisitores tui di-
ctitant, si hæc arma, si Capitolinæ cohortes, si
10 excubiæ, si vigiliæ, si delecta iuventus, quæ tuum
corpus domumque custodit, contra Milonis impe-
tum armata est, atque illa omnia in hunc unum
instituta, parata, intenta sunt: magna in hoc cer-
tè vis, & incredibilis animus, & non unius viri
15 vires atque opes indicantur, si quidem in hunc
unum & præstantissimus dux electus, & tota res-
publica armata est. Sed quis non intelligit,
omnes tibi reipublicæ partes agras, & labantes,
ut eas his armis sanares, & confirmares, esse com-
20 missas. Quod si Miloni locus datus esset pro-
bâsset profecto tibi, ipse neminem unquam ho-
minem homini cariorem fuisse, quàm te sibi: nul-
lum se unquam periculum pro tua dignitate fugis-
se: cum illa ipsa teterrima peste sæpissime pro
25 tui gloria contendisse: tribunatum suum ad salu-
tem meam, quæ tibi carissima fuisset, consiliis tu-
is gubernatum: se à te postea defensum in peri-
culo capitis, adjutum in petitione præturæ: du-
os se habere semper amicissimos sperâsse, te tuo
30 beneficio, me suo. Quæ si non probaret, si
tibi ità penitus insēdisset ista suspicio, nullo ut
evelli modo posset: si denique Italia à delectu,
urbs ab armis, sine Milonis clade nunquam esset
conquietura: nè iste haud dubitans cessisset pa-
35 tria; is, qui ità natus est, & ità consuevit, te,
Magne, tamen attestaretur; quod nunc etiam fa-

cit. Vide, quàm sit varia vitæ commutabilisque
 ratio, quàm vaga volubilisque fortuna, quanta
 infidelitates in amicis, quàm ad tempus aptæ simu-
 lationes, quanta in periculis fugæ proximorum,
 quanta timiditates ! Erit, erit illud profectò 5
 tempus, & illucescet aliquando ille dies, cum tu
 salutaribus, ut spero, rebus tuis, sed fortasse mo-
 tu aliquo communium temporum immutatus,
 (qui quàm crebrò accidat, experti debemus sci-
 re) & amicissimi benevolentiam, & gravissimi 10
 hominis fidem, & unius post homines natos for-
 tissimi viri magnitudinem animi desideres. Quan-
 quam quis hoc credat, Cn. Pompeium juris pub-
 lici, moris majorum, rei denique publicæ peri-
 tissimum, cum Senatus ei commiserit, ut videret, 15
 nè quid respublica detrimenti caperet, (quo uno
 versiculo satis armati semper Consules fuerunt,
 etiam nullis armis datis) hunc exercitu, hunc de-
 lectu dato, judicium expectaturum fuisse in ejus
 consiliis vindicandis, qui vel judicia ipsa tolleret? 20
 satis judicatum est à Pompeio, falsò ista conferri
 in Milonem, qui legem tulit, quâ, ut ego sen-
 tio, Milonem absolvi oporteret, ut omnes confi-
 tentur, liceret. Quod vero in illo loco atque in
 illis publicorum præsidiorum copiis circumfusus 25
 fedet, satis declarat, se non terrorem inferre vo-
 bis (quid enim illo minùs dignum quàm cogere,
 ut vos eum condemnetis, in quem animadver-
 tere ipse, & more majorum, & suo jure posset?)
 sed præsidio esse : ut intelligatis, contra hester- 30
 nam concionem illam licere vobis quod sentiatís,
 liberè judicare. Nec verò me, judices, Clodia-
 num crimen movet : nec tam sum demens, tam-
 que vestri sensus ignarus, atque expers, ut ne-
 sciam, quid de morte Clodii sentiatís. De qua 35
 si jam nollem ità diluere crimen, ut dilui, tamen
 impunè

impunè Miloni palàm clamare atque mentiri gloriosè liceret : Occidi, occidi, non Sp. Melium, qui, annona levandâ, jacturisque rei familiaris, quia nimis amplecti plebem putabatur, in suspicionem incidit regni appetendi : non Tiberium Gacchum, qui collegæ magistratum per seditionem abrogavit : quorum interfectores implerunt orbem terrarum nominis sui gloriâ : sed eum (auderet enim dicere, cùm patriam periculo suo liberasset) cujus nefarium adulterium in pulvinari-
 10 bus sanctissimis nobilissimæ foeminæ comprehenderunt : eum, cujus supplicio Senatus solennes religiones expiandas sæpe censuit : eum, quem cùm sorore germana nefarium stuprum fecisse L.
 15 Lucullus juratus, se, quæstionibus habitis, dixit comperisse : eum, qui civem, quem Senatus, quem populus, quem omnes gentes, urbis ac vitæ civium conservatorem judicabant, servorum armis exterminavit : eum, qui regna dedit, demit ; or-
 20 bem terrarum, quibuscum voluit, partitus est : eum, qui, pluribus sedibus in foro factis, singulari virtute & gloriâ civem, domum vi & armis compulit : eum, cui nihil unquam nefas fuit nec in facinore, nec in libidine : eum, qui ædem
 25 Nympharum incendit, ut memoriam publicæ recensionis tabulis publicis impressam extingueret : eum denique, cui jam nulla lex erat, nullam civile jus, nulli possessionum termini, qui non calumniâ litium, non injustis vindiciis ac sacramen-
 30 tis alienos fundos, sed castris, exercitu, signis inferendis, petebat : qui non solum Etruscos (eos enim penitus contempserat) sed hunc Cn. Pompeium, virum fortissimum, atque optimum civem judicem nostrum, pellere possessionibus, ar-
 35 mis castrisque conatus est : qui cum architectis & decempedis villas multorum hortosque peragra-

bat : qui janiculo & Alpibus spem possessionum
 terminabat suarum : qui cum ab equite Romano,
 splendidissimo & forti viro, T. Pacanio, non im-
 petrasset, ut insulam in lacu pretio venderet, re-
 pentè lustribus in eam insulam materiam, cal- 5
 cem, camenta atque * arenam convexit ; Domi-
 nòque trans ripam inspectante, non dubitavit æ-
 dificium extruere in alieno : qui huic T. Fursanio
 (cui viro, dii immortales ! quid enim de mulier-
 cula Sanctia ? quid de adolescente Apronio, di- 10
 cam ? quorum utrique mortem est minitatus, nisi
 sibi hortorum possessione cessisset) sed ausus est
 Fursanio dicere, si sibi pecuniam, quantum po-
 poscerat, non dedisset, mortuum se in domum
 ejus illaturum ; quâ invidiâ huic esset tali viro 15
 conflagrandum : qui Appium fratrem, hominem
 mihi conjunctum fidelissimâ gratiâ, absentem de
 possessione fundi dejecit ; qui parietem sic per
 vestibulum sororis instituit ducere, sic agere fun-
 damenta, ut sororem non modò vestibulo priva- 20
 ret, sed omni aditu & * limine. Quanquam hæc
 quidem jam tolerabilia videbantur : etsi æquabi-
 liter in rempublicam, in privatos, in longinquos,
 in propinquos, in alienos, in suos irruebat, sed
 nescio quomodo jam usu obduruerat, & percal- 25
 luerat, civitatis incredibilis patientia. Quæ ve-
 rò aderant jam, & impendebant, quonam modo
 ea aut depellere potuissetis, aut ferre imperium,
 si id ille nactus esset ? Omitto socios, exterarum
 nationes, reges, tetrarchas. Vota enim fecera- 30
 tis, ut in eos se potius * mitteret quàm in ve-
 stras possessiones, vestra recta, vestras pecunias,
 * pecunias dico ? à liberis mediis fidiis, ac con-
 jugibus vestris, nunquam ille effrenatas suas libi-
 dines cohibuisset. Fingi hæc putatis, quæ patent, 35
 quæ nota omnibus, quæ tenentur : servorum ex-
 ercitus

ercitus illum in urbe conscripturum fuisse, per
 quos totam rempublicam resque privatas omnium
 possideret? Quamobrem, si cruentum gladium
 tenens clamaret T. Annius. Adeste, quæso, atque
 5 audite, cives: P. Clodium interfeci: ejus furores,
 quos nullis jam legibus, nullis judiciis frænare po-
 teramus, hoc ferro & hac dextrâ à cervicibus ve-
 stris repuli: per me unum * effectum est, ut jus,
 æquitas, leges, libertas, pudor, pudicitia in civi-
 10 tate manerent: * Enimvero timendum, quonam
 modo id * factum ferret civitas. Nunc enim
 quis est, qui non probet? qui non laudet? qui
 non unum post hominum memoriam T. Annium
 plurimum reipublicæ profuisse, maximâ lætitiâ
 15 populum Romanum, cunctam Italiam, nationes
 omnes affecisse, & dicat, & sentiat? * Nequeo
 vetera illa populi Romani, quanta fuerint gaudia,
 indicare: multas tamen jam summorum impera-
 torum clarissimas victorias ætas nostra vidit, qua-
 20 rum nulla neque tam diuturnam attulit lætitiâ,
 nec tantam. Mandare hoc memoriæ, judices:
 spero, multa vos, liberòsque vestros, in repub-
 lica bona esse visuros. In his singulis ita semper
 existimabitis, vivo P. Clodio, nihil horum vos
 25 visuros fuisse. In spem maximam, & quemad-
 modum confido, verissimam, adducti sumus, hunc
 ipsum annum, hoc summo viro Consule, concussâ
 hominum licentiâ, cupiditatibus fractis, legibus &
 judiciis constitutis, salutare civitati fore. Num
 30 quis igitur est tam demens, qui, hoc P. Clodio vi-
 vo, contingere potuisse arbitretur? Quid? ea,
 quæ tenetis, privata, atque vestra, dominante ho-
 mine furioso, quod jus perpetuæ possessionis ha-
 bere potuissent? Non timeo, judices, nè odio
 35 inimicitiarum mearum inflammatus, libentius hæc
 in illum evomere videar, quam verius. Etenim
 erit

et si præcipuum esse debebat, tamen ita commu-
 nis erat omnium ille hostis, ut in communi odio
 parè æqualiter versaretur odium meum. Non po-
 test dici satis, nè cogitari quidem, quantum in illo
 sceleris, quantum exitii fuerit. Quin sic attendite, 5
 iudices, nempe hæc est quæstio de interitu P. Clo-
 dii, fingite animis. Liberæ enim sunt cogitatio-
 nes nostræ, & quæ volunt, sic inveniuntur, ut ea cer-
 nimus, quæ videmus. Fingite igitur cogitatione
 imaginem hujus conditionis meæ si possem effice- 10
 re, ut Milonem absolvatis: sed ita si P. Clodius
 revixerit. Quid vultu excimuisitis? quonam mo-
 do ille vos vivus affecerat, qui mortuus inani co-
 gitatione percussit? quid? si ipse Cn. Pompeius,
 qui eâ virtute ac sapientiâ est, ut ea potuerit 15
 semper, quæ nemo præter illum; si is, inquam,
 potuisset, ut, quæstionem de morte P. Clodii
 ferre, sic ipsum ab inferis excitare: utrum puta-
 tis facturum fuisse? etiamsi propter amicitiam
 vellet illum ab inferis revocare, propter repub- 20
 licam non fecisset. Ejus igitur mortis sedetis ul-
 tores, cujus vitam, si putetis per vos restitui pos-
 se, nolitis: & de ejus necè lata quæstio est, qui si
 eadem lege reviviscere posset, lata lex nunquam
 esset. Hujus ergo interfector non esset etiam con- 25
 fitendo ab iis impetraturus, nè poenam timeret,
 quos liberavisset? Græci homines deorum hono-
 res tribuunt iis viris, qui tyrannos necaverunt.
 Quæ ego vidi Athenis? quæ aliis in urbibus Græ-
 ciæ? quas res divinas talibus institutas viris? 30
 quos cantus? quæ carmina? propè ad immorta-
 litatem, & religionem, & memoriam consecrantur.
 Vos tanti conservatorem populi; tanti sceleris ul-
 rorem non modò honoribus nullis afficietis, sed
 ad supplicium rapi etiam patiemini? Confitere- 35
 tur, confiteretur, inquam, si fecisset, & magno
 animo,

animo, & libenter, se fecisse, libertatis omnium
 causâ: quod certè ei non confitendum modò fu-
 isset, verùm etiam prædicandum. Etenim si id
 non negat, ex quo nihil petit, nisi ut ignoscatur;
 5 dubitaret id fateri, ex quo etiam præmiâ laudis
 essent petenda? nisi verbò gratius putat esse vobis,
 sui se capitis, quàm vestri ordinis defensorem fu-
 isse: cum præsertim in ea confessione, si grâti esse
 velleris, honores assequeretur amplissimòs: sin
 10 factum nobis non probaretur? (quanquam qui po-
 terat salus sua cuique non probare?) Sed tamen
 si minùs fortissimi viri virtus civibus grata occidis-
 set, magno animo eòstantique cederet ex ingrata
 civitate. Nam quid esset ingratius, quàm latari
 15 ceteros, lugere eum solum, propter quem ceteri
 latarentur? Quanquam hoc animo semper omnes
 fuimus in patriæ proditoribus opprimendis; ut,
 quoniam nostra futura esset gloria, periculum quo-
 que, & invidiam nostram putaremus, nam quæ mi-
 20 hi contribuenda laus esset ipsi, cùm tantum in
 Consulatu meo pro vobis ac liberis vestris ausus
 essem, si id, quod conabar, sine maximis dimica-
 tionibus meis me esse ausurum arbitrarer? quæ mu-
 lier sceleratum ac perniciosum civem occidere non
 25 auderet, si periculum non timeret? Propositâ in-
 vidiâ, morte, poenâ, qui nihilo segniùs, rempub-
 licam defendit, is vir verè putandus est. Populi
 grati est, præmiis afficere bene-meritos de repub-
 lica cives: viri fortis, nè suppliciis quidem move-
 30 ri, ut fortiter fecisse poeniteat. Quàmobrem ute-
 retur eâdem confessione T. Annius, quâ Ahala, quâ
 Naffica, quâ Opimius, quâ Marius, quâ nosmetipsi:
 & si grata respublica esset, lataretur: si ingrata
 tamen in gravi fortuna, conscientia suâ niteretur.
 35 Sed hujus beneficii gratiam, iudices, fortuna po-
 puli Romani, & vestra felicitas, & dii immortales
 sibi

sibi debere putant. Nec verò quisquam aliter arbi-
 trari potest, nisi qui nullam vim cœlestem existi-
 mat, numénve divinum : quem neque imperii ve-
 stri magnitudo, neque sol ille, nec cœli & signo-
 rum motus, nec vicissitudines rerum atque ordines 5
 movent, neque id, quod maximum est, majorum
 sapientia ; qui sacra, qui ceremonias, qui auspicia
 & ipsi sanctissimè coluerunt, & nobis suis posteris
 prodiderunt. Est, rest profectò illa vis ; neque in
 his corporibus atque in hac imbecillitate nostra 10
 inest quiddam, quod vigeat, & sentiat, & non in-
 est in hoc tanto naturæ tam præclara motu nisi for-
 tè idcirco esse non putant, quia non apparet, nec
 cernitur ; perinde quâsi nostram ipsam mentem,
 quâ sapimus, quâ providemus, quâ hæc ipsa agi- 15
 mus, ac dicimus, videre aut planè qualis, aut ubi
 sit, sentire possimus. Ea vis, ea est igitur, quæ sæ-
 pe incredibiles huic urbi felicitates atque opes at-
 tulit ? quæ illam Perniciem extinxit ac sustulit :
 cui primum mentem iniecit, ut vi irritare ferro- 20
 que laceffere fortissimum virum auderet, vincere-
 turque ab eo, quem si vicisset, habiturus esset im-
 punitatem & licentiam sempiternam. Non est hu-
 mano consilio, nè mediocri quidem, iudices, de-
 orum immortalium curâ, res illa perfecta : religio- 25
 nes mehercule ipsæ, aræque, cùm illam belluam
 cadere viderunt, commovisse se videntur, & jus in
 illo suum retinuisse. Vos enim Albani tumuli, atque
 luci, vos, inquam, imploro, atque obtestor, vósque
 Albanorum obrutæ aræ, sacrorum populi Romani 30
 sociæ, & æquales, quas ille præceps amentia, cæsis,
 prostratisque sanctissimis lucis, substructionum in-
 sanis molibus oppresserat : vestræ tum aræ, vestræ
 religiones viguerunt, vestra vis valuit, quam ille
 omni scelere polluerat : túque, ex tuo edito monte, 35
 Latialis, sancte Jupiter, cujus ille lucus, nemora, fi-
 nésque

nésque sæpe omni nefario stupro & scelere macu-
 lârât, aliquando, ad eum puniendum oculos aperu-
 isti : vobis illi, vobis vestro in conspectu serâ, sed
 justâ ramen, & debitâ pœnâ solutâ sunt. Nisi for-
 5 tē hoc etiam casu factum esse dicimus, ut ante ip-
 sum sacrarium Bonæ deæ, quod est in fundo T.
 Sexti Galli, in primis honesti & ornatî adolescen-
 tis, ante ipsam, inquam, Bonam deam, cū præli-
 um commisisset, primū illud vulnus acceperit,
 10 quo teterrimam mortem obiret : ut non absolu-
 tus judicio illo nefario videretur, sed ad hanc in-
 signem pœnam reservatus. Nec verò non eadem
 ira deorum hanc ejus satellitibus injecit amentiam,
 ut sine imaginibus, sine cantu, sine ludis, sine ex-
 15 equis, sine lamentis, sine laudationibus, sine fu-
 nere, oblitus cruore & luto, spoliatus illius supre-
 mi diei celebritate, quam concedere etiam inimi-
 ci solent, ambureretur, etiam abjectus. Non fu-
 isse credo fas clarissimorum viorum formas illi
 20 teterrimo patriciæ aliquid decoris afferre ; ne-
 que ullo in loco potius mortem ejus lacerari, quàm
 in quo vita esset damnata. Dura mihi mediis fi-
 dius jam fortuna pòpuli Romani & crudelis vide-
 batur, quæ tot annos illum in hanc rempublicam
 25 insultare videret & patiretur : polluerat stupro
 sanctissimas religiones : Senatûs gravissima decreta
 perfregerat : pecuniâ se palâm à judicibus rede-
 merat : vexârat in tribunatu Senatum : omnium
 ordinum consensu pro salute reipublicæ gesta re-
 30 sciderat . me partiâ expluerat ; bonâ diripuerat,
 domum incenderat, liberos, conjugem meam vex-
 averat : Cneo Pompeio nefarium bellum indixe-
 rat : magistratuum privatorumque cædes effece-
 rat : domum mei fratris incenderat : vastârat Etru-
 35 riam : multos sedibus ac fortunis ejecerat : instab-
 at, urgebat : capere ejus amentiam civitas, Ita-
 lia,

lia, provinciæ, regna non poterant. Incidebantur jam domi leges, quæ nos nostris servis addicerent : nihil erat cuiusquam, quod quidem ille adamasset, quod non hoc anno suum fore putaret. Ob-
 stabat ejus cogitationibus nemo, illum præter Mi-
 lonem ipsum, qui poterat obstare : Cn. Pompeium
 novo reditu in gratiam quasi devinctum arbitra-
 batur : Cæsaris potentiam, suam potentiam esse
 dicebat : bonorum animos etiam in meo casu con-
 tempserat : Milo unus urgebat. Hic, dii immorta-
 les, ut suprâ dixi, mentem dederunt illi perdito,
 ac furioso, ut huic faceret insidias : aliter perire
 pestis illa non potuit. Nunquam illum res publi-
 ca suo jure esset ulta. Senatus, credo, prætorem
 eum circumscripsisset. Nec cum solebat quidem
 id facere in privato eodem hoc, aliquid profecerat.
 An Consules in prætore coercendo fortes fu-
 issent ? primùm, Milone occiso, habuisset suos
 Consules. Deinde, quis in eo prætore Consul for-
 tis esset, per quem tribunum, virum Consularem,
 crudelissimè necatum esse meminisset ? omnia pos-
 sideret, teneret lege novâ, quæ est inventa apud
 eum cum reliquis legibus Clodianis : servos no-
 stros libertos suos fecisset. Postremò, nisi eum,
 dii imortales in eam mentem impulissent, ut ho-
 mo effœminatus fortissimum virum conaretur oc-
 cidere, hodie rempublicam nullam haberetis. An
 ille Prætor, ille verò Consul, si modò hæc tem-
 pla atque ipsa mœnia stare, eo vivo, tamdiu, &
 Consulatum ejus exspectare potuissent, ille deni-
 que vivas, mali nihil fecisset, qui mortuus, uno
 ex suis satellitibus Sext. Clodio duce, curiam in-
 cenderit ? quo quid miserius, quid acerbius, quid
 luctuosius vidimus ? templum sanctitatis, ampli-
 tudinis, mentis, consilii publici, caput urbis, a-
 ram sociorum, portum omnium gentium, sedem

ab universo populo Romano concessam uni ordini,
 inflammari, excindi, funestari? neque id fieri à
 multitudine imperitâ, (quanquam esset miserum
 id ipsum) sed ab uno, qui, cum tantum ausus sit
 5 ultor pro mortuo, quid signifer pro vivo non esset
 ausus? In curiam potissimum abiecit, ut eam mor-
 tuus incenderet, quàm vivus everterat, & sunt qui
 de via Appia quærantur, taceant de curia: Ecquan-
 do ab eo spirante forum potuisset defendi, cujus
 10 non resisterit cadaveri curia? Excitate, excita-
 te eum, si potestis, ab inferis: frangetis impetum
 vivi, cujus vix sustinetis furias insepulti? nisi verò
 sustinuistis eos, qui cum falcibus ad Castoris, cum
 gladiis toto foro volitârunt. Cædi vidistis popu-
 15 lum Romanum, concionem gladiis disturbari, cum
 audiretur silentio M. Cælius tribunus plebis, vir for-
 tissimus, & in suscepta causa firmissimus, & bono-
 rum voluntati & auctoritati Senatûs deditus, & in
 hac Milonis sive invidiâ, sive fortunâ, singulari, di-
 20 vinâ, & incredibili fide. Sed jam satis multa de
 causâ, extra causam etiam nimis fortasse multa.
 Quid restat? nisi ut orem, obtestêrque vos, Judices,
 ut eam misericordiam tribuatis fortissimo viro,
 quam ipse non implorat: ego autem, repugnante
 25 hoc, & imploro, & exposco. Nolite, si in nostro
 omnium fletu nullam lacrymam aspexistis Milo-
 nis, si vultum semper eundem, si vocem, si orati-
 onem stabilem ac non mutatam videtis, hoc minùs
 ei parcere: atque haud scio, an multò etiam sit ad-
 30 juvandus magis. Etenim, si in gladiatoris pugnis,
 & infimi generis hominum conditione atque fortu-
 na, timidos, & supplices, & ut vivere liceat, obse-
 crantes, etiam odisse solemus; fortes, & animosos,
 & se acriter ipsi morti offerentes, servare cupimus,
 35 eorûmque nos magis miseret, qui nostram miseri-
 cordiam non requirunt, quàm qui illam efflagitant:
 quanto

quanto hoc magis in fortissimis civibus facere debemus? Me quidem, iudices, exanimant & interimunt hæ voces Milonis, quas audio assidue, & quibus intersum quotidie: Valeant, inquit, valeant cives mei: sint incolumes, sint florentes, sint be-
 5
 ati: stet hæc urbs præclara, mihiq; patria carissima, quoquo modo merita de me erit. Tranquilla republica cives mei (quoniam mihi cum illis non licet) sine me ipsi, sed per me tamen, perfruantur. Ego cedam, atque abibo, si mihi republica
 10
 bonâ frui non licuerit; at carebo malâ: & quamprimum retigero bene moratam & liberam civitatem, in ea conquiescam. O frustra, inquit, suscepti mei labores! O spes fallaces! O cogitationes inanes meæ! ego cum tribunus plebis, republica op-
 15
 pressâ, me Senatui dedissem, quem extinctum acceperam; equitibus Romanis, quorum vires erant debiles; bonis viris, qui omnem auctoritatem Clodianis armis abjecerant: mihi unquam bonorum præsidium defuturum putarem? Ego cum te (me-
 20
 cum enim sæpissime loquitur) patriæ reddidissem, mihi non futurum in patria putarem locum? Ubi nunc Senatus est, quem secuti sumus? ubi equites Romani, illi, illi, inquit, tui? ubi studia municipiorum? ubi Italiæ voces? ubi denique tua, M. Tul-
 25
 li, quæ plurimis fuit auxilio vox, & defensio? mihine ea soli, qui pro te toties morti me obtuli, nihil potest opitulari? Nec verò hæc, iudices, ut ego nunc, flens, sed hoc eodem loquitur vultu, quo videris. Negat enim se, negat ingratis civi-
 30
 bus fecisse, quæ fecit: timidus, & omnia circumspicientibus pericula, non negat. Plebem, & infimam multitudinem, quæ, P. Clodio duce, fortunis vestris imminebat, eam quò tutior esset vita vestra, se fecisse commemorat, ut non modò virtute
 35
 flecteret, sed etiam tribus suis patrimoniis deliniret:

ret : nec timet, nè, cum plebem muneribus placâ-
rit, vos non conciliâri meritis in rempublicam sin-
gularibus. Senatûs erga se benevolentiam tempo-
ribus his ipsis sæpe esse perspectam : vestras verò,
3 & vestrorum ordinum occursationes, studia, ser-
mones, quemcumque cursum fortuna dederit se-
cum se ablaturum esse dicit. Meminit etiam sibi
vocem præconis modo defuisse, quam minimè de-
siderarit : populi verò cunctis suffragiis, quod u-
10 num cupierit, se Consulem declaratum : nunc de-
nique si hæc arma contra se sint futura, sibi faci-
noris suspicionem, non facti crimen obstarè. Addit
hæc, quæ certè vera sunt, fortes & sapientes viros
non tam præmia sequi solere rectè factorum, quàm
15 ipsa rectè facta : se nihil invita, nisi præclarissimè,
fecisse ; si quidem nihil sit præstabilius viro quàm
periculis patriam liberare : beatos esse, quibus ea
res honori fuerit à suis civibus : nec tamen eos
miseros, qui beneficio cives suos vicerint. Sed ta-
20 men ex omnibus præmiis virtutis, si esset haben-
da ratio præmiorum, amplissimum esse præmium,
gloriam : esse hanc unam quæ brevitatem vitæ po-
steritatis memoria consolaretur : quæ efficeret, ut
absentes adessemus, mortui viveremus : hanc de-
25 nique esse, cujus gradibus etiam homines in cœ-
lum videantur ascendere. De me, inquit, semper
populus Romanus, semper omnes gentes loquen-
tur, nulla nunquam obmutescet vetustas. Quin hoc
tempore ipso, cùm omnes à tuis inimicis faces in-
30 vidia meæ subjiciuntur : tamen omni in hominum
coetu gratiis agendis, & gratulationibus habendis,
& omni sermone celebramur. Omitto Etruriæ fe-
stos, & actos, et institutos : dies centesima lux est
hæc ab interitu P. Clodii, & opinor, ultra quàm
35 fines imperii populi Romani sunt, non solum fama
jam de illo, sed etiam lætitia peragravit. Quamob-
rem

rem ubi corpus hoc sit, non, inquit, laboro, quoniam omnibus in terris & jam versatur, & semper habitabit nominis mei gloria. Hæc tu mecum sæpe his absentibus : sed iisdem audientibus, hæc ego tecum, Milo. Te quidem, quod isto animo es, satis laudare non possum : sed quo est ista magis divina virtus, eò majore à te dolore divellor. Nec verò, si mihi eriperis, reliqua est illa tamen ad consolandum querela, ut his irasci possim, à quibus tantum vulnus accepero. Non enim inimici mei te mihi eripient, sed amicissimi : non malè aliquando de me meriti, sed semper optimè. Nullum unquam, judices, mihi tantum dolorem inuretis ; (etsi, quis potest esse tantus ?) Sed nè hunc quidem ipsum, ut obliviscar, quanti me semper, feceritis ; quæ si vos cepit oblivio, aut si in me aliquid offendistis, cur non id meo capite potius luitur, quàm Milonis ? Præclarè enim vixero, si quid mihi acciderit priùs, quàm hoc tantum mali videro. Nunc me una consolatio sustentat, quòd tibi, O T. Anni, nullum à me amoris, nullum studii, nullum pietatis officium defuit. Ego inimicitias potentium prote appetivi : ego meum sæpe corpus & vitam objeci armis inimicorum tuorum : ego me plurimis pro te supplicem abjeci : bona, fortunas meas ac liberorum meorum in communionem tuorum temporum contuli : hoc denique ipso die, si qua vis est parata, si qua dimicatio capitis futura, deponco. Quid jam restat ? quid habeo, quod dicam, quod faciam pro tuis in me meritis : nisi ut eam fortunam, quæcunque erit tua, ducam meam ? Non recuso, non abnuo ; vosque obsecro, judices, ut vestra beneficia, quæ in me contulistis, aut hujus salute augeatis, aut in ejusdem exitio occasura esse jubeatis. His lacrymis non movetur Milo ; est quodam incredibili robore animi seprus. Exilium ibi esse

esse putat, ubi virtuti non sit locus : mortem naturæ finem esse, non poenam. Sed hic eâ mente quâ natus est. Quid vos, iudices : quo tandem animo eritis ? memoriam Milonis retinebitis, ejicietis ? & 5 erit dignior locus in terris ullus, qui hanc virtutem excipiat, quàm hic, qui procreavit ? Vos, vos appello, fortissimi viri, qui multum pro republica sanguinem effudistis : vos in viri & in civis invicti appello periculo, centuriones, vósque milites : vobis 10 non modo inspectantibus, sed etiam armatis, & huic judicio præsidentibus, hæc tanta virtus ex hac urbe expelletur ? exterminabitur ? ejicietur ? O me miserum ! O me infelicem ! revocare tu me in patriam, Milo, potuisti per hos ; ego te in patria 15 per eosdem retinere non potero ? Quid respondebo liberis meis, qui te parentem alterum putant ? quid tibi, Q. Frater, qui nunc abes, consorti mecum temporum illorum ? me non potuisse Milonis salutem tueri per eosdem, per quos nostram ille servasset ? at in qua causa non potuisse ? quæ est 20 grata gentibus. A quibus non potuisse ? ab iis, qui maximè P. Clodii morte acquieverunt. Quo deprecante ? me. Quodnam concepi tantum scelus ? aut quod in me tantum facinus admisi, iudices, cùm illa 25 indicia communis exitii indagavi, patefeci, protuli, exstinxì ? omnes in me meosque redundant ex illo fonte dolores. Quid me reducem esse voluistis ? an ut, inspectante me, expellerentur ii, per quos essem restitutus ? Nolite, obsecro, vos pati mihi 30 acerbiorum redditum esse, quàm fuerit ille ipse discessus. Nam qui possum putare me restitutum esse, si distrahor ab iis, per quos restitutus sum ? Ultimam dii immortales fecissent (pace tuâ, patria, dixerim : metuo enim, nè sceleratè dicam in te, quod 35 pro Milone dicam piè) ut P. Clodius non modò viveret, sed etiam prætor, Consul, dictator esset, antequam

requam hoc spectaculum viderem. O dii immortales! fortem, & à vobis, iudices, conservandum virum. Minimè, minimè, inquit; immò verò pœnas ille debitas luerit: nos subeamus, si ità necesse est, non debitas. Hiccine vir patriæ natus, usquam nisi in patria morietur? aut, si fortè pro patriâ, hujus vos animi monumenta retinebitis, corporis in Italia nullum sepulchrum esse patiemini? hunc suâ quisquam sententiâ ex hac urbe expellat, quem omnes urbes expulsam à vobis ad se vocabunt? O terram illam beatam, quæ hunc virum exceperit: hanc ingratam, si ejecerit: miseram, si amiserit. Sed finis sit. Neque enim præ lacrymis jam loqui possum, & hic se lacrymis defendi vetat. Vos oro, obtestorque, iudices, ut in sententiis ferendis, quod sentietis, id audeatis. Vestram virtutem, justitiam, fidem (mihi credite) is maximè probabit, qui in iudiciis legendis optimum & sapientissimum quemque legit.

20

M. Fabii Quintiliani

De C I C E R O N E iudicium.

25

Lib. 10. Institut. Orat. Cap. 1.

10— **O**Ratores verò vel præcipuè Latinam Eloquentiam parem facere Græcæ possunt. Nam Ciceronem cuicumque eorum fortiter opposuerim. Nec ignoro quantam mihi concitem pugnam, cum præsertim id non sit propositi, ut eam Demostheni comparem hoc tempore: neque enim attinet; cum Demosthenem imprimis legendum, vel discendum potius putem. Quorum ego virtutes plerasque arbitror similes, consilium, ordinem dividen-

30

35

dividendi, præparandi, probandi rationem, omnia
 denique, quæ sunt inventionis. In eloquendo est
 aliqua diversitas: densior ille, hic copiosior: ille
 concludit adstrictius, hic latius pugnat: ille acu-
 mine semper, hic frequenter, & pondere: illi ni-
 hil detrahi potest, huic nihil adjici: curæ plus in
 illo, in hoc naturæ. Salibus certè, & commiserati-
 one (qui duo plurimum affectus valent) vincimus.
 Et fortasse epilogos illi mos civitatis abstulerit:
 10 sed & nobis illa quæ Attici mirantur, diversa La-
 tini sermonis ratio minùs permiserit. In epistolis
 quidem, quanquam sunt utriusque, nulla contentio
 est. Cedendum verò in hoc quidem, quòd ille &
 prior fuit, & ex magnâ parte Ciceronem, quantus
 15 est, fecit. Nam mihi videtur M. Tullius cùm se to-
 tum ad imitationem Græcorum contulisset, effinx-
 isse vim Demosthenis, copiam Platonis, jucundita-
 tem Isocratis. Nec vero quod in quoque optimum
 fuit studio, consecutus est tantùm; sed plurimas
 20 vel potiùs omnes ex se ipso virtutes extulit immor-
 talis ingenii beatissimâ ubertate. Non enim pluvias
 (ut ait Pindarus) aquas colligit, sed vivo gurgite
 exandat: dono quodam providentiæ genitus, in quo
 totas vires suas eloquentia experiretur. Nam quis
 25 docere diligentius, movere vehementius potest? cui
 tanta unquam jucunditas affluit, ut ipsa illa quæ ex-
 torquet, impetrare eum credas, & cum transversum
 vi sua judicem ferat, tamen ille non rapi videatur,
 sed sequi? jam in omnibus quæ dicit tanta autori-
 30 tas inest, ut dissentiri pudeat; nec advocati studi-
 um, sed testis aut judicis afferat fidem. Cùm inte-
 rim hæc omnia, quæ vix singula quisquam intentis-
 simâ curâ consequi posset, fluunt illaborata: & il-
 la qua nihil pulchrius auditu est oratio, præ se fert
 35 tamen felicissimam facilitatem. Quare non imme-
 rito ab hominibus ætatis suæ regnare in judiciis
 dictus

M. FABII QUINTILIANI, &c. 236
dictus est: apud posteros verò id consecutus, ut Ci-
cero jam non hominis, sed eloquentiæ nomen ha-
beat. Hunc igitur spectemus: hoc propositum
nobis sit exemplum. Ille se profecisse sciat, cui
Cicero valdè placebit.

Orationum Selectarum Index.

- I. **P**RO ARCHIA POETA, *que habita est à Cic.*
Anno u. C. 692. Æt. an. 46. M. Pupio Pi-
sone, & M. Æmilio Valerio Messala, COSS. pag. 1.
- II. **P**RO M. MARCELLO, *habita Anno u. C. 707.*
Æt. an. 61. C. Julio Cæsare, & M. Æmilio
Lepido, COSS. 15
- III. **P**RO Q. LIGARIO, *habita an. u. C. 707. Æt.*
an. 61. C. Julio Cæsare, & M. Æmilio Lepido,
COSS. 27
- IV. **P**RO REGE DEIOTARO, *an. u. C. 708. Caio*
Julio Cæsare III. Dictatore, & IV. COSS. sine
Collega, Æt. an. 62. 42
- V. VI. VII. VIII. 1, 2, 3, 4. **I**N CATILINAM,
an. u. C. 690. M. Tullio Cicerone, & M. An-
tonio, COSS. Æt. an. 44. 59, 75, 88, 102
- IX. **P**hilippica II. **I**N MARC. ANTONIUM,
anno u. C. 709. Caio Julio Cæsare V. & M.
Antonio, COSS. Æt. an. 63. 115
- XI. **P**RO LEGE MANILIA, *ann u. C. 687. M.*
Æmilio Lepido, & L. Volcatio Tullo, COSS.
Æt. an. 41. 162
- XII. **P**RO T. ANNIO MILONE, *anno U. C. 701*
Cn. POMPEIO Magno III. COSS. sine Collega,
Æt. an. 61. 191

F I N I S.

